







顧亭林率譜





鳳亭林率譜





PL  
2451  
.78  
v.211

謹案 本朝學業之盛亭林先生實牖啓之而洞古今  
明治要學識眈貫卒亦無能及先生之大者聞桐城胡  
雒君虔嘗爲先生撰次年譜惜未之見大興徐文松鉤  
稽各書依年排纂已寫有定本會何太史紹基自金陵  
來攜有上元車明經守謙號秋舫所輯譜互用勘校車氏  
差詳蓋車氏本之崑山吳廣文映奎號銀帆而吳氏又本  
之先生撫子衍生也徐丈欲更事釐訂以出守榆林未  
遑穆乃不自揆度比而敘之綜兩譜之異同究大賢之  
本末世之景行先生者尙其有攷於斯道光二十三年



五月朔日平定後學張穆記

數年以不自知與出而遊之終兩節之異同突大習之  
之失主聯于而主也余大始更事蘆信以出主林林未  
之同益車丑本之與山吳龍文烟奎而吳刃交本  
不謂其土元車與蘇守精細也此節節豆用時對車丑  
不各書外手特懸与寫詩家本會同太史歸基自金刻  
於詩刻賞識夫主辨之平靜部未之見大興斜支餘能  
也出要學婦如貫卒亦無非又夫主之大音開懷與  
焉案本博學業之盛亭林夫主實識得之而



顧亭林先生年譜卷一

後學平定張穆編

明萬曆四十一年癸丑五月二十八日先生生

先生初名絳更名繼紳後仍名絳字忠清

元譜 案復社姓穆

氏崑山弟六人

顧絳字忠清

乙酉後更名炎武

徐譜閭百詩與劉超宗書作炎午穆

案山東通志采先生文亦作炎午

字甯人學者稱亭林先生

元譜華亭東南

三十五里有顧亭林湖其南有顧亭林陳顧野王嘗

居此修輿地志因以爲名其地今爲寶雲寺

穆案

輿地紀勝嘉興府古蹟有顧亭湖在華亭縣南三十

五里舊經云黃門侍郎顧野王居此無林字又海鹽

縣東有顧林亭有陳顧野王讀書堆東坡顧林亭詩

云平林豈舊物歲晚室扶疏云云唐詢詩云平林標



大道曾是野王居云云宋輝詩云昔時高士宅今日  
梵王居云云林亭字凡兩見皆不作亭林然據下所  
引東坡詩云平林豈舊物唐詢詩云平林標大道似  
平華亭海鹽兩縣境內皆有一亭因野王納稱瀕水  
則曰顧亭湖傍樹則曰顧亭林傳鈔誤倒作林亭爾  
近志於湖上竝增林字亦誤也至宋輝梵王居云云  
則又與華亭之寶雲寺其事適同不知輝卽指華亭  
故蹟而象之誤繫之海鹽下否又案宋嘉祐六年  
法雲寺重修大殿記弟一行題云大宋秀州華亭縣  
顧亭林法雲寺重修大殿記此顧亭林三字之見於  
石刻又嘗稱名曰圭年元譜康熙中題吳縣李灌溪  
侍御詩署名曰圭年謙案欸  
者考廉程易疇瑤田云嘗見萬年少自跋所作秋江別  
思圖送先生由淮陰渡江歸唐市謂顧子名圭年自  
云余再轉注亦或署蔣山傭元譜謙案蔣山卽鍾山  
後更名神烈山先生嘗  
而得此名  
僑居山下也穆案江藩漢學師承記庚寅有怨家  
欲陷之僞作商賈變姓名爲蔣山傭又鄒平縣志前



列修志姓氏有顧備字甯人崑山人同時顧氏系出較編疑備即備字之譌亦或單署曰備也

吳郡五代之際徙滁州南宋時有名慶者自滁徙海

門之姚劉沙

見先生顧氏譜系攷姚劉沙自注今崇明縣又鈔書自序炎武之先家海上

世爲儒慶次子伯善又徙崑山遂爲崑山縣人世居縣

之花蒲保

譜系攷崑山縣之二十四保地名花蒲自注今太倉州六都

後徙千墩

元譜崑山縣之千墩人謙案崑新合志千墩在城東南三十六里泖川鄉徐譜先生家與徐健庵比鄰

見憺園集舅母朱孺人壽序穆案蘇州府志崑山縣

第宅園林內載妙喜園在西關外金童橋北初爲嚴

氏園徐坦齋營爲別墅荷池竹圃踞西郊之勝徐乾

學宅在半山橋西堂曰冠山堂復構傳是樓聚書其

中宅後有園曰憺園又有遂園在馬鞍山北麓徐秉

義第在富春橋西有培林堂徐元文宅在半山橋東



塘內有含經堂園中有古樟一株因名得樹園蓋徐氏鼎貴後父子兄弟各營第宅不復與顧氏爲鄰矣厥後健庵兄弟欲迎先生南歸以別業居之殆指金童園亭歟

自慶而下十二世至

明正德間曰南京工科給事中廣東按察使司僉事

溱

譜系攷溱字梁卿號小涇刑科給事中濟譜系攷

卿號思軒正德丙子舉人丁丑進士歷官行人刑科

給事中何紹基案類姓登科攷於顧溱注崑山縣

人顧濟顧章志顧紹芳皆注太倉州人穆案鈔書

自序先高祖爲給事中當正德之末又衍生繕寫書

目有思軒公諫垣疏一卷又蘇州府志給刑科生兵

事中顧濟第在崑山縣尚書浦西蔣涇

部侍郎章志

譜系攷章志字子行號觀海嘉靖丙午

人司正刑部員外郎中江西饒州府知府湖廣廣西

按察司副使貴州布政司參政貴州山東按察司按



察使南京光祿寺卿應天府尹南京兵部右侍郎贈  
都察院右都御史 徐譜南京朝天宮後有侍郎公

祠又日知錄云余家有嘉靖年買地文契蓋在侍郎  
公時又浯溪碑歌序云萬厯元年先曾祖官廣西按

察副使

穆按衍生繕寫書目有觀海公船政疏一

卷又車譜云章志字行之據譜系攷作子行當是車

誤又鈔書自序嘉靖間家道中落先曾祖繼起爲行

人使嶺表而倭闌入江東郡邑所藏之書與其室廬

俱焚無孑遺焉泊萬厯初而先曾祖厯官至兵部侍

郎中間厯方鎮三四清介之操雖一錢不以取諸官

而性獨嗜書往

侍郎生左贊善紹芳

譜系攷紹芳字實甫號學海萬

厯丙子舉人丁丑進士翰林院簡討經筵日講官左

春坊左贊善兼翰林院編修管理制誥贈左春坊左

庶子 車譜紹芳選庶吉士移疾歸起補檢討父喪

服除進經筵日講官遷左贊善後移疾歸不兩年卒

年四十七 穆案鈔書自序祖贊善公文集至數百

篇衍生繕寫書目有學海公寶庵集十二卷靜志居



詩話實甫工於五律不露新穎矜鍊以出之頗有近  
於孟襄陽高蘇門者又王世貞作紀遠近交游四十  
詠紹芳其一也蘇州府志崑山縣有及國子生紹芾  
遺清堂在柴巷內宮贊顧紹芳所居  
譜系攷紹芾字德甫號蠡源生員增例入國子監  
車譜紹芾天才俊逸工詩古文奇奧秀拔在太白長  
吉間尤善書法爲董香光稱許詳見崑新合志 穆  
案紹芾又號夢庵見憺園集又先生三朝紀事闕文  
序臣祖生於饒州官舍隨臣曾祖之官廣西山東南  
京一切典故悉諳而當日門戶與攻門戶之人兩黨  
之魁皆與之游臣祖年七十餘矣足不出戶猶日夜  
念廟堂不置閱邸報輒手錄成帙細字草書一紙至  
二千餘字自萬厯四十八年至崇禎七年九月共二  
十五帙又鈔書自序先祖書法蓋遍唐人性豪邁不  
羣然自言少時日課鈔古書  
贊善生官廕生同應譜  
數紙今散亡之餘猶數十帙  
攷紹芳子二長曰同德生員次曰同應字仲從廩生  
萬厯乙卯戊午副榜恩廕入國子監 穆案同應又



字賓瑤見懔園集曰公清修篤學負東南重望蘇州府志文苑門同應生十歲而孤哀毀如成人長而穎敏好學精舉子業工詩文爲諸生七試不售兩中副榜卒年四十二性闊達家雖貧好施與卒之日戚友哭之幾於罷市所著有藥房秋嘯等集明詩綜引王平仲語云仲從詩詞澹意遠有白雲自出山泉泠然之娶何氏穆案懔園集先妣顧太夫人行述曰母何致序曰何夫人性嚴重嘗竟曰不言獨愛讀書又曰自外祖賓瑤公未仕捐館外祖母以未亡人支持門戶荼苦百端家兄孚若詩集序同應之子五先生其仲外王母何夫人知書有識鑒

也

穆案同應五子長曰緇字遐篆次卽先生次日紆字子嚴次曰纘字子叟次不知其名字子武先生

一女兄一女弟皆嬪於徐女兄生履忱女弟生健庵兄弟又一女兄嫁陳皇士濟生健庵寄皇士太僕詩注太僕夫人余從母也是也然元譜稱健庵太夫人爲先生弟五妹又有仲姊適馬氏則女兄弟之可考



者亦四  
紹芾生同吉早卒  
元譜謙案同吉字仲逢崑新合志謂其早卒無子產人也

頗聘王氏未婚守節撫先生為嗣  
徐譜貞孝之歸顧當在萬厯二十九

年辛丑其年貞孝十六歲  
車譜貞孝太僕寺卿宇孫女諸生述女事載明史本傳及餘集先妣王碩人

行狀

四十三年乙卯三歲

先生患痘頗危及脫痂左目為眇  
元譜謙案全謝山神道表謂先生雙

瞳子中白而邊黑見者異之不言眇也或有雲翳未可知弟元譜係衍生所作不應有誤故仍之

是年本生父賓瑤公中式副榜  
元譜知縣陳君祖苞

拜於貞孝之廬  
穆據行狀補進士履厯便覽祖苞字令威海鹽人萬厯癸丑進士厯官



順天巡撫明史  
附顏繼祖傳

四十四年丙辰四歲

七月先生第五妹生

穆補 憺園集先妣行述吾母生於萬厯丙辰七月二十八日

未時

四十六年戊午六歲

春白氣亘天自東而北

元譜 穆案三朝紀事闕文序自臣母授臣大學之年而東方

兵起白氣亘天明夏四月  
年三月覆軍殺將

大清兵克撫順七月克清河堡

徐譜

貞孝以大學授先生

元譜

賓瑤公鄉試又中副榜

徐譜



冬十一月蠡源公配李碩人卒

元譜 膠案碩人有兄名箕見先生

所作先妣行狀

四十七年己未七歲

二月經略楊鎬誓師於遼陽總兵官李如柏杜松劉綎

馬林分道出塞三月甲申杜松遇

大清兵於吉林崖戰死乙酉馬林兵敗於斐芬山兵備

僉事潘宗顏戰死庚寅劉綎深入阿布達里岡戰死六

月

大清兵克開原馬林敗沒

徐譜



先生就塾

元譜 徐譜曰知錄云愚幼時四書本經俱讀全注

四十八年庚申八歲

秋七月神宗崩光宗立甫一月崩熹宗立時朝議欲以

明年爲泰昌元年左光斗請以七月以前爲萬厯四十

八年八月以後爲泰昌元年從之

元譜

本生母弟紓子嚴生

元譜謙案崑新合志紓字子嚴司應弟三子少負經濟才明亡

後絕意仕進隱居于墩舊廬居喪哭過哀目遂盲秉性耿介兄炎武講學秦晉間屢徵不赴紓寓書益相砥礪甥徐乾學兄弟勢望方隆紓獨養高自重華陰王宏撰稱其闇修於不見不聞之地不愧隱君子

天啟元年辛酉九歲



三月

大清兵取瀋陽遼陽

徐譜

先生讀周易

元譜

季弟纘子安生

徐譜案子安妻朱氏健庵有舅母朱

孺人壽序

二年壬戌十歲

正月

大清兵破西平堡取廣寧

徐譜

蠡源公命先生讀古兵法家孫子吳子諸書及左傳國

語國策史記

元譜

穆案三朝紀事闕文序天啟初元遼陽陷奢崇明安邦彥並反其明年



廣寧陷山東白蓮教妖民作亂一日臣祖指庭中草根謂臣曰爾他日得食此幸矣遂命之讀古兵家孫子吳子諸書及左傳國語戰國策史記

先生程正夫詩序余自少時侍於先王父其終日言

而無擇者皆祖考之世德鄉先生之行事

徐譜

三年癸亥十一歲

蠡源公以資治通鑒授先生

元譜 穆案鈔書自序

授之以溫公資治通鑒曰世人多習綱目余所不取凡作書者莫病乎其以前人之書改竄而爲自作也

穆案先生所作先妣行狀吾母居別室中晝則紡績

夜觀書至二更乃息尤好觀史記通鑒及本朝政紀



諸書而於劉文成方忠烈于忠肅諸人事自炎武十數歲時卽舉以教

四年甲子十二歲

始習科舉文字

元譜穆案三朝紀事闕文序臣祖故所與往來老人謂臣祖曰此兒頗

慧何不令習帖括乃爲是闊遠者乎於是令習科舉文字已遂得爲諸生

五年乙丑十三歲

時有納穀寄學之例蠡源公以先生天資穎異合早

取科名遂爲先生應例

元譜謙案明時寄學亦經提學考取歲試後準作附生

六年丙寅十四歲



讀通鑒畢讀書詩春秋 麻城周提學邦基取入本

學二十二名庠名繼紳元譜先生入學在十三歲謙案先生撰寇公墓志謂天啟

六年寇公為蘇州知府某年十四以童子見公被一言之獎云云則入學當是十四入復社

有名徐譜常熟王峻次山作先生傳年十四為諸生入復社有名松案吳應箕所編復社姓氏目錄

前卷崑山縣入社者十八人先生名在第六先生乙卯歲孫徵君葬詩引云適吳中有傳示同社名氏者

感觸之意遂見乎詞 穆案靜志居詩話甯人早年入復社與同邑歸莊齊名 賓瑤公卒

先生居降服憂元譜

先生荅徐公肅書云幼時侍先祖自十三四歲讀資

治通鑒後即示之以邸報徐譜



崇禎元年戊辰十六歲

陝西饑流賊大起

徐譜

歲試惠安陳提學保泰未發落卽告病去祇取賞卷

蔡復襄以下十二人先生未與

元譜

先生與潘次耕書云自庚申至戊辰邸報皆曾寓目

徐譜

穆案三朝紀事闕文序先帝卽位天下翕然以爲中興更化之主無復向時危迫之意又當先帝頒孝經小學釐正文字之日臣乃獨好五經及宋人性理書



而臣祖乃更誨之以爲士當求實學凡天文地理兵農水土及一代興革之故不可不熟究

三年庚午十八歲

六月流賊陷府谷

徐譜

六月科試上虞李提學懋芳拔先生卷列一等二十

名

元譜

是年先生當應鄉試日知錄載是年應天鄉試題舉直錯諸枉能使枉者直以媚奄諸臣初定逆案也

徐譜

穆案是年先生弟五妹歸同邑太僕少卿徐君應聘



之孫開法

應聘萬厯癸未進士翰林院檢討開法字茲念號坦齋恩貢生時年十七

四年辛未十九歲

八月

大清兵圍大凌城閏十一月登州游擊孔有德反

徐譜

二月歲試李提學連任先生卷列一等十一名仍更

名絳

元配太倉王孺人來歸

元譜

是年甥徐乾學生

徐譜乾學字原一號健庵官至刑部尚書

五年壬申二十歲

正月孔有德陷登州九月流賊連陷山西州縣

徐譜



三月歲試鄰水甘提學學潤拔先生卷列一等十四

名

元譜

六年癸酉二十一歲

二月流賊犯畿南河北七月

大清兵取旅順十一月流賊渡河陷澠池諸縣分掠南

陽汝寧遂犯湖廣

徐譜

正月科試甘提學連任先生名列三等

元譜

本生母

兄細遐篆中式順天舉人

元譜謙案崑新合志細天才俊逸世傳其兩京賦埒

平子時務策比長沙年未四十卒

徐譜細以天下多故好言兵事舉鄉試一上公車而卒見健庵舅母



朱孺人壽序細有同年長沙陶汝鼎見先生楚僧元瑛談三十年來事詩注穆案靜志居詩話陶汝鼎

字仲調壯歲好游自吳人越晚際  
此離出監軍事捍禦鄉邦有力

是年甥徐秉義生

徐譜秉義字彥和號果亭官至內閣學士

七年甲戌二十二歲

正月賊自鄖陽渡漢連陷紫陽平利二月陷夔州六月

賊降復叛陷所過州縣七月

大清兵入上方堡至宣府十一月賊自陝西分犯河南

江北湖廣

徐譜

巡按御史祁君彪佳表於貞孝之門

穆據行狀補彪佳字宏吉浙



江山陰人  
明史有傳

是年甥徐元文生

徐譜元文字公肅號立齋官至文華殿大學士

八年乙亥二十三歲

正月賊陷鳳陽六月賊復走陝西七月賊復東犯十一

月賊陷陝州攻洛陽

徐譜

六月歲試上虞倪提學元珙置先生卷二等

元譜

九年丙子二十四歲

五月賊復入陝七月

大清兵入塞八月東歸

徐譜



六月科試倪提學連任置先生卷二等

元譜

是年先生當應鄉試日知錄載是年應天鄉試春秋題宋公入曹以曹伯陽歸先生譏其以公孫彊比陳

啟新曹伯陽比思陵非所宜言大不敬

徐譜

巡按御史王君一鶚具題貞孝事狀奏旌其門報可

元譜謙案貞孝受旌在九年見先生康熙十八年與史館諸公書縣志亦同元譜列入十年誤

穆案先生所作先妣行狀貞孝請旌之歲已齒文會

知名且十年

十一年戊寅二十六歲



九月

大清兵入塞

徐譜

二月歲試維元提學煒置先生卷三等 十二月科

試元提學連任仍置三等

元譜

穆案是年冬蘇州府承天寺浚井得宋鄭所南所藏

心史鐵函巡撫張國維刻其書又爲所南立祠堂詳

見先生所作井中心史歌序

閻潛邱曰有僞書出近代佐證分明苟一言及

輒譁然起被以大不韙之名且以甯可信其有者莫過史彬之致身錄鄭所南之心史一爲史兆斗所撰一爲姚士粦所撰前說余徵諸牧齋後說聞諸曹秋岳云又與公肅甥書憶昔時



邸報至崇禎十一年方有活版自此以前竝是寫本

十二年己卯二十七歲

正月

大清兵入濟南德王由樞被執二月

大清兵北歸

徐譜

七月城固張提學鳳翮覆試科舉先生取遺才二等

元譜

先生撰肇域志始於是年見自序又郡國利病書序

云崇禎己卯秋闈被擯退而讀書

徐譜



十三年庚辰二十八歲

九月張獻忠陷劍州

徐譜

四月邑中修葺文廟先生與葉秀才弈荃歸秀才莊

重新兩廡木主而正其位次

元譜謙案崑新今志弈荃字元暉一字水修由

諸生入太學性剛直好義工詩古文詞師事劉宗周徐石麟陳龍正講求性命之學尤究心邑政利弊乙酉夏以父權杭州關遇國變藝星往省還至嘉善爲亂民所戕覓其尸不得以衣冠葬之莊字元恭爲諸生博涉羣書乙酉後亡命薙髮僧裝稱普明頭陀後乃廬金潼里先墓側生平最善顧炎武以博雅獨行相推許而俱不諧於俗有歸奇顧怪之目 穆案先生書孔廟兩廡位次攷後歸生名莊更名祚明工草隸爲東

十二月歲試張提學連任置先生卷二等

吳高士



元譜

先生荅徐公肅書憶昔庚辰辛巳之間國步阡危方  
州瓦解而老成碩彥品節矯然下多折檻之陳上有  
轉圜之聽思賈誼之言每聞於諭旨烹宏羊之論屢

見於封章

徐譜

十四年辛巳二十九歲

正月李自成陷河南殺福王常洵遂犯汝州城陷知州  
錢祚徵不屈死張獻忠陷襄陽殺襄王翊銘十一月李

自成陷南陽殺唐王聿錡

徐譜

是年大旱

元譜



二月蠡源公卒先生居承重憂

元譜

穆案三朝紀

年五十一而始抱臣炎武爲孫先妣行狀貞孝請旌之歲先王父年七十有四則蠡源公之卒也年七十

九

十月葬蠡源公及元配周碩人繼配李碩人於

司馬賜塋之穆位

元譜

將葬既祖奠火作於門里人救

之得息

徐譜按健庵作舅母朱孺人壽序述此事云家難復作室廬失火被焚

十五年壬午三十歲

二月

大清兵克松山下錦州五月張獻忠陷廬州九月李自

成決河灌開封城陷十一月



大清兵入薊州連下畿南山東州縣

徐譜

兄遐篆卒弟子叟生子洪善嗣遐篆後

元譜記遐篆卒於順治十

一年甲午穆案遐篆中式崇禎六年癸酉舉人健庵稱遐篆舉鄉試一上公車而卒歸元恭送先生北游序稱崇禎之末祖父蠡源先生暨兄孝廉捐館健庵為顧氏甥元恭與先生總角至交皆不當有誤又崑新合志稱遐篆年未四十卒若卒於甲午則先生之年且四十有二矣推尊其故元譜蓋譌歲壬午為歲甲午耳今為刪正即以子叟生子洪善之年為遐篆湓逝之年與各書所言乃一一符合也  
謙案洪善字達夫號柏亭康熙丙辰進士官中書年未四十卒

十六年癸未三十一歲

正月李自成陷承天五月張獻忠陷武昌八月陷湖南



諸郡十月李自成破潼關遂陷西安延安諸郡

徐譜

夏釋承重服循例入成均

元譜案例貢自萬厯間始

子叟生次

子洪泰

元譜穆案健庵舅母朱孺人壽序教二子達夫來白皆有聲鄉校來白當卽洪泰之字

蓋亦諸

生矣

先生謫觚序僕自三十以後讀經史輒有所筆記

徐譜

十七年甲申十月朔爲

大清順治元年三十二歲

正月張獻忠寇四川二月李自成陷太原遣別將犯畿

南陷真定李自成陷寧武關三月陷京師

徐譜

十九日明



莊烈帝崩於宮中萬壽山巾帽局

元譜謙案陳濟生再紀略謂在山之紅

閣御元色鑲邊白絲綢半臂紅閣蓋建以復內操者

四月二十九日李賊西走五

月三日

王師入睿親王攝政

元譜恭案甫七齡駐

世祖章皇帝時蹕盛京九月入關十

月朔御極定鼎京師

是月初一日明鳳陽總督馬士英等迎立

嗣福王由崧於南都仍稱崇禎十七年以明年乙酉爲

宏光元年

元譜

四月先生率家人侍母遷居常熟之唐市

元譜謙案常昭合志

唐市舊名尤涇在雙鳳鄉去縣東南三十里又東南則崑山界

十月歸干墩被劫十



二月復遷居常熟之語濂涇

元譜謙案常昭合志語濂涇黃涇東北入尤涇

穆案先生撰先妣行狀兵人南京炎武奉母僑居常熟之語濂涇介兩縣之間又從叔父穆庵行狀語濂涇去千墩八十餘里又瞻園集兄季若詩集序舅氏亭林先生避兵常熟之窮村兄往依之朝夕討論故詩曰益工又案望雲樓帖刻先生手札云醉德無何忽云改歲兄今其脫然愈乎弟則馬學士所云百憂熏心三冬少暇往日之舉犯而不校逆獸已無所用其包然今乃黑夜令人縱火焚佃屋一所弟既蕩無一椽僕輩亦瞻烏靡集夫行強雖武士之恆談火攻則兵家之下策况於臨池之畏實為扇焰之謀包藏禍心日甚一日公宮之火先告於寺人陵門之戟首誅乎元濟燎原之惡已盈自焚之禍行及布諸左右憑楮愴然元恭仁兄足下弟絳頓首所云黑夜縱火不知即指千墩被劫事否時尚未更名炎武則與葉方恆構釁一案無涉也未得其實附記於此

崑山令楊君永言應南



都詔列薦先生名於行朝詔用爲兵部司務

元譜永言字岑

立昆明人崇禎癸未進士崑城破後走陳墓訶事彌月知不可爲復入黃浦依吳帥吳敗祝髮珠涇萬壽庵中釋名嬾雲旋入中峯後入金華歸滇卒勝朝殉節錄稱其殉乙酉之難追諡忠節誤

先生編年詩起是年有大行哀詩一首感事詩六

首

徐譜按感事詩云日角膺符早天枝主鬯臨安危宗社計擁立大臣心謂南都擁立福王之事

其年四月乙酉魏國公徐宏基等迎福王於江浦

丁亥百官迎見王素服角帶哭五月庚寅王行告

天禮升殿徐宏基跪進監國之寶王受訖大赦戊

戌羣臣勸進箋三上王許之王寅卽皇帝位改元

宏光先生詩所謂告天傳玉冊哭廟見諸侯詔令

屯雷動恩波解澤流也詩又云上宰承王命專征

指大江出關收漢卒分陝寄周邦又云登壇推大

將國士定無雙謂史可法以東閣大學士督師揚



州又云聽律音非吉焚旗火乍紅自注云六月壬午督師標下兵與浙江兵鬪於鎮江西門外焚民居數百家標下兵者先生聖安皇帝本紀所云標下總兵官于永綏等兵也

二年乙酉南都宏光元年三十三歲

五月初九日

王師渡江初十日夜宏光帝出走十五日

王師入南都明亡

元譜

春膺楊永言之薦至京口 四月偕從叔父穆庵赴

南京

元譜謙案崑新合志穆庵名蘭服字國馨紹芳從子以諸生入太學才名著一時明亡後棄儒

業永歷稱號南中遣使授冠帶辭疾不赴遁跡田野以醫濟人先生餘集有從叔父穆庵府君行狀寓



朝天宮因拜先兵部侍郎公祠

元譜謙案詩集誤編拜祠詩入辛卯年穆

案此年拜祠事有金陵襍詩記得尚書巷一首拜祠足證辛卯年再至金陵而再拜之何云誤也

畢卽歸語濂涇

八字穆臆補

是年貞孝年六十五月朔同

邑歸莊嘉定吳其沆及從叔父穆庵姊子徐履忱持

觴登堂爲母壽退而飲至夜半旦日別去

徐譜事見吳同初行

狀

穆案行狀貞孝誕辰爲六月二十六日而稱觴

乃在五月朔者蓋卽生日不受賀之義先生所終身

秉承者也其沆字同初少先生七歲履忱字孚若先

生伯姊之子生於崇禎二年時年十七與健庵爲再

從兄

將復詣闕未旬日而南都陷先生從軍至蘇州

元譜

徐譜時

大清兵已定江浙大軍駐金陵一

軍駐蘇

一軍駐杭一

軍駐沿海吳松等處有明江南



總兵吳志葵者吏部主事夏允彝門人也頓兵海上  
又有十將官者屯兵陳湖中與湖旁諸生陸世鏞等  
各有衆千餘閏六月十日明兵科給事中陳子龍舉  
人徐孚遠章簡聞南都不守起兵松江與陳湖兵合  
允彝又入志葵軍爲之馳書檄聯絡士大夫華亭則  
總督兵部侍郎沈猶龍下江監軍道荆本徹中書舍  
人李待問嘉定則左通政司侯峒曾進士黃淳耀總  
兵蔣若來崑山則鄖陽撫臺僉都御史王永祚編修  
朱天麟吳江則職方吳易總兵王蜚太倉則總兵張  
士儀宜興則行人盧象觀等互爲聲援先生與楊永  
言吳其沆歸莊皆佐王永祚軍諸軍謀以松江兵攻  
杭嘉定太倉兵攻沿海宜興兵趨南京約伏艦江中  
獨吳志葵先進向蘇州俟蘇州捷音至剋日同發先  
生詩云千里吳封大三州震澤通戈矛連海外文檄  
動江東卽赴吳時事也志葵旣薄蘇州參將魯之璵  
以三百人先登斬胥門而入大清兵匿騎於學宮  
俟其退擊之殲焉旣而松江破陳子龍走嘉定陷侯  
峒曾死先生遂歸而崑山兵起死者四萬人吳其沆



與焉楊永言遁之蘭谿

六月仍歸語濂涇

元譜按先生餘集有

惟先生與歸莊得脫云吳中諸縣並起義兵自守而余以母在獨屏居水鄉不出自六月至於閏月無夜不與陳君露坐水邊樹下仰視月食遙聞火礮云云是崑邑守城事先生一不與謀故後得免於難

閏六月十

五日崑山士民閉城拒守

元譜先是五月初七日以後居民聞王師已入南都

紛紛移遁四鄉而張浦萊葭安亭諸村鎮奸民乘機劫掠縣令楊永言以二十二日盡放獄囚至月杪郡中大吏及守令皆先期遁六月初七日豫親王方駐金陵遣刑部侍郎李延齡巡撫王國寶統兵蒞蘇新郡守王鎮發安民榜至崑並取圖籍永言棄印潛逃於泗橋陳宏勳家水利縣丞閻茂才偕邑紳耆老於初八日赴胥門納款十二日院遣郡人周荃來崑安撫十八日以茂才知縣事閏六月十一日薙髮令下十三日茂才出示薙髮且親持名刺謁紳城中大譁焚縣治殺茂才十五日貢生陳大任等議推舊狼



山總兵王佐才爲主帥十七日楊永言及陳宏勳等亦以所募兵數百人入城永言遂爲監紀仍知縣事偕城中紳士裹糧移檄爲久守計七月初二日王師東下越二日縣西眞義村兵出迎戰敗績初五日黎明王師渡濠十六日丙申月食旣星流竟夕元譜見日知錄星隕

如雨注而系以甲申年閏六月按甲申無閏當是記憶偶誤耳

明靖虜伯鄭鴻逵戶部主事蘇觀生奉唐王聿鍵如閩

黃道周張胃堂等奉聿鍵稱監國六月丁未卽位於福

州改元隆武

元譜

魯王以海亦稱監國於紹興

徐譜

七月初六日巳刻

王師下崑山城

元譜

先生生母何

太孺人被游騎斫右臂折弟子叟子武並遭難子叟



妻朱氏引刀自刺其喉僵臥瓦礫中得免

穆補園集舅母愴

朱太孺人壽序歲在乙酉王師南下衆議登陴守禦紛紛挈家避去何夫人曰老嫠婦必死於此子叟子武兩舅與舅母俱不敢去未幾城破兩舅並遭難舅母朱夫人知事急引刀刺其喉氣息纔屬僵臥瓦礫中死者纍纍何夫人守婦尸不去俄游騎過斫何夫人右臂損折久之朱夫人得甦起覓其姑悲不自勝手裂舊襦爲姑裹纏重傷復自塞其頸相抱匿廡下破屋以免越日扶掖登舟出城外外祖母常稱曰孝婦孝越九日王師復下常熟貞孝於十四日聞婦云

變卽絕食至三十日乃終遺命先生勿更出仕

元譜穆

案先生撰先妣行狀七月乙卯崑山陷癸亥常熟陷吾母聞之遂不食絕粒者十有五日己卯晦而吾母卒八月庚辰朔大斂又明日而兵至矣遺言曰我雖婦人身受國恩與國俱亡義也汝無爲異國臣子



無負世世國恩無忘先祖遺訓則吾可以瞑於地下  
穆案元譜九日作二日以行狀乙卯至癸亥推之  
知二字誤十四日作二十四日以行  
狀癸亥至己卯推之知二字衍也

唐王遙授先生兵部職方司主事

元譜

九月至嘉定

過吳其沆家

徐譜據同初行狀先生凡三過其居戊子年寄薛案詩云只有延陵心尙挂姑

蘇樹亦謂其沆也

十二月十九日權厝貞孝柩於司馬塋

東偏

元譜

是年詩有京口卽事二首

徐譜案是年史可法駐揚州高傑移屯瓜州安

光命可法諭四鎮厲兵秣馬駐防河淮剋期進師可法檄諸鎮出兵高傑首奉命渡泗水所部王之綱前驅薄睢陽可法進次河上先生京口卽事詩云白羽出揚州黃旗下石頭又云大將臨江日中



原望捷時皆是年正月事

京闕篇一首金陵雜詩四首

徐譜先生金陵

雜詩云重聞百五日遙祭十三陵謂是年三月癸巳遙祭諸陵也又正殿虛椒寢一首蓋謂宏光自

去年命選淑女至此年四月又選於元輝殿規諷之意深矣

千里一首

元譜各詩皆五

月以前作秋山二首表哀詩一首奉先妣稟葬詩一首

是年作軍制論形勢論田功論錢法論

三年丙戌三十四歲

三月唐王督師黃道周舉兵至徽州戰敗被執不屈死

唐王將入贛州鄭芝龍使軍民遮畱不得行乃駐於延

平十月明兩江總督丁魁楚廣西巡撫瞿式耜等立桂



王於肇慶府以明年爲永厯元年徐譜十一月王師下

建寧延平等府唐王走汀州執而殺之元譜明大學士蘇

觀生又立唐王弟聿錕於廣州改元紹武十二月王

師入廣州殺聿錕徐譜

五月先生祖席母黃氏卒十月十二日命家人趙

和等遷居元譜未詳將往閩中赴職方之召以母

喪未葬不果行元譜

是年詩有延平使至一首海上四首不去三首穆案

池北偶談有論落日江頭送伍員員字用韻有據一條老鶴萬里心一首



作吳同初行狀

四年丁亥三十五歲

秋至海上 十月十日命家人趙和迎祖席母黃氏

柩葬於司馬公域外之西偏

元譜 穆案先生荅王山史書先祖有二妾炎

武所逮事其亡也葬之域外

二十日亥時葬貞孝王太夫人於賜

塋東仲逢府君之兆

元譜案少司馬葬時用歲丁亥月辛亥日丁亥時辛亥貞孝之

葬于支

二十一日具弔奠禮

十二月二十一日移

家語濂涇先生廬墓

元譜

送歸莊往吳興

徐譜元恭時赴吳興

覓兄德清教諭繼登骨

哀執友松江陳太僕子龍同邑顧推官



咸正吳縣楊主事廷樞及推官二子天遴天達先後

死難各以詩弔之元譚子龍字臥子青浦人崇禎丁丑進士兵科給事中受魯王部院

職銜與松江提督吳勝兆通謀是年夏勝兆反事泄

逮子龍并逮藏匿子龍之嘉定侯岐曾及同邑顧天

遴天達子龍乘間赴水死岐曾等同被殺於松江咸

正字端木天啟甲子舉人咸安府推官丙戌四月自

關中歸知弟錢塘令咸建舉人咸受先已殉節聞唐

王立於閩草密疏附寄舟山黃斌卿屬其轉達為邏

卒所獲以告提督吳勝兆勝兆視之及是年六月勝

兆反密疏遂發逮至金陵為洪承疇所殺後二子之

死僅一月廷樞字維斗崇禎庚午南京解元福王時

薦授兵部主事兼監察御史馬阮當國抑不能用罷

歸至是年四月遁居山陰當事搜索得之絕食五日

不死作絕命詞十二首裂衣帛血書之終以不屈被

殺於蘆

墟村中



是年詩有贈顧推官一首

徐譜案張秉貞之挾潞王出降顧咸建棄官去

追及之於吳江閏六月朔殺之詩中杲卿血云云蓋述此事又先生之從軍於吳咸正必同行故有句吳古下國難與秦風齊之句其後吳咸正詩曰及乎上郡還始結同盟契崎嶇戎馬間周旋止一歲所謂崎嶇周旋者即指從軍耳大漢行義士行秦皇行各一首

墟里一首塞下曲二首海上行一首

徐譜詩云大海天之東其

處有黃金之宮上界帝子居其中又云或言有巨魚身如十洲長變化爲龍不可當一旦失水愁旁皇蓋謂魯王之入海徒以海水爲金湯舟楫爲宮殿終於淪亡也又云但見鯨魚出沒鑿齒磨牙先生知鄭芝龍之負恩喪國其子成功始則附閩繼則附粵終不爲魯王用而舟山非可以圖存故又云東浮大海難復難不如歸去持漁竿以明決不宜往之意神道表以爲幾豫吳勝兆之禍欲赴海



上道梗不前者似未知先生之意也穆案據元譜則先生實曾至海上謝山云道梗不前仍非實錄但詩編於塞下曲後塞下曲云即今三月鶯花滿此詩當作于春末夏初時尚未赴海上耳明年戊子將遠行詩云去秋闕東哭楊主事一首推官二溟尤實至海上之顯證

子被執一首淄川行一首

元譜為孫之獬作也之獬淄川人天啟壬戌進

士媚奄得官侍講名在逆案中

國朝為禮部

侍郎順治二年六月升兵部尚書總督軍務招撫

江西後乞歸里中是年九月土賊丁可澤句引叛

賊謝遷等陷淄川擒之獬支解死結云取汝一頭

謝元元當由之哭顧推官一首

徐譜咸正至江寧

獬嬰衆怒耳

哭顧推官一首

總督洪承疇問曰

汝知史可法在乎咸正答曰汝知洪承疇

死乎不死乎洪默然遂殺之詩云檻車赴白門忠

孝詞色厲竟作戎首論

哭陳太僕一首奉先妣葬

卒踐捐生誓謂此也

哭陳太僕一首奉先妣葬



於侍郎公墓左一首墓後結廬三楹一首精衛一

首吳興行一首

作王時沐墓志

五年戊子三十六歲

秋至湖上

元譜

徐譜案將遠行詩云去秋闕東溟今年泛五湖偶來詩云偶來湖上已三秋

蓋自秋迄冬泛五湖也

冬抵京口

是年語濂涇家中又被

劫

元譜

是年詩有越鳥巢南枝一首江介多悲風一首擬

唐人五言八韻六首

穆案六詩皆非泛擬乞師悲往事也擊筑投筆明素志也



渡瀘聞雞以不忘恢復望諸公也歸里則知時之不可為而倦飛思還也云擬唐人者曾膺唐王之

詔受其冠帶也**常熟縣耿侯水利書一首**元譜謙案常昭合志耿橋字蘭

錫獻縣進士萬歷三十二年以調繁至講求水利

東浚橫浦橫溪李墓鹽鍊塘北浚福山塘西浚奚

浦三丈浦凡土田高低宜蓄宜泄尺寸不遺而其

開浚之法區畫周至約束嚴明具載所著水利全

書其立說以水利用湖不用江尤不易之論**偶來**

穆案耿侯水利書郡國利病書采之頗備

**一首浯溪碑歌一首辭開封案一首**元譜謙案略見人心錄薛

名宋亂後歸釋謂去冠故去山去**將遠行一首京**

髮故去人因姓米氏自號米堆山

**口一首**

**六年己丑三十七歲**



春登靈巖山 清明封墓樹 秋至吳江過八尺

納妾韓氏

元譜

是年詩有石射棚山一首

先生自注吳郡志靈巖山在城西三十里一名

石射棚山春半一首

元譜中有云洪州七月圍糧盡力亦殫指江西金聲桓事聲桓以去

年戊子七月據南昌叛是年正月為官兵所破聲桓中二矢投水死仍磔屍示眾

懷人一

首秋鷹一首八尺一首

穆案元譜有至吳江過八尺一節然此八尺孤帆一

葉舟云云八尺二字似非地名所未詳也桃花溪歌贈陳處士梅一首

穆案梅字鼎和餘集有常熟陳君墓志

瞿公子元錡將往桂林不得

達而歸一首

元譜元錡常熟人父式耜為廣西巡撫南都陷與丁魁楚等立永明王由



榔於梧州式耜爲文淵閣大學士畱守桂  
林王師破桂林與總督張同儼俱被難

七年庚寅三十八歲

正月五日韓氏生子林元名之曰詒穀

元譜謙案崑山張元賡著

厄言謂先生無子  
蓋天奄也殊誕

時怨家有欲傾陷之者乃變衣

冠僞作商賈游金壇登顧龍山

元譜山在縣南五里

再至鎮江

登北固樓已復往嘉興

是年詩有顧龍山高皇帝題詞一首

元譜元末丁酉十一月明

太祖駐蹕此山題詞云望東南隱隱神壇獨跨征  
車信步登山煙寺迂迂雲林鬱鬱風竹珊珊塵不  
染浮生九寰客中有僧舍三間  
他日偷閒花鳥娛情山水相關

重至京口一首



榜人曲二首流轉一首秀州一首

徐譜案流轉詩云云蓋先生自

乙酉以後展轉江浙之境於今五年至此乃欲北至中原故鈔書自序云炎武之游四方十有八年亦以此年為始也 穆案秀州詩云將從馬伏波田牧邊郡北蓋至此而北游之志決矣

八年辛卯三十九歲

至金陵初謁孝陵

元譜拜侍郎公祠 穆案此句元譜本有車君刪去非也

辯見乙

酉下

八月十四日至淮安與山陽王起田略徐

州萬年少壽祺定交

元譜文集有王起田墓志壽祺字年少崇禎庚午舉人工詩文

書畫又工寫美人他若琴棋刀劍百工技藝細而女紅刺繡粗而革工縫紉無不通曉風流豪宕傾動一時滄桑後罷公車僧冠僧服自名明志道人沙門慧壽痛飲食肉如故邳徐之亂移家公路浦著有隰西



堂集抵清江浦元譜

是年詩有恭謁孝陵一首

穆案郡國利病書孝陵在南都外城內鍾山之

陽懿文陵附於其側拜先曾王父木主於朝天宮後祠中一

首贈萬舉人壽祺一首淮東一首

元譜爲劉澤清作也澤清爲福

王時四鎮之一開府淮東頗事聲色順治二年五月福王出走七月澤清率所部納降又三年戊子陰與曹縣叛寇通許以內應遂作亂陷曹縣十月英親王討平之詰其由知出澤清乃族誅之詩中云地下逢黃侯謂靖國公黃得功也得功先於乙酉六月王師據江口時迎戰中流矢死贈

人一首

九年壬辰四十歲



入郡城奠姊婿陳皇士之父文莊公祠

元譜文莊名仁錫字明卿

號芝臺天啟壬戌探花南京國子監祭酒福王時贈  
詹事諡文莊宏光元年子濟生濟楨奉詔建祠於臥  
龍街關廟之右濟生字皇士以廕歷官至太僕寺丞  
穆案靜志居詩話皇士經亂歸田緝啟禎兩朝遺詩  
又命工傳寫明三百年來忠臣至吳縣之橫山展拜  
義士像褒以為朋可稱好事矣  
遠祖黃門公墓元譜墓在橫山東越來溪上盧襄石湖志云墓上有一巨石橫臥可二丈  
許石上古松如蓋湖上望見之即遇路舍人澤溥於  
知為野王墓也先生時尚如故  
虎邱元譜舍人時攜家奉母寄居湖上徐譜按先  
生去歲贈萬壽祺詩云會待淮水平清秋發吳  
榜又贈人詩云路旁多行人一南一北遂分  
手去去焉所極蓋所送之人北行而先生仍南歸吳  
故拜黃門墓而路澤溥詩亦云相逢金閶西也  
案先生有送書小帖云路安卿名澤溥幽州人故總



督皓月公之長子又廣師篇云險阻備嘗與時屈伸吾不如路安卿注互見詩下自唐市仍

返千墩 至清江浦渡河抵王家營 是年六月弟

子嚴得子洪慎元譜作十九日謙案崑新合志洪慎字汝嘉試成均得州倅以親老亂歸

從父炎武卒於晉走三千里扶櫬葬祖塋承遺命以

子宏佐為炎武殤子詒穀後性愛客就所居西偏疏

泉壘石與故人嘯詠以終穆案據衍先生元譜先生卒

於曲沃從弟嚴自崑山來偕衍先生扶柩歸不云洪慎

也衍先生又云以遺書致之立齋兩表兄及汝嘉從叔

兄則洪慎時在都中未嘗至晉甚明當是志誤

父穆庵得子嚴元譜崑新合志嚴字大雲好學工詩少游太學嘗作落花詩百首傳誦輦

下 先生有世僕陸恩叛投里豪葉方恆元譜方恆字嵎初崇

禎壬午舉人順治戊戌進士官至山東濟寧道僉事

穆案順治戊戌進士履歷便覽葉方恆字敬默父

順治卷一



重華戊辰進士太常少卿望雲樓刻歸元恭與  
葉嶠初手札陸恩作陸欽後刻集仍改作陸恩

案鈔書自序年四十斐然欲有所作

徐譜

是年詩有同族兄存愉拜黃門公墓一首贈路舍

人澤溥一首

元譜澤溥父振飛字見白天啟乙丑進士涇陽知縣崇禎中屢遷至僉都

御史總督漕運巡撫淮揚北都陷福王立於南京  
河南副使呂弼周爲闖賊節度使來代振飛癸未  
進士涇陽武愔爲賊防禦使招撫徐沛振飛擊擒  
二人竿弼周於法場命軍士人射三矢乃解磔之  
縛愔徇諸市鞭八十檻車獻諸南朝伏誅故詩中  
云擒魁獻行朝逆黨皆戰慄又云天子呼恩官干  
戈對王使者唐王聿鍵曾以罪錮守陵中官虐之  
振飛上疏槩寬罪宗得釋乙酉南京破聿鍵自立  
於福州趣召振飛制書有朕有守困恩官路振飛  
云云旣至拜太子太保吏部尚書兼文淵閣大學



士官一子職方員外郎又錄守淮功廕錦衣世千  
戶順治三年王師攻克仙霞關聿鍵走汀州振

飛追赴不及汀州破走居海島明年將赴永清江  
明王乃以悲憤成疾而卒粵中賜諡文貞

浦二首丈夫一首王家營一首傳聞三首元譜是  
歲永明

王在肇慶李定國攻陷廣西王遣使召定國人  
衛蓋王為其下孫可望所制問關奔竄故也

為常熟楊子彝作祠堂記元譜謙案汪琬楊顧兩  
先生傳云萬厯之季士

之為文者喜倡新說畔違傳注彝與太倉顧夢麟  
力明先儒之說天下翕然從風稱揚顧學以歲貢

為松江訓導作興人材甚廣居五載擢知都昌縣  
以道阻弗克赴任明亡遂不出晚歲日盲猶令人

讀書其側為諸生講說  
無少倦年七十九卒

十年癸巳年四十一歲



三月魯王去監國號不知所終

徐譜

春至金陵二月再謁孝陵並謁太祖御容於靈谷寺

元譜謙案靈谷寺梁天監十三年爲寶誌公建塔於鍾山玩珠峯前名開善精舍後爲開善寺宋改名太平興國寺後名蔣山寺明初改寺於舊基之東五里而舊基遂爲孝陵太祖帝后御容今攝山優曇庵中亦有摹本不知卽孝陵中藏本否十月三謁孝陵并作圖 詒穀殤

更納戴氏

元譜謙案歸元恭集戲贈先生納姬詩云同心初結在秦淮孤寄清江音問乖雖異

九秋婕妤怨已如一月太常齋占熊從此歡無旣弋鴈何妨老自偕不待王郎去迎接西風今送入君懷自注謂甯人於金陵納姬置之清江浦至是姬得南歸云云今則不辨所納何氏以時事案之或是戴也

松案先生去年自王家營仍歸洞庭山是年有路舍



人家詩路居於洞庭東山也由洞庭山至江寧復自  
江寧歸吳贈楊永言詩序云今復來吳下感舊有贈  
又贈郝將軍詩序云今爲醫於吳之上津橋言及舊  
事感而有贈贈劉教諭詩亦云栖遲十載五湖湄皆  
在吳之蹟也

徐譜 穆案此段可補元譜二月後至九月之闕

是年詩有路舍人家見東武四先厯一首

元譜舍人父文

貞公在閩時特請製新厯

再謁孝陵一首恭謁高皇帝御容一

首贈朱監紀四輔一首監紀示游粵詩一首贈鄔

處士繼思一首

徐譜先生此數年中往來無定而金陵揚州市井皆屢至故贈鄔繼



思詩云年年尋杜甫一過浣花昔有一首楊明府  
溪邬賣藥揚州市先生頻過之

永言復來吳下一首送歸高士之淮上一首贈劉

教諭永錫一首

元譜案永錫字欽爾號騰庵魏縣人崇禎丙子舉人癸未謁選長洲

教諭邑令遂寧李實廉知其貧欲煩以吏事謝不應已署上海令事與妻子日食蔬粥居三月還長洲乙酉之變率妻栗氏及童僕二十餘人隱居相城大吏遣人說之永錫拔劍欲自裁乃止謂其妻曰彼再至我與若立自決矣皆裂尺帛握之會海上兵起乃罷永錫有女許字未嫁亂後恐詒父母憂絕粒而死其母哭之成疾亦死後大水乏食家童相繼死埋骨道旁永錫遣子臨與婦歸魏臨既歸思父不置假貸得百金欲馳以獻父星夜南下馬驚墮地被傷死初永錫長八九尺容貌甚偉至是毀形骨立見者哀之久之成疾漸劇一夕大呼烈皇帝者三遂卒時甲午秋也同時有齊丈人者



撫其喪葬於閭門外半塘以妻女附之 穆案靜  
志居詩話永錫有洹水遺詩又曰洹水至性之士  
兵後隱居相城有大吏強之仕袒裼疾視曰我中  
原男子年二十渡漳河登大伾躍馬鳴鞘兩河豪  
傑誰不知我欲見辱邪取壁上所挂劍欲自剄門  
下士抱持之得解既而女妻相繼餓死子爲盜所  
傷亦死久之洹水歿其弟子徐晟陳 贈郝將軍太  
三島等經紀其喪葬之虎邱山塘 元譜謙案洪武二  
極一首孝陵圖一首十廟一首 年立十廟於雞鳴  
山又增功臣廟祀徐達以下二十一人  
爲十一後又增四廟今已半就圯廢



顧亭林先生年譜卷一

譚瑩玉生覆校



顧亭林先生年譜卷二

後學平定張穆編

十一年甲午四十二歲

春至金陵卜居神烈山下

元譜 穆案神道表先生僑居神烈山下徧游沿江

一帶以觀舊都畿輔之勝

由儀真歷太平登采石磯東抵蕪湖

秋游燕子磯畱宿僧院至冬始還

元譜

是年長甥乾

學以選貢入成均

穆據檐園集補

第三甥元文鄉試中式

舉人

元譜

先生此數年未歸崑山觀松江別友人詩言十載違



鄉縣三年旅舊都可知矣徐譜

是年詩有金山一首僑居神烈山下一首古隱士

二首真州一首太平一首蠓磯一首元譜磯在蕪湖江上

一首久畱燕子磯院中一首徐譜詩云寄食清江院從秋又涉冬蓋冬

盡又歸神烈僑居故范文正公祠一首錢生肅潤

之父出示所輯方書一首元譜肅潤字楚日無錫人著有南忠錄諸書

十二年乙未四十三歲

二月初五日午刻江南地震六月初八日地又震元譜

元旦四謁孝陵穆補春自金陵還崑山五月十三



日擒叛奴陸恩數其罪沈諸水叛黨復投葉氏訟之

官移獄松江

元譜先生贈路光祿詩序云先是有僕陸恩服事余家三世矣見門祚日微

叛而投里豪余持之急乃欲陷余重案余聞亟擒之數其罪沈諸水其壻復投豪訟之郡行千金求殺余余既待訊法當囚繫乃不之獄曹而繫諸豪奴之家同人不平爲代愬之兵備使者移獄松江府以殺奴論豪計不行而余有戒心乃浩然有山東之行矣神道表獄日急有爲先生求救於某公者某欲先生自稱門下而後許之其人知先生必不可而懼失某公之援也乃自書一刺與之先生聞之急索刺還不

得列揭於通衢以自白某公亦笑曰甯人之卞也曲周路舍人識兵備使者乃爲愬之始得移訊松江而事解

穆案

爲先生求救者歸高士元恭某公者謂

錢謙益也

謙案歸元恭集與葉嶠初書弟到郡時

知甯人兄窘於事勢將有不測輿論亦多以兄爲已甚故弟語稍激切然論其究竟愛甯人亦所以愛兄



也已而崑老輩委曲相勸兄亦動惻隱之心要於兄之自爲計亦大便而弟輩則羣而誦兄之高義昨在西郊文初子佩諸君及二三遠方友人問及弟公言於衆曰此事誤在顧而葉能不終訟可謂仁人君子人皆服兄爲有量及歸寓忽聞有變局爲之大驚兄嘗謂甯人城府深密機械滿腹兄前已諾和議而忽出取難之題目迫之以必不能從之事是名雖日和實欲戰也兄豈亦有城府機械邪崑老極和平之人亦以兄爲太甚今將去矣弟亦即日同國馨去矣但思兄若不肩就和卽和而必欲云云甯人計無復之必自經溝瀆無疑也陸恩人奴也尙不可殺而迫其主以取償甯人非尋常無聞之人又事無死法而一旦迫之致死於兄便乎不便乎甯人無親子弟料死後必無與申冤者卽有兄自當有以待之固知殺甯人萬萬無害獨不畏清議乎甯人腹笥之富文筆之妙非弟一人之私言卽權老諸公皆擊節稱賞四方之士見其詩古文者往往咨嗟愛慕兄能殺甯人之身能并其生平之著述而滅之乎使天下後世讀其



詩古文者以爲如此文人而殺之者乃葉嵎初也此  
名美乎不美乎自古文人之受禍者如子蘭殺屈原  
姚賈殺韓非後世讀離騷及三公子之書無不唾罵  
子蘭姚賈陳同甫爲小人構陷入獄每讀其傳爲之  
髮指背裂以兄平日自待之高明何苦而爲此事邪  
想兄之意以爲甯人卽死於牢獄死於桎梏不得謂  
嵎初殺之吾誰欺當世士大夫有口亦可畏也凡此  
之言皆所謂愛甯人卽以愛兄也云云核其語意松  
江之獄所由來歟徐謐先生乙未年答原一公肅  
兩甥書云奴隸鴟張親明瀾倒或有聞死灰之語流  
涕而省韓安覽窮鳥之文撫心而明趙壹終憑公論得脫危機謂此事也

是年詩有元旦陵下作一首歸生晟陳生芳績書

來荅之一首贈路光祿太平一首

穆案錢飲光明末野史永厯紀

事上規模闊大好仿佛漢光武平時恩舊皆以南  
陽故人目之如路振飛遠隔三吳募能召至者賞



銀五百兩給以六品京秩振飛至卽日拜相官其  
子太平爲卿 又案餘集王國翰墓志稱太平嘗  
奉桂王命徵兵於外訓王生仍一首永夜一首訓  
至樂昌國翰往依之  
陳生芳績一首穆案芳績字亮工常熟人處士鼎和之子先生避難語濂涇時與鼎和比鄰亮工時猶少也著有歷代地理沿革表四十七卷道光十三年其鄉人張觀察大鏞爲刊行之  
贈路舍人一首錢行人邦寅一首

十三年丙申四十四歲

春獄解回崑山 三月本生母何太孺人卒 閏五

月至鍾山舊居獄解後葉氏憾不釋遣刺客偵所往  
至是追及於金陵太平門外擊之傷首遇救得免



是月初十日五謁孝陵

冬在鍾山度歲

元譜

是年詩有松江別張處士慤王處士煒諸友人一

首贈潘節士櫟章一首

櫟章字力田吳江人稼堂之兄

恭謁孝陵

一首王處士自松江來拜陵畢遂往蕪湖一首

穆案

處士即下同游柵洪橋之王潢乙卯年閏五月十日詩有云更憶王符老飄零恨不同自注王徵君潢昔日同詣孝陵行桃葉歌一首黃侍中祠一首

香今年七十七矣先生自注在南京三山門外柵洪橋謙案柵洪橋祠今已無迹可尋城中金陵閘之祠蓋續建也

王徵君潢具舟城西同楚二沙門小坐柵洪橋下

一首

謙案潢字元倬上元人父之藩慷慨好義潢能色養崇禎丙子舉於鄉先是戶部郎中倪



篤之薦於朝以賢良徵不就念世亂親老賦南陔詩以見志著有南陔集見江寧府志及上元縣志  
穆案明詩綜引顧甯人論元倬詩云先生詩攝深以婉和而摯不失三百篇溫柔惇厚之旨

山一首賈倉部必選說易一首

穆案江寧府志儒林賈必選字徙南

上元人萬歷己酉舉人官戶部主事筦西新倉時巨璫總理兩部復遣其黨分伺六倉必選盡黜陋規無所染璫為稍斂會同官倪篤之以屯豆下獄必選知其冤據事陳辨謫九江幕俄遷桂林司理升南工部虞衡司未任丁父艱歸即杜門不出以講學著書為事卒年八十七著松蔭堂學易行世

旅中一首訓王處士九日見懷一首送張山人應

鼎還江陰一首

穆案道光二十一年新修江陰縣志藝文門采先生此詩而應鼎之名

字翳如然則山人信能弁布荷衣鴻冥塵外者矣

和陳生芳績追痛兩尊



人之作二首

作方月斯詩序

謙案月斯佚其名穀城人明輔臣岳貢之子甲申後賣卜吳門夏節

愍完淳集有贈方穀城遺孤流落郡中詩先生序謂與方子訂交自單闕之歲今且六年矣余客鍾山而方子亦僑居雲間不數數見頃冬春之際余以仇家之訟至雲間逆旅中困不自聊而方子時時相過慰藉與余周旋兩月因出其詩草示余讀之云云以時事攷之當在是歲無疑

十四年丁酉四十五歲

元旦六謁孝陵

徐譜案元日詩云晨興自江上踰嶺走鍾山又云流轉雖不居咫尺猶天

顏蓋先生是時雖寓金陵而非神烈山之居矣

春自金陵仍返崑山避讎

將北游同人餞之歸元恭爲文以贈其行

元譜序曰余與甯人



之交二十五年矣其他同學相與或二十年或十餘年蓋未嘗有經歲之別也今於甯人之北行也而不能無感慨焉甯人故世家崇禎之末祖父蠡源先生暨兄孝廉捐館一時喪荒賦徭蠲集以遺田八百畝典葉公子券價僅當田之半仍靳不與閔二載甯人請求無慮百次乃少畀之至十之六而逢國變公子者素倚其父與伯父之勢陵奪里中其產逼鄰甯人見顧氏世衰本蓄意吞之而甯人自母亡後絕迹居山中不出同人不平代爲之請公子意弗善也適甯人之僕陸恩得罪於主公子鈎致之合誣甯人不軌將興大獄以除顧氏事泄甯人率親友掩其僕執而箠之死其同謀者懼奔告公子公子挺身出與甯人訟執甯人囚諸奴家脇令自裁同人走叩憲副行提始出甯人比刑官以獄上甯人殺無罪奴擬城旦憲副與公子年家然心知是獄冤又知郡之官吏上下大小無非公子人者乃移獄雲間守坐甯人殺有罪奴擬杖而已公子忿怒遣刺客戕甯人甯人走金陵刺客及之太平門外擊之傷首墜驢會救得免而叛



奴之黨受公子指糾數十人乘閒劫甯人家盡其屢  
世之傳以去甯人度與公子訟力不勝則浩然有遠  
行而同人之却甯人者攜尊榼送之酒半作而言曰  
甯人之出也其將爲伍員之奔吳乎范雎之人秦乎  
吾輩所以望甯人者不在此夫宣尼大聖猶且遭魑  
畏匡文王之仁不殄厥愠甯人之學有本而樹立有  
素使窮年讀書山中誰復知甯人者今且登涉名山  
大川厯聘六國以廣其志而大其聲施焉知今日困  
阨非甯人行道於天下之發軔乎若曰怨仇是尋非  
賢人之志別離是念非良友之情於是同人咸曰善  
請歌以壯其行  
而歸子爲之序  
**至萊州與掖趙汝彥士完任子良唐**  
**臣定交**  
元譜士完字汝彥崇禎壬午舉人遭亂後棄家而南羈栖廢寺弟士冕官鎮江太守物色得之強之歸士完故萊之巨族從兄士喆入復社有名同懷兄士元士亮士寬弟士冕並以才稱唐臣字子良貢生弟虞  
臣亦以學問著從唐臣假吳才老韻譜讀而校之



過卽墨游勞山 由青州至濟南與徐東癡夜張穆

若爾岐定交

元譜東癡初名元善字長公慕嵇叔夜之爲人更名夜字東癡號嵇庵濟南新

城人束髮能詩年二十九遭難母死遂棄諸生南游江浙西游宛鄧歸遂不出舉博學鴻詞以老病辭爲文章原本經史王漁洋嘗索其稿但遜謝而已後往江西渡潯陽稿盡沒於水漁洋爲撫拾遺詩二百餘首付之梓穆若名爾岐號蒿庵濟陽諸生先生與汪鈍庵書云張君穆若所作儀禮鄭注句讀一書根本先儒立言簡當使朱子見之當不僅謝監獄之稱許也又與鈍庵論師道書云獨精三禮卓然經師吾不如張穆若日知錄於喪禮停喪二條內備載穆若之說穆案穆若生於萬厯四十年壬子長先生一歲穆若歿先生以詩哭之云厯山東望正悽然忽報先生赴九泉寄去一書懸劍後貽來什襲絕韋前衡門月冷巢鷺室墓道風枯宿草田從此山東問三禮康成家法竟誰傳此詩亭林集不錄附見蒿庵集末



是年詩有元旦一首萊州一首安平君祠一首不

其山一首勞山歌一首

徐譜案詩云春日會鼓聲逢逢則游勞山猶在春時

張饒州允掄山中彈琴一首

穆案進士履歷便覽允掄字慈叔萊陽人

崇禎甲戌進士戶部主事丙子升員外丁丑升郎中戊寅升饒州知府徐譜此詩亦作於游勞山

時也淮北大雨一首濟南一首秋柳一首訓徐處士

元善一首

徐譜夜亦有九日得顧甯人書約游黃山詩云故國千年恨他鄉九日心山陵

餘涕淚風雨罷登臨又以書勸先生爲昌平承天之行則先生後此之謁天壽山處士啟之也

作汝州知州錢君行狀

元譜公子大受字伯衡歲貢生官博興訓導以詩名

勞山圖志序

穆案池北偶談引先生勞山說注曰顧近寄所著日知錄內辯勞山三則



又與前說不同儀禮鄭注句讀序齊四王家記

十五年戊戌四十六歲

春至泰安登泰山

元譜穆案金石文字記岱岳觀造像下曰碑下爲積土所壅予來

游數四最後募人發地二尺下而觀之乃得其全文又宋董元康題名下云右小石刻在岱岳觀余既錄唐碑往還數四道士謂予曰昨發地得二石請觀之云云據元譜先生凡至泰安者三記中云云未得其年謹志旋赴兗州至曲阜謁孔林往鄒縣謁周公廟於初游

孟廟過鄒平游張氏萬斛園

元譜故明兵部尙書張延登所居與邑

人馬宛斯驕訪碑郊外

穆補金石文字記鄒平縣南五里有景相公墓景氏之

裔自洪武間有兩舉人今亦尙有諸生不能記其祖矣予至其邑有諸生二人來稱景氏之孫請問其祖



爲誰予取通鑒及五代史周世宗紀示之乃謝而去  
閒一日往郊外視其墓碑雖剝落者十之一二而其  
曰故中書侍郎平章事景公諱範字甚明白云云又  
謫觚云此僕在鄒平與邑人宛斯馬君名驥親訪其  
碑而錄之者池北偶談馬驥字驄御一字宛斯順  
治己亥進士仕爲淮安府推官終靈壁令生而清羸  
博雅耆古尤精春秋左氏學著釋史一百六十篇篇  
爲一卷始開闢原始迄今人表其書最爲精博時  
人稱爲馬三代崑抵章邱訪張隱君元明元譜隱君名光啟世  
山顧亭林尤服之居章邱白雲湖上少爲名諸生崇禎庚辰年四十遂  
棄舉子業闢一園曰省園以種樹藝花自樂亂後足  
不履城市年八十餘卒有張仲集詩至長山主劉隱  
若干篇漁洋爲刪存百餘篇傳之

君果庵家

元譜隱君名孔懷號果庵長山人精於考

書字徵詩經辯韻五經字徵復至濟南元譜訪徐東癡  
范文正公流寓長山攷諸書



穆補案東癡有顧甯人見過草堂得張元明手書詩云江南有客來荒陂手持一緘兼致辭我聞整衣拜且展中有故人書及詩云云以元譜校之必此年事也 再赴萊州之濰縣 入

都至薊州厯遵化玉田抵永平登孤竹山謁夷齊廟

是年先生從子熊登武科進士

元譜謙案崑新合志熊字非熊又字

爾策性耽文史不樂仕進嘗輯其先世自上海遷崑宗譜簡覈有體爲從父炎武所稱

是年詩有登岱一首謁夫子廟一首七十二弟子

一首謁周公廟一首謁孟子廟一首萬斛園小集

一首仙隱祠二首濟南一首自笑一首訓悲溪草

堂聯句見懷一首濰縣一首衡王府一首督亢一



首京師一首薊州一首玉田道中一首永平一首

謁夷齊廟一首

十六年己亥四十七歲

出山海關返至永平之昌黎著營平二州史事六卷

元譜先生在永平適永平府志成求先生作序因著此書作序應之

至昌平州初謁

天壽山

元譜十八里永樂五年七月皇后徐氏崩上命禮部尚書趙珣等往擇地得吉壤於昌平縣東黃土山

及車駕臨視封其山為天壽山以七年五月己卯作

長陵自是列聖因之皆兆於長陵之左右而同為一域焉

出居庸關仍返山東

元譜抵鄒平訂其縣志

穆據鄒平縣志補施尚白縣志序是時止部張奉之請告家



居藏書多善本博采勤蒐進士馬宛斯討核詳實而  
吳門顧甯人自上谷來悉授以校之書遂成凡八卷  
順治歲次己亥九月督學使者施閏章書尙白宣城  
人號愚山晚號矩齋順治己丑進士由江西參議召  
試鴻博授侍講

逕長清訪碑靈巖山寺

穆補金石文字記靈巖

寺宋李迪詩下云右小石刻在長清縣靈巖山寺中  
其山距府九十里自前代稱爲勝境宋金元人題字  
最多余至則當兵火之後從橫偃蹇委之荆棘瓦礫  
之中然猶得唐一宋金元合四十餘以後不能悉數

南歸次揚州旋復北上至天津度歲

徐譜案秋雨詩云秋雨合淮泗

一望無高深顧與治詩序云余行三歲乃歸揚州而  
與治卒又與江南諸子別詩云雲生岱北天多雨水  
決淮濡地有魚蓋秋水之時先  
生正南下旋復北行至天津也

是年八月以雲南

平

特詔再行會試

穆補

甥元文登進士一甲一名



元譜 穆案順治己亥進士履歷便覽徐元文榜姓  
陸庚子奉 旨復姓又立齋序歷代宅京記曰曩  
者大廷對策謬荷先帝國士之知先生勛曰必有體  
國經野之心而後可以登山臨水必有濟世安民之  
識而後可以 同里葉方藹一甲三名 徐譜方藹字子  
攷古論今 訥庵方恒 之胞弟也

是年詩有寄弟紓及友人江南三首山海關一首

望夫石一首昌黎一首三屯營一首恭謁十三陵

一首

穆案十三陵者成祖永樂長陵仁宗洪熙獻

茂陵孝宗宏治泰陵武宗正德康陵世宗嘉靖永  
陵穆宗隆慶昭陵神宗萬厯定陵光宗泰昌慶陵  
熹宗天啟德陵凡十二陵 王太監墓一首 穆案昌  
合懷宗思陵爲十三也 平山水



記大行皇帝櫬宮門外右爲司禮監太監王承恩墓以從死附焉

劉諫議祠一首

自注在昌平舊縣今廢謙案諫議名蕡字去華昌平人元時以昌平驛官宮祺奏請始爲之立祠元史泰定二年置諫議書院於昌平縣者此也居庸關二首重登靈巖一

首秋雨一首與江南諸子別一首天津一首舊滄

州一首

作曳梯郎君祠記

十七年庚子四十八歲

二月至昌平再謁天壽山入都 六月仍赴山東

秋南歸過六合

穆案車君以過六合爲抵金陵七謁

明年由浙回蘇後事誤



孝陵

元譜

徐譜神道表云既謁長陵念江南山水有未盡者復歸六謁孝陵作詩云問君何事三

千里春謁長陵秋孝陵是也穆案先生實七謁孝陵表云六謁誤

是年長甥乾學

中式順天舉人

元譜

女甥壻申穉舉南省鄉試第一

穆據

檐園集補穉字叔旆號梅江吳縣人明大學士時行曾孫也先生又有姪女嫁太倉王吳弇州山人之裔也字維夏號碩園前明諸生善詩歌古文吳梅村歎其才爲天下無雙已未膺大科薦力疾入試報罷旋卒

詔授中書顧張思雪亭筆記曰碩園娶

亭林姪女少受業於亭林故學有根柢云

先生是時寓居淮上案書吳潘二子事云潘子刻國

史攷異三卷寄余於淮上卽謂是年也贈黃師正詩

揚州九月中煨芋試新酎又顧與治詩序云冬余過



六合沈子遷出與治詩一編皆先生此年南歸後行

蹤也

徐譜

是年詩有再謁天壽山陵一首送王文學麗正歸

新安一首

元譜自注生舊在金侍郎聲幕府案金正希聲於順治乙酉募鄉勇起義徽州

十月大兵破之殉難績谿

荅徐甥乾學一首白下一首重謁

孝陵一首贈林處士古度一首

元譜古度字茂之一字那子福清人

時年已八十一亂後僑寓金陵著有茂之詩選

贈黃職方師正一首

元譜自注

建陽人案職方生平無攷繹詩意當亦受唐王職既敗而遁於金陵者

作顧與治詩序

元譜謙案與治字夢游江寧貢生河南副使璫之曾孫當選官棄去



王倬今世說述其軼事頗詳 穆案車君以與治詩序為明年辛丑作案云此過六合作顧詩序一則元譜未載今攷車君蓋誤以歸次揚州為今年事故誤以序中明年字屬之辛丑也

十八年辛丑四十九歲

是年為明桂王永曆十五年七月緬酋殺由榔從官十

二月獻由榔於大軍明年四月殺於雲南

徐譜

回蘇至杭州渡江謁禹陵弔宋六陵 閏七月仍返

山東 十二月立春日輯山東攷古錄成

元譜案四庫書

提要存目載此書云王士禎居易錄記炎武嘗預修山東通志或是時所遺稿本未可知也案居易錄明言通志修於癸丑是為康熙十二年也提要誤 是年申穉成進士

穆補穉由內



閣中書改禮部主事進郎  
中出爲廣西提學僉事

是年適越往來皆由吳江之江村書潘吳二子事云

余往越州兩至其廬蓋至吳江卽訪潘力田也

徐譜

是年詩有杭州二首

元譜指潞王監國時事

禹陵一首宋六

陵一首顏神山中見橘一首

元譜山在益都瀚案今爲博山縣

許

爲餘姚呂裁之章成作呂氏千字文序

元譜謙案餘姚縣志

章成字裁之號秋臺大學士本曾孫與陳函輝張明弼楊體元爲意氣交函輝從事紹興薦章成爲翰林待詔章成曰悍將驕兵日事寇抄越城中顛躓狼狽救死不遑豈復可爲之日邪卒辭不赴函輝死章成走哭於台州意有所觸則惘惘獨行欲得異人而友之訪戴易於鄧尉遇顧炎武於昌平



山慷慨賦詩歷吳齊燕粵無所遇乃歸名其藏書之室曰蓼園曰予集於蓼誰謂荼苦者病中自燬其著述曰此無用之虛談也所存有浴日樓集八卷秋崖詞據志載識先生於昌平山先生自己亥庚子壬寅甲辰已酉丁巳先後凡六至昌平此作序時已再至當是與章成相遇後矣

康熙元年壬寅五十歲

正月由山東入都 三月至昌平三謁天壽山十九

日謁懷宗欝宮

元譜 昌平山水記大行皇帝御宇之日未卜山陵田妃薨葬悼陵之下

南距西山口一里餘遣工部右侍郎陳必謙等營建未畢而都城失守賊以五行皇帝大行皇后周氏梓宮至昌平州之士民率錢募夫葬之田妃墓內移田妃於右帝居中后居左以田妃之梓爲帝梓斬蓬莖而封之後乃建碑亭各一座門三道殿三間無陞兩廡各三間有周垣而規制狹小昔宋之南渡會稽諸



陵皆曰攢宮實陵而名不以陵春秋之法君弑賊不討不書葬實葬而名未葬今之言陵者名也未葬者實也實未葬而名葬臣子之義所不敢出也故從其實而書之也

出古北口往薊

州仍至昌平 五月二十八日先生誕辰有致饋者

作書辭之

至真定之新樂

元譜日知錄木刀溝條自注余過新樂林君華

院見示所修縣志云云

穆案順治十八年緡紳新樂知縣林華院凝山福建莆田人拔貢

抵曲

陽謁北嶽恆山

元譜

穆案金石文字記北嶽廟李

嶽廟中廟有唐時大碑五其上層爲積土所蓋而余至時倉卒求梯不可得止就下方讀之云云

井陘 十月至大同之渾源州 度汾河至平陽府

元譜

是年公肅甥以江南奏銷案呈誤謫官鑾儀衛



經歷

穆據有懷  
堂集補

是年詩有有事橫宮時聞緬國之報一首古北口

一首五十初度時在昌平一首

元譜日知錄生日  
條下自注余昔年

薊門生口有致  
餽者荅以書

北嶽廟一首井陘一首一鴈一首

徐譜先生之西征也以初冬就道故井陘詩云壑  
冰當路白一鴈詩云一鴈渡汾河河邊積雪多也

堯廟一首

元譜案臨汾志堯陵在城東七十里有  
廟有金泰和二年碑記先生於日知錄

帝王陵條詳載諸說頗以臨汾志為  
疑是時先生經游其地故有此作

有謁橫宮文郡國利病書序北嶽辨

二年癸卯五十一歲



正月自平陽登霍山

元譜謙案詩有春雪覆杉松句故知當在正月也 穆案金石

文字記霍山廟建文碑下云右小石刻在霍山中鎮廟西壁上余行天下見洪武永樂以來祭告岳瀆之文及它碑記甚多獨未有建文年者乃此文雜游女於數十百碑之中而字畫完好無缺故亟錄之

媯廟

元譜在趙城縣東八里

至太原訪傅處士青主

元譜傳名山字青主

初字青竹號嗇廬別號公之它陽曲人少受知於袁臨侯繼咸崇禎中臨侯總督九江軍務為巡按御史張孫振誣劾被逮山職納橐餽伏闕上書白其冤馬君常作義士傳比之裴瑜魏劭亂後為道士裴以醫為業工詩文書畫入逸品康熙己未召試博學鴻詞不應授中書舍人復不就 穆案臨侯於崇禎七年由主客員外郎擢山西提學僉事巡按御史張孫振因請屬不應誣劾之其總督九江軍務則在崇禎十五年元譜敘述殊舛 又案青主生於萬曆三十四年丙午長先生七歲潛邱劄記老友山右傅青主先



生顧甯人極稱其識字先生廣師篇云蕭然物外自得天機吾不如傅青主潘耒遂初堂集出太原郡城東行可七八里有寺曰永祚雙塔巍然捎雲礙日見之四十里外浮浮若旌幢焉其下爲松莊傅隱君先生所居也十七史商榷昔顧甯人宿傅青主家晨未起青主呼曰汀芒矣甯人怪而問之青主笑曰子平日好談古音今何忽自昧之乎甯人亦不覺失笑古音天呼若汀明呼若芒故青主以此戲之穆案天呼若汀雖本之陳第毛詩古音攷然實誤與先生之論音不合也青主一時戲言故先生亦不復置辯

至代州游五臺與富平李子因篤遇遂訂交

元譜李字天生

更字子德陝西富平籍山西洪洞人邃於經學著有受祺堂集康熙己未試鴻博授檢討以母老辭不許表三上乃允徐譜案先生於康熙己未與子德書云弟兄年四十九是子德生於崇禎四年辛未少先生十八歲而先生作子德之父墓志云崇禎七年因篤方三歲三蓋四字之譌也穆案受祺堂集酬杜



讓水詩注曹司農秋岳觀察大同陳使君祺公分藩  
鴈門予畱此凡八年又王山史山志天生從陳祺公  
於塞上日事博綜九經諸史靡不淹通祺公視爲畏  
友投契之深有同骨肉天生以是無內顧憂而益肆  
力於學及祺公備兵鴈平攜以入代復爲具橐資游  
圭組之英蓬華之彥俱與交歡傳青主顧甯人朱錫  
鬯輩尤以古道相底厲陝西通志顧炎武嘗集杜  
句題贈因篤云文章來國士忠厚與鄉人鶴徵錄  
富孫案子德先生少孤外祖田時需撫之成立受業  
其門吾鄉曹倦翁觀察三晉先生以故入子相從因  
善代州馮觀察雲驤雅愛其風土人物居句注夏屋  
間者十年穆案倦翁名浴字潔躬又字秋岳秀水人  
崇禎丁丑進士順治初由戶部侍郎出爲廣東布政  
使左遷山西陽和道裁缺候用旋丁母憂歸不復出  
雲驤字訥生代州人順治乙未進士  
就大同教授官至四川提學僉事  
在汾州聞執友

吳赤溟炎潘力田柳章遭湖州莊氏私史之難遙祭



於旅舍

元譜先生書吳潘二子事云蘇之吳江有

十以上並棄其諸生欲成一代史書以繼遷固之後  
會湖州莊氏難作莊名廷鑑目雙盲不甚通曉古今  
以史遷有左邱失明乃著國語之說奮欲著書其居  
鄰故閣輔朱公國楨家朱公嘗取國事及公卿誌狀  
疏草命胥鈔錄凡數十秩未成書而卒廷鑑得之則  
招致賓客日夜編輯爲明書書冗雜不足道也廷鑑  
死無子家貲可萬金其父允城流涕曰吾三子皆已  
析產獨仲子死無後吾哀其志當先刻其書而後爲  
之置嗣遂梓行之慕吳潘盛名引以爲重列諸參閱  
姓名中書凡百餘秩頗有忌諱語本前人詆斥之詞  
未經刪削者莊氏既巨富浙人得其書往往持而恐  
嚇之得所欲以去歸安令吳之榮者以贓繫獄遇赦  
得出有吏教之買此書恐嚇莊氏莊氏欲應之或曰  
踵此而來盡子之財不足以給不如以一訟絕之遂  
謝之榮之榮告諸大吏大吏右莊氏不直之榮之榮  
入京師摘忌諱語密奏之四大臣大怒遣官至杭執



莊生之父及其兄廷鉞及弟姪等并列名於書者十八人皆論死其刻書鬻書并知府推官之不發覺者亦坐之發廷鉞之墓焚其骨籍沒其家產所殺七十餘人而吳潘二子與其難方莊生作書時屬客延予一至其家予薄其人不學竟去以是不列名獲免於難

難

謙案潘力田與吳赤溟同草勅明史以實錄爲綱頴凡志乘文集墓銘家傳有關史事者以類相從

稽其異同核其虛實爲國史攷異一書頗有稱許之

者所著又有松陵文獻若干卷

由汾州歷聞喜縣之裴村拜晉公祠

徐取道蒲州入潼關游西嶽太華過訪王山史宏撰

於華陰

元譜山史名宏撰字無異華陰人明諸生康熙戊午以鴻博徵不赴耆學好古收藏法書

名畫金石最富居於華下有讀易廬撰易象圖述及

山志砥齋集

穆案廣師云好學不倦篤於朋友吾

不如王山史先生又有送韻譜小帖手蹟云王無異召宏撰一字文修號山史住華陰縣西嶽廟南小堡



內故少司馬公之子  
關中聲氣之領袖也

至西安

元譜云積雨乍開褰淒其

秋已半是先生以  
八月至西安也

游富平館李子德家

徐譜見寄劉大來詩

注又西至乾州

徐譜

十月過訪李處士中孚於盤屋

遂訂交

元譜處士名容字中孚盤屋人少孤力學經

博徵不赴

當事強迫之昇至近郊操刀欲白戕始得

謝病歸

穆案處士生於天啟七年丁卯少先生十

四歲二曲集處士

年譜云癸卯十月朔東吳顧甯人

來訪甯人

博物宏通上下古今靡不辨定既而歎曰

堯舜之知而不徧

物急先務也吾人當務之急原自

有在若舍而不務

惟驚精神於上下古今之間正昔

人所謂拋卻自家

無盡藏沿門托鉢效貧兒也甯人

爲之憮然又廣師

云堅苦力學無師而成吾不如李

中孚往驪山訪明

宗室存杠元譜存杠字伯常

存杠

命



子烈及甥王太和受業

徐譜案先生後有寄伯常並二門人詩穆案王山史山

志青門七子皆宗室之賢而篤於學者也各有詩文集卓然成家余所及與之游者子斗翁而已亂後數往省之翁亦喜余嘗對人有松柏之譽翁子伯嘗存枉年長於余以翁與余善而待余以執友之禮甚恭然余固尊事翁不敢以鴈行進也嘗與顧亭林言及亭林入青門特訪其家時翁已歿見伯嘗索翁著作讀之因爲之序今伯嘗亦歿其出關至太原元譜子孫昌楊氏蓋從翁之母姓也

先生荅汪荅文書云年過五十乃知不學禮無以立

之旨又與人書云某自五十以後篤志經史其於音

學深有所得今爲五書以續三百篇以來久絕之傳

而別著曰知錄上篇經術中篇治道下篇博聞共三



十餘卷

徐譜茗文號鈍翁長洲人順治乙未進士山主事召試鴻博授編修著有堯峯詩文鈔

穆案茗文生於天啟四年甲子少先生十一歲

是年詩有元旦一首霍山一首女媧廟一首晉王

府一首贈傅處士山一首訓傅處士一首陸來復

述代許曦草疏攻鄭鄆事一首詠史一首李克用

墓一首五臺山一首訓李處士因篤一首送申公

子涵光一首

穆案送韻譜小帖云申梟盟名涵光永年人太僕公之長子今庶常隨叔

之兄也太僕公甲申殉國難案太僕公名佳允諡節愍隨叔名涵盼順治辛丑進士梟孟著有聰山

集訓史庶常可程一首

元譜可程字赤豹大興籍祥符人崇禎癸未進士閣



部可法同祖弟京師陷可程降賊賊敗南歸可法  
請置之理福王以可法故令養母可程遂寓南京  
後寓宜興閱四十年乃卒 穆案睿親王致可法  
書所云入關破賊識介弟於清班者謂可程也

祭吳潘二節士一首寄節士之弟耒一首

元譜耒字次耕

號稼堂康熙己未以布衣試鴻博授檢討受業於  
先生又得王錫闡及兄樸章之傳凡詩古文歷算  
聲音之學罔不窮極根源著有遂初堂集 穆王  
案次耕生於順治三年丙戌少先生三十三歲

官谷一首蒲州西門外鐵牛一首潼關一首華山

一首驪山行一首長安一首乾陵一首將去關中

別中尉存杠於慈恩寺塔下一首

作五臺山記裴村記復庵記貞烈堂記朱子斗詩



序穆案靜志居詩話誼料秦愍王九世孫有集才情橫溢極爲富平李孔德所稱覽其祀竈干一

百二十字雖未悉工而浩漭不可及也

三年甲辰五十二歲

正月五日至蒲州之榮河游后土祠適汾州

元譜穆案金

石文字記今汾陽有大相小相二村相里氏之後尙有數十家因攷北齊寺碑題名多相里氏至今干有餘年而裔孫猶居於此不獨晉俗淳樸而山谷之險猶足以自保故能累代不遷若山東河南則兵火之餘人民散亡欲求元時遺族已寥寥不可見矣

自大同至西口入都 七

月至昌平四謁天壽山奠懷宗櫬宮 至河南輝縣

訪孫夏峯先生

元譜穆案先生丙午年送韻譜小帖云孫徵君名奇逢字啟泰容城人



今住輝縣萬厯庚子舉人今年八十三河北學者之  
宗師也元譜夏峯先生年十七領鄉薦嘗參高陽  
孫承宗督師關門軍事與左忠毅魏忠節周忠介相  
善天啟末三公忤逆奄相繼逮繫先生拮据調護供  
橐餽遣弟奇彥同鹿監軍善繼子馳書督師求援督  
師因上疏以邊事請陞見都門喧傳興兵至闕逆奄  
聞之繞御牀泣督師方抵通州降旨勒回諸公遂不  
免崇禎丙子容城被圍設方略拒守城賴以全事聞  
特詔褒嘉寇氛漸逼移家五峯順治初復移家輝縣  
之夏峯生平讀書談道務爲聖賢之學兩朝徵聘凡  
十一次輒堅謝不出康熙十四年卒年九十二  
返至泰安州度歲元譜

是年詩有后土祠一首龍門一首自大同至西口

四首有事橫宮一首贈孫徵君一首

有謁橫宮文



四年乙巳五十三歲

由泰安至德州復回濟南置田舍於章邱之大桑家

莊元譜先是章邱人謝長吉世泰負先生貲若干至

鬻其產寄居章邱別治田舍久而爲土人攘奪者此

也又先生甲寅年有刈禾長白山下詩案長白山在

章邱長山二縣之交刈禾處卽桑家莊產業也

里元譜與顏修來光敏訂交穆據手蹟補札見丙午

熙丁未進士官吏部考功司郎中著有樂圃集

是年詩有訓程工部先貞一首元譜先貞字正夫

郎紹孫以祖廕歷官工部員外郎濟南府志工部

告病歸家居二十年以扶風教崇簡樸相勗勉里



中節義之事搜采成秩年六十七豫製一棺題曰  
休息庵所著有燕山游稿蕙庵詩草若干卷 穆

案復社姓氏先貞

名列德州弟一

有與修來手札云詩本音二冊送上中有駁正者  
乃衛太史筆也此書未定不必鈔錄只將坊刻詩  
經一本圈注其不合及太瑣碎者置之可也更乞  
教正爲荷底事一有信卽求示之穆案此札以丙  
午札推之知當在此年蓋與修來初識面時也衛  
太史名旣齊字爾錫猗氏人康熙甲辰進士 又  
桑手蹟向藏修來先生家頃歸湖北荆宜施道陶  
君樸所穆於戊戌春獲觀錄副存之後凡言手蹟  
及手札者皆同

五年丙午五十四歲

春由大桑家莊過兗州

穆據手蹟補

至廣平之曲周

游



太原時秀水朱錫鬯彝尊客晉藩署過訪先生於東

郊因與訂交

元譜謙案彝尊字錫鬯號竹垞以布衣試鴻博授簡討徐譜案竹垞年譜康熙四年秋至太原五年春客山西布政王公顯祚幕

其年二月游晉祠三月游風峪先生贈詩言殊域送良辰又云草沒青驄晚霜浮白墮春則相見必於春也穆案竹垞生於崇禎二年己巳少先生十六歲廣師云文章爾雅宅心和厚吾不如朱錫鬯

南海屈大均亦自關中來會

元譜曝書亭集注屈五少爲番禺諸生名紹隆謙案屈字介子一字翁山爲僧名今種字靈一後加冠巾池北偶談屈介子適秦隴與秦中名士李因篤輩爲友作華岳百韻固原守將某見而慕其才以甥女妻之自固原攜妻至代州上谷再游京師下吳會自金陵歸粵徐譜健庵有懷舅氏詩云自別維亭二載餘風塵驅走近何如健庵曾游太原疑是時與先生相遇也維亭俟考

出雁門

元譜穆



案重至代州詩云雁門春草碧  
且復過滹沱蓋在三月杪也

適應州

重過大同

遇故代府中尉俊晰訪李子德於代州牧陳祺公上

年署

元譜上年字祺公清苑人順治己丑進士

與子德輩二十餘人勿貲

墾荒於雁門之北

元譜案先生與潘次耕書有云近稍貸貲本於雁門之北五臺之東

應募墾荒闢草萊披荆榛而立室廬又云彼地有水而不能用當事遣人到南方求能造水車水碾水磨之人與夫能出貲以耕者又云北方開山之利過於墾荒畜牧之獲饒於耕耨云云  
穆案據王山史山志則子德卽以是年返秦

入京師復往山東游泰山謁天慶宮

十月著韻補正成

至兗州守署度歲

元譜案兗州志穆

此年知府爲彭繩祖貢生黃安人

是年公肅甥復原官未任以父



憂歸

穆據有懷  
堂集補

是年詩有寄劉處士大來一首

元譜處士無攷玩  
詩中云云蓋山左

人而嘗客代  
州牧幕者

朱處士彝尊過余於太原東郊一首

屈山人自關中至一首重過代州贈李處士一首

出雁門關一首應州二首重至大同一首

元譜口  
知錄九

族一條自注余丁未歲在大同遇代州中尉俊晰  
年近五十攷其世次於孝宗爲昆季云云案先生  
游代州在丙午年丁未則未嘗至代編年詩集系  
此詩於丙午原自符合或日知錄誤寫作丁未耳

得伯常中尉書卻寄一首

作聖慈天慶宮記韻補正序



是年先生有寄顏修來手蹟云去秋得接光塵恨  
首路匆匆未獲信宿之畱以聆微言而商大業至  
於四方同人遙相問訊無不仰贊宏才以爲今代  
復有知十之姿庶幾之品也仲春偶過兗署未得  
親詣闕里再侍雅譚專俾齎所刻韻譜呈正大方  
至前日所留詩本音稿係未改定之書其中有舛  
誤者拈寫二條附上閱過粘卷內付還它日當攜  
全書奉觀更求指誨耳率爾未盡徐譜以此札  
系之四年乙巳去秋得接光塵下附案云前札云  
卽過兗州又云諸容面悉必修來於去秋自關中  
歸兗與先生晤也穆案先生以韻譜寄人是一時  
事據送書小帖云孫徵君今年八十三知必是丙  
午云去秋得接光塵者先生於乙巳秋謁孔林游  
闕里與修來相晤也蓋前札雖云卽過兗郡而實  
於泰安度歲  
未卽踐言耳

又一通云捧讀大筆清新嫵逸逼似唐人所謂不  
意永嘉之末復聞正始之音者矣舊刻二冊乃五



六年前作中有誤韻幸爲藏之河北關中書共  
六書馳上姓氏居址別開一紙煩照單分致

又一通云昨枉顧以主人不在率爾慢去殊深不  
安統俟文旌東過面頌并求惠示西征大作耳長  
路關山濁涇清渭千維珍重旦起作書  
數千字恐使人來取匆匆遂不能詳

又一通云魯公書家廟碑多寶塔碑爭坐位帖俱  
在西安府學俗所謂碑洞者其所書郭敬之家廟  
碑在布政司內奉使蔡州題字并石刻像在同州  
臧懷恪碑在三原縣碑洞中石經及漢唐字但有  
錢卽可買不必用官府惟各州縣古碑非官府不  
能致然多是唐碑惟郃陽曹全碑極佳其他若麟  
游之九成宮碑長武之虞恭公碑俱佳若多印得  
曹虞二碑各一幅見惠最感  
在修來俶襲  
西征之時

又一通云弟以今六月至鴈門時李君天生自關  
中來言修來社翁在方伯署中不多會客初秋入



都而敝鄉沈繹老亦自關中來交相推許計太華終南之勝二峭函谷之阻周秦漢唐之蹟並已收載之行笈矣山史兄楊王兩敝門人並得一見否石珍社翁想閉戶著書臥遊五岳胸中當別具一邱壑而鴻文大製日新富有則兩君固並驅中原矣弟頃至岱下俟主人之歸卽過堯郡先此奉候并問秦中諸子消息所畱詩本音乞付下已大加刪改將以新本就正也諸容面悉不旣百一 穆案徐譜以此札系之三年甲辰以元譜證之蓋前札在春末此札在冬仲也所云六月至鴈門乃重至大同時事所云楊王兩門人者據送韻譜小帖云楊伯常名謙故王孫也住西安府南八里大塔堡內大塔者慈恩寺塔也或駕在藩司署中則求於到日卽遣人致之又云共書六封各送韻譜一本伯常則二本故有七本案楊氏何以爲故王孫以字伯常及住大塔堡攷之蓋楊謙卽朱存杠鼎革後變其名氏也大塔卽前與存杠別處獨寄韻譜二本者存杠之子烈甥王太和皆受業於先生



所謂楊王兩門人也沈繹老者沈荃字貞蕤號繹堂華亭人順治壬辰翰林又案頃借得王山史

山志有云伯嘗歿其子孫冒楊氏

喜臆測之不爽也詳見癸卯下

又一通云大作清勁無一俗筆太華伊闕諸作爲

集中弟一思悲翁戰城南亦有白傅諷諭之遺意

大雅之音將復起於今日矣敬服敬服元稿返上

略商數字識以浮票未知有當否諸容晤悉穆

案此上二凡當在

西征既還之後

又有不得其年與事者三通附載於此一通云仙

舟一晤良豁積懷王程靡及不獲攀畱信宿以罄

願言猶爲耿耿耳所寄書版乞付去伴家訓如

命勘正容於秋仲入都面奉率此附候不悉

又一通云昨出抵暮始歸承駕左顧失迂爲罪家

訓勘畢送上并用硃筆以便一覽卽得幸爲另鈔

一本仍乞原

本見賜感感



又一通云弟纔至城中尚未拜呈老社翁須兩三日以未申二時過我則得晤矣大才何藉弟筆想未見刻啟耳附上一紙不盡

六年丁未五十五歲

春畱堯李署刪訂近儒名論甲集

穆補先生與修來手蹟云弟向日

錄有古今集論五十卷頃堯李劉年翁延弟至署刪取其切於經學治術之要者付諸梓人名曰近儒名論甲集因此淹畱尚有旬月如貴地友人家有鄴架之藏欲一就觀且得以晤言講習尤幸事也日下欲借唐荆川稗編第一套鈔錄幾首未知可轉覓否大小阮才名已達之當事如便中至郡可投一刺極相企慕也新詩并乞惠示以便奉揚休譽燭下草此附啓不盡  
穆案堯李州府志同知表劉澤遠恩貢安化人康熙八年任所謂堯李疑卽其人八年或六年之謫或先題署後實任未能臆決也修來卽以此年成



進士足證編書爲正二月閒事 徐譜大小阮才名  
者修來與叔伯珣俱有時名也穆案伯珣字季相明  
河間府知府允紹次子以陪祀特授壽州州 南歸  
同修復芍陂之利工詩古文著有祇芳園集

至山陽主王起田家 開雕音學五書於淮上張力

臣昭父子任校寫之役 元譜力臣山陽諸生號亟齋  
以賣書畫爲生尤精六書之

學貧而耆古多集金石文字有昭陵六駿圖贊焦山  
瘞鶴銘攷傳於世許瀚案又有濟寧學宮漢碑釋文  
濟寧潘氏嘗刻之而所傳不廣 穆案五書後序若  
夫本說文正字體酌古今之間而手書之則張君昭  
與其二子叶增叶箕又廣師云精心六書言而好古  
吾不如張力臣 健庵有題張力臣小像七絕二首  
其次章曰奇字揚雲未渺茫茂先家法在巾箱對君  
轉復思元歎洒淚風前誦渭陽自注力臣方爲舅氏  
亭林校刻音學五書 受祺堂集有寄力臣詩曰一  
代儒宗同所向印須金石正皇初自注謂甯人先生



時所著書多屬君校刻潛邱劄記甯人著有字書  
五種託力臣繕寫授梓力臣曾寄一樣本來果博且  
精不可及也  
北行抵曲周拜路文貞公祠  
入都從孫

思仁借得春秋纂例春秋權衡漢上易傳等書清苑

陳祺公資之薪水紙筆傳寫以歸

元譜詳見鈔書自序穆案先生有

手札云弟爲一二相知所畱似須秋杪方可行昨諭  
鈔書者能爲弟覓二人否又一通云弟以校讎之忙  
不及親叩專經走送別有一函求投入理署令叔先  
生并希致知己之言不敢忘惟努力讀書以庶幾無  
負相期之意也二  
東還主德州程工部正夫李刊

部紫瀾家

元譜李名濤號述齋芮城令李霖瞻  
浹弟康熙丙辰翰林官至刑部侍郎

是年詩有淮上別王生略一首

徐譜案王略因先  
生之故以女妻潘



未是年未來至山陽成昏於王氏見稼堂撰亡妻  
王孺人壙誌特先生別王路時稼堂尙未至淮上  
耳  
贈蕭文學企昭一首  
穆案企昭字文超漢陽人順治丁酉副榜貢生四庫書存日收企昭性理譜五卷云其書大旨在於伸程朱而闢陸王與熊賜履閑道錄所見同拜

路文貞墓一首  
過程工部一首  
過蘇祿國王墓一首

首

謙案蘇祿國在東洋海中地近淳泥關漚自古荒服之地不通中國相傳其國分爲東西峒三

王而以東王爲尊明永樂十五年三王並率其妻  
子來朝貢因並封爲國王居二十七日三王辭歸  
其東王次德州卒於館遂畱葬乃遣使封其長子  
爲蘇祿國王十八年西王遣使入貢十九年東王  
母遣使貢大珠一重七兩有奇二十二年復入貢  
自後不復至  
本朝雍正五年始通貢乾隆十九年請三年一貢奉旨五年一貢由福建巡撫代題自廈門入境達京師



作音學五書序程正夫詩序

是年六月陳祺公重刻廣韻於淮上

王山史山志李子德嘗得

廣韻舊本顧亭林言之陳祺公託張力臣爲鋟木淮陰此唐人所用之韻也徐譜案潘稼堂重刻

古本廣韻序云先師顧亭林先生深明音學實始表章此書刻之淮上然其所見乃內府刊本已經刪削者久而覺其書之不完作後序以志遺憾穆案先生蓋誤以宋陳彭年等重修廣韻爲廣韻足本故疑此本已經刪削也稼堂竹垞亦同此見四庫總目提要辯之最覈

七年戊申五十六歲

春在都寓慈仁寺

徐譜慈仁寺在廣甯門大街額曰大報國慈仁寺穆案受祺堂集

奉荅先生贈詩五十韻有云憶折前津柳同炊古寺羹自注前年與先生同客慈仁寺予先別去按卽此



年春事蓋子德既去之後先生始聞黃培獄事東行也道光二十三年夏何太史紹基匄貲爲先生建祠堂於寺西偏隙地一區架屋三楹几筵禮器悉備歲春秋致饗祀焉二十四年落成二月十四日辛亥公祭穆撰文曰先生生當叔季業貫漢唐學堪爲王者師志非以名山老身甘荒邈慰九原貞孝之心時際雲雷灑六謁園陵之淚北征初賦策二馬以來游東道旣通餽十餐而恐後咨民生之利病邑乘必搜究阨塞之險夷邊亭親歷采山鍊冶喻半生尙論之精勤訂韻諸聲發萬古同文之要眇况乎志存淑世婁構書堂雅慕伏波厲精田牧舉此不擁懲東林復社之末流墨突未黔棄濂涇桑莊如敝屣惟慈仁之古寺曾作寓公計偉節之遄行適在明日誦孔德炊羹之句下榻何頻緬無異築室之謀顧廬宛在荆榛乍啟觴豆初蠲規陋雲臺典同石室所覲雲車風馬肸蠁來臨庶幾學海儒林精神不朽尙饗又五月二十八日祭文先生行成忠孝學洞古今懲末造之蹈虛進吾徒以考實凡今代文苑儒林之彥敬佩遺書合



天下束脩尚友之懷思隆美報專祠式啟吉祀祇蠲  
敢因載誕之辰奉薦迎神之曲雖薊門卻饋痛援往  
例於靈均而石室修儀展效拜經聞萊州黃培詩獄  
於榮緒尚其陟降鑒此悃忱尚饗

牽連卽星馳赴鞫三月下濟南府獄

元譜 先生手蹟云康熙七年

二月十五日在京師慈仁寺寓中忽聞山東有案株  
連卽出都門於三月二日抵濟南始知爲不識面之  
姜元衡所誣姜元衡者萊州卽墨縣故兵部尚書黃  
公家僕黃寬之孫黃瓚之子本名黃元衡中進士官  
翰林以養親回籍揭告其主原任錦衣衛都指揮使  
黃培見任浦江縣黃坦見任鳳陽府推官黃貞麟等  
一十四人逆詩一案於五年六月奉旨發督撫親  
審事歷三載初無干涉忽於今正月三十日撫院審  
時稟稱有忠節錄卽殷禎集一書元衡如醢敵顧  
節錄字樣陳濟生所作係崑山顧甯人到黃家搜輯  
發刻者咨行原籍逮證據其所告此書中有黃御史  
崑之卿傳一篇有云家居二年握髮以終以爲坦父



不曾剃頭之證有顧推官臧傳一篇有云晚與甯人游有云有甯人所爲狀在以爲甯人搜輯此書之證不知此傳何人授稿何人親見刻板見在何處此書得之何方而就此握髮一語果足以證已故二十餘年黃御史之不剃頭不就此與游二語果足以證甯人之卽顧甯人又卽搜輯此書之人否且讀邸報此書已於六年二月曾經沈天甫出首矣請略言之昔敝郡有陳明卿先生以壬戌探花官至國子祭酒好刻古書有資治通鑒大學衍義等書一二十種行世其子濟生亦好刻書濟生已故有光棍施明者從海外來與沈天甫等合夥僞造此書假已故陳濟生之名而羅江南北之名士巨室於其中以爲挾害之具又僞造原任閣輔吳甡一序以騙詐其子見任中書吳元萊奉旨圈議部議書內有名之人共七百名內有寫序寫詩譏傷本朝之人五十餘名合行查究奉旨沈天甫夏麟奇呂中逃走之施明未來之吳石林及代主控告之葉大等合夥指造逆詩肆行騙詐雖稱逆詩從海外帶來茫無憑據又云編詩之



陳濟生久經物故而從海內帶詩之施明又經逃走此等奸棍嚇詐平人搖動良民誣稱謀叛以行挾害大干法紀爾部即將沈天甫夏麟奇呂中葉大俱行嚴審擬罪具奏逃走之施明未來之吳石林俱著嚴行緝拿獲日也著擬罪具奏刑部審得沈天甫等供稱騙詐吳中書銀二千兩未給將此書出首欲圖三品前程是實奉旨將沈天甫夏麟奇呂中葉大四人於閏四月二十二日押赴西市處斬施明吳石林緝拿未獲今元衡所首之書一百二十餘葉與沈天甫之三百一十六葉者雖刪去頗多而詩即啟禎之詩傳即此詩之傳編造之人即陳濟生其爲一書不問可知也恭繹明旨不直曰陳濟生而加以又云二字又云者據沈天甫之所云是已故之濟生聖明猶燭其誣罔而元衡欲以此牽事外之人而翻久定之案其南北通逆一稟云據各刻本山左有丈石詩社有大社江南有吟社有遺清等社皆係故明廢臣與招羣懷貳之輩南北通信書中確載有隱叛與中興等情或宦孽通好或匹夫起義小則謗讟大則



悖逆職係史臣宜明目張膽秉筆誅逆故敢昧死陳  
揭逆刻種種罪在不赦北人之書削我廟號仍存  
明號且感憤乎鴟張虎豹乎王侯南人之書以我  
朝爲東國爲虎穴以僞王爲福京爲行在北人之書  
日斬虜首鄧汾陽王鐵嶺郭汾陽王鐵嶺郭汾陽王鐵嶺郭汾陽王  
思漢威儀紀漢春秋南人之書有黃御史握髮一傳  
又有起義有舉事有勸衡王倡義及迎魯王浙東王  
上益王等事又有吳人與魯藩舟中密語又有平敵  
將軍有懸高皇帝像慟哭及入閩入海等事北人之  
書有含章館詩集友晉軒詩集夕霏亭詩郭汾陽王  
考傳南人之書有啟禎集卽忠節錄歲寒詩東山詩  
史倣文信國集子美句百八十章其北人則黃培所  
刻十二君唱和序跋等人其南人則啟禎集所載姓  
名籍貫俱在刻本中約三百餘人是元衡之意不但  
陷黃坦陷顧甯人而并欲陷此刻本有名之三百餘  
人也不知元衡與已斬之沈天甫逃走之施明何親  
何故何以得此海內帶來之書而前唱後和如出一



日其與不識面之顧甯人刻本有名之三百餘人何  
繼何隙而必欲與黃氏之十二君者一網而盡殺之  
推其本意自知以奴告主之罪律所不赦欲別起一  
大獄以陷人而爲自脫之計遂蹈於明旨所謂嚇  
詐平人搖動良民誣稱謀叛以行挾害者而不覺也  
天道神明不僭不濫今於三月四日束身詣院投到  
俟聽審鞠至教唆陷害別有其人尙容續布統惟詳  
察江南布衣顧甯人頓首穆案進士履歷便覽黃元  
衡字元璿卽墨縣籍膠州人順治己丑科會試十八  
名欽授內翰林國史院庶吉士辛卯升宏文院編修  
曾祖繼節祖寬父瓚又黃貞麟字振在卽墨人順治  
戊戌會試二百八名戶部觀政庚子授江南鳳陽府  
推官曾祖兼善廩生祖宗曉潞安衛經歷父墀庠生  
又手札云在都時極荷惓惓之愛今姜元衡拔及  
弟名具題請旨弟已赴濟南投到矣先有一札致  
譚年翁業詳此事始末念知已聞之必倍懸切謹此  
布啟前沈天甫所指造陳濟生逆書有序有日有詩  
有傳原狀稱共三百一十六葉今元衡所首之書無



序無目無詩止傳一百餘葉知卻中原書已燬剛去  
天甫狀中已經摘出者稱另是一書據元衡南北通  
逆情由一揭欲借此書另起大獄而羅書內有名之  
三百餘人於其中以翻主僕名分之案不知就此百  
餘葉中篇篇有濟生名則卽此一書之明證也奉  
旨爲沈天甫指造之書卽以故之陳濟生尙屬誣罔  
而况餘人乎弟敢不惜微軀出而剖白此事尤望大  
君子主持公論此札仍乞傳與譚年翁一觀并以告  
諸吳越之同聲氣者廣韻畱程宅候取不盡又一  
通云前有一函想已徹覽弟不遵明哲之訓果有此  
累今江夏之驕客足以致敗而與之同事奈何奈何  
南冠而縶竟不得出一切詳之舟老書中惟知己爲  
之壯拯懸切懸切餘語去价能道不悉又一通云  
弟來此區區之意尙未得少申爲歉廿四日出都前  
往歷下如有札寄示乞寫德州北李宅家報付報房  
封遞三四日可達李老先生諱源字星來原任河津  
令與弟交頗密卽爲專人齎至省城也事畢再容趨  
至九頓報至德州先到蕭宅次卽傳至李宅有二李



故稱北以別之 又一通云來諭惓惓深感愛厚所  
云屢有言相致者止於舟札見之宅皆未到卽賦梅  
者止有一札無兩札也所云但當力辯有無勿牽別  
事敬如台旨笥中之書昨至德州點簡二日悉取而  
焚之矣并復此中之事大抵上有求而下不應弟遂  
無保出之法黃氏絕不照管債主斷絕日用艱難莊  
田之麥俱爲劉棍割去每日以數文燒餅度活何以  
能支欲乞一問南夏諸公若天生至晉可爲弟作書  
促之人京持輦下一二函至厯下必當有所濟弟已  
別有字往關中矣一切統希垂照不宣舟書可互觀  
之穆案子德荅先生贈詩有云客返關中路書傳厯  
下城自注客秋有鄉人至自濟南拜先生書 又一  
通云五月十九日院審先取有同案中年老者四五  
人保識黃御史曾已剃頭口供次辯啟禎集中有甯  
人字無顧姓又不在黃御史一篇傳內并審出章邱  
地土情由准問姜要顧甯人輯書實證無詞以對又  
扳卽墨老諸生杜廷交祀讞齟齬爲證又展轉推出所  
從得書之人爲萊陽縣孫榮之乃積年走空之人今



赴院畫供想有題結之望凡所以入險能出困而不  
蹟者皆知己扶持之力當世世尸祝不敢以楮墨宣  
矣前具近詩六章曾徵覽否屢有札與舟公托其致  
感而未見一報豈其移寓或石頭之沈浮邪今有一  
函乞致之近况詳之函中可共覽也旅食無依暫寄  
徐玉老署中不謂有延安之陞則此中別無主人矣  
萬老先生書已投似蒙注念院批取保一宿便發也  
弟候命下結案即詣都中叩謝如尚遲則俟舍甥  
北上時代弟九頓台牀今來者玉老之僕屬其三日  
後走領回書返寒不莊幸宥長至日弟名正具  
案徐玉老者濟南府志有徐真修遷安人康熙中  
由拔貢官濟南通判旋升延安同知蓋即其人

### 是年詩有赴東六首

徐譜詩有云荏苒四五日乃  
至攀髯時是訟繫時當三月

十九日也  
穆案子德荅先生贈詩有云  
節至通蘋藻自注先生在難不廢時祭  
李子德

聞余在難特走燕中告急諸友人復馳至濟南省



視於其行也作詩贈之一首

穆案子德春懷詩之第五章有云歷下東

湖青溟州歷山東望白雲樓深知鄒子繫非罪敢謂魯連排眾謀欲陟岱宗俟它日將觀滄海難久

畱詠此年赴東馳救

及因疾先還事也

歸元恭文鈔有與先生書云戊申春夏之交聞兄以山左縉紳相離之事連及時適有海陵之行無從問得確耗秋間還從令甥處知兄遂不免犴獄私心憂之未幾而得所寄書及六詩讀之深歎兄之善處憂患張元節之亡命雖幸免禍君子譏之兄乃自詣獄不惟舉動光明揆之事理亦自宜爾蓋兩姓交惡而委罪於兄兄身出則事白事白則身全兄之慷慨就獄乃精於脫禍者也但不知出獄之後復栖遲何所弟前書中戲詰三窟後察之亦不甚確惟濟上一窟是實而聞又爲人所賣趨擧免幸脫於羅將仍依此窟抑復別尋窟乎一笑六詩已和得奉覽其中迂怪不悛及江南樂土



等語初非因此事而發蓋別有爲前書自言情於  
音韻之學著書已成弟未見及但友人頗傳兄論  
音韻必宗上古謂孔子未免有誤此語大駭人聽  
許翰案語以駭人實無可駭傳語所謂得其旨  
未免駭人語以駭人實無可駭傳語所謂得其旨  
韻學始亦未精於此度兄學益博則僻益甚將不  
獨音韻爲然其它議論倘或類此不亦迂怪之甚  
者乎卻子語迂單子知其不免况又加之以怪乎  
此平生故人所以切切憂之願兄抑賢知之過以  
就中庸也向讀所寄山陵詩忠義感激使人泣下  
顧兄之去墳墓十餘年矣初因避讎勢非得已歲  
月既久怨讎已釋且今年讎家已盡室赴任更無  
所慮柳子厚竄南方惟以不得上邱墓爲恨謂其  
祖先曾不若馬醫夏畦之鬼猶得享歲時之祭彼  
以得罪不能歸兄今欲歸其孰禦之獨無邱墓之  
思乎此又平生故人所懇懇於懷者也  
局於短篇未能盡達所懷故復及之令子定已長  
成曾再索三索否弟則屢抱山簡之痛方深伯道  
之悲也年來筆耕僅能餬口雖不閉戶亦難遠遊




惟去歲爲先太僕遺集事與季侍御相商一渡長  
江耳詩古文以乏人繕寫不能遠寄刻文一首呈  
覽立齋太史北上草此  
附候便羽幸惠德音

顧亭林先生年譜卷二

譚瑩玉生覆校





















































顧亭林先生年譜卷三

後學平定張穆編藏書

八年己酉五十七歲

春入都寓七聖庵旋往山東已復入都寓文昌閣

三月往昌平五謁天壽山及懷宗櫬宮是行也與李

子德偕

元譜 穆案受祺堂詩集有舊年甯人先生以無妄繫濟南走書報我觸暑馳視苦疾作

辭還先生寄贈行三十韻詩春日晤保州重會薊門奉荅前詩廣五十韻一首詩有云甫定他鄉榻俄從

上日觥自注先生以二月朔至又云每詢邳邑樹誰薦寢園櫻自注時在清明是先生此年與子德會合

及謁陵之時日也二月朔至保定一節譜亦失載又案江藩宋學淵源記謂天生於甲申乙酉間與先



生冒鋒刃閒關至燕中兩謁愍帝攢宮是并先生詩文集亦未之見也回都移寓公肅

錫邸舍元譜撰旋進祕書院侍講秋典試陝西四月

出都至順德厯邯鄲返章邱與謝長吉對簿案始結

元譜先生有與顏修來手札云夏初匆匆出都歉

然之懷難以筆道想道履彌勝大業彌增令叔先生

今在都門亦當聽鵲起之音奏鹿鳴之什矣弟久滯

安德仰藉洪庇章邱一案已得小結雖陷害之情未

明而霸占之律已正轉蓬思息倦鳥知還九仞之功

非仗婁侯不能終此一簣敢乞鼎致其詳在札中未

緘以舟老正值文場不敢瀆札并乞於試畢日道念

小价王登往莊故另遣潘一廉其人謹愿望示回諭

詳文於二十日後到廳更懇

家報中速聞之至禱至禱

赴大名歸逕保定

冬抵平原潘次耕未來受學穆補案遂初堂集補遺有己酉冬自淮陰抵



平泉呈亭林先生六十韻詩詩末云汝野黃雲凍沂  
山白草枯隻身經雨雪遠道涉崎嶇先生荅詩云蕭  
蕭行李鴈飛秋是次耕以  
冬初謁先生於平原也  
十一月至都主申叔旆

### 又主謝方山重輝

元譜方山名未詳穆案方山名重輝德州人以父陞廕官至刑部郎

中陞字伊晉萬厯丁未進士官至建極殿大學士  
國初徵爲左柱國內院大學士卒諡清義宋牧仲李  
湘北田山蘊集中均有與方山酬倡之作趙飴山談  
龍錄舉本朝詩人山左有九皆各有所就了無扶持  
依傍而德州謝刑部方山重輝居其一漁洋詩話稱  
其過鍊佛寺詩池北偶談又述方山言銀瓦寺古鏡  
事又嘗序其所著杏村集曰去膏存骨去枝葉存老  
幹真賞甚稀存之篋中以待元次山杜清碧其人定  
相賞於弦指之外可謂推獎不遺餘力而臨清汪灝  
送方山告歸詩云真得意時惟嘯咏不如人處是功  
名蓋亦恬於進取者又案鶴徵錄潘次耕之試鴻博  
也由左諭德盧琦及刑部主事謝重輝薦舉然則方



山學行亦約略可見矣先生有與顏修來札云老年臺旣晉秩寅清而令兄復駿蜚東國凡在知己莫不欣忭弟有訟事未了尚缺叩賀茲有德州方山謝年兄入都附此申候方山爲內院清義公之冢翩翩文雅更能熟於古今少年中鮮其儔匹屬以蔭職赴部一切仰祈照拂緣弟夏秋主於其家昕夕對譚心所歸依惟在門下至於居官涉世之道亦望時時提命貴鄉才俊可爲後勁不俟弟言之畢也冬杪圖晤不悉中懷穆案札云晉秩寅清者修來以中書舍人恭逢聖祖臨雍加恩四氏遷禮部儀制司主事也云令兄駿蜚東國者修來兄光猷以是年秋領本省鄉薦也是年次甥秉義

中式順天舉人

執友王起田王思齡歿

元譜思齡里居出處

無攷

是年詩有樓桑廟一首有事於櫜宮一首贈李貢



士嘉一首邯鄲一首邢州一首自大名至保定子

德己先一月西行一首潘節士之弟耒遠來受學

一首

徐譜案是年潘耒將讀書於婦翁王略家六月略卒十一月耒妻亦卒故耒去山陽適平

原也時當已冬盡矣

有謁欖宮文王起田墓志

九年庚戌五十八歲

四月往德州六月程正夫李紫瀾延先生於家講易  
至九月初講畢卽以是月入都九日與朱錫鬯及嘉定陸翼王元輔在北平孫氏研山齋詳定所藏古碑



刻元譜謙案元輔號鞠隱經學湛深陶庵弟子學術  
志行不愧師門曝書亭集跋李龍眠九歌圖卷康  
熙庚戌九月九日偕崑山顧炎武甯人嘉定陸元輔  
翼王永平申涵光鳧孟嘉興譚吉璫舟石觀於宛平  
孫氏研山齋是年竹垞又有同紀處士映鍾杜太史  
鎮譚舍人兄吉璫集孫侍郎研山齋四律其弟三首  
尾句云齊東回首望最憶虎頭癡自注謂顧子炎武  
蓋研山一集之後即出都竹垞復有宴集而憶及之  
也

出都至曲周訪路安卿 歷河南至山西復回

山東度歲 是年初刻曰知錄八卷

元譜 徐譜案 初刻八卷本有

七七一條今刻本無見全謝山經史問答今刻本弟  
六卷有一條有錄無書是錄為先生自定書則經後

人刪

潤也 長甥乾學登進士一甲三名

元譜 穆案是 年公肅擢國子

監祭酒 憺園集書錢糧論後曰舅氏亭林先生學  
博而識精於天文河渠禮樂兵農錢穀之故上下古



今洞悉原委數往來畿輔齊魯秦晉間盱衡時事間有所作錢糧論二篇至為痛切仲長統昌言崔寔政論之儔匹也某昨歲對策謂須得公忠強幹之臣權萬物之有無計百姓之贏絀而為之變通蓋寔本於先生之論紹基按健庵對策云漢唐三代以帛為租宋始用錢金章宗鑄銀曰承安寶貨公私迄今用之礦脈久閉海舶已停民間之銀日耗而不生而土供者必以常額宋齊邱有言錢非耕桑所得以錢收稅是教民棄本逐末也此寔本於錢糧論

是年詩有述古一首德州講易畢奉柬諸君一首

輓殷公子岳一首

元譜岳字伯巖一字宗山雞澤人有畱耕草堂詩集

穆案池

北偶談殷岳工五言古詩平生不解為近體常為雕寧令輒自罷歸是年程正夫有贈先生序云東吳顧亭林先生今之大儒於書無所不讀習熟國家典制以至人情



物理淹貫會通折衷而守之卓乎爲經濟之學者也而失意於時君子惜之以故北游上國歷燕趙之墟上太行渡黃河出塞入關極秦晉之鄙折而畱滯於齊魯間皆得周覽其名山將以擬太史公之故事乃每過吾州輒見訪如僑札之歡皋梁之托也爲余談說經史不憚娓娓或畱信宿或浹月經時然後乃去因見其著述之富汗牛充棟要皆崇正黜邪一軌於聖賢之微旨抽關啟鑰盡見其全其辯詳以覈其論典以要其思平寔以遠其義純粹以精本於經而不泥於昔聞原於史而不拘於成說多前賢所未明一旦自我發之者自漢唐以來諸賢林立觀其意思略與鄭康成王文中輩相彷彿皆能深造理窟立追大雅以斯文爲己任者也以視今之作者不啻奏黃鐘大呂於秋蟲響荅之前其鉅細不侔矣假使先生得時而駕爲當代柱石功業所至不過封侯而止其於閑先王之道以津逮將來爲天下後世之利且孰得而孰失乎今年結夏於此與二三同人講易復得發其日



知錄一書觀之多攷古論世之學而其大指在於明經術扶王道爲之三歎服膺勸其出以惠學者此自亭林支峯蔓壑余老病荒忽書數語其後附以不朽必欲東觀大海盡十洲三島之奇則有先生所著之全書在非一朝一夕所得而卒業者矣余不佞倘如豫之五爻疾而不死請得讀書養氣十年之後文思少進爲先生細論之康熙九年八月

是年爲路安卿之舅氏王君國翰撰墓志銘

十五年辛亥五十九歲

從子洪善洪慎來省先生於都門 入都主原一甥

家 夏熊青岳閣學欲薦先生佐修明史力辭之

元譜

謙案青岳名賜履字敬修孝感人順治戊戌進士諡文端又戊午荅潘次耕書云辛亥之夏孝感特簡相



招欲吾佐之修史吾荅以果有此命非死則逃原一在座與聞都人士亦頗有傳之者耿耿此心終始不

變云

云 出都歷忻州之靜樂平定州之盂縣至太原

元譜

穆案是年太原知府為延津周令樹曝書亭

集辛亥年春有送周郡丞合樹遷太原守詩是也合

樹重建晉祠碑亭記往崑山顧炎武為合樹言唐宋

人題名及詩多刻之古碑陰碑陰既滿往往闕入行

間此獨以御製御書唐人無敢刻一字至宋始有題

名碑陰及兩旁者而正文特完好云云按記作於明

年王子端午後三日所謂往者即此為太原守周

年事也合樹字計百順治乙未進士

計百合樹點定荀悅漢紀重刻漢紀序晉陽書肆之

書漫不足觀民間又鮮藏本間訪傳青主徵君於松

莊案間見有荀氏書喜甚假以歸手自校讎往往與

班書相出入蓋荀書雖據班書他所撫採尚多故頗

存異同又有班書所未載者參得失廣異聞固悅本



志也後人每据班書以改此書而其誤彌甚宋巽巖  
李氏已言印本多譌此本爲明黃姬水所刻舛錯不  
少適顧亭林先生來爲點定一過刊誤存疑遂爲善  
本云云案次耕雙塔寺雅集詩序出太原郡城東南  
行七八里松莊傅隱君青主所居也太守延津計百  
周君歲之初吉率子若壻屏騶從挈壺觴躬造於廬  
是訪青主者爲郡守周令樹也又次耕太原守周令  
樹墓志云余布衣時嘗讀書太原署中則此敘卽代  
周作也又九日同惠元龍家雙南兄登瑞光寺塔詩  
注辛亥九日同閻古古傳青主飲太原新寺是次耕  
以此年客太原周假書顧校  
書潘代作書序皆一時事也  
十月交城令趙恆夫

天羽邀與華亭陸集生慶臻上海蔡竹濤湘翦燭賦

詩元譜謙案恆夫名天羽號吉士休寧人人籍錢唐

順治辛卯舉人由知縣內陞戶科給事中降補國  
子監學正著有續表忠記音韻正譌寄園寄所寄萬  
青閣全集集生名慶臻金山衛人崇禎壬午舉人順



治八年棟選推官不赴游秦晉間晚始歸里著薺庵詩稿貧甚不克葬其親泣曰得墓田一笏營葬足矣故又號笏田竹濤名湘竹宅阮亭均與倡和後客死交城

### 是年詩有寄張文學昭時淮上有築隄之役一首

元譜案是年奏於淮揚界築翟家埧至十八年七月戴功山陽寶應高郵江都四州縣河西諸湖涸出者招雙鴈一首夏日二首秋風行一首靜樂一民佃之

### 首寄王高士錫闡一首

錫闡字寅旭一字昭冥號餘不亦號曉庵又號天同

一生吳江人精於歷算著有太歷統西歷啟蒙丁未歷稿推步交食測日小記三晨晷志圖解曉庵新法歷說歷策左右旋問荅諸書穆案廣師云學究天人確乎不拔吾不如王寅旭又案廣師云所列不如之人十而見於詩文集者九獨與吳任臣交游之蹟無可攷見附識於此廣師云博聞強



記羣書之府吾不如吳任臣任臣字志伊一字爾器浙江仁和人廩生福建莆田人已未試鴻博二等授檢討著有周禮大義禮通十國春秋山海經廣注等書魏冰叔稱當世著作有不可少之書三十國春秋其一也王倬今世說云吳志伊志行端慤博學深思兼精天官奇王之術又精樂律嘗於市上見編鐘一枚曰此大呂鐘也後滌視款識果然

孟縣北藏山一首

十一年壬子六十歲

由山西至京主公肅甥從兄平庵甥徐履忱來省

元譜

平庵名孝宏以貢選泰興縣訓導卽武孝廉爾策之父

五月至濟南

八月

入都仍主公肅甥

十月往德州

元譜云舍甥久積傾慕先生手蹟

昨奉叩未晤今擬於初四日扳駕一談俾弟亦得侍聆誨言至感至感弟在初旬內亦欲出都矣又一通



云五日前曾走叩未晤既台命諄諄不敢固强舍甥  
容另卜日奉候但弟日下卽擬出都不得追陪一敘  
奈何奈何尙容趨別未悉又一通云前走叩未得面  
弟以十二三出都往德州此刻擬一造別并問貴鄉  
有旅伴可同行否退答先生常問起居附及  
穆案此三札以元譜推尋情事當在是時

由河南

至山西

元譜

與閻百詩若璩相遇於太原

徐譜案尙書古文疏證有

壬子冬客太原與顧甯人論朱謀瑋水經注箋事  
穆案潛研堂集閻先生傳康熙元年始游京師旋改  
歸太原故籍爲諸生祭酒顧先生炎武游太原以所  
撰日知錄相質卽爲改訂數條顧虛心從之又潛  
邱劄記有與先生論幽并營在禹貢九州外一條云  
余時同客太原面質正云云又曰吾與君所共游者  
非石嶺關以南乎潛邱生於崇禎九年丙子少先生  
二十三歲松案潛邱補正日知錄凡四十一條復  
糾肇域志言晉穆侯晉境不得至界休之非又言代  
四遷不止於三江三僅知其二說具載所著劄記



中然與劉超宗書言先生之書精且博與戴唐器書  
言讀顧氏音學五書心花怒生背汗浹出又言此地  
縉紳有如馬宛斯其人者文學中有如傅青主顧甯  
人其人者使後生小子感奮興起紹明古學直追金  
華嘉定諸先生之遺風其服膺先生至矣  
度歲於靜樂 衷和敏德來

學

元譜所載未詳其人

寓書潘次耕議撫吳江族子衍生爲

嗣

是年從子洪善鄉試中式舉人

元譜

原一主順

天鄉試

韓元少出其門

有撫其取副榜不及漢軍者坐降級

歸

穆據有懷歸堂集補

潘稼堂贈先生六十壽序云吾師亭林先生負名世

之資學貫天人而遭罹厄會崎嶇戎馬之間顛沛岸



獄之下瀕危者數矣卒自全客游二十歲窮邊絕塞  
靡險不經而筋力不怠今六十矣精明彊固無減壯

年徐譜

是年詩有讀李處士襄城紀事一首寄楊高士瑀

一首

謙案瑀字雪臣武進人著有飛樓集一百二十卷年七十餘卒穆案廣師云讀書爲已

探賸洞微吾不如楊雪臣健庵雪臣七十壽序先生少日好立奇節旣而厚自刻厲率諸子鍵戶讀書自經史而外分授天官地理厯律兵農之書出則與惲遜初講學南田及東林書院如是者餘三十  
年齊祭器行一首題李先生矩亭一首謙案忠太史周惕李君墓表君諱源字江餘一字星來德州人順治丙戌進士授河津令有能稱罷歸爲人和易恬退好



讀書至老不倦於古今河渠漕屯兵農諸事討論  
尤精云云濟南府志稱源歸里後築退庵因以自  
號植花竹購圖書崑山顧處士炎武聞源談易數  
歎曰今之管輅也 穆案此卽先生戊申赴東手  
蹟所謂北 瓠一首土門旅宿一首  
李家也 謙案先生是年有與李武曾書云弟夏五出都仲  
秋復入年來蹤跡大抵在此將讀退谷先生之藏  
書如好音見惠亦復易達頃者日知錄已刻成樣  
本特寄上一部天末萬山中冀覽此如覲面也率  
爾不宣據手  
書墨蹟補入

穆案望雲樓帖又載與潘次耕手札云昨退翁見  
召午後趨往而太史公已行不得一晤幸致意明  
日有便酌可於晡時過我昏後遣騎送回此啟次  
耕賢弟炎武頓首以時攷之當在此年八月復入  
都門時也 又案周令樹重建晉祠碑亭記末云  
時同游者有炎武之弟子吳江潘耒記作於此年



端午後三日意次耕由太原入都冬乃南歸也故有與議立族子衍生之書

十二年癸丑六十一歲

正月由靜樂南歸至揚州

元譜作由山西之山入都東據手札正說見後

主公肅甥

四月至德州訂州志

返章邱桑家莊

八月游濟南

元譜

寓通志局

穆據居易錄及手蹟補居易錄山東通志修於癸

丑當事既視為具文秉筆者又鹵莽滅裂不諳掌故人物一門竟將曹縣李襄敏秉單縣秦襄毅絃沂州王恭簡景三鉅公姓名事實削去不存一字其餘可概見矣時方伯施泰瞻天齋主其事聘吳郡顧炎武在局而不一是正可惜也先生有與顏修來手札云弟今年寓跡半在厯下半在章邱而修志之局郡邑之書頗備弟得藉以自成其山東肇域記若貴省之志山川古跡稍為刪改其餘概未經目雖抱素餐



之譏幸無芸人之病然以視令叔先生則真魯之兩  
生不敢望後塵矣汝陽歸我治之四年始得皆爲良  
田今將覓主售之然後束書西行爲人山讀書之計  
所刻座右銘一通並音學五書面葉呈教近日又成  
日知錄八卷韋布之士僅能立言惟達而在上者爲  
之推廣其教於人心世道不無小補也率此附候不  
宣 穆案通志之役張稷若亦在局中見所作李織  
齋文鈔序李織齋者卽先生謫觚十事所云樂安李  
象先也 十月自章邱至德州哭程正夫工部又聞從

叔父穆庵及歸元恭訃設祭於桑家莊 入都得滇

南報元譜是年朝議 寄潘次耕書令族子衍生北

上 在京度歲元譜 是年次甥秉義登進士一甲三

名穆補 韓莢榜莢字  
元少號慕廬長洲人



是年詩有贈錢編修秉鐙一首

元譜秉鐙字幼光後改名澄之字飲

光宏光時客嘉善錢吏部仲馭家馬阮方興大獄逮捕諸清流飲光名亦在捕中乃變姓名逸去南都失守飲光走粵東妻孥盡死於震澤乃爲僧裴釋名西頑七年後始返故里編修蓋唐藩遙授者

穆案譜謂編修爲唐王遙授大謨穆嘗鈔得飲

光所撰明末野史其永厯紀事篇載云永厯三年

十二月二十四日上臨軒親試經義三道論一道

詩一首取中八人授翰林院庶吉士秉鐙名在弟

二又一條云庚寅冬蒙臨軒特典改授庶吉士予

出山陰嚴公起恆門公在上前極稱予有制誥才

請改編修管制誥上頷之然則飲光乃桂王間關

從龍之彥矣故先生詩曰斷煙愁竹泣蒼梧禿筆

悽文來漲海也松案飲光於壬子冬入都館龔

尙書鼎孳家見憺園集謙案飲光嘗問易於漳

浦黃先生撰田間易學又撰田間詩學以小序首

句爲主采諸儒論說自注疏集傳外凡二十家於



名物訓詁山川地理言之尤詳詩得  
香山劍南之神有藏山閣稿田間集  
先妣忌日

一首自章邱回至德州則程工部逝已三日矣一

首有歎一首哭歸高士四首  
穆案微雲堂雜記顧

同里開元恭守鄉曲而甯人出游四方所至墾田  
自給元恭嘗邀同社諸君子會於影園余以病不  
果往元恭旋歿余以詩哭之又爲文祭之日先王  
道喪士習懦懦孔子有言必也狂獧歸奇顧怪剗  
蚶於一時之選漁獵子史貫穿經傳志尚氣盛雄  
傑魁岸顧游四方燕塞秦甸君獨閉門枯守筆硯  
跡弛不羈俗人笑嘲抱太僕文  
蒐羅拾擲胡忽隕亡逝如飛電

有從叔父穆庵府君行狀

是年先生有荅李武曾書云黔中數千里所刻之  
書并十行之牘乃不久而達又得手報至方山所



而寄我於樓煩鴈門之間若頻陽至近天生至密  
而遠客三楚此時猶未見弟之成書也堂穆纂授德  
於壬子歲癸丑兩年俱在湖北醴醴丑人事之不齊有  
如此者可爲喟然一歎此書中有二條未得高明  
駁正輒乃自行簡舉客改後再呈且續錄又得六  
卷未必來者之不勝於今日也交城縣刻弟所正  
之七經誤字附上一紙比客維揚頗能攝疾遠承  
注問并謝附李來書云客春黔陽一緘奉候想入  
記室自後驅車關塞不覺踰年朔氣愁人每憶江  
鄉景物恨不能奮飛與先生共話鶯黃柳碧間也  
邇來道體何似肺病想不復作甚念之弟新正入  
都爲諸公所畱遂下司勳之榻屈指邗江繫纜又  
在來春爲耿耿耳所攜台札一一致到阮亭匆匆  
屬筆前貽錫鬯物面致久矣君館於東撫君甚善  
也好風南來時惠遠音以慰翹切謙案武曾秋錦  
山房集序辛亥春從曹澹餘侍郎入黔朱竹垞江  
湖載酒集亦有寄武曾在貴竹金縷曲詞中有上  
已浮杯匆匆別句則武曾之往貴州是辛亥三月



茲書首云客春黔陽一札當指到黔之次年壬子  
而此書之發蓋在癸丑歲也兼得兩先生手翰故  
於今年並補錄之第以是年朱李兩家蹤跡就竹  
垞年譜證之與李書所云多不相符而元譜於先  
生今年亦未有揚州養病之事其中如何外近未  
敢臆斷存之以俟續攷 穆案據元譜辛亥十月  
在交城令所此云交城縣所刻七經誤字知必在  
辛亥之後據此年寄修來札云又成日知錄八卷  
此云續錄又得六卷知必在此年之前先生上年  
於靜樂度歲故云寄我於樓煩鴈門之間比客維  
揚則作復書之地也然則此札必在癸丑春首竟  
由靜樂南征元譜誤云之山東耳若良年一札則  
與先生書前後俱不相應知者先生既以著書相  
寄不容更無一語相復又漁洋以壬子夏典試四  
川差旋遂奉母夫人諱家居此有阮亭匆匆屬筆  
之語札必不作於癸丑更無疑也此札或前或後  
不敢遽定然考健庵李分虎詩集序曰長水李斯  
年武曾分虎三兄弟俱淵雅負雋才俱好遠游六



七年前斯年游粵東武曾游黔中而分虎尤越在  
萬里外在五溪六詔間旣念家有老母日南天末  
不可以久居則由金齒歷貴筑從其仲兄武曾開  
關跋涉以歸蓋歸甫踰時而西南之變作攷吳逆  
以十三年正月反而先生丙辰冬有與分虎詩曰  
李生符自南中歸攜李三年矣則武曾之歸當在  
此年冬盡札首又有此後驅車關塞不覺踰年朔  
氣愁人云云似是自黔歸後又作西北之游意此  
札亦當在乙卯丙辰間也車君因先生書有比客  
維揚語李書有邗江繫纜語遂誤仞爲來書耳曹  
澹餘侍郎者安邱曹申吉也康熙十年由兵部侍  
郎授貴州巡撫吳三桂反申吉從賊後不知所終  
或云三桂疑而藥之矣又案頃借得良年秋錦  
山房集其子澗偕跋云是編卽以行止出處爲卷  
次蓋仍然編年也癸丑歲九友詩其弟二首爲懷  
崑山顧甯人炎武尾句云昨者日知錄寄我楚南  
峯確係歲壬子也春杪有聞斯年兄從嶺南歸營  
草堂於長水東村相見當在今臘詩又二月中得



分虎自滇中寄詩有云約束琴書好歸去莫令又  
過菊花時歸途與分虎舟中夜坐共話家園詩有  
云武陵烟霞照江底人家茅屋秋雲裏則於晚秋  
道出湖南也此年蹤跡合之健庵詩序無不一一  
符合次年甲寅家居有家讌及同人游宴諸作次  
年乙卯歷游邗上滁州懷遠龍山諸處所謂自後  
驅車關塞不覺踰年也此後或家居或暫出游以  
未遠涉故詩亦不詳其偕健庵宮坊集錢遵王述  
古堂及立齋園居落成招飲諸作則丁巳後徐氏  
兄弟居憂時事然則此札必在戊午應詔北上後  
無疑時漁洋已服闋改官翰林竹垞亦破薦入都  
與札中云云又一符合也据知客春云者特同  
憶往事非孤指作札之前一年而先生之札及貽  
竹垞物何由得良年攜來此間情事則不可臆推  
矣良年初襲虞姓名兆潢又名法遠後復姓名李  
良年字武曾號秋錦嘉興人生於崇禎六年癸酉  
少先生  
二十歲



十三年甲寅六十二歲

正月出京由易州往汾州 四月至德州回濟南

度歲於桑家莊

元譜

是年詩有廣昌道中二首寄問傅處士土堂山中

一首與胡處士庭訪北齊碑一首

元譜謙案庭字季子汾陽人青

主弟子

穆案戴東原修汾州志庭父名遇春崇

禎戊辰進士

由聊城知縣擢戶部主事庭自李自

成之亂遂與弟同並隱居講學庭於易詩春秋論

語大學孟子皆有論著又曰顧炎武其學上繼漢

唐攷核之儒其金石文字記所載大相里齊天保

三年相里寺碑郭社村唐乾封二年郭君碑文侯

村唐上元三年任君碑小相里唐相里瑞碑詠史

晉天福五年相里金碑皆身至其地摹拓者



二首路光祿書來敘江東同好諸友一時徂謝一  
首過矩亭一首潘次耕南歸寄示一首子房一首  
刈禾長白山下一首歲暮一首

十四年乙卯六十三歲

從子洪善來省於章邱 赴濟陽訪張稷若 往德

州送程工部葬 八月自山東歷河南抵山西之祁

縣主戴楓仲廷栻家

元譜楓仲名廷栻祁縣人家多藏書及法書名畫著有半可集

與傳青主王漁洋友善謙案竹南漫錄楓仲博學好古所居丹楓閣上圖書鼎彝羅列左右人方之倪迂  
清楓仲爲築室祁之南山 穆據受祺堂集荅戴楓仲見懷詩注補詩云漢室聞



遺老君爲築草亭自注顧亭林先生因之置書堂焉  
將起山堂祁之南山戴力任之  
穆據蒿庵集及竹垞詩話補蒿庵自敘墓志所著  
有儀禮鄭注句讀遇崑山顧甯人錄一本藏山西祁  
縣所立書堂靜志居詩話甯人於山西營書院一區  
盡取家中所藏十四經二十一史暨明累朝實錄插  
籤於架子嘗分書題其柱云入則孝出則弟守先王  
之道以待後學誦其詩讀其書友天下之士尙論古  
人穆案先生又嘗欲作書堂於西河之介休聚天  
下之書藏之以貽後之學者見健庵兄弟徵書啓

十月六日張帝臣某及張又南雲翼過訪

元譜帝臣無攷

又南名雲翼咸寧人靖逆侯甘肅提督勇之長子以  
父廕官大理寺卿是年春平涼王輔臣反三月輔臣  
函大將軍符劄招勇勇斬其使命長子雲翼赴京首  
奏勇得晉侯爵閏五月大破賊於鞏昌收復寧州等  
衛之陷賊者亂遂平勇喜與賢士大夫延接同里若  
李中孚王山史李子德咸與之爲忘分交謙案先生



著左傳杜解補正三卷又南捐貲刻之穆案衍生  
嘗寫厯代宅京記一部贈靖逆侯其時又南已襲爵

矣

納妾於靜樂

元譜先生辛亥在太原遇傳青主  
診先生脈云尙可得子至是因納

妾  
是年公肅改翰林院學士原一復元官

穆補  
彥和時

官中  
允

是年詩有兄子洪善北來言及近年吳中有開松

江之役一首

元譜案康熙十年二月江蘇巡撫馬  
祐奏濬劉家河五千一百八十丈十

二月委蘇松常道參議韓佐周及蘇松二府同知  
通判師佐王永熙周祚昌等董濬吳淞江一萬四  
百九十一丈各於海口置閘其經費則奏准留蘇  
松常三府漕折銀九萬兩浙省杭嘉湖三府漕折  
銀五萬兩充費同藩司慕天顏檄行所屬督理是  
年九月崑山知縣董正位申詳開濬瓦浦凡三十



六里是月興工至十二年五月訖工邑諸生朱青以歲旱請於巡撫浚注浦自刁家橋東出吳淞民賴其利改注浦曰朱浦詩中有云那聞父老復愁兵秦關楚塞方酣戰者是歲以耿吳二逆之故天下騷然所在閏五月十日二首過張貢士爾岐一多不靖云

首送程工部葬一首寄路舍人二首孫徵君葬於

夏峯時僑寓太原不獲執紼一首

元譜案李徵君年譜乙卯冬顧甯人書來甯人自癸卯蓋厓別後雖足迹遍天下而音問時寄是時徵君流寓富平寄書略云先生龍德而隱確乎不拔真吾道所倚爲長城同人所望爲山斗者也今講學之士其篤信而深造者推先生異日九疇之訪丹書之受必有可以贊後王而啟來學者側聞卜築平陽管幼安復見於茲弟將策蹇渭上一敘渴悰也



是年撰陳鼎和墓志

十五年丙辰六十四歲

正月自山西之山東

二月入都主原一甥

元譜  
穆案原

一時官右贊善餘集有與潘次耕札云原一官彌貴客彌多便佞者留剛方者去今且欲延一二學問之士以蓋其羣醜吾以六十四之舅氏主於其家見彼蠅趨蟻附之流駭人耳目至於微色發聲而拒之乃僅得自免

三月回山東

五月入都二十八日先生誕

辰原一具酒稱祝

秋至薊州仍入都

十一月二

十四日先生弟五妹徐太夫人訃到二十七日成服

越二日設奠

命撫子衍生北上並寓書湖州沈允



斌三曾沈度汪涵昆季附其家眷舟至京

元譜謙案沈度汪

名涵一字心齋歸安人康熙丙辰進士官至閣學一統志稱其督學福建時試士公明雖勛貴請托弗許所拔皆名宿以朱子分年讀書法課士士習爲之丕變秩滿去閩人勑清茗書院祀之允斌未攷穆案康熙丙辰進士履歷便覽沈三曾允斌丙午年生歸安籍烏程人壬子十二名會試三十六名二甲二名欽選清書庶吉士戊午授編修沈涵度汪丁酉年生歸安人乙卯五名會試十七名二甲三名欽選清書庶吉士戊午授編修三代同蓋胞兄弟也以生年核之度汪是年二十歲允斌若生於丙午纔十一歲耳丙子殆甲子之誤是時年二十三也然試年多不足據如下顧洪善生於崇禎壬午而履歷作戊子則減六歲也又案康熙十八年已未會試允斌度汪皆充同考

在京度歲是年

從子洪善成進士

元譜改中書穆補康熙丙辰進士履歷便覽顧洪善字達夫



戊子年正月十六日生崑山人壬子十四名舉人會  
試十二名二甲十六名先生有手札云歲云莫矣  
欲走齋中一晤不知可得片刻之暇商訂風雅否此  
間殊覺總總弟於二十七日移至舍姪寓中度節肇  
域記想已閱畢幸付下此啓以元譜攷之知必在是  
時蓋因徐氏居憂故於成服之日卽移至達夫寓中  
也從子洪慎得子於崑命名世樞字之曰榮緒後更

名宏佐字復呂立爲殤子詒穀後

元譜崑新合志宏佐年十三補松江

府庠生長洲何焯跋其文勉以繩武年未二十病瘵卒健庵立孫議舅氏亭林先生立從子洪慎之子世樞爲孫或者曰無子而立孫非昭穆之序是使世樞有祖而無禰也先生卽有子而殤殤不立後盍擇諸族兄弟之子以爲嗣乎予應之曰不然自夫子之告子游已謂三代以後天下爲家各親其親各子其子爲人之同情是則兄弟之子必親於從兄弟之子從兄弟之子必親於族兄弟之子也明矣古人之立



宗也自非大宗五世親盡則族屬絕苟謂兄弟之子無當立者舍兄弟之孫弗立而立疏遠族屬之子爲嗣其於祖若考之意果無憾乎有國者之繼世與士大夫之承家其理則一而已矣吾外家顧氏侍郎公有二子贊善公爲大宗夢庵公繼禰之宗也夢庵公有子未昏而天貞孝王孺人服喪衰以歸於顧又十二年先生生先生方在襁褓夢庵公撫而立之爲貞孝後先生實吾外祖賓瑤公之子於賓瑤公之子孫爲至親賓瑤公諸孫洪善冢適也洪泰孤子不得爲人後吾仲舅子嚴失明年老唯洪慎一子非支子不得爲人後洪慎生三子矣立世樞爲先生後不亦可乎晉書荀顗傳顗無子以從孫徽嗣中興初以顗兄元孫序爲顗後封臨淮公荀氏潁川名族子姓甚繁豈無昭穆之倫可立爲子者而獨以從孫嗣其必不舍親屬而他立也禮之權而不失經者也何琦之從父以孫紹族祖琦以爲宗緒不絕若昆弟以孫若曾孫後之理宜然也禮緣事而興不必拘常以爲礙也故雷次宗釋儀禮爲人後者之文以爲不言所後之



父者或後祖父或後高曾凡諸所後皆備於其中庾  
純云爲人後者三年或爲子或爲孫若荀太尉養兄  
孫以爲孫是小記所謂爲祖後者也祖所養孫猶子  
而孫奉祖猶父無改父祖之差同三年也何琦庾純  
古所稱知禮之君子其言鑿鑿如此惟庾蔚之謂間  
代取嗣古未之間然試以各親其親之常情準之則  
必喟然發寤以爲不悖於先王之道矣故昭穆相續  
其常也如親屬無當立者不得已而立從孫爲孫如  
父子之誼仍不改其昭穆之倫毋亦勢之不得不然  
而聖人之所許與予故詳論之以告吾母黨云甥徐  
乾學謹議 謙案先生與李霖瞻書猶子衍生稍知  
禮法不好嬉戲竟立以爲子而崑山從弟子嚴連得  
二孫又令荆妻抱其一以爲殤兒之後云云所抱者  
卽洪慎之子宏佐本先生立爲殤子詒穀之後先生  
之治命也而衍生立爲子亦先生初意且相隨五六  
年並爲之授室以至於視含飯恩義亦非泛常乃稽  
其家譜立爲先生後者別名洪瑞又不詳洪瑞之所  
出豈先生旣歿家人乃斥退衍生復爲立洪瑞邪抑



洪瑞卽衍之改名邪均不可攷矣 穆案洪瑞蓋  
衍之譜名歷代宅京記後有衍之跋云先府君著  
書俱有自序茲編告成最晚甫脫稿府君捐館徐相  
國遣人取去自念雲泥勢阻無能往索至相國歸田  
後始獲檢還不肖衍泣血誌案立齋以康熙二十  
九年九月致仕歸里距先生之歿已九年又元和顧  
廣圻家藏先生著書目錄衍之手蹟也跋云歲丙子  
不肖衍生於舊麓中檢得此本讀之泫然因追想當  
年多所不符丁亥冬於宛陵旅舍出而錄之云云丙  
子爲康熙三十五年丁亥爲康熙四十六年距先生  
之歿二十六年矣康熙壬戌衍生年十七至康熙丁  
亥衍生年四十有三矣抱業稱孤曾無異說豈有家  
人斥退之理得此二證  
卓君之疑可渙然釋矣

是年詩有漢三君詩三首楚僧元瑛談湖南三十

年來事作四絕句四首簷下雀一首

元譜蓋居徐氏寓邸時作



薊門送子德歸關中一首

徐譜子德蓋自先生詩獄事畢至此年重至京

師

寄李生符一首

徐譜符字分虎良年之弟

作曰知錄自序與戴耘野書

徐譜戴笠初名鼎立字則之更名笠字耘

野又字曼公吳江

人潘稼堂之師

先生是年有與黃太沖書云辛丑之歲一至武林便思東渡娥江謁先生之杖履而逡巡未果及至北方十有五載流覽山川周行邊塞粗得古人之陳迹而離羣索居幾同傖父年逾六十迄無所成如何如何伏念炎武自中年以前不過從諸文士之後注蟲魚吟風月而已積以歲月窮探古今然後知後海先河爲山覆簣而於聖賢六經之指國家治亂之原生民根本之計漸有所窺未得就正有道頃過薊門見貴門人陳萬兩君具論起居無恙因出大著待訪錄讀之再三於是知天下之未



嘗無人百王之敝可以復起而三代之盛可以徐  
還也天下之事有其識者未必遭其時而當其時  
者或無其識古之君子所以著書待後有王者起  
得而師之然而易窮則變變則通通則久聖人復  
起不易吾言可預信於今日也炎武以管見爲日  
知錄一書竊自幸其中所論同於先生者十之六  
七但鄙著恆自改竄未刻其已刻八卷及錢糧論  
二篇乃數年前筆也先附呈大教倘辱收諸同志  
之末賜以抔彈不厭往復以開末學之愚以貽後  
人以幸萬世曷任禱切謙案此書不載集中茲從  
梨洲所著思舊錄中補入 穆案梨洲生於萬厯  
三十八年庚戌長先生三歲陳萬兩君者陳介眉  
錫嘏定海人以是年成進士入翰林萬謂季野先  
生時客健庵尙書家 又車君於辛丑下案云先  
生丙辰歲與黃太沖書是年曾至武林並未渡江  
而元譜乃謂抵紹興謁禹陵未知何據然先生實  
有謁禹陵宋六陵諸詩又似親履其地者不敢强  
解闕疑可也許瀚案娥江在紹興東嵎縣未渡娥



江非未渡錢塘江固無害其抵紹興謁禹陵也此  
言一至武林者猶言一至浙江耳卽東至紹興仍  
可說一至  
武林也

十六年丁巳六十五歲

正月與甥原一彥和公肅話別於天甯寺

元譜案寺在廣

甯門外

二月至昌平六謁天壽山及懷宗櫬宮是行

也與王山史偕四月出都十三日至德州見撫子

衍生及衍生之師李旣足雲霑於張簡可家

元譜先三日衍

生及師李旣足附沈度汪家眷至德州將入都先生預畱書張簡可家止之至是相見行父子禮謙案張簡可未攷穆案自此以下

訪李霖瞻浹李星

皆衍生所親見故記述頗詳



來源

元譜霖瞻名浹號陶庵德州人順治丙戌進士延慶知州芮城知縣潘次耕陶庵詩序先生雅

慕靖節爲人築一室曰陶庵日哦其中

是月二十一日自德州至鄭家

口二十四日抵曲周主路安卿家祀先於旅寓 五

月七日移寓曲周之增福廟

元譜主僧名晏如時當塗合賀宣三應旌亦寓

廟中延既足暫畱課子卽去之山西道汾州之介休霍

州之靈石 九月入陝主王山史家

穆補訂王山史山志丁巳秋

九月初三日亭林入關主於子家將同作買山之計頻陽郭九芝明府聞之以書來曰聞顧甯人先生已抵山居甯人命世宿儒道駕儼然非無所期而至止關學不振已久斯其爲大興之日邪子復之曰弟年近五十始歸正學今幸甯人先生不棄正欲策厲驚鈍收效桑榆云云 受祺堂集有承問甯人先生中



秋抵華下阻雨尚稽省視悵然有作四首又詣華陰時甯人先生未至一宿而行二首元譜記先生冬入陝十一月始訪山史於華陰以王李所記核之知譜誤也蓋衍生雖南來尚畱德州未隨行故所記稍差耳

### 訪李中孚於富平東南軍砦之北

元譜李微君年譜甯人自山右

來訪密邇微君時至臥室盤桓語必達旦案微君年譜系此則於丙辰冬攷衍生元譜丙辰年未嘗入秦其至富平實系丁巳當時衍生已隨侍往來應無誤記李譜或偶譌耳

### 李子德來迎因

### 過所居月明山下登堂拜母

徐譜山在富平縣東北七十五里子德居於山

下 穆案受祺堂集邑里絕句詩注頻山亦名月明山

### 十一月游太華重訪

### 山史於華陰

訂穆

復回山西度歲於太原之祁縣是

歲從子洪慎舉次子先生名之曰世棠字曰思召

元譜



此下日即寄書從弟子嚴欲立世樞為殤子詒穀後  
並屬達夫致詞謙案崑新合志世棠以諸生入太

學喜菟羅先世手澤以長子炯詩為宏佐嫁妾於李  
後構遺清堂貯從祖炎武遺書俾世守焉

又泉

元譜先生規友人書云於靜樂買一妾立嗣議  
定即出而嫁之李又泉無攷穆案餘集有與

潘次耕札云去秋已遣祁縣之妾以時考之去秋即  
指此年或靜樂所買之妾乃祁縣人邪日知錄月食  
條下有云靜樂李鱸習西洋之學疑又泉即鱸之字矣

是年詩有有事於櫓宮一首贈貫太監宗一首陵

下人言上年冬祭時有聲自寶城出一首郭林宗

墓一首介休一首介之推祠一首霍北道中懷關

西諸君一首河上一首

案丙辰年叛將王輔臣踞  
陝西之龍駒砦斷商雒南



路旋復引川寇犯通渭是年輔臣爲大將軍圖海  
所敗朝命招撫乃率衆降而賊黨吳之茂寇秦  
州十二月朝命建輝將軍吳丹略地華商副都  
統佟舒渾敗賊於峻嶺復山陽縣故詩有去年方  
鬪爭掘濠守  
朝那云云

### 雨中至華下宿王山史家一首過李

### 子德四首

徐譜案鶴徵錄云天生與亭林竹垞暨

而長於良年二歲雖在客所及私寓無或亂者故  
詩云及門初拜母讓齒忝爲兄穆案受祺堂集有  
甯人先生肩訪山村畱宿  
見贈四詩用韻奉答四首

### 阜帽一首采芝一首寄

### 李生雲霑一首

### 有荅曾庭聞書

元譜庭聞名晚初名傳燈寧都舉  
人弟名傳燦字青藜皆駿雄自命

有雙丁  
之目

### 作華陰王氏宗祠記



十七年六十六歲

春由太原入關中富平令郭九芝傳芳

元譜大同人  
穆案陝西

通志合長名宦郭傳芳字九芝大同威遠衛人由選貢授咸寧縣佐攝郃陽長安篆俱有聲遷富平知縣滇逆之變涼寇竊發傳芳偵賊將入境乘霧搗巢斬獲有功時軍書旁午傳芳轉輸有法民不告勞又受祺堂集與九芝詩至多九芝  
迎先生於二十里外元譜

一字獻素明年升任達州

穆案餘集先生有與潘次耕書曰頻陽令郭公既迎中孚而僑居其邑今復遣人千里來迎可稱重道之風而天生遂欲爲我買田結婚之計雖未可必然中心願之矣又受祺堂集有陳情歸賦雲中曲呈郭明府詩曰晨起呼童秣吾馬爲公親介初度觴前年是日杯相屬左有東吳右二曲自注謂甯人先生中孚家兄正此年秋事又云今此二妙跡稍遠太原徵君聲光續自注時迎青主傳先生至案明年先生出



游嵩少冬仲始旋關中故云跡稍遠而九芝又迎青主入關信乎好賢之篤矣

閏三月遣

子德家人至曲周接衍生及既定期會於富平軍署

李中孚家

四月朔九芝邀先生至署寓南庵旋移

寓朱公子樹滋齋中

元譜樹滋字長源故宣府巡撫都御史之馮子長齋繡佛以終

其身與既足次第故友遺詩

元譜穆案尙書古文疏證卷八余戊午應薦至京

師崑山顧炎武甯人時在富平有自富平來傳其新論者云云

時朝議以纂修明史特開博學宏儒科徵舉海內

名儒官爲資送以是年冬齊集都門候試先生同邑

葉訥庵閣學及長洲韓慕廬侍講欲以先生名應薦



已而知先生志不可屈乃已於是先生絕迹不至都

中

元譜 穆案已未詞科錄賈崧按葉訥庵侍郎欲舉亭林亭林固辭致書者三遂不列薦剡常熟吳

龍錫有詩云終南山下草連天種放猶慚古史箋到底不曾書鶴板江南惟有顧圭年

冬張又南廷尉承父命來聘往蘭州堅辭之

元譜張靖逆時

提督蘭州

潼商道胡狷庵戴仁來訪欲聘至署亦辭不

往

元譜何狷庵未詳穆案何乃胡謫陝西通志分巡潼商道有胡戴仁北直容城人康熙十四年以參

議任

過同州之華陰達華州止吏目王二華爾謙署

元譜爾謙常熟人

是年詩有春雨一首寄同時二三處士被薦者一



首井中心史歌一首夏日一首

元譜時秦隴苦旱

梓潼篇

一首和王山史燕中對菊一首關中雜詩五首過

朝邑王處建常一首

元譜建常字仲復邠州長武人居河渭之間早棄帖

括以著述自娛著有律呂圖說二卷

有荅潘次耕書與李湘北書

元譜湘北名天馥合肥籍永城人順治戊

戌進士官至大學士諡文定著有容齋集

徐譜

湖北時官內閣學士子德之舉鴻博是湘北所薦故先生為

與李星來書荅李紫瀾書與友人辭往

教書荅李子德書與友人書



顧亭林先生年譜卷三

譚瑩玉生覆校



顧亭林先生年譜卷四

後學平定張穆編

十八年己未六十七歲

正月往延安抵同官縣拜寇公墓

元譜名慎字永修同官

人墓在縣東南義興原餘集有寇公墓志曰天啟六年寇公爲蘇州知府炎武年十四以童子試見公被一言之獎於今五十有四年而始得至同官拜公於墓下旋攜衍生理寓華下山

史所構新齋

元譜案先生關中雜詩第五首自注云山史新構小齋將延余住又元譜是

年二月攜衍生理往華陰主王山史家而先生與從子書則謂新正已移至華下據正穆案受祺堂集有題無異先生顧廬三首序曰無異先生初輯是廬學易其中因以顏之顧亭林先生至華下借居之亭林



先生既歿山翁改署今名李生見而哀之且多山翁之敦夙好也爲詩紀寔云爾然則所構新齋卽山史之讀易先是山史以朱子於淳熙乙巳寄祿華州雲廬矣

臺觀欲爲建祠堂兼營書院以居先生因遷入山史

家

元譜

先生與從子書云新正已移至華下祠堂書院之事雖皆秦人爲之然吾亦須自買堡中書

室一所水田四五十畝爲養殯之計秦人慕經學重處士持清議寔與他省不同華陰綰轂關河之口一

旦有警入山守險不過十里之遙若志在四方則一出關門亦有建瓴之勢餘集有與潘次耕札曰朱

子祠堂山史但能割地耳經營之事吾將一身任之穆案祠堂於辛酉夏始落成書院則當因山史南

游故未竟其業故先生與李中孚書曰不欲再起書院蓋不欲借祠堂之名自營菟裘也受祺堂集有奉

先生詩曰曾論徽祀虛籩豆許傍新宮自築堂自注先生有約居雲臺觀朱子祠內徐譜是年李子德



自京師還潘稼堂贈詩有云吾師顧亭林名德今第一  
一停車華山陽與君等膠漆又云吾師築書堂髣髴  
近箭栝雲臺紫陽祠氣象甚宏豁見君樂  
難支管席諒不割謂先生在華陰時事也  
三月出

關作攝少之游

元譜

穆案金石文字記開母廟石

治暮春余親至廟下視此石闕云云又有嵩山太室  
神道石闕銘云在登封縣中岳廟南百餘步又有少  
室神道石闕銘云在登封縣西十  
里邢家鋪西距少室山尚十餘里

四月至曲周旋

由河南抵汾州

馬右實嗣光掣甘肅道欲挈姊氏

赴任時右實已患病止之弗聽

元譜嗣光無攷  
案順治丙戌進士履

歷便覽馬嗣光榜名剛字右實睢州人工部觀政授  
北直廣平知縣丁亥調湖廣辰溪知縣戊子本省同  
考庚寅考察己亥補江南懷寧知縣戊申升吏部驗  
封司主事庚戌會試同考本年升稽勳司員外郎奉



旨改名又庚戌同考吏部驗封清吏司主事馬剛裕三河南籍山東臨朐人又順治十八年縉紳懷寧知縣馬剛字胸河南睢州人又受祺堂集有送馬右實吏部分巡肅州詩時子德應鴻博試在京師也

長洲毛錦銜今鳳來受業 莫王式吾及平陽王

九如

元譜二人俱無攷

十一月回華陰 十二月二十七

日張又南廷尉夜半造訪 是年葉訢庵閣學充明

史館總裁欲招先生入史局復力卻之

元譜

公肅甥

二月 召監修明史九月赴闕

補穆

是年詩有寄子嚴一首寄次耕一首次耕書來言

時貴有求觀余所著書者一首雲臺觀一首西鵝



路一首雒陽一首嵩山會善寺一首少林寺一首

嵩山一首測景臺一首謙案潘耒游中嶽記告城鎮卽古之陽城也周公卜

洛立表測景以此爲地中今有測景臺存焉臺高

五丈縱廣三丈形體正方而缺其北面十之二三

以懸壺滴漏當缺處鋪平石一行於地其長視臺

之高廣可二丈許刻水道其上以承壺漏視水所

至以定時俗謂之量天尺規制古樸思理精微非

周公不能作臺南一石高丈許上立一表其長八

尺是謂土圭此唐儀鳳

中所立見杜氏通典卓太傅祠一首梁園一首

海上一首五嶽一首贈張力臣一首元譜時力子

德西歸省吾於汾州天甯寺一首穆案汾州志李

因篤與崑山顧

炎武太原閻若璩皆以博古精考核爲學者推

重其至汾陽因顧炎武游汾時取道而來也寄



次耕四首歲暮西還時李生雲霑方讀鹽鐵論一首

作寇公墓志銘爲吳江朱處士明德作廣宋遺民

錄序

元譜明德字不遠隱居爛溪之濱少治經義有聲別著句吳外史編記鼎革時事甚悉

書太虛山人象象譚後與潘次耕書與公肅甥書

與葉訢庵書與史館諸君書荅湯荆峴書

元譜案文正謝

病里居時先生曾以書通問旣開局修明史文正分編太祖本紀四卷列傳十餘卷以書來詢荅之如此謙案湯子遺書內載有荅先生書一通  
案受祺堂集有與湯荆峴詩云東吳披裘翁足跡  
天下徧掉臂凌遠  
與人書二十二  
元譜案崇福宮在登封縣北嵩  
皋惟公接游燕



陽書院之旁井叔氏葉名封武昌人順治丁亥進士康熙中授延平推官改知登封舉鴻博報罷入爲兵馬指揮介石氏耿名介順治壬辰進士登封人康熙十八年以兵備副使家居講學時登封令爲長洲張壩此書疑張於未竟工時以書相質故荅之如此其明年工竣湯文正公爲作嵩陽書院記

十九年庚申六十八歲

元旦作一聯云六十年前二聖升遐之歲三千里外孤忠未死之人以明神宗光宗俱崩於萬厯庚申也

正月至富平 二月先生仲姊訃至問二日成服

設祭 三月山西鹺使曾章山寅致餽

元譜 穆案寅江西清江



人康熙癸丑翰林

四月山史有諸母卒爲議服及葬祭之

禮 五月送馬右實喪出關旣足附之南歸 二十

八日先生誕辰富平令郭九芝將親來致祝力止之

華陰令遲屏萬維城造訪因與謀建朱子祠堂事遲

欣然捐俸爲倡

元譜 穆案屏萬又字間生受祺堂集有贈華陰遲明府屏萬詩云雲臺

樹接紫陽祠適館陶潛附一枝隔代虛傳提舉祿新宮兼致草堂貲正謂此事次句自注謂甯人先生又

寄荅孟謀嶽麓詩注朱祠倡於遲明府成於董明府董號裕庵 又陝西通志遲維城廣寧人康熙十九

年任華陰令歷任五載嚴禁刁風獎拔善類建朱子祠堂春秋奉祀

十月攜衍生往

汾州之陽城里訪前中尉朱敏浮

元譜 穆案汾州志有朱敏濠字龍



澤慶成府鎮國將軍李自成之亂罵賊死敏汧當卽其兄弟行志旣錄先生詩於藝文乃不詳敏汧出處何也陽城里在汾州守周西水于漆延請入署元譜縣東南十里

穆案汾州志十一月元配王安人卒於崑山訃于漆江浦拔貢

至次日出署十一日成服設祭逢七祭奠焚帛如常

儀度歲於王位冲德元中翰家元譜穆案汾州志王德元汾陽人

由貢官兵部職方司主事是年公肅擢左都御史原一以贊善

充明史館總裁穆補

是年詩有送康文學乃心歸邵陽一首元譜乃心字太乙邵

陽人漁洋奉使祭告西岳游慈恩寺見太乙題秦莊襄王墓絕句亟稱之康以此得名學使陸儼庭



德元拔之充貢是科以第五人冠其經長友人來安語云關中二李不如一康著有莘野集

座中口占二絕二首送李生雲霽南歸寄戴笠王

錫闡二高士二首訓族子湄一首

元譜湄字伊人太倉人著有水

鄉集朱處士鶴齡寄尙書埤傳一首

元譜鶴齡字長孺吳江諸生甲

申後自號愚庵絕意仕進專心經學以朱子掊擊小序太過乃集諸家說疏通序義爲毛詩通義以

蔡氏釋書未精撰尙書埤傳以胡氏傳春秋多偏見鑿說乃合唐宋以來諸儒之解撰春秋集說又

以杜氏注左傳未盡合俗儒又以林注亂之撰讀左日鈔自注詩文日愚庵小集又注杜工部李義

山詩與先生及同里陳啟源相友善哭李侍御灌谿先生模一首

元譜

侍御字子木吳縣人天啟乙丑進士東莞知縣行取遷河南道御史華下有懷顧推



官一首華陰古蹟二首悼亡五首

穆案詩有云送汝黃泉六歲孫

謂世樞也世樞以丙辰生至明年送碩人葬六歲矣

冬至寓汾州之陽城里

中尉敏浮家祭畢而飲三首

有音學五書後序荅王山史書荅王仲復書

穆案

史山志王仲復司寇心一公之從子也其學一以考亭爲師持躬處物悉有矩矱昔司寇爲逆黨誣害追贓仲復先君舉橐助之故仲復長而家貧遭亂棄諸生歿迹渭濱教授生徒足不入城市關西高蹈當推獨步庚申春予治先君側室張氏之喪雖其出也微念至孝苦節五十六年意不忍薄爲之加禮纔以從事時亭林已在予家仲復貽書亭林謂發乎情而不能止乎禮義非賢者所爲時予事已舉未之能從然不敢忘好友之規也  
謙嘗以此事質之李中耆太史兆洛太史曰王山



史幼嗣叔父其本生父母俱存其父攜之入都詳見山史集中兩書未具原始幾若山史為撫於張氏者如此則有慈母如母及庶母慈已之服豈僅以袒免從事乎後人有以此義駁先生者然書稱諸母固非慈母比也特以與友人辭祝書與王山少申數語致啟羣疑耳

史書

元譜案是時山史客游於外先生從山右寄書

復張又南書與毛錦

銜書與公肅甥書與王虹友書

元譜虹友名攄號汲園廩監生太常

時敏第七子

荅公肅甥書

元譜以上三書疑皆庚申在華陰時作時三藩扇動秦隴

間輓輿旁午故於公肅書中詳及時事

二十年辛酉六十九歲

二月望先生去汾州

元譜去汾州日別劉學使梅汾州太守周西水于漆州司馬黃



伯華良驥

穆案劉梅字訓夫故城人順治戊戌進士良驥福建龍溪生員時官汾州通判

往曲

沃至解州運城

元譜在鹽池北路邨

鹽運使黃棗園斐

來會

元譜健庵同年脩園集有送黃棗園視鹽河東詩

晦日往蒼卽延先生入署

四月五日棗園丁內艱

先生入弔畢旋出署攜衍生入關至華陰訪山史山

史先於二月南游吳越遂出棗園之餽落成朱子祠

堂七月旣足自南來

八月二日自華陰俶裝至

山西由運城抵曲沃縣縣令熊耐徒僕聞先生至命

輿至候馬驛相迎入城寓元帝廟

元譜志熊僕江西新淦



人進士康熙十八年任進士履歷便覽僕字匪莪清江人順治己亥進士候馬驛在縣西南三十里

十一日先生患歐瀉十八日既足得其父母凶問星

夜馳歸 九月移寓上坡韓氏鏡家十月又移寓下

坡韓村韓旬公宜之宜園

元譜 穆案進士履歷便覽韓宣又字裕齋康熙己

未進士曲沃志韓村在縣南五里之韓河里許齊燕韓旬公傳曰吾師顧甯人先生江左大儒千里造訪挾圖書子僕館之宜園顧歿先生視含斂撫幼子收其四方遺貲走書告其家并維持還里穆又聞曲沃人云先生館于望後病稍減  
元譜 穆案受祺堂集有亭林先生寓曲沃臥  
病小愈走書相問卽  
遣使起居奉詩五首  
**爲衍生議婚靳氏**  
元譜 穆案漢靳彊之裔代有名人世居  
**媒四人廣東道仇君昌**  
縣東北二十五里之曲村



祚義學師衛處士萬縣令熊君傑戴尹徐君嘉霖

元譜

穆案曲沃志呂祚字振先朔賢里人初以恩貢授  
郎陽通判遷潮州府同知將抵潮聞總兵劉進忠叛  
急返程鄉爲邏者所獲逼受僞職昌祚引錐自刺餓  
十二日賊遣黨來視終不發一言以瘖報賊意少解  
羈賊巢者三年潮平得旨從優議敘授惠潮兵備道  
旋以艱歸蒿字匪莪初名麟貞字瑞鳴以居母喪易  
今名字與汾陽曹良直太原傅山友善晚年闢絳  
山書院教授其中人稱絳山先生嘉霖嘉興人

是年詩有寄題貞孝墓後四柿一首贈衛處士蒿

一首訓李子德一首

穆案訓子德詩據子德哭先生詩注當在明年正月易簣

之日集本於寄題貞孝墓後四柿題下已注云重  
光作噩此題下復注歲陽歲名知是誤也因贈毛  
錦銜一首未知當在何時故仍類次於此贈毛錦銜一首



有朱子祠堂上梁文病起與薊門當事書

二十一年壬戌七十歲

正月四日旬公設宴會賓友八日先生早起將荅賀  
熊令及諸官紳上馬失足墜地疾作竟日夜歐瀉不

止初九日丑刻捐館韓熊仇衛徐郭諸君爲經紀棺

斂并與邑人秦氏之室停柩其中

元譜云不肖衍生  
熒熒才立侍奉而

已年雖十七日未經此大事賴韓熊仇衛徐郭諸公  
經紀棺槨含斂並典秦氏之室停柩而不肖廬焉

穆案郭  
名未詳

三月先生從弟巖自崑山來偕衍生扶柩

歸

元譜

穆案王山史山志辛酉秋予至嘉興訪曹  
秋岳司農相見即致悼亭林之歿爲文獻之惜予



日亭林無恙尚在予家予來時亭林亦有山西之行  
秋岳且驚且喜逾年壬戌夏予在海州接閩百詩手  
札云亭林於初春歿於曲沃予爲位而哭之慟秋子  
西歸取道揚州將往崑山過淮安見張力臣云亭林  
之軀尙未歸不知何以淹滯於彼深以不獲撫柩一  
哭爲憾又怪亭林未歿江南何以遽有此問嗣管偶  
記涕下

葬於司馬賜塋東偏嗣父仲逢府君之昭位

沾衿

元譜終七後不肖入關取向所寄各姓處書籍嗣大

雲叔於三月望前抵曲沃簡閱遺書文稿二十四日

衍從關中旋沃同居喪次所有遺書文券皆攜往都

中致之健庵立齋兩表兄及汝嘉兄衍忝爲之後曾

不得一寓日焉慟哉惜哉謙案塋在崑山六保門

尙書浦爲五圖鳴字圩計三十八畝三分六釐

人潘耒爲之表

元譜遂初堂集不載穆案此文

道光二十一年辛丑奉



旨顧炎武准其入祀崑山鄉賢祠

禮部謹

題爲題請

出江蘇巡撫會同江蘇學政疏稱崑山縣先儒顧炎武砥礪廉隅匡扶名教題請入祀鄉賢祠造具事實冊結具題請旨奉旨該部議奏欽此欽遵抄出到部臣等議得定例各省舉報名宦鄉賢該督撫學政每年八月前具題並將事實冊結送部詳覈於歲底彙題又崇祀名宦鄉賢應確核事蹟倘名實不能相副及僅以人品學問空言譽美並無實跡者卽行指駁等語今查該省送事實冊內開已故江蘇崑山縣先儒顧炎武植躬清峻砥行端方講求經世之學歷覽天下府州縣志及歷代奏疏文集復周流西北偏行邊塞得之日驗成一百二十卷曰天下郡國利病書別有一百卷曰肇域志又著有音學五書考古功深斟酌允當其餘所著有日知錄三十二卷五經同異三冊左傳杜解補正三卷九經誤字一卷石經考一卷金石文字記六卷求古錄一卷吳才老韻補正一卷金石文字記六卷求古錄一卷吳才老韻補正一卷二十卷二十卷歷代宅京記二十卷昌平



山水記二卷十九陵圖志六卷萬歲山考一卷岱岳  
記八卷北平古今記十卷建康古今記十卷營平二  
州史事六卷第錄十五卷詩律蒙告一卷其他雜著  
不可枚舉所有顧炎武題請入祀鄉賢之處係屬名  
實相副臣等謹擬准其入祀鄉賢祠再此本向歸彙  
題合併聲明臣等未敢擅便謹  
題請  
旨於道光  
二十一年十二月十七日題  
十九日奉  
旨依議欽此

穆案先生著書之可攷者曰知錄三十二卷衍先生云

先生攜至閩中同汪晦庵先生刻四庫書收入子

部襟家類三有提要一篇案坊間有大小二版本

又有嘉定黃汝成集釋本云曾得潘次耕刪節元袂

許瀚案吳縣王亮生藏一抄本黃曾借校其本乃未

經清刪者耳補遺四卷有袖珍本古音表三卷易音三卷

詩本音十卷唐韻正二十卷音論三卷統名音學五



書

衍生云五書刻於淮上後為張力臣鬻於安溪李公案潘稼堂有訪顧亭林先生遺書不得詩序

言音學五書刻於淮浦張力臣家力臣亡其子以板質於人不可復問則以為力臣鬻之者誣也四庫

書收入經部小學五經同異三卷有常熟蔣氏刻左類三有提要五篇

傳杜解補正三卷

衍生云爵憲張又南先生捐貲刻四庫書收入經部春秋類四有

提要九經誤字一卷

四庫書收入經部五經攷一篇總義類有提要一篇

一卷

四庫書收入史部目錄類二有提要一篇

求古錄一卷

入史部目錄類三有提要一篇

金石文字記六卷

彭文勤知聖道齋集有跋尾四庫書收入史部目錄類二有提要二篇竹垞有辯韻補金石文字記一條見徐健庵日下舊聞攷序

正一卷

衍生書目作二卷四庫全書收入經部小學類三有提要一篇

昌平山水



記二卷文集六卷

養新錄顧甯人文集初印本有讀

鈔之意欲採入日知錄潘次耕誤切爲顧作乃以讀

詩集五卷

隋書爲題收入集中今本無此篇則次耕已覺其謬

類存日有顧氏譜系攷一卷

類存日有顧氏譜系攷一卷

二十一史年表十卷天下郡國利病書一百卷

有

川龍氏聚珍版本

四庫全書

歷代宅京記二十卷

地理類存日一有提要一篇

九陵圖志六卷

徐譜案潘稼堂呈先生詩注云

萬歲

山攷一卷肇域記一百卷

記一作志嚴杰云肇域志



政家蠅頭小楷一筆不苟蘇州府志曰今存山東二冊

岱嶽記八卷北平古今

記十卷建康古今記十卷營平二州史事六卷

四庫總目

又有營平二州地名記一卷收入史部地理類三有提要一篇

弗錄十五卷詩律蒙

告一卷救文格論一卷

蘇州府志又有襍錄一卷

下學指南一卷

當務書六卷菰中隨筆三卷

有曲阜孔氏刻本徐譜案拜經樓詩話載詩

律蒙告一條注云見菰中隨筆今刻本無

官田始末攷一卷京東攷古錄

一卷

此書吳震方說鈴中收之四庫書存目謂其文皆見炎武所撰日知錄及昌平山水記殆震方

勦取別行偽立此名也案衍牛書日本有此名提要殊武斷蓋先生所著書其精華無不采人日知錄者

不但此一書也

山東攷古錄一卷

此及京東攷古錄四庫全書地理類存目各有提要



一篇熹廟諒闇記一卷聖朝記事一卷又近有一統志  
案說一書乃襍纂方輿紀要中總論合爲一編坊賈  
不知其爲宛溪題曰顧亭林原本其妄蓋不待辯也  
松案先生勘定之書有西安府儒學碑目見先生文  
集有勘定家訓近儒名論甲集見先生手蹟有纂錄  
易解程朱各自爲書見荅汪茗文書有纂錄南都時  
事近坊刻有聖安皇帝本紀二卷題先生撰疑卽此書見與戴耘野書有點定  
荀悅漢紀見潘稼堂重刻漢紀序有區言五十卷治  
河事一秩見何義門菰中隨筆序有備錄見江左十



五子詩選注

案詩選徐昂發關索詩注引顧亭林備錄

又嘗欲編輯姓氏

書

健庵有與先生論姓氏書

見日知錄

徐譜

王山史山志顧亭林古所謂義士不合於時以游爲

隱者也丰姿不揚而畱心經術胸中富有日新不易

窺測下筆爲文直入唐宋大家之室講明音韻克傳

絕緒他所爲日知錄金石文字記天下利病諸書卷

秩之積幾於等身朝野傾慕之行誼甚高而與人過

嚴詩文矜重心所不欲雖百計求之終不可得或以

是致怨弗顧也居恒自奉極儉辭受之際頗有權衡



四方之游必以圖書自隨手所鈔錄皆作蠅頭行楷  
萬字如一每見予輩或宴飲終日輒爲攢眉客退必  
戒曰可惜一日虛度矣其勤厲如此所著昌平山水  
記二卷巨細咸存尺寸不爽凡親歷對證三易稿矣  
而亭林猶以爲未愜正使博聞強記或尙有人而精  
詳不苟未見其倫也

山志又載先生論假借轉注一條論極乖刺與先生平日之說

正相反蓋係山史誤記故不取也

又曰博稽詳研發前人所未發爲不朽之業者顧亭  
林之於音韻梅定九之於歷數顧景范之於地理也



又曰劉太室居母喪三十六月除服顧亭林馳書論之謂先王制禮不敢過也秦俗以是曰謂之三周親友送卽吉之儀至有稱賀者亭林曰君子有終身之喪祭日之謂也哀之不暇而何賀焉或有言以次日舉者亭林比之朝祥莫歌之類斯不易之言也

又曰予嘗作三案論獨是移宮而於挺擊紅丸不盡同東林諸君子之意亭林頗然之

閩百詩南雷黃氏哀詞當髮未燥時卽愛從海內讀書者游博而能精上下五百年縱橫一萬里僅僅得



三人焉曰錢牧齋宗伯也曰顧亭林處士也及先生而三先生云亡上距牧齋薨已三十有二年卽亭林歿亦且十四五年

穆案南雷卒於康熙乙亥距先生之亡實十三年

蓋至是而海內讀書種子盡矣

潛邱劄記有與戴唐器書云十二聖人者錢牧齋馮定遠黃南雷呂晚村魏叔子汪荅文朱錫鬯顧梁汾顧甯人杜于皇程子上鄭汝器更增喻嘉言黃龍士凡十四人謂之聖人乃唐人以蕭統爲聖人之聖非周孔也



李文貞顧甯人小傳自幼博涉強識好爲蒐討辯論之學十三經諸史旁及子集稗野列代名人著述微文碎義無不攷究騎驢走天下所至荒山頽阻有古碑版遺蹟必披榛菅拭斑蘚讀之手錄其要以歸十餘歲至七十而老勤如一日於六書音義尤有獨得余始官庶吉士曾相遇爲半日話又七年復來京師則甯人歿矣聞其書已成亟求觀之甯人之學於是始窺其備有顧氏之書然後三代之文可讀雅頌之音各得其所自漢晉以來未之有也書旣刻厚自寶



祕曰五十年後乃有知我者耳衛先生爾錫言其地理書用心尤多然未見也孤僻負氣譏訶古今人必刺切徑情傷物以是吳人訾之然近代博雅淹洽未見其比

潘次耕曰知錄序崑山顧甯人先生生長世族負絕異之資潛心古學九經諸史略能背誦尤畱心當世之故實錄奏報手自鈔節經世要務一一講求當明末年奮欲有所自樹而迄不得試窮約以老然憂天閔人之志未嘗少衰事關民生國命者必窮源溯本



討論其所以然足跡半天下所至交其賢豪長者致其山川風俗疾苦利病如指諸掌精力絕人無它者好自少至老未嘗一日廢書出必載書數簏自隨旅店少休披尋搜討曾無倦色有一疑義反復參攷必歸於至當有一獨見援古證今必暢其說而後止當代文人才士甚多然語學問必斂衽推顧先生凡制度典禮有不能明者必質諸先生墜文軼事有不知者必徵諸先生先生手畫口誦探源竟委人人各得其意去天下無賢不肖皆知先生爲通儒也



又贈先生六十壽序先生之學邃于經術而又洞達  
當世之故其言覈而通大而有體要上自經籍圖史  
方輿音律下至名物器數元元本本至精至悉有功  
後學不在康成下

湯孔伯有答先生書云前歲山史自關中見訪詢及  
交游名賢卽曰吳郡顧先生品高學博國家典制郡  
邑掌故天文厯象河漕兵農之屬無不洞悉原委坐  
而言起而可見諸行事真當今第一有用儒者也後

晤甫草元禮

計東字甫草舉人葉舒崇  
字元禮進士俱吳江人

往往言與山



史同吾道之衰久矣得大力闡明豈非斯人之幸

汪荅文荅從弟論師道書僕宦游十五年矣其有經學修明者得二人焉曰顧子甯人李子天生

朱錫鬯靜志居詩話論先生詩云詩無長語事必精當詞必古雅抒山長老所云清景當中天地秋色庶幾似之

繆天白云

天自名永謀一名泳又字于野嘉興人有苕溪集

詩有俚語經顧

甯人筆輒典

無名氏隨筆記先生一日在京師酒次王漁洋問樂



府蝴蝶行能記否先生應口誦之不失一字蝴蝶行

最詰屈難讀學者所不經意者也漁洋歎服

穆案此  
事未得

其年附

記於此

王蘭泉祖與汪容甫書聞顧亭林先生少時每年以  
春夏溫經請文學中聲音宏敞者四人設左右坐置  
注疏本於前先生居中其前亦置經本使一人誦而  
已聽之遇其中字句不同或偶忘者詳問而辯論之  
凡讀二十紙再易一人四人周而復始計一日溫書  
二百紙十三經畢接溫三史或南北史故亭林先生



之學如此習熟而纖悉不遺也

江藩漢學師承記炎武生性兀敖不諧於世身本南  
人好居北土嘗謂人曰性不能舟行食稻而喜餐麥  
跨鞍

程魚門晉芳正學論亭林梨洲博極羣書其於古今  
治亂興廢得失之數皆融貫於胸中因筆之於書以  
爲世法

李子德哭顧亭林先生詩一百韵朝饘初零露浮雲  
忽障天史無正月紀星脫少微躔一代摧梁木千春



恨杜鵑典刑今頓墜文獻爾俱全際剝哀吾道瞻仰  
失大賢渾思焚著述未忍沒周旋勁節堪追溯名家  
敢溢傳門詳吳郡後望庇武陵前畫省基藩牧彤毫  
珥御鈿鍾靈簪紱第比美孝廉船先生曾大父自方伯陞侍郎大父贊  
善兄閱閱窺芳矩詞宗起卅年友兼鄉國盛聲挾俊  
鄉舉廚駢少登復社勝地頻交軫畱都幾著鞭銜杯才最逸擲  
管賦誰先吐納蒼江麗招每紫陌連同過遵石渚獨  
步採香荃競睹潛修洽徐教懿緒延遭時傷失路振  
翼爽乘權上客逍遙久佳人契約偏徒勞殷密勿莫



與救迤邐海涸龍虛碎山頽鳳不還難求雛翮好漫  
惜頷珠圓剖血探危躅攀髯少並肩鼎湖仍問渡喬  
嶽遠懷仙信宿寒郊址恭圖寢廟塹爲孝陵圖裝潢勤更

肅拂拭對增虔沐髮嘗辭舍傭身偶就塵北來馳險

阻北謁十陵南嚮灑潺湲壞邸詢遺迹荒圻拜故阡湯

孫昭穆萃漢祖壁墉堅厯厯捫松檟兢兢執豆邊金

楹澄有赫碧瓦秀含煙灑埽甘從事勲華恥讓鐫昌著

平山特書森具體凡例發流泉古兆原分立斯文實

水記創編班揚愁覲甚左馬色蒼然自此淹羈旅餘齡可



棄捐經搜墳典闊世譜仡提懸似欲超吟詠何曾叩

偃佺雄心灰弗已績學勵相宣逮夜隨燒燭長征亦

費研驅車攜竹笈入肆展霜箋疊案皆親注盈牀益

勉旃纖瑕攻琬琰所論多摘古人之誤細字炳丹鉛取誌惟徵

邑著利病書必欲盡考縣志遺聞迴匯川訐謨周利病往冊賴刪

詮屢易猶藏稿通行且待緣昌言昭日錄著日錄知錄暇力

正詩篇著音學五書轉叶音何陋葩騷韻累遷爰稽三頌

始盡洗六朝愆憤樂忘頭白遨遊任足穿觀恆趨裔

塞踐澗涉層淵磧雪貞珉皎厓藤側蔓纏謂宜輕權



檝翻喜跨鞦韆到處逢迎備臨歧指顧牽公卿雖倒

屣華實每安絃鄴架抽光數郇廚領味專

食不晴暎兼味

裝澹澹素魄坐娟娟桂辣甯知老松疎那受憐刊垂

資祖籍把贈解囊錢晚結菟裘計將除蘊藻田隰荅

聊近採關阜儘高褰旬服羣推首邦衢舊象乾王風

畱黍稷伯略杳鷹鷂遂逆洪河浪因窮太華巔臺祠

洵曠舉

因朱文公曾主管雲臺觀倡為主祠

縣宰得循員

華陰令遲君任其事亭林

歿遂陪享濁俗多崇墨豪耆半雜禪迷津煩拯助出谷仗

陶甄漸覺嚶鳴侈俄開霽景鮮盍簪要奮激傾蓋及



狂顛縞帶曾貽晉

先生初同曹司農公過雁門晤余於陳使君席上

清觴

集燕

嗣飲龔宗伯公宅

愚蒙沾善誘等列荷區銓謬許私盟

牒允期軼草元深恩鴻鴈並暫別鯉魚聯卜宅推中

表

寓表弟長源家

披帷共醉眠頗耽亭水潔遲眺徑花妍匣

劍舒悲嘯堂琴寫靜便縱談衷曲盡遞寄物情蠲鬼

微喧飛檄神州滿控弦縈腸彌悵望叱馭復翩翩積

歲兵機稔中宵客慮煎匿形乖辟穀覘夢罷迴旼憶

昨登嵩少悽其俯澗漣凌晨謀稅野決意謝歸舫抵

絳依重郭

去秦居曲沃

誅茅假數椽泣麟微旨在哀鳳託



終焉臘杪纔呼走

遣使往冰嚴薄餽綿報章驚絕筆

訊起居

晨起承報余詩二十四韻夕率

幽怨屈空拳耿介標孤性忠誠冠八

埏末繇齋志展疇使抱疴痊彼網欣逋鶴維巢訝類

鳶心休沿板蕩目視爲戈鋌恐逸陽秋撰須存卽次

羶外甥俱雋哲

謂三徐公司寇太史相國

猶子已騰騫

令姪中翰君洪善

幸接旁陰茂當提主器僊聖途湮豈斷儒術眾疑悛

鏡具睽峯壑生芻布几筵輓旌悲浩漫墓樹想葱芊

直擬歌黃鳥真應駕白蓮招魂稱至德陟降蔣山邊

潘次耕已酉冬自淮陰抵平原呈亭林先生六十韻



耆德何寥落人倫孰楷模斯文知未墜夫子實通儒  
世德推江表高名冠海隅才猷鼎鼐重器略廟堂須  
妙譽歸人傑英姿識鳳雛風雲遲絕足羽翼礙天衢  
築版功名遠躬耕心事紆勞勞悲擊楫渺渺欲乘桴  
廿載中原客單車萬里驅北游頻五岳作賦幾三都  
漢塞雲隨鴈秦關月照榆胸中百郡志掌上列邊圖  
先生有昌平  
山水等圖  
結客傾豪俊論文盡顧廚襟懷小天地  
聞見溢寰區學貫天人奧身苞造化樞大文經緯著  
讜論古今臚賈馬甯方駕班揚敢竝趨才高道乃契



心小聖爲符雅痛微言絕深嗟學術殊幾年犁傳注  
百代掃榛蕪精理通爰象鴻猷擴典謨禮堂尊講席  
絳帳盛生徒小子深瞻仰通家白友于追陪憶往歲  
侍從足歡娛嵇阮交原厚陳雷好不渝時時枉高駕  
往往到菰蘆永漏杯同把明鐙筆共濡情深等膠漆  
調叶比笙竽各矢青雲志祗愁白日徂龍蛇夢俄兆  
鵬鳥讖堪吁向子聞鄰笛王公憶酒壚遙知悲宿草  
無處奠生芻落魄餘文舉伶仃有少孤素絃哀絕調  
枯樹慘同株戢影依慈母含辛對阿奴向人言慷慨



伏枕淚模糊流浪來淮市飄零客射湖江關淹歲月  
蹤跡混泥塗范叔綈袍盡相如四壁無三秋長旅食  
半刺只窮途詎敢題鸚鵡那堪聽鷓鴣壯懷感馬援  
歧路畏楊朱愁到思投筆窮來未棄襦橘甯爲枳變  
蘭不效蕭敷把卷難窮牖編書亦絕蒲三冬曼倩惜  
一榻幼安俱汲古慚修綆攻文愧小巫孤生原謝劣  
曲學况牽拘窺豹非全目雕蟲豈壯夫夙懷期負笈  
雅志有懸弧碩德惟劉董儒宗有鄭盧龍門雖白峻  
螽測冑辭愚問字侯芭去傳經服慎呼贏糧非早暮



命駕敢踟躕汶野黃雲凍沂山白草枯隻身經雨雪  
遠道涉崎嶇捧杖微誠遂橫經鄙願輸篤貽還賴策  
蓬草或堪扶斧削資良匠陶鎔付大鑪垂恩無以報  
感激一微軀又呈亭林先生一首尼父志不達浩然  
動歸思羣材良斐然裁成將待誰迴車訂六籍制作  
通神祇三年致祥麟大道以不隳海內有先生人倫  
之宗師學惟天人貫道乃汙隆宜嚴冬霜雪集萬木  
爲之萎孤根獨歸然知天未喪斯周游遍五岳歷覽  
環三垂天地有大文一一爲搜披成書藏名山故里



歸何遲下國寡良材斧斤諒難施區區園葵意朝陽  
甯見知何當裹糧去萬里相追隨泰岱峯崢嶸日觀  
路險巖一覽小天下慰此平生期

王山史拜亭林先生墓詩三年客江東兩度撫君墓  
野日滋宿草秋花淒零露緬惟同心交明誓金石固  
稽古啟愚昧敏求祛冥悟惠然止吾廬一似形影附  
同泣鹿馬石手攀神烈樹倏更四十春戚戚不忘故  
疇昔夢雲闕白衣從玉輅連蜷下大荒偃蹇問天步  
歎息桑榆景裴回崦嵫暮幽明事已非生死情一訴



灑淚歸山去長辭西州路又哭墓詩云與君長別九  
年矣白馬重來千里餘獨拜荒邱淒宿草更揮老淚  
問遺書爲憶神明恆若存莫將封禪比文園當年羊  
傳徒輕爵何似龍門有外孫葉封山志序曩余獲交  
崑山顧亭林先生亭林  
於當世士多否少可獨亟稱華陰王山史先生已山  
史至京師余一見輒心儀之顧恩恩別去比亭林就  
居山史之家兩人皆好學惇行志相得也康熙壬戌  
歲莫余客揚州山史亦來則先是出游將二盈稔聞  
亭林之砌  
且周歲矣

顧亭林先生年譜卷四

譚瑩玉生覆校



黎洲先生世譜

姚江黃氏漢潁川之後靖康之亂遷於婺源有仕爲

元通判者金人破慶元不屈死之子三人分地避兵一

居定海

東發之始祖

一居慈谿吳畧一居鳳凰山竹墩居竹

墩者諱萬河字時通號鶴山居三十年又徙餘姚之竹

橋

柳道傳詩連延黃竹浦是也

則黎洲先生之始祖也當是時離亂

之餘力田給食不遑詩書之業故以下四世皆失名諱

第七世文茂字茂卿始登泰定甲子進士第授餘姚州

判從學吳章廬歸而主教於鄉每令學者靜坐數日然



後得親函丈子三人德彰至順庚午進士任浙江宣司  
德順以制舉授鄞縣教諭德澤武舉以都元帥鎮定海  
又一世均保號菊源洪武庚午貢士北平道御史墀與  
同邑陳子方當遜國之難賦詩爲臣直欲效全忠豈料  
翻成與叛同北狩緣藏青史筆南還猶是白頭公赴水  
死失其世次第十世韶字九成成化己丑進士仕至江  
西提學僉事翊字九霄書畫皆入能品而菊花尤傳於  
世九成有道南八景詩其和者華亭張東海常熟桑民  
懌也伯川字德洪號蜚菴舉天順壬午除建寧府教授



主考陝西有竹橋十咏同邑倪小野稱其蕭散閒遠超  
於塵外珣字廷璽成化辛卯鄉試榜首登辛丑進士第  
二歷官南冢宰逆瑾勒令致仕卒諡文僖第十一世堂  
字勉敬號南浦宏治壬戌進士擬第一甲未傳臚而卒  
鄉人至今稱爲探花也嘉愛字懋仁號鶴谿正德戊辰  
進士從王文成講學卒官欽州嘉會字懋禮號履齋舉  
宏治辛酉知金溪縣嘉仁號半山其詩清新不加雕繪  
有自然之色第十二世夔字子韶嘉靖乙卯貢元從文  
成於稽山書院第十三世尙質號醒泉舉嘉靖己酉守



景州致仕詩與山人楊珂齊名第十五世琰字鳳署萬  
厯庚戌進士譜繁不能盡書書其著者梨洲之世自州  
判叔父世堂而名諱始可得詳世堂生文貴文貴生子  
尹子尹生安祥安祥生廷杲廷杲生璽字廷璽兄伯震  
出商於外踰十年不歸璽往求之裂紙數百張繕寫兄  
之年貌籍貫爲零丁榜之寺觀街市經行萬里卒無所  
遇不懈益虔流轉襄漢間至道州入廁置傘路旁伯震  
適過之見傘而心動曰此吾鄉之傘也循其柄而視之  
有字一行曰姚江黃小雷記小雷者璽之別號伯震方



疑駭璽出而相視若夢寐慟哭失聲道路觀者亦嘆息  
泣下遂奉兄而歸廷璽生諒號素菴舉義倉之法於里  
中年八十素菴生稔號東河娶章氏撫其孤子孤子入  
城市必向其所之而立待其歸始食未嘗先一飯也守  
節數十年東河生大綬號對川爲人精敏十五歲官役  
爲庫子老吏不能欺之知其孫忠端公必貴嘗問之曰  
孫之推封其祖父何品及之對曰三品忠端公以七品  
死節故老言其不驗未幾贈官三品追封對川爲太僕  
寺卿對川生曰中號鯤溟以易爲大師諸生應試以文



先定其次第無不奇中五經左氏內外傳國策莊騷隨  
舉一句應口誦其全文與人言亦必原本經傳忠端公  
之喪蔣令弔之於途公曰此郊弔也明府以春秋起家  
豈宜有此一邑利害他人不敢言者公獨言之有伍伯  
倚令勢魚肉小民公投以治生帖伍伯叩頭請死吏亦  
從此不敢近伍伯口之逆案尙書某使其僮客越境追  
人公呼僮客杖之曰吾非杖汝聊以此寄汝主耳其疾  
惡如此鯢溟生忠端公諱尊素字真長號白安天啓閒  
官御史劾魏忠賢客氏削籍三吳訛言翻局以公爲主



逆奄忌而害之贈官賜祭葬諡忠端黎洲先生名宗義  
字太沖號梨洲忠端公之長子也忠端公五子著者三  
人宗炎字晦木宗會字澤望自鶴山至先生爲世凡十  
七云南雷里唐謝遺塵之故居在焉距竹橋數里而近  
先生因以名集大述黃氏世譜冠於集端倣胡助述宋  
氏世譜以冠潛溪集之例也門人萬斯大述



其里故以取諸籍集之附世以入萬世大數之

李下國以符其人並其以世附世故集諸籍附世來

子江傳書里與世附世之附世并其附世附世附世

人與世附世附世附世附世附世附世附世附世

附世附世附世附世附世附世附世附世附世附世

附世附世附世附世附世附世附世附世附世附世



國史儒林傳

顧炎武字甯人初名絳崑山人明贊善紹芳孫年十四爲諸生耿介絕俗不與人苟同惟與同里歸莊相善相傳有歸奇顧怪之曰其論學以博學有恥爲先嘗與友人論學云百餘年來之爲學者往往言心言性而茫然不得其解也命與仁夫子所罕言性與天道子貢所未得聞性命之理著之易傳未嘗數以語人其答問士則曰行已有恥其爲學則曰好古敏求其與門弟子言但曰允執厥中四海困窮天祿永終其告哀公明善之功



先之以博學顏子幾於聖人猶曰博我以文自曾子而  
下篤實莫若子夏言仁則曰博學而篤志切問而近思  
今之君子則不然聚賓客門人數十百人與之言心言  
性舍多學而識以求一貫之方置四海之困窮不言而  
講危微精一是必其道高于夫子而其弟子之賢于子  
貢也我弗敢知也孟子一書言心言性亦諄諄矣乃至  
萬章公孫丑陳代陳臻周霄彭更之所問與孟子之所  
答常在乎出處去就辭受取與之間是故性也命也天  
也夫子之所罕言而今之君子之所恆言也出處去就



辭受取與之辨孔子孟子之所恆言而今之君子所罕  
言也愚所謂聖人之道者如之何曰博學於文曰行已  
有恥自一身以至於天下國家皆學之事也自子臣弟  
友以至出入往來辭受取與之間皆有恥之事也士而  
不先言恥則爲無本之人非好古多聞則爲空虛之學  
以無本之人而講空虛之學吾見其曰從事於聖人去  
之彌遠也又曰今之理學禪學也不取之五經論語而  
但資之語錄不知本矣其論文非有關於經旨世務者  
皆謂之巧言不以措筆故炎武之學大抵主於斂華就



實救弊扶衰凡國家典制郡邑掌故天文儀象河漕兵  
農之屬莫不窮究原委考正得失而又廣交賢豪長者  
虛懷商榷不自滿假作廣師篇云學究天人確乎不拔  
吾不如王錫闡讀書爲已探賾洞微吾不如楊雪臣獨  
精三禮卓然經師吾不如張爾岐蕭然物外自得天機  
吾不如傅山堅苦力學無師而成吾不如李容險阻備  
嘗與時屈伸吾不如路安卿穆案本集所舉十人皆稱其字此改稱名國史體也  
而楊雪臣名瑀路安卿名澤溥獨仍而不改何也博聞強記羣書之府吾不如  
吳任臣文章爾雅宅心和厚吾不如朱彝尊好學不倦



篤於友朋吾不如王安撰精心六書信而好古吾不如  
張昭至於達而在位其可稱述者亦多有之然非布衣  
之所得議也炎武生平精力絕人自少至老無一刻離  
書

國朝稱學有根柢者以炎武爲最炎武撰天下郡國利  
病書一百二十卷歷覽諸史圖經實錄文編說部之類  
取其關於民生利病者且周流西北歷二十年其書始  
成別有肇域志一編則考索利病之餘合圖經而成者  
炎武精韻學撰音論三卷言古韻者自明陳第雖創闢



榛蕪猶未遂密至炎武乃推尋經傳探討本原又詩本音十卷其書主第詩無協韻之說不與吳棫本音爭亦全不用補音之例但卽本經之韻互考且證以他書明古音原作是讀非有遷就故曰本音又易音三卷卽周易以求古音考證精確又唐韻正二十卷韻補正一卷古音表二卷皆能追復三代以來之音分部正帙而知其變自吳才老而下廓如也炎武又撰金石文字記求古錄與經史相證歐趙洪王不及其精而日知錄三十卷尤爲炎武終身精詣之書蓋積三十餘年而後成凡



經史吏治財賦典禮藝文之類皆疏通考證之炎武又以杜預左傳集解時有闕失作杜解補正三卷其他著作有石經考二十一史年表歷代帝王宅京記亭林文集詩集營平二州地名記昌平山水記山東考古錄觚菰中隨筆救文格論等書並有補於學術世道初炎武嗣母王氏未嫁守節嘗斷指療姑於崇禎十年被旌及聞明亡不食卒誠炎武勿出仕福王時崑山令楊永言薦炎武爲兵部司務旋以職方郎召皆未赴既葬母遂出遊歷遭艱險所至之地以二騾二馬載書退邊塞



亭障呼老卒詢曲折有與平日所聞不合卽於坊肆中發書對勘或平原大野則於鞍上默誦諸經注疏在華陰與王宏撰等於雲臺觀側建朱子祠康熙間

詔舉博學鴻儒科又修明史大臣爭薦之並辭未赴康

熙二十一年卒於華陰年六十九

穆案先生年七十卒於曲沃此皆誤無

子門人以其喪歸葬崑山吳江潘耒敘其遺書行世



神道表

鄞全祖望鮎埼亭集

顧氏世爲江東四姓之一五代時由吳郡徙徐州

穆案徐乃

滁之

謫南宋時遷海門已而復歸於吳遂爲崑山縣之花

浦村人其達者始自明正德間曰工科給事中廣東按

察使司僉事漆及刑科給事中濟刑科生兵部侍郎章

志侍郎生左贊善紹芳及國子生紹芾贊善生官廕生

同應同應之仲子曰絳卽先生也紹芾生同吉早卒聘

王氏未婚守節以先生爲之後先生字曰甯人乙酉改

名炎武亦或自署曰蔣山傭學者稱爲亭林先生少落



落有大志不與人苟同耿介絕俗其雙瞳子中白而邊  
墨見者異之最與里中歸莊相善共遊復社相傳有歸  
奇顧怪之目於書無所不窺尤畱心經世之學其時四  
國多虞太息天下乏材以至敗壞自崇禎己卯後歷覽  
二十一史十三朝實錄天下圖經前輩文編說部以至  
公移邸抄之類有關於民生之利害者隨錄之旁推互  
證務質之今日所可行而不爲泥古之空言曰天下郡  
國利病書然猶未敢自信其後周流西北且二十年通  
行邊塞亭障無不了了而始成其別有一編曰肇域志



則考索利病之餘合圖經而成者予觀宋乾淳諸老以經世自命者莫如薛良齋而王道夫倪石林繼之葉水心尤精悍然當南北分裂聞而得之者多於見若陳同甫則皆欺人無實之大言故永嘉永康之學皆未甚粹未有若先生之探原竟委言言可以見之施行又一稟於王道而不少參以功利之說者也最精韻學能據遺經以正六朝唐人之失據唐人以正宋人之失欲追復三代以來之音分部正袂而究其所以不同以知古今音學之變其自吳才老而下廓如也則有曰音學五書



性喜金石之文到處卽蒐訪謂其在漢唐以前者足與古經相參考唐以後者亦足與諸史相證明蓋自歐趙洪王後未有若先生之精者則有曰金石文字記晚益篤志六經謂古今安得別有所謂理學者經學卽理學也自有舍經學以言理學者而後邪說以起不知舍經學則其所謂理學者禪學也故其本朱子之說參之以慈谿黃東發日抄所以歸咎於上蔡橫浦象山者甚峻於同時諸公雖以苦節推百泉二曲以經世之學推梨洲而論學則皆不合其書曰下學指南或疑其言太過



是固非吾輩所敢遽定然其謂經學卽理學則名言也而曰知錄三十卷尤爲先生終身精詣之書凡經史之粹言具在焉蓋先生書尙多予不悉詳但詳其平生學業之所最重者初太安人王氏之守節也養先生於襁褓中太安人最孝嘗斷指以療君姑之疾崇禎九年直指王一鶚請旌於朝報可乙酉之夏太安人六十避兵常熟之郊謂先生曰我雖婦人哉然受國恩矣果有大故我則死之於是先生方應崑山令楊永言之辟與嘉定諸生吳其沆及歸莊共起兵奉故鄖撫王永祚以從



夏文忠公於吳江東授公兵部司務事既不克永言行遁去其沆死之先生與莊幸得脫而太安人遂不食卒遺言後人莫事二姓次年閩中使至以職方郎召欲與族父延安推官咸正赴之念太安人尙未葬不果次年幾豫吳勝兆之禍更欲赴海上道梗不前先生雖世籍江南顧其姿稟頗不類吳會人以是不爲鄉里所喜而先生亦甚厭翫屐浮華之習嘗言古之疑衆者行僞而堅今之疑衆者行僞而脆了不足恃旣抱故國之戚焦原毒浪日無甯晷庚寅有怨家欲陷之乃變衣冠作商



賈遊京口又遊禾中次年之舊都拜謁孝陵癸巳再謁  
是冬又謁而圖焉次年遂僑居神烈山下遍遊沿江一  
帶以觀舊都畿輔之勝顧氏有三世僕曰陸恩見先生  
日出遊家中落叛投里豪丁酉先生四謁孝陵歸持之  
急乃欲告先生通海先生亟往擒之數其罪湛之水僕  
壻復投里豪以千金賄太守求殺先生不繫訟曹而卽  
繫之奴之家危甚獄曰急有爲先生求救於某公者某  
公欲先生自稱門下而後許之其人知先生必不可而  
懼失某公之援乃私自書一刺以與之先生聞之急索



刺還不得列揭於通衢以自白某公亦笑曰甯人之士也曲周路舍人澤溥者故相文貞公振飛子也僑居洞庭之東山識兵備使者乃爲憫之始得移訊松江而事解於是先生浩然有去志五謁孝陵始東行墾田於章邱之長白山下以自給戊戌遍遊北都諸畿甸直抵山海關外以觀大東歸至昌平拜謁長陵以下圖而記之次年再謁旣而念江南山水有未盡者復歸六謁孝陵東遊直至會稽次年復北謁思陵由太原大同以入關中直至榆林是年浙中史禍作先生之故人吳潘二子



死之先生又幸而脫甲辰四謁思陵事畢墾田於雁門  
之北五臺之東初先生之居東也以其地溼不欲久畱  
每言馬伏波田疇皆從塞上立業欲居代北嘗曰使吾  
澤中有牛羊千則江南不足懷也然又苦其地寒乃但  
經營創始使門人輩司之而身出遊丁未之淮上次年  
自山東入京師萊之黃氏有奴告其主所作詩者多株  
連自以爲得乃以吳人陳濟生所輯忠節錄指爲先生  
所作首之書中有名者三百餘人先生在京聞之馳赴  
山東自請勘訟繫半年富平李因篤自京師爲告急於



有力者親至厯下解之獄始白復入京師五謁思陵自是還往河北諸邊塞者幾十年丁巳六謁思陵始卜居陝之華陰初先生遍觀四方其心耿耿未下謂秦人慕經學重處士持清議實他邦所少而華陰綰轂關河之口雖足不出戶而能見天下之人聞天下之事一旦有警入山守險不過十里之遙若志在四方則一出關門亦有建瓴之便乃定居焉王徵君山史築齋延之先生置五十畝田於華下供晨夕而東西開墾所入別貯以備有事又餌沙苑蒺藜而甘之曰啖此久不肉不茗可



也凡先生之遊以二馬二騾載書自隨所至阨塞卽呼  
老兵退卒詢其曲折或與平日所聞不合則卽坊肆中  
發書而對勘之或徑行平原大野無足畱意則於鞍上  
默誦諸經注疏偶有遺忘則於坊肆中發書而熟復之  
方大學士孝感熊公之自任史事也以書招先生爲助  
答曰願以一死謝公最下則逃之世外孝感懼而止戊  
午大科

詔下諸公爭欲致之先生豫令諸門人之在京者辭曰  
刀繩具在無速我死

穆案先生之辭大科乃二徐之力  
謝山蓋誤以梨洲之事例先生也



次年大修明史諸公又欲特薦之貽書葉學士訥庵請  
以身殉得免或曰先生盍亦聽人一薦薦而不出其名  
愈高矣先生笑曰此所謂釣名者也今夫婦人之失所  
天也從一而終之死靡慝其心豈欲見之於人若曰盍  
亦令人強委禽焉而力拒之以明節則吾未之聞矣華  
下諸生請講學謝之曰近日二曲亦徒以講學故得名  
遂招逼迫幾至凶死雖曰威武不屈然而名之爲累則  
已甚矣又况東林覆轍有進於此者乎有求文者告之  
曰文不關於經術政理之大不足爲也韓文公起八代



衰若但作原道諫佛骨表平淮西碑張中丞傳後諸篇  
而一切諛墓之文不作豈不誠山斗乎今猶未也其論  
爲學則曰諸君關學之餘也橫渠藍田之教以禮爲先  
孔子嘗言博我以文約之以禮而劉康公亦云民受天  
地之中以生所謂命也是以有動作禮義威儀之則以  
定命然則君子爲學舍禮何由近來講學之師專以聚  
徒立幟爲心而其教不肅方將賦茅鴟之不暇何問其  
餘每以乙未春出關觀伊洛厯嵩少曰五嶽遊其四矣  
會年饑不欲久畱渡河至代北復還華下先生旣負用



世之略不得一遂而所至每小試之墾田度地累致千金故隨遇卽饒足徐尙書乾學兄弟甥也當其未遇先生振其乏至是鼎貴爲東南人士宗四方從之者如雲累書迎先生南歸願以別業居之且爲買田以養皆不至或叩之答曰昔歲孤生飄搖風雨今茲親串崛起雲霄思歸尼父之轅恐近伯鸞之竈且天仍夢夢世尙滔滔猶吾大夫未見君子徘徊渭川以畢餘年足矣庚申其安人卒於崑山寄詩挽之而已次年卒於華陰誤無子徐尙書爲立從孫洪慎以承其祀

穆案洪慎乃先生之從子先生旣立



吳江族子衍生爲嗣又立洪慎  
之子世樞爲殤子後此皆誤年六十九誤門人奉喪

歸葬崑山之千墩高弟吳江潘未收其遺書序而行之

又別輯亭林詩文集十卷而曰知錄最盛傳歷年漸遠

讀先生之書者雖多而能言其大節者已罕且有不知

而妄爲立傳者以先生爲長洲人可哂也

穆案榕村集有顧甯人小

傳稱爲吳之長洲人謝山蓋卽指此徐尙書之冢孫涵持節粵中數千里

貽書以表見屬余沈吟久之及讀王高士不庵之言曰

甯人身負沈痛思大揭其親之志於天下奔走流離老

而無子其幽隱莫發數十年靡訴之衷曾不得快然一



吐而使後起少年推以多聞博學其辱已甚安得不掉  
首故鄉甘於客死噫可痛也斯言也其足以表先生之  
墓矣夫其銘曰先生兀兀佐王之學雲雷經綸以屯被  
縛渺然高風寥天一鶴重泉拜母庶無愧怍



何紹基顧先生祠詩

甲辰五月附

亭林先生祠小子始營繕  
繫惟城西偏慈仁森佛殿  
當時寺宇宏市集萃圖卷國  
初諸老儒買書乘暇宴先生  
結契廣僑寓置鑪扇至今雙  
松下彷彿見遺躅承平二百  
載光陰若流箭古碣餘斷龜  
空梁墜飢燕我卜隙地寬謂  
可靈爽莫諸公聞此議合作  
相呼怵畚鍤猥見屬木甃自  
遴揀刪蕪出古樹明月夜來  
窅崇崇屋三楹爛爛秋一片  
落成奉遺像覽揆潔盥薦肅  
然道義容警我塵土賤車徐  
譜歲月張子重論譔江南大  
河北餘韻蒐



討徧

張石州據車秋船徐星翁所撰亭林年譜合爲定本增益辨正甚博且精攜稿至山東江南蒐得遺

事詩文頗多

勒記待貞珉儀徵濡老硯

阮相國師記文尚未寄到冬襄條

已飄春鶯復來嘯次第皆識職初終矢無倦持衡

恩命被萬里指羅甸

五月一日紹基奉命主試貴州

登程復過祠仰

止有餘眷溯惟明代末世苦龍蛇戰氣節誠乃隆兵將  
多不練小儒獨何爲俗學爭相煽語錄節陋茲詞章鬪  
輕舊先生任道堅千古係後先研窮經史通曠朗天人  
見鬱積忠孝懷慘澹時世變同時顧李閭驂靳隨勒鞫  
餘子因人成鞭鐙亦相戀經心執聖權首啟



熙朝彥兵刑禮樂尊九數六書衍漢宋包羣流周孔  
一線精光爍日星果力策雷電自非菰中人孰開衆目  
眩欽惟

純廟年四庫盛編纂萬軸歸

文淵千士萃祕院儀徵實後至草創儒林傳論學采源  
流全編有冤弁諸儒始相驚

乙覽大稱善

阮師撰

國史儒林傳以先生居首

元氣入人心史筆非私

擅小子雖懵學遺書早窺眇泊與脩史職讀傳生歎羨  
從來聖道大青史資爛絢微言察天地正路化狂狷功



名與文章因時見陶鍊惟茲下學事萬古有繼禪儒林


道學分宋史妄矜衍六藝天道樞

班書儒林傳語意

傳例重班

掾先生冠儒林狂瀾植厓堰君親鑒吾身學行須貫穿  
願從實踐入敢恃虛談便且當語黔士庶弗規爲瑱再  
拜別先生歸來已寒霰




















































閻  
譜  
邛  
來  
譜





聞  
普  
正  
奉  
普





PL  
2451  
-78  
7.213

癸卯夏穆改訂亭林年譜既卒業念  
國朝儒學亭林之大潛邱之精皆無倫比而潛邱尤北  
方學者之大師因取杭大宗錢曉徵所爲傳及劄記疏  
證諸書排次歲月爲潛邱年譜將以詒吾鄉後進興起  
其嚮學之心討論月餘稿艸殆具是年秋南游江淮過  
山陽訪丁儉卿舍人訊以潛邱遺事儉卿出所著山陽  
詩徵柘塘脞錄見示頗多采獲漢陽劉棻雲學正見之  
爲修改十餘條葉潤臣舍人好爲詩凡  
國初人集有與潛邱相涉者輒來相告增補加密矣洎



交光澤何願船比部復以此譜相諉願船爲析疑彌罅  
又不下數十事於是壽陽祁尙書嘉其用力之勤欲遂  
墨諸版與顧譜並行憶戊戌冬襄校淮安見閻氏之應  
試者今尙多有遺容志傳必世守焉不可當吾世而失  
之也屬同年何子貞編修致書學使者張筱浦侍郎行  
文淮安學官向閻氏後人索之越數月得學使復書則  
復申所撰行述

世宗憲皇帝祭文輓詩歸然俱在意潛邱之靈實默相  
焉爲之意愜者絜日爰與願船更事討論密又加密蓋



自初始以訖今日凡五易稿而後寫定此本雖呈漏仍不免然於潛邱束身力學之大綱約畧具矣學哲倘能循潛邱讀書之法研證經史勉成實學而不蹈標榜聲譽苟簡自封之習是則區區舉似前賢之微意也夫整比再三勉徇尙書之意付之梓人因述其緣起如此道光二十六年十二月平定張穆識



或二十六學士二十四平定縣縣

江州三學府府之意好之者人因並起為進而此

和州府府之意好之者人因並起為進而此

和州府府之意好之者人因並起為進而此

和州府府之意好之者人因並起為進而此

和州府府之意好之者人因並起為進而此



癸卯夏穆改訂亭林年譜既卒業念

國朝儒學亭林之大潛邱之精皆無倫比而潛邱尤北方學者之大師因取杭大宗錢曉徵所爲傳及劄記疏證諸書排次歲月爲潛邱年譜將以詒吾鄉後進興起其嚮學之心討論月餘稿艸殆具是年秋南游江淮過山陽訪丁儉卿舍人訊以潛邱遺事儉卿出所著山陽詩徵柘塘脞錄見示頗多采獲漢陽劉棻雲學正見之爲修改十餘條葉潤臣舍人好爲詩凡國初人集有與潛邱相涉者輒來相告增補加密矣洎



交光澤何願船比部復以此譜相誘願船爲析疑彌罅  
又不下數十事於是壽陽祁尙書嘉其用力之勤欲遂  
墨諸版與顧譜並行憶戊戌冬襄校淮安見閻氏之應  
試者今尙多有遺容志傳必世守焉不可當吾世而失  
之也屬同年何子貞編修致書學使者張紱浦侍郎行  
文淮安學官向閻氏後人索之越數月得學使復書則  
復申所撰行述

世宗憲皇帝祭文輓詩歸然俱在意潛邱之靈實默相  
焉爲之意愜者繁日爰與願船更事討論密又加密蓋



自初始以訖今日凡五易稿而後寫定此本雖呈漏仍不免然於潛邱束身力學之大綱約畧具矣學者倘能循潛邱讀書之法研證經史勉成實學而不蹈標榜聲譽苟簡自封之習是則區區舉似前賢之微意也夫整比再三勉徇尙書之意付之梓人因述其緣起如此道光二十六年十二月平定張穆識



漢書卷一百一十五

地理志第五十五

漢書卷一百一十五

地理志第五十五

漢書卷一百一十五

漢書卷一百一十五



閻潛邱先生年譜卷一

郡後學平定張穆編

先生系閻氏名若璩字百詩別署潛邱居士

四庫書提要潛邱者若璩本太原人寄居山陽爾

雅曰晉有潛邱元和郡縣志曰潛邱在太原縣南

三里取以名書不忘本也一統志潛邱在太原

縣東八里太原縣志潛邱相傳宋修惠明寺塔

陶土爲瓦遂失其形疑卽今之瓦窯村山陽丁

儉卿晏嘗於淮安市上得潛邱居士小印珍弄之



歲甲辰入京師見穆爲先生所撰年譜遂以印相

贈譜中所采山陽詩徵柘塘  
勝錄皆儉卿所手輯也

始祖仲寶元初自祁縣遷太原嘉節都西寨邨

子詠撰潛邱行述始祖貞逸公諱仲寶魏叔子

閻氏本支敘閻氏受姓相傳爲周昭王少子爲泰

伯曾孫爲唐叔虞後皆遠無所考信修齡之錄斷

自元初遷太原仲寶公始又曰元初自祁始遷太

原嘉節都西寨邨者曰第一代始祖仲寶公 四

書釋地今晉水源有女郎祠去吾家之西寨邨一



十八里

第四代祖岱

本支敘四世以下嵒紀修齡所自出其始分支者

曰第四代祖岱公

第五代祖珍敖

本支敘始分四大股者曰第五代祖珍敖公 尙

書古文疏證

卷六下

鉅鹿澤一在鉅鹿縣西北一在

昭慶縣東二十五里昭慶縣今真定府之隆平余

五代祖之弟實遷其地云



第六代祖人瑞

本支敘始分十四小股者曰第六代祖人瑞公又曰三晉方言稱某支爲某股

第七代祖居閭號西渠始由太原遷山陽

本支敘遷淮者曰第七代淮安始祖西渠公又曰

蓋自仲寶公遷太原以耕讀世家西渠公業鹽筴

遷淮而後世稱素封皆代有隱德多文學士又曰

西渠公之遷淮也在正德初

案杭大宗錢曉徵兩傳俱作五世祖始居

淮安趙飴山撰墓志則曰六世祖蓋由先生之身而上溯之爲六世也

釋地吾家



自高高祖由晉之汾水遷楚之淮水所以二水之

源及流皆曾窮厯之

案梁洲金石例古人例以高祖上一世稱五世祖故先生

沿俗稱則曰高高祖杭錢作傳則曰五世祖也

王山史賀牛叟先生壽

序先生之先爲太原人以貲游於淮遂家焉居有

廬耕有田藝有圃

陳其年贈閣梓勤二十初度

序自注梓勤居淮之竹巷狀元里左汾近橐邱

瓊山過山陽詩揚州千載繁華景移在西湖嘴上

頭西湖嘴在運河東岸距余家狀元里僅二百步

余嘗笑此謂成宏時之西湖嘴耳



高祖翰號雙溪太醫院吏目

行述五世祖明將仕郎太醫院吏目雙溪公萬

厯甲辰進士履厯便覽閣世則祖翰吏目南雷

文定參議閣公神道碑其先太原人至公之祖雙

溪徙於淮右

曾祖國順字覺吾歲貢生南安府上猶縣訓導

太原縣志閭國順字覺吾有至性年十歲大父病

夜禱願以身代性甘淡泊而急於解紛鄉人有奇

冤以千金爲壽求居閒國順力卻而卒陰爲之所



訓子世科成名封如秩鄉人共舉入鄉賢祠 南

雷參議公神道碑雙溪四子而覺吾以明經爲上

猶掌故惠吾以舉人爲狄道令公則覺吾之長子

也淮安府志閭士望萬厯四年丙子山西中式舉人太原縣志閭士望國順弟任陝西狄道知

縣有惠政民立祠祀之行述先高祖考封文林  
康熙十六年入名宦祠

郎浙江湖州府推官 劄記示孫學翼詩注高曾

墓在太原西山

祖世科字伯登號礪楚又號龍門萬厯庚子舉人甲

辰進士官至遼東寧前兵備道參議



萬歷甲辰進士履歷便覽閣世科龍門詩四房行述

吾家明朝俱以詩經中式國朝則皆治禮記己卯六月二十一日生案

生於隆慶庚午至萬歷甲辰年三十有五履歷減十歲則二十有五也太原籍南直

山陽人庚子二十五名舉人會試一百名三甲二

百二十三名兵部觀政乙巳授湖州府推官釋地餘論

引朱文肅國禎湧幢小品論磁州水利事曰先參議起家湖州司李與朱交好朱亦曾口述手畫其

事己酉福建同考官剗記聞旌德令從兄聘試江寧詩楚材原待晉祖德自依

孫自注參議公主試萬歷間於今六十餘年案後六十餘年當為康熙八年己酉也釋地鍾伯敬

述其座主雷何思檢討之言不得於言勿求於心不得於心勿求於氣告子是箇大受用人萬歷己



西閩闡先參議以湖州司馬聘往領房雷何思爲  
正考共事甚歡亦偶及是語故余家世實聞之  
錢謙益明詩人小傳雷思霈字何思夷陵州人萬  
厯辛丑進士何思好學問通禪理講經世出世之  
法其宗指在江陵內江之間己酉出典閩試所撰  
程策頗見大意惜其未試而歿何思集其門生鍾  
惺所論次

庚戌舉卓異辛亥升戶部主事壬子管象房  
艸場癸丑升郎中遼東管糧丙辰升河閒知府仍

畱遼東管糧丁巳升寧前參議戊午回籍是科總  
考資政

大夫禮部尚書兼東閣大學士朱賡俞庭浙江山  
陰人戊辰進士嘉義大夫禮部右侍郎兼翰林院  
侍讀學士掌院事唐文獻抑所南直華亭人丙戌  
進士同考詩四房文林郎禮科都給事中張問達  
誠字陝西華亭人癸未進士割記弔方坦庵詩  
通家原孔李自注先參議出公叔父大理公之門



又送金道州詩孔李先朝籍最真自注先參議出麗陽中丞公之門案若方若金蓋公鄉試座主

南雷文定參議閣公神道碑公字伯登號礪礎

登萬厯甲辰進士第授湖州府推官湖濱巨浸多

盜賊治以嚴苛始辦公奉職循理解其繁密民甚

便之有豪右誣人死罪公疑之精神所注通於夢

覺神語諄諄卽時判結戊申水災民死者過半公

與郡守陳幼學發廩勸分盡所以救荒之術故民

雖饑而不怨

割記移寓雜興詩手霹萬人曾得活心冰十郡舊皆寒先公祠宇今猶在

君說遺黎淚未乾自注先大父起家湖州司李與郡守陳公筠塘同時政最有聲首二句卽用直指



方公魯岳薦疏中語也

左汾近稿有送張龍占

還湖州詩結句云棠梨聞尙在花發到孫枝自注

先曾王父起家湖多秀民而經術不足公禮姚承湖司李有治聲

庵以爲大師其說時與朱文公相出入學者始知  
穿穴經旨以求自得庚戌大計郡吏舉卓異第一  
人爲戶部主事癸丑以本部郎中總理遼餉時邊  
烽尙息而軍政易茸公爽然憂之乃蒐乘補伍廉  
重核實三年之內捐公費千百五金貯積六萬餘  
緡發寄國之弊坐放如期築廩倉數十間分屯鹽  
二頃不相侵奪公於邊事所以經營綏輯先後始



終之際委曲纖悉無不備者蓋已逆知將來東方

之有事也丙辰擢守開封

明詩綜云出知河閒府與履歷同此作開封誤

而今河閒府志郡官表明崇禎間知府亦無世科名則以題畱本部原未蒞任也

司農李

汝華特疏題畱引公自助又明年陞山東右參議

兼按察司僉事廷議邊才改爲寧前兵備當是時

戊午之敗問尋至公置幼子於潞河單騎出關拔

祖帥於廢籍整頓營壘以待不虞而巡撫不知其

爲勞薪也以公禮格之公旣不得行其志念八十

老父曳杖倚閭將無忠孝兩失乎遂投版棄官而



去自公去後疆場破碎談兵者非身橫獄戶卽駢

首西市鮮有以功名終者而後知公有先幾之智

也

剗記與趙秋谷書錢牧翁爲先參議作閤寧前畫像贊按有學集贊曰幅巾裘衣步雅視詳夷

考其垂魚委佩濟濟蹌蹌斯公雅頌廊廟厲坊表  
函文章佩韋弦而修珩璜者邪披襟奮袂立栗趨  
翔旋觀其法冠豸服容容昂昂斯公之僂力邊疆  
教背崑環武岡犁虎穴而掃扶桑者邪全遼金甌  
渝關金湯誰隳戎索誰壞堵牆急杵擣匈危柱促  
腸身已閒而憂惄口已含而視長瞻公遺像整容  
肅衣不自知其清淚之漬裳也  
行述先曾祖考  
常熟錢宗伯爲像贊墓誌則漳浦黃詹事爲之按  
墓志  
今佚  
公歸整拂藤蒲具陳花木與太翁得盡田里  
骨肉之歡逮丁大故雞骨支牀爲鄉論所榮逆黨



崔呈秀盛時以同年生通殷勤公不顧而唾家居  
二十五年漕撫王紀李養正給事中解學龍御史  
王允成累登啟事公皆不應所著有敬刑錄計遼  
始末諸書生於隆慶庚午六月二十一日卒於崇  
禎壬午二月二十一日享年七十三葬於淮上之

蛟龍溝北壟娶高氏蔡氏

剖記家君云過鶴江蔡公宗伯墓下爲水所齧

公先孺人曾王父也時子孫蔑有存者一首言從  
尙書墓正屬蔡家親石馬馭秋艸銀魚掩夜燐麥  
盤誰更薦桂釀久虛陳去去猶盈淚寒泉在夢頻  
首韻下自注司空曙贈外弟盧綸詩平生自有分  
况是外家親次韻下自注公官兼學士末句下自  
注陶淵明孟嘉傳淵明先親君之第四女也凱風



寒泉之思實鍾厥心

又蔡公鶴江在詞館與新

都楊升庵友善姓名字見升庵文集卷五十七云

淮南蔡衡仲昂

淮安志禮部

贈封皆孺人副室

侍郎蔡昂墓在城南包家園

陳氏子一修齡江以北之學者也女三其壻諸生

許永祐舉人李藻先

割記有與李表弟邨詩

諸生杜嗣皋

淮安府志閭世科仕蹟又除蕭山盜窟夙害頓去

山陽詩徵龍門先生家本晉人世居淮上官湖

州司李時有疑獄屢讞不決夜夢人語之曰汝未

舉子宜畱意祥刑覺以告其母母曰獄中囚必有

當平反者汝試求之及再錄果得囚冤狀遂出之



人咸異焉其爲遼東管糧戶部郎中及兵備寧前  
參議時皆有特勅一道蓋神宗之末東事孔亟故  
特異於他處也 明詩綜載世科詩一首楞伽臺

垂老投簪穩憑高對酒閒江楓梳白髮海霧羃青

山日極秋天遠身依暮鳥還禹功遺跡在千載喜

登攀

割記家大人追和先大父楞伽臺述懷并命  
璩作到此成三世居停總一僧神州悲易變

祖武媿難繩小艇當春載高臺正  
晚登追隨愁不及江水捲層層

父修齡字再彭號牛叟淮安府學生

淮安府志云  
明末貢生

趙飴山潛邱先生墓志考諱修齡世所稱牛叟先



生者也以文名一時撰述甚富 魏叔子集修齡

平生慎檢持以詩名 淮山肄雅崇禎乙亥倪宗

師元琪

浙江人壬戌進士

歲試淮安修齡以商籍入學首

題攝齊升堂次題坐而言不應 王山史牛叟先

生壽序先生行誼甚高又淹通墳籍著爲詩文清

真典雅可以式靡起衰 劄記乞言小奏家君生

丁巳九月十日籍諸生先是參議公分校閩閩禱

於九鯉湖而生名字皆夢中夙授少穎異不凡性

篤孝先大父母見背哀毀踰禮克襄大事極其誠



信依戀松楸數十年不釋於懷與先母白首相莊  
始終無閒言生平非義之取雖千駟弗視交游不  
侵然諾常云欲學沒脊而不能蓋有爲之談也嗜

荔枝續圖以寄遐抱

陳其年迦陵詞洞仙歌證前  
生爲閩牛叟賦注引牛叟兌

閣遺徽序曰予生於閩故生平癖嗜尤在楓亭荔  
枝妻屢辦裝助予入閩啖荔以遠道逡巡未果也

著有眷西堂詩文紅鷗亭詞行世茶餘客話國

初郡城園亭見於詩文者甚多今遺址無考以余

所知閩牛叟眷西堂在新城東門金石廐嘉樹軒

在新城又一蒲庵影閣鶴巢鶴墩在平河橋又西



爲飲牛草堂

案平河橋在淮安城南四十里剡記有平河舟望詩淮安志平河橋鎮城南五十里枕隄跨河邨落市肆兩相映帶田疇肥美帆檣繹絡亦淮甸之門戶也昔有橋今圯久矣

或曰運河水至此而平故名

山陽詩徵引吳山夫云牛叟先

生七歲入小學塾師以丹山鳳屬對卽應聲曰碧

海龍識者以爲偉器先生家世豪貴獨折節以讀

書取友爲樂未弱冠爲督學御史倪元珙所賞拔

復從漳浦黃公道周游甲申以後棄儒衣冠與同

里張虞山靳茶坡諸先生爲世外交

淮安府志張養重字斗瞻

山陽人崇禎中諸生善詩文不求仕進子欽世從子鎮世一門高隱父子閒自相倡和所著有一家



言靳應昇字璧星山陽人順治中歲貢生博學工  
文尤長於詩有渡河集 茶餘客話靳璧星號茶  
坡樵子張養重號虞山逸民晚自廣 閒若禪侶靜  
南歸戴一椰子冠又號椰冠道人

若處子去城西四十里小築一蒲庵朝夕行吟介  
然自守不趨流俗其詩高潔無烟火氣不減儲王  
著有秋心秋舫冬涉影閣諸集行世尤工花閒草  
堂諸闕舊刻有清溪怨感青姬作也一時和者如  
雲余嘗見先生畫像一卷爲圖凡六初爲授書圖  
畫卽角童子學書於參議公側參議公高冠偉服  
望之肅然生敬次爲游泮圖方巾襴衫樹二金花



於首乘白馬前有彩旗後張黃蓋此爲前明崇禎  
乙亥年先生年十九歲題者甚多惟張虞山七言  
古詩爲詳次爲焚冠圖聚儒衣冠而焚之繫漁舫  
於叢葦中將行遜也自題云甲乙之交學業頓廢  
效殷之箕子而不得慕堯之巢父而不能別號飲  
牛叟始此嗚呼然後知先生前二圖之意皆爲此  
圖設也其志亦可悲矣又次爲改詩圖則四十時  
也有蒙叟河濱詩錢謙益別號蒙叟李楷字叔則  
號河濱朝邑人國初官寶應  
知縣漁洋蠶尾集有李河濱書跋曰先生以文章  
起關中游宦淮南居廣陵最久比余至揚州而先



生歸秦數載矣然時時聞江淮士大夫言先生每  
作詩文廣坐酒酣使兩人張絹素縣腕直書略不  
加點如疾雷破山怒濤穿脇頃刻而罷擲筆引滿  
旁若無人舉坐爲之奪氣名噪一時亦以此取忌  
坎壈失職傲然不屑也書學東坡得其骨髓云云  
愚山有酬李叔則詩注云罷官居廣陵又一首注  
云君歸關中明蒙叟詩不在卷中又次爲東籬圖  
年而揚州難作則五十時也追和河濱三首又自題一絕云題詩

者甚多如杜蒼略

名界初名紹凱號些山茶邨之弟也

程穆倩

名邃號垢

區歙縣人鄧孝威

名漢威號鉢叟泰州人著有過

流寓江寧嶺集康熙己未召試以

年老授中書舍人嘗坐文選樓選詩爲詩觀初二三集別集蕭樓集

紀伯紫

名映鍾一字蘂

子號戇叟上元人割記有慈峨言紀

輩皆一時聞

一丈伯紫亦未葬愴然同作一首



人此卷今歸吾鄉劉氏先生之孫甥也予就錄先

生自題詩數首先生他著甚多今皆散佚失傳可

惜也

案圖凡六而所引山夫語止五詩徵尙載有斷絃圖自題絕句爲六十時作

行

述先祖考所著有閩氏本支錄五思錄秋心詩一

蒲庵詩名流老輩來訪下榻嘉樹軒或畱止經年

或數月

劄記移寓雜興詩注余幼時每侍家大

人與諸名宿語

柘塘脍錄先生滄桑後隱居白

馬湖與同里茶坡虞山諸人結望社相唱和風雅

之士一時翕集如黃岡杜茶村

名濬字于皇初名紹先見復社姓氏



太原傅壽主

事蹟見顧譜

南昌王于一

名猷定號軫石著有四照堂集

寧都魏叔子

名禧字冰叔號裕齋一號勺庭嘗集同志九人講學於易堂

臨清

倪天章

名之煌淮安志劉漢中字勃安山陽人康熙中歲貢生選東流縣訓導臨清倪天章

流寓淮安僦屋與漢中同居暴卒於馬陵經紀其喪銘其墓收其遺詩乞毛奇齡序而傳之案劄

記有答

徐州萬年少

事蹟見顧譜

閻古古

名爾梅字用卿著有白耑

山人集查初白有讀白耑山人詩三百首

皆下榻相待飛觴拈韻爲南

北詞流所宗不減玉山雅集之盛於世味泊如也

左汾近稿幼時見先大父藏弄壽承二字私印

傳爲三橋手筆



母丁孺人諱仙窈字少姜清河丁文恪公季孫

魏叔子閤母丁孺人墓表淮安閤君再彭修齡之

妻姓丁氏祖文恪公諱士美嘉靖己未狀元官吏

部侍郎贈禮部尙書父中憲大夫知姚安府諱有

殷

剖記丁舅兄爲其二子來乞名余名之曰醴源

曰禾根以文恪公後人也并繫以詩又案潛邱  
與喬石林爲姨兄弟剖記有哭石林姨弟詩是也  
又贈潘山補詩曰我母母之祖厥官曰中丞傳君  
已六葉家法守還能中丞謂明都御史塤也及考  
鈍翁類稿喬母潘孺人墓志石林母乃塤之元孫  
女輩行差忒汪志疑誤又案山補名夏字西河  
山陽人順治中諸生淮安志稱其不事舉業專肆  
力於詩性好酒家貧不能常得興至卽走向友人  
家索飲醉則以一詩報之愛其詩者召飲無虛日



著有漱滄亭詩然則潛邱贈詩後二韻曰縱酒愁  
書亂離鄉畏病增高堂幸強飯勉矣就蜚騰蓋規  
之崇禎甲戌孺人年十七歸再彭再彭早失母夫  
也

人時參議公老在堂孺人內外家皆貴盛特柔謹

孝事參議公自奉養朝夕至視疾喪葬無違禮遇

二女公女妹必敬以和身撫杜氏孤女甥而厚庀

匱具嫁之

案參議公有女嫁杜嗣皋見前南雷墓碑

生平於奴婢罕叱

咤聲接內外姻婭無失色孺人諱仙芻字少姜行

季性婉慧眉目朗秀知書明大體兼通琴弈琴不

由師授以意成譜妙合音節事再彭恭奉再彭賓



客酒漿久必飭夫婦相歡得白首如年少人甲寅  
八月孺人以微疾卒閻氏故世家自高曾以下生  
忌日皆祭每歲十餘舉孺人直日必夙興潔觴豆  
肴蒸僮被立須再彭拜獻未卒前十日一祭愆期  
日亭午孺人覺之恚曰吾爲閻氏婦奉烝嘗四十  
年未嘗敢失事何今日而遽忘之豈死期至神不  
守邪卒成禮又七日曾祖妣忌力疾整衣肅拜如  
平時又三日歿孺人於家無專制鉅細必稟再彭  
然遇事往往開陳義命再彭性褊每改容從之甲



申後勸再彭棄科舉學再彭遂以詩名予與再彭  
若璩皆有交請予表其墓門墓在吉家塋距參議  
公兆西二百步初再彭偕孺人上先塋憩此偶指

一穴曰他日與汝合葬是今正其處云

案丁孺人墓表牛叟

先生初請邱邦士作之邦士不果作而卒叔子作邱維屏傳載其事曰己未九月病噎不食死年六十六先是淮海閻氏以椿繭一匹將書求為其妻銘墓未作也死之先日邦士命家人取繭出曰以付冰叔還淮安閻氏時余方就醫秦和未歸云云然則此繭應遂歸叔子矣

乞言小

奏先母生戊午九月三日家君敬之稱為濟陽君

從郡望也

陳其年定風波齊世家詞注引牛叟兌閣遺徵曰妻名仙筠字少姜女兄弟五



人幼者適子從兄自名其讀書處曰  
兌閣妻丁姓子恆呼之爲濟陽君孝慧柔慎尤

曉大義事至不動聲色而就理御下仁恕肅然成  
風卒之日無賢愚內外咸慟惜之一生善病勿藥  
垂危前三日猶禮拜先高妣忌辰吉祥而逝年僅  
五十有七 己未詞科錄徵君母丁自題讀書處  
曰兌閣以兌爲少女已於女兄弟中行最少云何  
濤案牛叟兌閣遺徵云妻女兄弟五人少者適子從兄此云最少誤陳其年閤牛  
叟貫花詞序自注牛叟向有悼亡之戚曾爲賦兌  
閣遺徵詞十首案牛叟兌閣遺徵詞不傳其小序



俱載陳其年迦陵詞中但失其次耳

又案西河亦有和作并載

牛叟浣溪紗逮下詞注引曰妻屢請納妾予不應

原序閒置孔氏一妾三年遣之猶處女焉減字木蘭花

佐家詞注引曰余世以鹽筴起家後中落妻恆好

語相慰祝英臺近維摩天女恰同參詞引曰妻屢

勸予參訪耆宿究向上一著而以鈍根未果近慚

龐媼遠負萊妻滿江紅琴弈雙清詞注引曰妻善

弈花下與諸女劇必招予予笑謝於琴不由師授

以意成譜巧合自然卓牌兒聯吟詞注引曰余填



詞成妻恆爲解頤偶製杏花天三闋妻索書素帕  
出入懷袖中月華清病榻閒情詞注引曰妻一生  
鮮憐容雖疾疾亦淡妝讀史子調曰提學未至女  
秀才矻矻何爲每憩耳天閣日課童奴弗濯余以  
丈夫當埽除天下爲言妻笑曰請從一室始泛清  
波摘遍采菱詞注引曰妻種菱湖西常攜諸女扁  
舟采摘當夕陽下春翠袖紅妝與清流碧沼相映  
宛在畫圖寅秋尙期踐此約而竟不逮矣以上凡  
七事餘  
三事散見前  
後各條下劉松蒼雪坡詩話迦陵嘗爲牛叟



賦卓牌兒詞云云想見牛叟伉儷風致而百詩又  
能以經學名世亦奇矣

明崇禎九年丙子十月十四日先生生

剖記有壽子仁詩曰吾聞堯元載竹書歲丙子後幾  
七十周實爲吾生始又生日展期啟今年下元前一  
日爲吾六十 杭大宗道古堂集若璩生參議公酷  
愛之常抱置膝上摩頂熟視曰汝貌甚文其爲一代  
文人以光吾宗乎 行述府君生於明崇禎九年十  
月十四日亥時



十年丁丑二歲

十一年戊寅三歲

十二年己卯四歲

十三年庚辰五歲

十四年辛巳六歲

道古堂集六歲入小學口吃資頗鈍讀書至千百遍

字字著意猶未熟且多病母聞讀書聲輒止之閤記

不敢出聲 割記移寓雜興詩注余六歲時見家古

古先生

割記楊維垣戊淮時畫明妃夢還漢宮圖屬人題詠適同宗閤用卿先生自沛至曰楊名



在逆案果漢宮可還則逆案可翻矣楊立取  
卷回後直指使者誣劾用卿楊與有力焉

十五年壬午七歲

二月參議公卒於家

十六年癸未八歲

十七年甲申十月朔爲

大清順治元年九歲

是年牛叟先生客金陵先生從母丁孺人避地吳越  
迦陵詞賀新涼雙魚問爲閨牛叟賦注引兌閣遺徵  
曰甲申予客金陵妻獨攜子女避地吳越常手書促



子歸爲輕薄子啟緘竊視歎箴勉得性情之正 釋

地年九歲讀孟子疑滕定公薨兩使然友往鄒問孟

子何緩不及事

疏證卷六上余少時習孟子疑滕定公薨云云與釋地語意略同但不著

少時爲  
幾歲耳

茶餘客話劉節之孔和山東長山人明大學士鴻訓

子少年豪俠詩文有奇氣好煮酒論兵結納死士散

財聚眾於長白山殺僞縣令

秋濤案此事在崇禎甲申闖賊所署縣令也

領數千人至淮安時劉澤清開藩淮上建牙新城節

之同鄉有舊遂以兵屬後見澤清所爲不道屢侮之



澤清怒令健兒二十人拉死之節之在新城與閭修齡靳茶坡友善時有唱酬死後修齡茶坡攜白金數百兩往尋其屍終不得

案漁洋文略有劉孔和傳

二年乙酉十歲

是年從兄洞以商籍入淮安學

案割記有寄從兄錦濤詩錦濤當卽洞之

一字也

三年丙戌十一歲

是年從兄若琛以商籍入學

案若琛字紫琳與先生同曾祖祖世美父調元

見戊戌進士履歷便覽是年與若琛同案人學又有閭若璵商籍亦先生從兄也



四年丁亥十二歲

茶餘客話靳茶坡閩牛叟張虞山丁亥秋有三子秋

心之刻興化李小有序之小有自稱虛天游秋濤案小有名

長科世所傳仁品  
廣仁品皆其所輯

五年戊子十三歲

六年己丑十四歲

劄記初刻唐百家詩選序回憶五十載前曾遇閩中

書賈持翻刻本正二十卷案此序作於康熙己卯

七年庚寅十五歲



道古堂集年十五冬夜讀書有所礙憤發不宵寐漏

四下寒甚堅坐沈思

行述此下有筆硯皆冰四字

心忽開朗如門

牖頓闢屏障壁落一時盡撤白是穎悟異常是年列

學宮爲弟子

案據淮山肄雅入學實在明年

名流如李宗伯太虛

名明

睿南昌人天啟壬戌進士官左方處士爾止

名文桐

諭德入國朝官至禮部侍郎城人著

有龠梁商邱公狄

案歸德府志職官表商邱知縣梁山集以樟崇禎閒任魏季子集書梁公

狄甲乙議後初授太康令時賊盤踞中州公與其兄

以枹悉志力拒之以殺賊功調商邱賊攻商邱陷公

夫人張氏并家屬俱死公傷仆亂尸中民救之三日  
後蘇逮刑部獄天子以爲無罪出之獄數日京師陷  
公冒死南下參史閣部軍題授兵部主事經理河南  
迨命下而事不可爲矣云云甲乙議者公狄前後所



上封事及平賊方略也鼎革後隱居高郵施愚山有  
璧湖答梁公狄詩云千里尋君逢臥病杖藜猶有爲  
開門浮家不厭滄州癖抱膝誰知故老存白髮獻歌  
含涕淚殘尊風雨自寒溫扁舟歲晚歸人急信宿何  
年湖上邨孫夏峯集亦有覆公狄札及踵韻寄懷之  
作苗夔案以樟清苑人明崇禎己卯北直解元大  
興王潔王源之師也王處士于一李孝廉小有杜貢  
見忽谷後集王子傳

士于皇宗人孝廉古古與之上下議論咸拱手推服  
以一經不可盡也進而之五經則曰十三經不通五  
經不能精也次第卒業阮應韶筆訓云吾父嘗言  
少時與閭百詩先生同受業於靳茶坡先生之門同  
學日暮抱書歸家閭天資魯獨吟不置必背誦如翻



水乃已後發憤將書拆散讀一頁輒用麪餬黏几背  
既熟卽焚去終身不再讀一夕胸前膈下豁然洞開

若有聲震耳後視書一過目卽成誦戊午與吾父同

薦鴻博爲世通儒

秋濤案道古堂集不言潛邱十五歲時所事何師以筆訓考之是已

從蘄茶坡游也證以割記之言知從茶坡亦五六年應詔字虞再山陽人穆案應詔父名晉字鶴緱吏垣牘略已未山陽薦舉鴻博赴部驗到者三人李鎰邱象隨張鴻烈未到者三人嵇宗孟張新標馬駿更無阮晉之名淮安志稱晉由諸生入國學鴻博科開津要多欲招致其門堅辭不附是其事也晉孫學浩學濬曾孫葵生芝生皆成進士宦顯於時芝生字紫坪先泗州府君丁丑進士同年也

沈儼劄

記序先生生長世胄家多藏書幼卽潛心鑽挈挾精



別隨思成一家言所交盡海內名流如李太虛梁公

狄杜子皇李叔則王于一魏冰叔昆弟

案冰叔從兄伯子際瑞弟

季子禮所謂江西三魏也

時過淮必主其家輒畱止經年與先生

討覈今古諸公皆歎服謂後來者居上

八年辛卯十六歲

案淮山肄雅錄順治八年李提學嵩陽類考先生以

商籍入淮安學首題伯夷叔齊至怨乎次題視天下

悅而歸己

清祕述聞李嵩陽字雲增河南封邱人前庚午舉人順治六年任案吳梅村有贈李

峩居御史督學江南詩荆注引程迓亭曰嵩陽字元佩號峩居又董含蓴鄉贅筆封邱李公嵩陽起家乙



榜視學江南翁  
然有公明之日

顧棟高萬卷樓雜記閣百詩先生

年十五補山陽學官弟子掣究經史深造自得嘗集

陶貞白皇甫士安語題其柱曰一物不知以爲深恥

遭人而問少有甯日其立志如此

案題柱語先生載  
之困學紀聞箋

是年毛西河避讎初出游淮上變姓名王彥字士方

九年壬辰十七歲

十年癸巳十八歲

十一年甲午十九歲

從兄若琛中式山西舉人



十二年乙未二十歲

錢傳年二十讀尙書至古文五十五篇卽疑其僞沈  
潛三十餘年乃盡得其癥結所在 墓志少讀尙書  
多所致疑謂自孔安國至梅賾幾五百年中間半出  
傳會遂著尙書古文疏證以申其說 行述著尙書  
古文疏證蓋自二十歲始而諸子史集亦自是縱學  
無不博覽 剖記題春秋左傳屬事余年二十前從  
同里靳茶坡先生學此書蓋得於其家 移寓雜興  
詩注霞舉紫嵐同余受業靳茶坡先生之門余年最



幼

疏證

卷八

同里友人石子華峙字紫嵐一字企齊

與余善每著疏證成或面語或遣信送覽正唐人詩

所謂爲文先見艸者

淮安府志石岱峙字霞舉弟華峙字紫嵐大河衛人皆諸生文

章行誼見重一時邑人交口稱二石先生

又紫嵐嘗謂余子於考證之學

洵可謂工矣其指要亦可得聞乎余曰不越乎以虛

證實以實證虛而已

釋地三續吾何修十二句引石子嵐說卽紫嵐也劄記多與紫

嵐書

及詩

十三年丙申二十一歲

十四年丁酉二十二歲



十五年戊戌二十三歲

三原孫豹人枝蔚漑堂前集戊戌年有懷閨百詩就醫京口詩苦憶淮陰閨伯子近來脾病太相磨少年最有登臨興異縣其如藥餌何能賦茂陵消渴甚苦吟昌谷嘔心多漫勞著作徒無益努力萊衣舞且歌

阮太傅廣陵詩事孫豹人本三原人至廣陵學賈三致千金頓自悔曰丈夫處世不能舞稍取金印如斗大則當讀數十萬卷書耳何齷齪學富家兒乃僦居董相祠旁名其居曰漑堂舉詞科時崑山大司寇徐公爲一時龍門四方之士鱗集仰流豹人獨不事干謁入試不終幅而出

上雅聞其名

命

賜銜以寵其行

行述以病嘗就醫鎮江特延李寶應叔則



先生偕行偃仰金山楞伽臺日作詩倡和夜則乘月

浩歌達旦與江聲相應長洲金聖歎聞而訪焉語輒

詘逡巡別去

王應奎柳南隨筆金人瑞字若采聖歎其法號也少年以諸生爲遊戲具補而

旋棄棄而旋補以故爲郡縣生不常性故穎敏絕世而用心虛明魔來附之錢宗伯天台泐法師靈異記所謂慈月宮陳夫人以天啟丁卯五月降於金氏之卜者卽指聖歎也聖歎自爲卜所憑下筆益機辯瀾翻常有神助然多不軌於正好評解稗官詞曲手眼獨出初批水滸傳行世崑山歸元恭見之曰此倡亂之書也繼又批西廂記行世元恭見之又曰此誨淫之書也顧一時學者愛讀聖歎書幾於家置一編而聖歎亦自負其才益肆言無忌遂陷於難時順治十八年也初

大行皇帝遺詔至蘇巡撫以下大

臨府治諸生從而訐吳縣令不法事巡撫朱國治方睽令於是諸生被繫者五人翼日諸生羣哭於文廟



復逮繫至十三人俱劾大不敬而聖歎與焉當是時  
海寇入犯江南衣冠陷賊者坐反叛興大獄廷議  
遣大臣卽訊并訊諸生及獄具聖歎與十七人俱傳  
會逆案坐斬家產籍沒入官妻子遣戍云鮎埼亭  
集劉繼莊傳後跋曰繼莊之才極矣顧有一大不可  
解者其生平極口許可金聖歎故吳人不甚知繼莊  
閒有知之者則以繼莊與聖歎並稱又咄咄怪事也  
聖歎小有才耳學無根柢何所取而許可之然繼莊  
終非聖歎一流不得不爲別白也案繼莊名獻廷  
吳人寄籍大興明史館一統志局繼莊皆與其事  
是年從兄若琛成進士改兵部主事若琛歷官至嘉  
興府知府割記

贈李梅谷吏部詩自注國博兄同年昔與同官案梅  
谷名含春順天通州人戊戌進士國博蓋若琛別字  
也左汾近稿寄顧山容學士詩吾家所欣賞  
倍與阿咸親自注君出從父今嘉興守之門

十六年己亥二十四歲



十七年庚子二十五歲

劄記題邵文莊簡端錄余年二十五歲始從同里吳  
太易先生學見先生手不暫捨此書閒請而觀焉復  
於先生曰未見甚佳處先生微笑蓋先生病耳聾以  
爲此自其恆狀越後二載取而復讀徹首徹尾不覺  
沈酣尋味者彌旬以復先生先生喜曰吾當日若嗤  
子子未必服固知吾子必有今日解悟在其善開發  
人如此然則先生自此年至壬寅入京師以前皆從吳太易學也困學紀聞箋  
先師吳太易先生問余五福無貴子知其說乎對曰



未也先生曰蓋福乃人生受享之物古者有一命則  
有一命之責任寒者與衣飢者與食凡不獲其所者  
與安是以終身處乎憂患之域而不遑暇其在位也  
如肩重負及去位也如釋重負豈若後世之貴者以  
位爲恣睢乎故五福中不得有貴此論甚精

案凡厥正人既

富方穀古未有富而不貴者深甯突之論允矣

釋地天時不如地利條業

師吳太易先生謂此節兩地利字殊不同上地利是  
舉偏而言之已足勝天時下地利是舉全而言之仍  
不能及人和語此時歲在庚子距今四十有二年

案後



四十二年為康熙四十年辛巳墓木徒拱著書莫遂恐有名字翳如

之感為識於此自注先生諱一清大河衛人丁西北

聞舉人甲辰擬會元後二年卒秋濤案先生篤於師弟之誼若此烏有始

學終倍如顧江諸說者哉李塉大學辨業題詞大學釋治國未

釋平天下蓋天下者國之積也此國如此用人如此

理財推之他國亦如是無異道也故治平條一天下

字虛五國字實以為國作爾三十載前聞先師吳太

易云是編又不謀而合至德不孤斯文尙在不意老

年見此奇特塉字剛主蠡縣人自名其里曰恕谷康熙庚午舉人通州學正案恕谷此書成



於康熙戊寅己卯過淮安與潛邱相見題詞當即作於此時

儒林傳稿有評定

古文百篇其師山陽吳一清所手授續加闡發

是年從兄洞中式山西舉人西河復出游自此年

至康熙三年甲辰皆在淮上

施愚山毛子傳出亡抵淮上山陽令朱禹錫故

善性爲召諸名士詞人畢集爲歡而吏部張新標父子耆詩有名園中秋夜會客數十人伎樂合作牲倚醉扣盤賦明河篇凡六百餘言及旦則淮上諸家傳寫殆徧宣城施閏章還自京師見之目爲才子自是客淮數月畱連不能去姓年四十餘尙無子自言當以客游老云案是年西河年三十八此傳當作於康熙三四年愚山比年皆以分守入

覲歸路

出淮上也朱禹錫字揆敘浙江山陰人順治間以選貢積分選山陽縣考淮安志職官表禹錫知山陽在順治十六年後康熙五年前而西河於四年乙巳已



與愚山講學白鷺洲然則禹錫賓  
禮西河之歲月亦約略可知矣

十八年辛丑二十六歲

是年從兄洞成進士改旌德縣知縣

淮安府志旌德長寧安溪三

縣知縣劉記寄從兄錦濤詩曰官向青山下長吟小  
謝詩謂旌德也又疏證卷二從弟自旌德歸授余以  
縣志

康熙元年壬寅二十七歲

孫豹人漑堂前集壬寅閏百詩自淮至邗上哭亡友

王于一兼經營歸櫬感其古誼贈以詩

詩曰太白於指南自謂重

朋情禪服日痛哭營葬在鄂城高義照千載豈獨詞  
賦名我友昨客死抗人多哭聲魂寄古寺中尚聞鐘



鼓驚我遠不及赴垂淚徒縱橫貽笑李太白倫誼何  
太輕古道未淪喪乃復見閻生自淮過廣陵釀金恤  
其嬰日夜望樞至將送歸柴荆閻生擅詞場睨睨公  
與卿帥事但王子心虛眼自明還復奉父命孀孤勞  
經營世俱崇勢利遺子金滿籬爾翁獨不然舉事貴  
堅貞我身在江湖終日望歸程飄泊齒漸暮何異水  
中萍身後貴自計焉敢累嚶鳴作詩兼示兒  
惻然涕沾纓案于一卒于西湖昭慶僧舍

又有王

寅送閻百詩返太原故里赴試詩

詩曰我住江都君

聲響梅花開罷楊柳青君縱不來我能往惟愁病渴  
苦相如誰慮韓侯久釣魚匣裏豈無三尺劒筭中况  
有萬言書今晨別我太原去爲言先人有廬墓立馬  
朝看太行雲揮鞭夕指并州樹我聞君祖大參公令  
譽猶播鄉里中立朝慷慨多奇績君今繼之稱豪雄  
歸來應笑淮陰市始識閻生天下士淮陰亦是故公  
鄉君且著錦拜高堂

又有王寅賦得桂送閻百詩入秋闈絕句



詩曰桂樹何菁蔥香飄八月中淮南看易厭好問廣  
寒宮案壬寅無鄉試潛邱蓋於是年始謀改歸本籍  
故豹人作詩云然實則壬寅冬先至京  
師次年癸卯始由京旋里應鄉試也  
道古堂集

康熙元年始游京師合肥龔鼎孳爲宗伯相知最深

頗爲延譽由是知名  
案貳臣傳鼎孳於順治十三年由左都御史降補上林苑蕃育

署丞十七年甄別京員復降三級調用罷署丞康熙元年詔以侍郎補用今據順治十八年摺紳鼎孳官國子監助教是罷署丞後所補官也又據  
大宗此傳知此年補侍郎乃得禮部也  
行述龔

大宗伯府君父行也知最深

二年癸卯二十八歲

道古堂集旋以僑籍改歸餼於太原  
案據下蕭松齡條傳青主條核



之知改歸故  
籍當在此年  
行述自遷淮以來高曾以下類先就

僑籍考試然後歸本籍故是年又附太原縣學隨補

廩膳生

案藤陰雜記稱於吏科庫見己未保舉鴻博奏疏潛邱係以監生膺薦槐廳載筆引吏垣

牘畧

同 釋地蕭松齡木公夫子爲衛君乎全章文云

云癸卯交木公於京師曾舉此段議論今忽已三十

八年能無慨然

案與蕭木公會當在此年之春時尙未歸太原也後三十八年爲康熙三

十九年

庚辰 割記案傅山先生少耽左傳著左錦一書

祕不示人余初訪之松莊年將六十矣

案全謝山傳先生事畧康熙

熙戊午青主年七十四則此年年五十九也 割記  
訪馬長逸詩第三句回首松莊稱韻學自注謂陽曲



傅青主二丈松  
莊其所居也

問余古人命名應有義但如文六年

續鞠居乃狐射姑之族鞠居二字何義余曰案成二  
年齊師乃止次於鞠居杜氏止注鞠居衛地惟劉昭  
引陳畱志於兗州封邱縣下注云有鞠亭古鞠居則  
知此蓋以地命名者因難何以晉人遠取衛地而名  
其子邪余曰則有風俗通義在俗說縣令問主簿靈  
星在城東南何法主簿仰答曰惟靈星所以在東南  
者亦不知也先生不覺笑 又傅山先生長於金石  
遺文之學每與余語窮日繼夜不少衰止歎謂此種



學正經史之譌而補其闕厥功甚大畢竟始自何代  
何人余曰魏太和中魯郡於地中得齊大夫子尾送  
女器有犧尊純爲牛形王肅以證其羽婆娑然說非  
是晉永嘉賊曹嶷於青州發齊景公冢得犧象二尊  
形爲牛象傳至梁劉杳以證象骨飾尊之說非漢章  
帝時零陵文學奚景於泠道舜祠下得白玉琯古以  
玉作傳至魏孟康以證律厯志竹曰管說不盡然儒  
林傳伏生濟南人也魏張晏注曰名勝伏生碑云地  
理志魏郡黎陽黎山在縣之陽縣當名黎陰乃云陽



者兼取河水在其陽以名晉晉灼注曰其山上碑實云水經注青州刺史傅宏仁說臨淄人發古冢得銅棺前和外隱起爲隸字言齊太公六世孫胡公之棺也惟三字是古餘同今書證知隸自出古非始於秦顏氏家訓開皇二年長安民掘地得秦始皇二十六年鐵稱權上有乃詔丞相狀綰之銘之推與李德林對讀則知本紀丞相隗林爲俗書林當作狀凡是數說似未有先之者

王鳴盛潛研堂金石跋尾敘傳青主問閣百詩金石文字足以證經

史之譌而補其闕此學始於何代何人百詩考得七事以爲此外無先之者但王肅劉杳孟康所據皆無



文字則精確者惟四事耳而此外若昭三年傳叔向引譏鼎銘昭七年傳孟僖子引考父鼎銘禮記祭統引孔悝鼎銘考工記桌氏引嘉量銘此見於經者也史記封禪書李少君識齊桓公柏寢銅器案其刻果然漢書郊祀志張敞案美陽鼎款識辨爲周鼎此見於史者也若家語載金人銘大戴禮載丹書銘秦本紀載始皇所立諸碑魏書衛操傳載操所立大邗城碑而柏人城西門碑闕駟且據以爲卽舜納於大麓之迹凡此皆百詩之所未及舉也然則金石之學自周漢以至南北朝咸重之矣穆案金人銘出劉向說苑敬慎篇王肅勦襲之耳丹書銘非金非石不當舉始皇諸碑及衛操大邗城碑皆史官據實載之非後世搜獲軼聞此四事西莊所引皆誤

又移寓詩注金石文字足爲史

傳正譌補闕余曾與陽曲老友傅青主極論其事又

余嘗告子壽金石文字北方爲多棗梨文字南方爲



勝 又案余嘗謂蓋代文人無過歐公而學殖之陋

亦無過公傳山先生聞之曰子得毋以劉原父有好

箇歐九之云從而和之乎余曰非敢然實親驗之集

古錄跋尾

此條又見困學紀聞箋卷二十

困學紀聞箋

卷十 謝承

後漢書錢牧齋云方少師於史館攜去問之其後人

不可得陽曲傅山先生聞之笑曰某家卽有之永樂

閒揚州刻本初邵陽曲全碑出曾以謝書考證多所

裨大勝范書以寇亂亡失矣

案此事又見荅記移寓詩注及唐百家詩選跋

惟詩注云曾見與前後語頗抵牾又案潛邱於癸卯壬子兩訪青主於松莊此數條未知定在何年類



此記於

是科山西闈題子路有聞一節萬物育焉使天下仕  
者皆欲立於王之朝

孫豹人集有癸卯清明日闈再彭攜歌童泛舟城北

按謂揚州城北也

取今日天氣佳清吹與鳴彈爲韻五言律

十首

三年甲辰二十九歲

魏世微昭士文集闈再彭七十壽序家大人曾與先生相見而先生令子同宿於清江浦」時微甫十歲



耳輒知先生父子

案世倣魏季子禮之次子也據序中丁巳歲倣年二十有三逆推之

知當在

此年

四年乙巳三十歲

劄記方坦庵先生自寧古塔歸遇家君誦余拙作甚

多不知何從得之異日賦此志感并以為弔又注余

乙巳始過維揚謁先生未值

甲申傳信錄方拱乾字坦庵南直桐城人戊辰

進士官左諭德掌司經局印聞城陷尚臥牀上引刀割髮未半為家人抱持而止尋削髮報名以美婢賂賊將羅不加拷掠云云案吳震方說鈴采拱乾所著絕域紀略成寧古塔時作也末有無衣曹序跋曰坦庵被罪謫徙捐貲得還本末總無可取但其所記有足備勸戒者云云案拱乾入本朝仍官詹事順



治十四年因爲少子章鉞科場賁緣中式與吳漢槎諸人同遣戍寧古塔但放還較早耳施愚山有聞方坦庵先生及樓岡邵村諸君放還志喜詩在湖西到官寄親舊詩後案年譜愚山以順治十八年秋分守湖西則坦庵放還在辛丑王寅之間矣樓岡邵村者坦庵二子元成亨咸之別號也漁洋精華錄甲辰年有將往金陵昌辟疆攜歌兒見過同方坦庵先生杜于皇方邵村崔不雕小集詩大興劉寬夫侍御位坦藏拱乾漢槎諸人所書大方廣佛華嚴經墨蹟末有跋曰拱乾曩曾發願書華嚴經望洋未敢就戊戌冬入園中偶吳孝廉蘭友言及蘇州半塘寺有宋景濂學士三世共書華嚴經自敘其兩世爲僧一世爲學士筆畫猶犂然未湮沒也因與同罹諸君子約以己亥元日沐手揮毫不意出關期迫乃晝夜竭蹶以竣厥事各隨心願所及腕力所成方拱乾書八卷方亨咸書七卷姚其章書五卷陸鳴時書四卷方元成書四卷查學詩書四卷張恂書三卷王樹德書三卷趙瑞南書三卷張湛書三卷方章鉞書三卷郁之章



書二卷孫伯齡書二卷李倩書二卷吳蘭友書二卷  
錢威書二卷張明薦書二卷邵庚書二卷徐榮書二  
卷齊維岳書二卷吳光騫書二卷張天植書一卷諸  
豫書一卷丁彭書一卷李燧升書一卷黃鈺書一卷  
張文書一卷劉隱如書一卷孫陽書一卷莊允堡書  
一卷孫梗書一卷李夢先書一卷沈始然書一卷張  
賁書一卷公書一卷共八十一卷竟以是三十四人  
之一生代宋學士之三生嗟乎是三十四人者一生  
之升沈易險且堪代人百生不第三生矣裴潢費約  
五十餘金陳時斌及諸檀施外率諸君子隨所給及  
其舊朝裳繡衣而爲嚴飾讐校則惟李燧升齊維岳  
力以正月朔肇二月朔成施廣濟寺寺有僧超文  
爲張司馬天植外弟兄目擊司馬之難而傷心薤染  
經原本因超文請之寺中故永供寺中也此書經時  
節因緣而拱乾爲之記己  
亥二月初一日方亨咸書

釋地父執杜于皇當三

十五載前遇於維揚作長歌贈余中一段曰城南荒



草寓城北古旗亭君來我往談六經出未日出歸戴

星白頭老子陡一驚今世乃復有閭生不貴子博觀

貴子秉確識吾子必自愛如子實難得臨歧時復諄

諄以確字見誨余深有志焉而媿未逮也

案世傳變雅堂集寥

寥五言律七言絕句數十篇殊與詩名不稱近黃岡有搜刻于皇詩文者變雅堂集外別爲補遺二卷茶村詩鈔六卷而此作仍不在蓋軼者多矣此長歌作於何年無從臆定然以文集考之于皇於康熙癸卯客淮陰甲辰至丁未皆客揚州白雲樓記曰余客廣陵久是也潛邱於乙巳至揚當與于皇相值意卽于皇贈詩之年也時于皇年五十有五矣又于皇揚州石塔寺飯僧田碑文尾有潛邱評語意皆一時事後二十五載則康熙三十八九年己卯庚辰間也



是年西河客廬陵白鷺洲偕施愚山講學

愚山年譜康熙二年

癸卯分守湖西有鷺洲講會歌序曰西江講學之會吉州最盛中輟者四十年矣余以癸卯十月修復舊事布衣野老皆許以客禮相見會者近千人已而去游淮西  
秋濤案西河是年由廬陵北游少室五年復還湖西居一載以愚山將移治辭之崇仁復之汝寧畱三年凡所稱游淮西者謂汝寧也

五年丙午三十一歲

是年先生當回太原應鄉試試題爲政以德論 荊

記丙午丁未閒重策論讀宋陳傅良時論云云

秋濤案

皇朝通志康熙二年停止八股文體三年更定科場試題頭場策五篇二場用四書本經題作論各一篇



三場表一篇判五道四年三月仍復三場舊制是丙  
午丁未閒已復用八股矣然策論猶重故先生云爾  
穆案据清祕述聞甲辰會試及此年鄉試首場皆作  
四書題論一篇通志之言疑有未覈割記有修史郊  
祀經學守令經筵策五篇案郊祀策曰國朝定鼎以來  
定合祀以來二十年閒守令策曰此數年中或即應  
已二十餘年矣推知五策皆作於此數年中或即應  
試之作秋濤又案皇朝通志順治元年定制每  
歲冬至大祀天于南郊夏至大祀地于北郊順治十  
七年四月己酉合祀天地百神于大享殿十八年正  
月聖祖仁皇帝登極尋以諸臣詳  
議祀典請罷大享殿合祀從之

六年丁未三十二歲

是年九月牛叟先生年五十一丁孺人年五十先生

爲二人稱觴



馬宛斯選授淮安府推官缺旋裁

案潛邱與宛斯相識當卽在此年不

待癸丑自隴右東歸也移寓雜興詩內一首曰紛紛把筆學題詩未見揚劉博極時却羨歸來堂畔客浩如煙海細如絲第三句自注謂鄒平馬公驄御其讀書處卽宋趙明誠故莊

七年戊申三十三歲

疏證

卷五

戊申夏王源崑繩讀左傳閔二年及狄人

戰於滎澤衛師敗績遂滅衛衛侯不去其旗是以甚

敗來問

程鴻詔案釋地公孫揮條亦記王源崑繩語皆云讀左傳當是戊申一時之事方苞四

君子傳王源字崑繩世爲直隸宛平人父某明錦衣衛指揮明亡流轉江淮寓高郵源少從其父喜任俠言兵少長從寧都魏叔子言古文晚年與蠡縣李塉游遂與師事博野顏習齋逾六十復往來金陵淮揚



閒客死山陽案崑繩康熙癸酉舉人父名世德兄  
字汲公年十二補弟子員明亡不復就試金壇蔣銓  
世所稱拙老人  
者汲公之壻也

是年西河游睢州已復歸淮西

秋濤案西河至睢州為湯文正公母夫人

作崇祀祠記明年還浙九年復游淮西為張仲誠作白龜圖記既而客息縣

八年己酉三十四歲

行述八年鄉試山西受知於前給事中交城縣知縣

趙恒夫先生為同考所忌不售府君感其知執弟子

之禮終身

恒夫事蹟詳顧譜

案是年闈題先有司赦小過

舉賢才言而世為天下則君子深造之以道欲其自



得之也

吳蘭次林蕙堂集謝閻牛叟貽唐伯虎十美人卷及

唐鏡啟有鄙文未就雅貺先頒之語蓋爲索文而投

贈者

秋濤案此事不得其年蘭次解官在康熙己酉其自傳云以忤上官投劾歸歸而貧甚是解官

後卽歸也又云有索翁文與詩者多以樹木花竹爲潤筆費不數月成林因名曰種字林是歸里後以賣文爲活也蘭次名綺江都人順治甲午拔貢薦授祕書院中書舍人遷兵部主事郎中出知湖州府

九年庚戌三十五歲

十年辛亥三十六歲

孫豹人漑堂續集辛亥年七言律詩有黃大宗招同



范仲良張虞山馬圖求趙天醉張孟思閻百詩家姪

獻于飲止園次天醉韻

詩曰登筵忽使旅愁無染柳春風綠到蘆水鳥當階容易

狎漁舟入夜不會孤同來勝友如金谷老去才名媿達夫何事招尋成汎愛久看樵牧可爲徒案魏叔子於辛亥三月遇山陽黃大宗於廣陵爲敘其庚戌登科集豹人詩有染柳春風之語蓋同時事據知潛邱此年曾作廣陵之游矣圖求名駿亦山陽人康熙己酉舉人晚薦博學鴻儒未及試而卒著有聽山堂集

是年西河復游淮安至癸丑冬始還蕭山

秋濤案以西河所作

袁監州七十序推之知此年復至淮安也十二年冬歸里十四年復客汝寧十六年游上海十七年應徵入京從淮城下過未信宿也

西河送閻徵君歸淮安序余避讐

之淮安與淮之上下無不交閻君潛邱在其中暨之



梁之宋不能前復歸淮安則稍稍有言潛邱君年損  
而學多者於是躬詣之與之登城東程將軍冢題名  
而去顧余變姓名獨於淮有識余毛生者予漫應之  
曰毛姓於是有毛姓與潛邱君游墓之題云云西河

詩集有九月十九日登程將軍冢詩

詩曰層雲蕩晴  
空涼風薄枯艸

我登淮陰城秋衣振縹緲淮陰城東有高阜九日初  
過又重九閭君父子好探奇邀我登高共飲酒籬頭  
黃菊堆酒卮風前重把茱萸枝雙攜銀盃墜鸚鵡頻  
開鏤碗燒蟲蠅颼颼千里試一望射澤鹽陂減秋漲  
煙浮蒼靄到海平日涌黃河至天上紫霄高闕陵貝  
宮霓裳羽節吹長風圯橋再見赤松下淮王自坐丹  
霞中前臨巨冢近千尺半倚城根半葦陌水落難知  
王氏墳道傍猶覩滕公宅閭君本屬唐相餘稱言此



是將軍墟神堯定鼎畫麟閣程氏高勲析珪爵曾留  
淮海鎮徐方因釋金龜葬繁弱千秋甲冑掩黃土猶  
捲旌旗走風雨介馬嘗隨龍虎號銜花近見牛丰舞  
秋風酌酒瀉雨餅幽思還視飛鴻翎昭陵西望人寂  
寞鼎湖南去愁清冥銅笙一曲倚鞞竹戲馬臺空散  
黃鵠把酒頻看琥珀紅拂盡殘碑不堪讀西河又  
有集閣修齡若璩父子卽席詩東第邀羣彥西園集  
酒徒清缸開玉露畫漿待珠湖角綺梁王賦烹鮮陸  
氏廚謳吟相閒發不忍聽驪駒末注嘉謨曰珠湖卽  
東湖時查伊璜同赴飲又題眷西堂詩并序閻氏自  
山右來淮名其堂眷西不能忘舊乃從堂主人再彭  
之請云耳甲第移家遠茅堂倚郭新久爲淮海客仍  
是太原人荷蓋看畱楚瓜生想去幽天涯多蕩子誰  
得買君鄰鹽筴開鴻緒魚鰲念舊鄉人倫重東國彼  
美念西方啼鳥聽幽谷流泉繞夕陽千秋垂乃眷聊  
以志斯堂數詩不得其年附記於此又案錢謙益  
亦有寄淮上閣再彭眷西草堂詩西向依風笑南枝  
擇木謀艱難仍有步眷顧豈無頭策賜金天醉盤辭



渭水愁美人紆萬舞山隰思悠悠長淮南紀水滔蕩  
汨窮塵故絳真吾土陶唐自古民周詩太原什晉問  
柳州文他日論都賦東西定主賓

十一年壬子三十七歲

移寓雜興詩注家古古先生壬子春復遇之交城相

去三十餘年矣

疏證

卷五上

壬子秋過陽曲松莊傳

山先生字青主者適讀左傳以哀二十五年褚師聲  
子韞而登席公怒下問曰古人旣脫屣復脫韞乎雖  
杜注古者見君解韞然書傳中僅此一見無別證何  
也余不能對久之讀陳祥道禮書始用以報曰禮書



謂漢魏以後朝祭皆跣屨又謂梁天監間尙書參議  
案禮跣屨事由燕坐今極恭之所莫不皆跣清廟崇  
嚴旣絕常禮凡有履行者應皆跣屨蓋方是時有不  
跣屨者故議及之可見六朝時猶然而尤妙者在案  
禮跣屨事由燕坐二語古祭不跣所以主敬朝不脫  
履以非坐故惟登坐於燕飲始有跣爲歡後則以跣  
示敬此亦古今各不同處因怪杜注見君解屨見君  
字不確要須易爲古者燕飲解屨耳先生得之喜甚  
曰此一段直可以正杜注補孔疏爲劉炫趙汸所未



及余不敢當茲已忽忽十年聊牽連書之以見一時

知己之情云

案荆記有與傅青主二丈書云後四載讀陳祥道禮書後四載爲康熙十五年

丙辰後十年則二十一年壬戌也

西河經問彭軌

山東昌樂人乙丑進士問褚師聲子轍而登席云云

若然則朝祭之跌起於後代劇不足據但輒曾客淮

聞淮客有論采菽之詩者云云秋濤案此淮客卽指

潛邱錢傳崑山顧先生炎武游太原以所撰日知錄

相質卽爲改定數條顧虛心從之疏證卷六王子

冬客太原顧甯人向余稱朱謀埠水經注箋爲三百

年一部書余退而讀之殊有未然云云又卷七憶余晤

甯人王子冬曾問古文尙書還當疑否曰否云云



劄記顧甯人論幽并營三州在禹貢九州之外余時  
同客太原面質正曰此不過從肇者始也臆度耳其  
實周禮職方氏并州其澤藪曰昭餘祁昭餘祁在今  
介休縣東北三十二里俗名鄔城泊吾與君所共游  
厯者非石嶺關以南乎云云又南雷哀詞顧余遇之  
太原持論嶽嶽不少阿久乃屈服我 疏證卷二愚嘗  
以梅氏晚出書自東晉迄今歲次壬子一千三百五  
十六年而屹與聖經賢傳並立學官家傳人誦莫能  
以易焉者其故蓋有三焉皇甫謐高名宿學左思三



都經其片語遂競相讚述況渠實得孔書載於世紀  
有不因之而重者乎是使此書首信於世者皇甫謐  
之過也賾雖奏上得立於學官然南北兩朝猶遞相  
盛衰或孔行而鄭微或鄭行而孔微或孔鄭並行至  
唐初貞觀始依孔爲之疏而兩漢專門之學頓以廢  
絕是使此書更信於世者孔穎達之過也天祐斯文  
篤生徽國孔子之後所可取信者一人而已分經與  
序以存古制一則曰安國僞書再則曰安國僞書爲  
之弟子者正當信以傳信疑以傳疑乃明背師承仍



遵舊說是使此書終信於世者蔡沈之過也經此三  
信雖有卓識定力不拘牽世俗趨舍之大儒如臨川  
吳文正公尙書序錄實有以成朱子未成之志者而  
世亦莫能崇信之蓋可歎也夫善夫歐陽永叔之言  
曰自孔子沒至今二千年之間有一歐陽修者爲是  
說矣愚亦謂自東晉至今一千三百五十六年有一  
閻若璩者爲是說矣其尙取而深思之哉

劄記有跋周郡守晉祠碑記二則 又曰愚旣跋吾  
師晉祠碑亭記訖復取縣志閱之見宣和五年有姜



仲謙晉祠謝兩文其首云致祭于顯靈昭濟聖母汾  
東王之祠中云惟聖母之發祥兮肇晉室而開基王  
有文之在手兮其神靈之可知爲之狂喜欲絕益歎  
吾師之言信而有徵也女郎祠之建實始於天聖而  
封號之加則自熙甯禱應始宣和五年上距天聖甫  
百年其建祠之故與所祠之人必厯厯有據故仲謙  
得之於傳聞而載之於撰著不然豈牽合傳會遂至  
此也元人戈彀重修汾東王廟記亦云女郎祠建因  
收封汾東王之後則其相因而及意有在矣乃祀典



之謬實自洪武四年始詔革天下神祇封號止稱以山水本名而聖母廟遂改爲晉源神祠若以聖母爲真水神也者嗚呼不知此似是而實非也愚故詳考

曲證以信吾師之說且以爲他日作縣志者補焉

周案

郡守名令樹字計百延津人順治乙未進士由贛州推官遷大同同知卓異升太原知府竹垞集辛亥春有送計百赴太原任詩是也太原縣志載令樹重建晉祠碑亭記末行款署康熙壬子端午後三日

釋地晉水源有女郎祠實邑姜之廟去吾家西寨村

一十八里每游而忘歸誠如北齊王晞之所賦者旁

方爲唐叔虞廟南向此子爲母屈者也母封曰聖母



子封曰汾東王余從艸閒搜出宋政和五年殘碑乃  
姜仲謙謝雨文首云云喜得一典證屬有司當上聞  
於朝以釐正之此鄉邦故事或曰旣釐正矣則當別  
建晉源神祠余曰然豈惟晉源此閒有臺駘廟當補  
入實沈以祀參神不然是知有地理而無天文也  
是年山西闡題舉善而教不能則勸足以有臨也夫  
仁亦在乎熟之而已矣

閭譜卷一

譚瑩玉生覆校



閻潛邱先生年譜卷二

郡後學平定張穆編

十二年癸丑三十八歲

道古堂集未幾出游鞏昌與陳秀才子壽

子壽名祺芳常熟人

昭文新志祺芳有聲諸生中游牧齋芝麓之門客游徧天下所交皆一時勝流著有韻庵鷗波等集釋地憶亡友陳祺芳子壽之言天下事莫難於讀書莫奇於用兵餘俱平且易耳又雜興詩注余知子壽自蔣子荆名從都門歸始案荆名名梧山陽人毛西河所稱杜陵蔣梧者即其人也馮山公康熙丁丑有和荆名七十醉吟詩據之一夕共成七言絕句百首則荆名長潛邱八歲也

名曰隴右倡和詩長汀黎副使士宏爲之序士宏



託素齋集

士宏字  
槐曾

序略曰癸丑臘盡趙子石寅自皋

蘭渡河策蹇衝雪走一千五百里訪余於張掖記與

石寅別於劔津已二十有二年相見道故舊慰問勞

苦外曾不數語石寅卽自稱於鞏昌陳階六少參所

得交兩詩人一爲陳君子壽一爲閻君百詩子壽蒼

髯道貌故錢虞山高弟百詩年甚少博極羣書逆數

周秦如在眉睫兩君日坐老屋頽簷以詩角險真若

大將將十萬師分壇據壘無敢勝負壁觀者無不驚

駭失魂魄當石寅述兩詩人時手揮色動鬚髯戟張



余卽不識兩詩人而兩詩人精神意氣聽石寅言若  
或見之矣又云陳先生苦宦蕭然不足爲賓客謀惟  
黃羊濁酒兩詩人何所愉快而終日擁被含毫真若  
有萬不可已之事屬稿連篇至一二千言不止云云

案繹序意知無一夕成絕句百首之事淮安府志陳  
台孫山陽人崇禎十三年庚辰進士授富陽知縣調  
平湖入國朝授戶科給事中陞禮科轉福建糧餉  
道參議補陝西分守隴右道參議秋濤案甘肅通  
志職官分巡隴右道陳台孫江南人不著在任年月  
其前二人亦無年月其前之第三人乃康熙十年任  
其後一人則康熙十四年任是陳之蒞任正在十年  
之後十四年之前緣十三年經王輔臣之亂冊籍殘  
闕故通志亦不能詳也穆案茶餘客話京城南舊  
有龍爪槐僧言三百年前物前輩詩文集中不多見



徐電發菊莊詞載白門紀伯紫云王子季夏僕與合  
肥龔宗伯山陽陳黃門階六同飲龍爪槐下填詞此  
地亦名流屐齒所常到也云云據之則十一年六月  
階六尙在京師泣任鞏昌當在子丑之交也階六又  
號楚州酒人見杜于皇贈階六七十壽序及愚山酬  
陳黃門詩注割記有得酒人消息詩起句云側身西  
望意甯只爲君來蓋在西游發軔之初也又案石寅  
名琳割記與馮圃芝書亡友趙石寅善論詩尤好指  
摘以供談柄又釋地登泰山條亡友趙石寅誦其亡  
友滿之章巽元一絕云云石寅巽元俱萊州掖縣人  
穆於丙午春在子貞同年處晤掖人張士保畫師訊  
石寅有著作否士保曰有詩集未刻因屬爲寫其峒  
齋偶存諸艸來皆五七言律淺率不入格有入秦訪  
黎媿曾先生塗中漫興七律十二首無與潛邱相關  
之作也士保云家藏有潛邱手札異日歸檢獲并以  
相贈又云父老傳言潛邱曾至掖館於掖西門外滿  
巽元之淇園余案潛邱至掖更無可攷惟疏證卷六  
下有一條云質以余足之所蹈目之所擊今厯城縣



北有大小二清河云云若僅南北孔道見大清河不  
及見小清河此或往來萊州時所經涉歟秋濤案  
釋地引滿巽元解狐貉之厚以居卽居吾語  
女之居此潛邸與巽元曾經晤談之一證

案參

議署有鷄笑堂移寓詩曰鷄笑堂開鎮日閒自注堂

爲少參階六先生靜攝處

茶餘客話陳階六鷄笑齋  
在南市橋案此淮上之齋

蓋卽用鞏昌  
署中舊名

有溫玉亭移寓詩曰溫玉孤亭更在東

秦風畱得楚人風自注亭爲京山李本甯宗伯出宦

時所構又一首注曰亭別有額曰聽松余欲取杜老

語易爲論松屬子壽書之又石霞舉時亦客少參所

移寓詩曰故鄉人忽異鄉逢誰道鴻泥有定蹤坐久



晝移魚鑰動輪君獨聽曉天鐘自注謂霞舉所居西  
偏與僧寺近又一首注曰霞舉所居爲子壽舊寓暇  
日同過見壁有畫石淋漓飛動釋地余昔往來洪  
洞見道有豐碑曰皋陶故里側有祠及墓雖躬拜祠  
下心殊不以爲然又絳在太平縣之南絳州之北

土人至今呼故晉城遺址宛然余嘗往觀

案此條又見劄記云

余親歷其地方  
悟從前說盡錯

新田括地志在絳州曲沃縣南二里

余亦往觀土人呼王官城距晉城五十里曾告之黃

儀子鴻

子鴻常熟人漢學師承記子鴻篤信古學於  
經史中地理及各家輿地書靡不究心謂班



書地志所載諸川第言其所入而中間經歷之地不可得聞惟水經注備著之然非續圖讀者不能了然於心目乃反覆尋玩每水各爲一圖如某水出某縣向某方流逕某縣某方至某縣合某水某縣入某水無一不具閤若璩見之不忍釋手歎曰酈道元千古以下第一知己也趙一清水經注釋參校諸本標目崑山黃子鴻曾依酈注每水各寫一圖兩岸翼帶諸小水精細絕倫參伍錯綜各得其理割正渭水篇胡渭禹貢錐指從之辨誤今是書歸於新城王氏池北書庫穆案子鴻所續水經圖既不知沈卽何所陸清獻日記稱嘗借其所訂晉地里志閱之今亦未見傳本精神所萃必不遂歸泯滅呈露何日跂子望之

疏證

卷六

通鑒智伯言今乃知水可亡人國以

汾水可以灌安邑絳水可以灌平陽也余嘗往來於平陽夏縣而悟通鑒二語具爲妙解又余曾客朝



邑數日覺其治基頗高乃置諸彊梁原之上說者謂

原卽荆山北麓困學紀聞箋案鐫工安民李仁父

長編作李姓非余親至西安碑林中辨之疏證

卷六

下岐山在今岐山縣東北十里縣在鳳翔府東五十

里余所舊游處又岍山在隴山西四十里余所舊

游移寓詩秦晉重姻地亦連爲尋遺跡著吟鞭涇

源佛峽皆天險望裏猶愁嶽頂蓮白注涇水源出六

盤山金佛峽在華亭疏證

卷六下

元和志嶓冢山在

秦州上邽縣西南五十八里漾水所出此班志誤認



禹貢之嶓冢山今一名分水嶺余曾至秦州此山下  
山不甚高而峯岫延長連屬若邱冢問其土人寧羌  
州此山若何愕然曰從金牛驛北望見嶓冢山峩然  
雲表豈敝地所能作其兒孫乎但水亦微細自西東  
流卽所謂嶓冢導漾者水纔濫觴合五丁峽水東流  
爲沔其流始大此地則水出嶺時爲南流與東不合  
耳余心識之以爲負薪能談王道  
疏證  
言朱圉在天水郡冀縣余曾親經其山在今鞏昌府  
伏羌縣西南三十里山色帶紅石勒四大字曰禹冀



朱圉當日道中雜詠有丹嶂含朝景之句卽指此又

卷六朱圉山向所登陟者山最小元和志所謂朱圉

山在伏羌縣西南最合又曰秦漢冀縣故城在今縣

南五十步余所目覩

禹貢錐指朱圉諸家互異說者遂謂縣西南錦纜石鼓木梅天

門等山皆朱圉之隨地異名者也百詩謂余曰據漢志山在梧中聚夫一聚可容則其址不甚廣安有知

上所云云者吾嘗親經其山在今伏羌縣西南三十里山色帶紅石勒四大字曰禹奠朱圉疏

證卷五

畢陌在渭水之北癸丑秋曾經過其地 荊

記唐有永樂縣併入蒲州今爲永樂鎮讀漁洋山人

集知李義山玉溪在焉慨然作一首自注余癸丑冬



欲游永樂鎮未果

疏證

卷六下

余嘗往來封邱原武

陽武閒問其土人濟水何在曰亡矣案其故牒皆以

爲大河旣決其湮也久矣又余登濬縣東南二里

大伾山臣瓚所謂黎陽縣山臨河者覽其形實再重

劄記有贈倪六通詩題下注云海州人官儀封令

案繹詩意是親至儀封官署不同遙贈核以潛邱生  
平行蹤蓋亦癸丑東歸時事也詩末有擬尋九日醉  
高臺之句蓋回溯已事過儀封時已交冬令矣六通  
名長犀康熙戊戌進士海州志稱長犀官儀封時張  
伯行方居貧爲縣吏夜讀書科房中長犀聞而異之  
召與語奇其才乃館而教之後官江南巡撫爲名臣  
人服其識疏證八卷鄒平馬公驥字宛斯當代之學者也



司李淮郡後改任靈璧令余以癸丑東歸

今刻本作己丑案靈

璧縣志馬驥以康熙八年任池北偶談云宛斯康熙癸丑歲卒於官靈璧人皆爲制服然則宛斯卽以是年之冬卒官矣靈璧志又云驥博極羣書著作甚富公退卽張鐙升閣手校心維申旦不寐積勞成疾卒官士民痛之

過其署中秉燭縱談因及尙書有今文古文

之別爲具述先儒緒言公不覺首肯命隸急取尙書

以來旣至一白文一蔡傳置蔡傳於余前曰子閱此

吾當爲子射覆之自閱白文首指堯典曰此必今文

至大禹謨便眉蹙曰中多排語不類今文體恐是古

文歷數以至卷終孰爲今文孰爲古文無不立驗因



拊髀歎息曰若非先儒絕識疑論及此我等安能夢  
及然猶幸有先儒之疑而我輩尙能信及恐世之不  
能信及者又比比矣復再三慨歎余曰公著釋史引  
及尙書處不可不分標出今文古文公曰然今釋史  
有今文古文之名者自余之言始也

案今行釋史本更無今文古文

之別  
秋濤案今釋史卷首李清序實作於康熙九  
年庚戌仲春其劄劄當亦在是時宛斯以八年在靈  
璧令蓋甫官邑令卽以付梓也中所引尙書惟舜典  
篇首二十八字下注云今文無此二十八字餘皆不  
注今文古文則此爲未改定之本無疑潛邱明言今  
本釋史有今文古文之分是改定之本潛邱嘗見之  
乃今日反罕觀者案分甘餘話云康熙四十六年  
聖駕南巡至蘇州一日垂問故靈璧知縣馬驪



所著釋史命大學士張玉書物色原版明年四月令  
人齎白金二百兩至本籍鄒平縣購版進入內府人  
間無從見之矣是改定之本藏於內府所以不著也  
疏證卷六磬石山今在

鳳陽府宿州靈璧縣北七十里馬公驢云又葛嶧山  
在今邳州西北六里余以劉昭葛嶧山注山出名桐  
伏滔北征記曰今槃根往往而存證禹貢當在此抑  
曾親至其地云

十三年甲寅三十九歲

是年九月初六日母丁孺人卒 魏叔子閻氏本支

敘修齡子若璩好學能文章比喪母蔬食三年服既



閱哀其母不忍其父之獨處也不入內而臥起於父  
者又一年父諭之十反不肖去

山陽詩徵載牛叟先生自題斷弦圖詩云金徽欲拭  
意先孤不待冰弦絕也無惆悵臨風雙撒手懷人只  
爲賞音殊

十四年乙卯四十歲

劄記題詞愚年四十甫敢出臆見集眾聞用纂一帙  
以示兒輩 夏成孟子自齊至魯初解

有贈超宗丈詩五十高常侍君尤老十年案超宗長



先生二十歲知系此年作

十五年丙辰四十一歲

生日展期啟憶先君子六十初度

自注康熙丙辰時重陽後一日也

妻喪已除而予小子母喪纔踰大祥之四日先一月  
姻友有謀來祝者先君子聞之頻顙進小子而命之  
曰禮經父必三年然後娶達子之志也然則吾不可  
聽子易其服以稱吾觴以忘汝母其展期一年古有  
展重陽吾獨不可展生辰哉越明年八月寧都魏叔  
子在揚州以文來祝稱其達禮且以江西及嶺南俗



皆然爲徵蓋前十之年必加一而成後十之年必從  
一而生大易貞元之義也在淮實自先君子始 荊  
記有聞楊公西狩督學秦中遙有此寄之作關中秋  
色滿君忽動華鑣士莫輕捫蝨文尤重射雕積兵連  
二岳麾羽隔三橋不乏貂瑜贈何由慰寂寥

清祕述  
聞陝甘

提學道楊西狩字華觀江西進賢  
人順治壬辰進士康熙十五年任

施愚山是年有寄閻牛叟詩

詩曰山月多清暉江淮  
同照曜洵美思公子潔

身棲海嶠長吟枚叔里時把任生釣歲晏涉橫流中  
原紛虎豹叢桂還青青重看八公笑

穆藏有愚山

丙辰年詩  
手稿一冊



山陽詩徵載牛叟先生丙辰予屆六旬再和李河濱

志感詩

元注三首錄一

耆齡無碩望德薄媿如何入世年空

大傷心事漸多冰弦前歲斷塵鏡幾時磨恨少齊眉  
案莊盆不忍歌

十六年丁巳四十二歲

魏昭士間再彭七十序閻氏祖孫三世以詩古文名  
江淮閒歲丁巳寧都魏世倣客京口再彭先生就吾  
仲父於廣陵未見倣手書扇面以寄斯時倣年二十  
有三先生見其所作文而謬以爲可學也心竊感焉



乞言小奏家君以丙辰季秋晉六十戒閹人毋納  
祝者詞璩時未敢遽請今年丁巳九月十日復值初  
度璩先期進曰大人昨歲有成言今其時矣乞俯徇  
輿情以展菽水之歡幸甚家君始而戚旣而蹶然曰  
余何能違俗汝不記丁未九月爲二人稱觴時乎余  
年五十一汝母年五十同在是月上旬此有往例汝  
今不逮事汝母獨余蕭蕭白髮其何以爲情況今之  
月猶昔之月也存沒異視將奚取必也同稱庶恆老  
懷璩退而自維家君之思璩之思也微家君言璩詎



敢忘敬銜命拜懇先生願賜一言進之堂上以慰嚴  
訓以聞慈徽仁孝之感料大君子所不拒者用陳梗  
概以告於下執事

陳其年集有壽閻再彭六十一序淮安閻再彭先生

者吾友百詩徵士之府君也

案先生時尙未膺鴻詞  
之薦徵士之稱蓋系後

來刻集  
時追改

魏叔子閻再彭六十序淮安閻子再彭壽六十有一

子若璩聞寧都魏禧來廣陵奉書幣乞言以佐觴又  
閻氏本支敘歲丁巳禧客揚州閻君再彭修齡自淮



安奉其本支錄謁禧爲敘又曰修齡修內行篤念先祖惇敘二宗年六十寒暑考證繕寫不賁其勞 冬成孟子自齊葬魯後解

割記鏡月歸余以先朝典故數事送難於令兄映碧先生先生以爲聞所未聞有僑札之譽感賦一律敬寄垂白李昭陽經秋忽報章焚餘周石鼓劫後漢靈光道大甯從闕知深轉覺傷何年荀氏子御罷更登

堂

秋濤案興化李澄字鏡月文定公春芳四世孫也康熙乙酉舉人著惇好堂集映碧先生名清崇禎

辛未進士鄞縣知縣南都時官御史上疏請追卹建文時殉難諸臣得子祠謚福王敗歸里不仕順治九



年曾爲馬驄御序繹史康熙辛亥年七十魏叔子作  
壽序戊午八十朱錫鬯爲作壽詩湯潛庵集有贈李  
映碧先生詩則在戊午後矣疏證卷四論代宗卽世  
宗嘗私訝明既有世宗矣而宏光朝又上景帝號曰  
代宗不重出乎意牧齋宗伯掌邦禮或不應至此詒  
書興化李公清問之公復書曰此當日出顧瑞屏手  
瑞屏時文名家未諳舊典宜來吾子之譏耳老夫耄  
矣幸及未死得聞高論其虛懷如此洵有前輩風範  
云卽此詩本事也穆案此事又見劄記與陶紫司書  
不得其年以劄記書首有憶家居時云云故系之未  
應大科之前又案亭林餘集廟謚議臣聞當日南京  
新立邦禮繁多禮部尙書顧錫疇素不放古一切謚  
號悉聽其門人謝復元撰定以不學之宗伯任委巷  
之小夫逞其胸臆目無旁人以至謚冊一頒天下用  
爲譏笑云云較  
李公之言尤備

是年邵提學嘉允

浙江人乙未進士

歲考閣詠入山陽學第



五名首題地道敏樹次題今人乍見孺子將入於井  
非商籍矣

十七年戊午四十三歲

正月有

詔開博學鴻儒科中外官各舉所知徵詣

闕下十月

命人月給俸銀三兩米三斗至考試後停止

劄記有與劉超宗書云見開送單有仁和吳志伊

詳顧

譜深快人意作字與季貞云安得將杜于皇濬閭古



古爾梅周茂三容

茂三亦作鄧山明諸生善書工畫著有春涵堂集黎洲弟子也中鳧

孟贈周太望先生序茂山曰吾父服貧積學知天下將亂抱道絜身所以教兒子輩者不嘖嘖於纓組田宅而余裂冠爲浮屠放形方外爲里人所匿笑實以承懽耳云云寧波府志容性跼弛不羈御史戴殿臣一見賞契由是著名後殿臣避跡天童海寇掠之去容卽倉皇奔赴以身質之殿臣得返而容代受刑桎足爲之跛乘閒竊歸屈翁山大均翁山事蹟詳顧證乃從橫於詩古文詞疏證卷四余雅愛太史公藏之名山之例此疏證第四卷成姜西溟時別錄四本一寄賓羅浮山應屈大均之請

宸英

西溟別號湛園慈谿人鮎埼亭集湛園先生墓表聖祖仁皇帝畱心文學先生之名早

達

宸聽

一日問侍臣曰聞江南有三布衣尙

未仕邪三布衣者秀水朱先生竹垞無錫嚴先生藕漁及先生也又嘗呼先生之字曰姜西溟古文當今作者會徵博學鴻儒掌院學士崑山葉公與長洲韓



公相約連名上薦而葉公適以

宣召入禁中

浹月既出則已無及矣於是三布衣者取其二而先

生不與彭躬庵士望躬庵字公安寧都人著有恥邱邦

士維屏寧都人亦易堂九子之一魏叔子姊夫也名

爲文非經邦士點顧景范祖禹漢學師承記祖禹無

定不敢以示人顧景范祖禹錫人徙居常熟客於

鈞清渡依范九鼎後居膠山黃守中家人稱宛溪先

生著方輿紀要百二十卷魏叔子序曰據正史考訂

地理於山川形勢險易古今用兵戰守攻取成敗得

失之迹皆有折衷雖荒僻幽仄之地一一如目見

疏證卷六下景范地志之學蓋出於家尊劉超宗某

人耕石先生名柔謙字剛中著山居贅論劉超宗某

案超宗名垚山陽人康熙中歲貢生官青陽訓導劄

記與超宗辯難之札最多又有酬超宗丈見贈詩結

句云籍戎方共輩自注顧甯人炎武嚴孫友繩孫友

超宗正長余二十歲

顧甯人炎武嚴孫友繩孫友

蜀譜卷二

三 粵雅堂叢書



號藕漁無錫人江南通志繩孫以詩古文詞擅名早  
棄諸生舉博學鴻儒試日賦一詩而出聖祖

特命授檢討異數也在明史館纂隱逸傳

彭爰琴桂

容與蘊籍多自道其志行著有秋水集

溧陽人著有初蓉閣詩集京口耆舊集鴻博之薦爰

琴以母疾力辭

案國朝詩別裁集選桂夜飲閣再

彭席上聽孫良侯過鼓長

顧梁汾貞觀

梁汾一字華

歌及荅懷閣再彭七律

顧梁汾貞觀

梁汾一字華

吏部侍郎憲成曾孫康熙王子舉人官中書舍人著

有積書巖集顧震滄云貞觀幼有異才能詩尤工樂

府少與吳江吳兆騫齊名年二十餘游京師題詩寺

壁云落葉滿天聲似雨鄉關何事不成眠魏柏鄉見

之卽日過訪

一輩數十人盡登啟事齊集金馬門真

名遂大起

可賀野無遺賢矣

剖記有奉贈邱曙戒先生詩輕命嘗思倚北欄君虞



何地有彈冠雲山故國初傳信涕淚新知舊憶瓊

海謫來香案吏金臺徙處法曹官最憐詩律兼刑律

慘淡能令豪髮安

馮山公邱公曙戒傳公名象升字曙戒淮安山陽人舉順治甲午乙

未成進士入翰林己亥進侍讀庚子三月以才堪外用出判瓊州戊午入補大理寺左寺副案己未詞科錄鶴徵錄皆不載保薦潛邱之人以此詩推之潛邱蓋邱公所薦也是年潛邱仍回山西應鄉試故有雲山故國之句邱公爲大理多所平反故有結句

是年先生當回太原應鄉試聞題抑爲之不厭至不能學也惟天下至誠爲能盡其性禹思天下有溺者

一節



疏證

卷八

余戊午應薦至京師崑山顧炎武甯人時在

富平有自富平來傳其新論者云云

案此蓋天生應薦至京述亭林

之言如此天生事蹟詳顧譜

劄記與李天生書十年仰止昨始

得晤於傅舍親寓

案傅謂青主先生

行述十七年應鴻詞

制科日與傅山人青主游處

劄記有與傅青主二丈書曰昨座上客有云世

傳關壯繆生於靈帝戊午日月時竝同案通鑒目錄此年五月己卯朔無戊午日此札當在應制科時也

而反覆辯論則李天生檢討汪鈍翁編修爲多 劄

記余戊午己未閒在京師見汪茗文繆封公墓志

案封

公爲修撰繆彤載及高祖謂之曰古人敘人家世皆父慧隆字蘚書



自曾祖以下無及高祖者閒及高祖亦必其名其事  
足書非空空僅及其名諱而已云云時茗文怒甚有  
代之答者曰家先生本元人余曰近得柳文肅集於  
廟市亦自曾祖敘起渠非元人邪後見三刻堯峰文  
鈔此篇削去高祖諱某某五字案文載續稿卷廿四曾祖憲祖天秩考國  
維無高此又當爲書祖文廣一例耳事又見與汪舟  
祖一代號悔齋休寧人已未召試一等授檢討官至  
福建布政使有悔齋集淮海英靈集悔齋以檢討奉  
命冊封琉球爲其國撰孔子廟碑有餽醴卻不受國人建卻金亭志之  
困學紀聞  
箋後序康熙戊午己未閒家大人應博學鴻詞之薦



入都時宇內名宿鱗集而家大人以博物洽聞精於  
考據經史獨爲諸君所推重過從質疑殆無虛日或  
有問說部書最便觀者誰第一家大人曰其宋王尙  
書因學紀聞乎近常熟顧仲恭以演繁露並稱非其  
倫也由是海內始知尊尙此書 王山史北行日札  
戊午十一月有荅閻百詩書曰三王並封雖舉朝具  
疏然其中旋轉仍賴首相故北海上書文肅力爭之  
而其事終寢則文肅之力居多拙作所指蓋謂此耳  
非謂其上書天子且舉此者借一端以美馮氏亦非



論述當日並封事也不斐之文過蒙西意一語質定

不厭再三足下有心人真吾師矣

案山史賀馮易齋相國七十壽序有

云萬歷時婁江王文肅以三王並封之議爲眾所不與有上書力爭者文肅引咎自陳云左庶子馮某告臣如此卽公之從伯祖天下所稱爲北海先生者也云云疏證第四卷成時別錄四本一寄真太華山頂友人主宏撰司之割記又有與山史書論王紹徽點將錄事當亦在此年又與劉超宗書向見亡友張季望兄手錄欽定逆案云係先生家本家父多致意奉假尊本一錄舍下久有此書今亡之矣云云季望名新棟山陽人順治庚子副榜著有頤庵集

是年有贈何崑孚會稽詩

淮安志何源濬字崑孚山陽人由貢生授建寧府通

判值耿逆背叛家屬盡陷賊中隻身赴浙江請兵陳恢復大計隨大兵進剿賊敗以功授紹興府知府後



改馬湖府陞浙江督糧參政按崑孚子而栗潛邱婿也耿精忠以康熙十三年叛十五年降十六年伏誅此詩當作於初授紹興知府時又第六句云暫對寒流旅思閒第八句曰聲華明日滿燕山則是十七年潛邱應薦入都時與崑孚同行也

有送張大理雲翼歸省及娶二

首

竹垞有送張大理雲翼省親皋蘭結婚作編在明年己未案孫豹人戊午七言絕句有贈張又南廷

尉兼送之歸娶詩六首亭林年譜是年冬張又南廷尉承父命來聘往蘭州堅辭之則竹垞此詩乃誤編也李子德受祺堂集有張廷尉又南省親畢迎娶還朝詩以紀之四首自注廷尉外舅爲寧夏提督趙將軍擎之

有贈舒漢雯舍人詩結句云倘得恩叨鳳池

上明春恭和早朝詩

贈胡又弓學士詩疑亦此年作又弓名簡敬沭陽人順治乙未

進士

有酬蔡子構南歸畱別諸同學見贈之作首句



云後先同作帝城游結句云笑爾枉將軍笠約長才

甯獨滯林邱覈其語意當是此年冬作

子構名爾趾山陽人康熙

中歲貢晚官祁門訓導西河集有奉贈蔡二爾趾七古及爲其母徐太君八十壽序又曰嶽嶽饒經術風流四襲吾不如蔡子構有送陳子度之任太原二首次首有

句云半菽還先多士飢自注時待詔諸公議給食用

按子度名楷時爲山西布政司經歷隴右道台孫之子復申舍人之外舅也

有贈陳解

人詩莫笑巢由拜馬前今朝徵君尤可憐閩南候火

接天起薊北聘書任壁懸羨子麻衣能感眾經時旌

節得稱賢一身往返萬餘里泣向慈仁老樹邊

按解人亦



字解庵己未詞科錄陳學夔字解庵福建侯官人康熙己酉舉人龔煒巢林筆談解庵當耿逆變作抗節首薦應

貴今全節罵賊睢陽之舌猶存時服未闕郡縣逼迫匍匐赴京顛乞終喪得請歸後授寧陽令遷兵部主

事案此詩或作於己未春首

西河兌閣詞序云余游淮時閻子牛叟與丁少君惇

伉儷之好作兌閣十闕索余和余未有以應也閱十

八年余赴

召至京牛叟年六十丁夫人已亡其嗣君百詩重貽書

并幣專使赴長安請和前詞蓋欲以承尊人歡當稱



觴地也余始理其詞對使和去其十闕皆有題依題

演義不自解工拙牛叟知我定有以諒之耳

秋濤案兌閣十

闕乃牛叟先生悼亡之作此獨以爲惇伉儷之好之詞殊不可解然於采菱一闕仍引牛叟原注味其語意其爲悼亡明甚西河著作往往於數行之閒而自相矛盾類如此

十八年己未四十四歲

三月初一日

召試諸徵士於太和殿璿璣玉衡賦并四六序省耕

排律二十韻

先生報罷仍寓京師北行日札賀閻牛叟先生壽



序閻子百詩今之所謂博學君子也應

詔入都與余數相往來己未春乞予言爲其尊人牛叟

先生壽而以先生之命將於稱觴之日並追饗其母

丁孺人時先生年六十有三矣初度之辰在九月十

日先是友人魏君冰叔李君子德既各有作云云

案子

德作又與閻百詩札曰承命爲尊君先生壽文竊以

未見

哀樂不並用古之訓也誠如此卽有以得乎尊君之

心而恐難乎其爲吾子之色若漆園吏之說固不敢

爲尊君道而吾子孝思無已將欲爲終身之喪焉夫



固有太夫人之忌日在矣又書壽序後曰余爲賀牛  
叟先生壽序成寄之淮上先生曰休矣吾昔者有餘  
哀將慰吾子稱觴之情而不忘吾偕老之盟故有是  
舉也豈今復爾邪於是百詩札來告余以故余乃謝  
曰此余之所謂得閒而有請者然而疏矣是余之過  
也而先生之行則何其典而中乎昔余在淮上得交  
萬年少邱如磐輩今於燕臺復識百詩質疑問難有  
朋友之樂焉顧獨恨未獲從先生游也云云又與百  
詩書曰前讀乞言引謂今復舉斯禮焉遂爾下筆今



接來札爽然自失如命復作數語書於後亦可見吾輩相與之誼其不敢苟如此

疏證

卷二

魯詩亡於西

晉近代復出申公培詩說己未在京師一徵君著詩論多所采獲予爲證明之曰班書杜欽傳關雎爲歎康王之后臣瓚曰此魯詩谷永傳閭妻驕扇注以爲魯詩言厲王無道內寵熾盛也禮坊記先君之思以畜寡人鄭康成注記時尚未得毛傳故用魯詩曰此衛夫人定姜之詩也劉向列女傳正同蓋向家世魯詩故

句

今詩說關雎仍屬太姒燕燕仍莊姜十月之



交仍幽王皆與毛詩合分明是後人襲用毛詩脫誤

如此不待細攻

案剗記與宋既庭書承示詩論八篇內及魯申公詩說此出近代偽書之

尤者也云云與疏證所舉一一相符然則此徵君即既庭也剗記有宗安至自興化得既庭消息詩既庭名實穎號湘尹長洲人順治辛卯舉人官興化縣教諭著有老易軒讀書堂玉磬山房等集 又一

徵君自誇家有世本未攜至京師余曰世本朱子時

已失傳據班志凡十五篇見周禮禮記注疏者有作

篇左氏疏者有氏姓篇史記注者有居篇君家本是

如是否然則其偽又不待辨揚子法言有言夫欲售

偽者必假真真之不假偽將安售吾知其立敗爾矣



疏證

卷四

已未留京師富平李因篤天生告予曰晉

用夏正子知之乎予曰然天生曰周天王固許之用

也觀定四年啟以夏正疆以戎索可見予曰左氏乃

政字非正字卽政與正通然則于伯禽康叔曰皆啟

以商政疆以周索魯衛乃又建丑乎何周初自亂其

正朔也天生語塞

秋濤案天生平日必素持此論潛邱嘗云杜撰故事莫甚於李天生

四庫書目提要云其所謂杜撰故事者今不可考姑存其說可矣竊謂潛邱所說當卽指此類事也

釋地己未余以薦舉留京師久日以論學爲事有以

季武子之喪曾點倚其門而歌爲朱子采入集注似



可信來問者余曰此子虛烏有之言也春秋昭公七年季孫宿卒孔子年十七曾點少孔子若干歲未可知然論語敘其坐次於子路則必少九歲以上也可知孔子年十七時子路南八歲點實不過六歲七歲孩童耳烏得有倚國相之門臨喪而歌之事檀弓多誣莫此爲甚 劄記題益智錄此書刻成之五年余至京師得之長夏無營披閱一過惜未及刊其誤遠寄兒輩爲我置眷西堂潛邱老人記或問余子年四十四何得稱老余曰杜詩昭代將垂白途窮乃叫閭



時年正四十已云爾矣又記

案牛叟先生時尙存此語不可爲典要

與徐勝力書昨過談偶及季悼子未執政蓋死於武

子手故經未書其卒先生盛氣欲辯已而中止弟不

覺匿笑得毋見弟在失意中少寬假然此非所論於

學間也

案此書蓋在大科報罷之後勝力名嘉炎號花隱秀水監生己未

召試二等授檢

討官至內閣學士

與陸翼王書近者三月御試有進三不

如之說於

上前以毀百四十三人者

上意寢衰一時譁然以爲與李林甫表賀野無遺賢無



異翼王事蹟  
見顧譜

與徐電發書令宗兄勝力先生來談

因及元儒黃澤趙汴之學云云又曰猶憶故山有來

問五十人人物何如者弟荅以吳志伊之博覽徐勝

力之強記可稱雙絕若李天生之杜撰故事汪茗文

之私造典禮恐亦未必有三

案與勝力論黃趙之學  
又見疏證卷八五十人

者大科入選之一等二十人二等三十人也電發名  
鉞號拙存又號虹亭晚號楓江漁父吳江人國學生

召試二等授檢討著有南洲  
艸堂集續本事詩詞苑叢談菊莊詞

是年有王昊廬宮詹招飲話舊一首

案李秋錦己未  
年有贈王昊廬

宮詹詩知此亦同也詳詩意當在未試之前  
王山史北行日札己未年有答王昊廬太史柬曰承手教



益感垂注之殷然宏撰衰病伏跡不能與於燕飲久矣敢固以辭案卽潛邱良年賦詩話舊之會也 吳

廬名澤宏字涓來黃岡人順治乙未進士官至禮部尙書 有寄贈高澹人舍人

詩澹人名士奇號江村錢唐人以 御試鍾王書法直南書房授中書舍人累官禮部侍郎謚

文恪 隨輦集省耕詩序康熙十七年三月初一日 御試博學鴻詞科於太和殿命臣英臣士奇

臣訥在大內南書房賦案舍人於明年庚申擢官侍講此仍稱舍人則必己未年事也 柳南隨筆康

熙丁巳戊午閒入貲得官者甚眾繼復薦舉博學鴻儒於是隱逸之士亦爭趨輦轂惟恐不與四明姜西

溟有詩云北闕已成輸粟尉西山猶貢采薇人時以爲實錄今案潛邱詩云朝飲新豐酒未殘驚開捷徑

五雲端正與西溟同意時潛邱蓋已報罷故有聖主應教有夢難之句結句云一德由來契若蘭

自注懋勤殿有秋蘭舍人獻賦焉案此賦載江邨經進文稿云寄贈者江邨於此年五月扈幸西山潭柘



寺潛邱贈詩當  
卽在此時也

有偶讀唐人李郢登第後爲妻作

生日寄意詩戲簡毅文一首題下自注重陽前一日

爲毅文內子初度毅文有詩寄內

案毅文名鴻烈號涇源山陽人出廩

監生己未

召試二

又有九日和張毅文卽席

等授檢討知系此年作

韻一首和毅文移寓待尊甫吏部公來京之作一首

毅文尊甫名新標字鞠存順治己丑進士又題下注

曰嵇杭州其外舅也亦將至案淮安志嵇宗孟字子

震安東人崇禎丙子舉人國初官杭州府知府己

未與鞠存吏部俱以鴻博徵故潛邱贈舒舍人詩有

句云漸聽故人蒲轂轉自注謂嵇張兩公時兩

公俱以老病辭不就試故至九月始來京也又口

占贈毅文一首結句云爾從家學濡染久射策金門



恩拜偏

竹垞集是年有酬閻某詩曰烈火燔帝竹秦鏡忽以  
淪番番濟南空後死耄而勤腹笥傳少女齒落餘空  
齧掌故潁川來何由聽其真所怪張歐陽疑義默不  
申金絲魯宮響蚪蚪蟠輪囷俄遭巫蠱發竹簡迹久  
湮梅生千載後一一紛羅陳其餘航頭字拮據亦有  
因譬若完衣裳安用重補紉文從義艱晦體殊絕蹤  
塵孔書既咸在謨誥恆鮮新何人正今僞去險歸溫  
純此義誠難知疑者頗相循閻生并州彥徙宅清淮



濬昨年應詔至旅食春明春小心對縫掖餘勇刺古  
人示我一編書其言狂且醇諸家援王吳百氏搜墨  
荀幽室抉竅奧希音辨韶鈞雖爲見者駭猶勝徒貼  
呻吾生嬾述作老矣潛悲辛君非漢井丹經義何紛  
綸况有統扇詠贈我情彌親客子寓招提不出動盈  
旬春冰玉河裂艸暖波鄰鄰紅杏舒絮條翠嵐壓重  
闌相期出郭游西山恣回逡竝馬騁劇談九皇八八  
民醒卽坐松石醉卽臥花茵  
疏證卷五 錫鬯生平  
不敢疑古文見諸贈余詩 又  
卷八 錫鬯近撰經義



考雖漸爲愚見所轉移終不透

十九年庚申四十五歲

錢傳十七年應博學鴻詞科不第在都門與汪編修

琬交汪著五服攷異成先生糾其謬數條

略見割記六與陶紫

司書及陸冰修書紫司名元淳字子師常熟人康熙

戊辰進士廣東昌化縣知縣著有南崖集釋地有與

紫司論太王翦商事秦蒼峴山人陶子師墓志君游

京師徐健庵尚書雅重君爲之延譽名日以高而其

同邑翁尚書者亦羨君名延之邸第然君性剛直每

與尚書忤以是尚書轉銜之康熙己未開鴻詞科光

祿何公以君名上君已先期出都門遣騎追君還復

以病告戊辰殿試讀卷諸公俱歎爲奇才以請減

蘇松浮糧語激直抑置二甲時徐公元文爲明史館

總裁欲畱君竟歸冰脩名嘉淑海寧人有辛齋遺稿



又與江辰六書承面問鈍翁長子筠卒以幼子穀  
詒爲之後名之曰權是說也於禮安乎否乎云云辰  
六名閩歙縣人貴州貴陽籍康熙癸卯舉人汪意不  
吳蘭次之壻也官解州知州著有河汾集

惲謂人曰百詩有親在而喋喋言喪禮可乎

案困學紀聞箋

己未庚申在京師與汪鈍翁論喪禮不合鈍翁詆余云云先生應之曰王伯厚嘗

云夏侯勝善說禮服謂禮之喪服也蕭望之以禮服

授皇太子則漢世不以喪服爲諱也唐之姦臣以凶

事非臣子所宜言去國恤一篇識者非之講經之家

豈可拾其唾餘乎徐尙書乾學因問於經亦有徵乎

案健庵時以贊善領明史館總裁困學紀聞箋徐原  
一宮贊曰於史有徵矣於經亦有徵乎君其思之徐



退而思得二事云云宮贊擊節曰雖百喙亦不能解矣

先生曰案雜記曾申問

於曾子曰哭父母有常聲乎申曾子次子也檀弓子

張死曾子有母之喪齊衰而往哭之夫孔子歿子張

尚存見於孟子子張死而曾子方喪母則孔子時曾

子母在可知記所載曾子問一篇正其親在時也徐

大歎服

案方望溪有與先生書云昨所論曾子問一篇乃母在時所講可正子瞻所議於程子之

誤宜筆於書

即邀至邸延爲上客每詩文成必屬裁定合

肥李公天馥亦言詩文不經百詩勘定未可輕易示

人

案湘北時官內閣學士事蹟詳顧譜 剗記有承聞合肥相國以生平文筆非得閭某校定不免謬



誤敬賦  
一首

山陽詩徵載牛叟先生庚申二月十二日顧種紙朱  
二玉程婁東過眷西堂分賦花朝喜晴詩行春虛度  
復南回爲惜春光共舉杯客至扶筇偏興健狂來縱  
酒莫生哀郊原想已紅連樹庭砌從教綠滿苔最喜  
花朝晴兆稔稻花香勝百花開

二十年辛酉四十六歲

陸清獻日記辛酉七月初二至常熟會黃子鴻言無  
錫顧禹錫字景範有方輿錄最精詳今館於徐健庵



家

穆案清獻蓋初聞宛溪之名故名字書目皆舛采此以著潛邱與宛溪聚合蹤蹟也

彭躬庵徐健

庵春坊五十壽序庚申八月余在吳江崑山徐子藝初章仲二孝廉遣書使因顧子景范迎余居其家又云公既延武林陸子拒石太倉顧子伊人與共晨夕欣賞析疑及四方士過從禮之無倦而虞山顧景范不求聞達落落人外惟潛心方輿紀要一書公禮而致之不煩以事聽自纂述更爲具臆餽筆札書史以相飲助案拒石名繁昭錢塘布衣伊人名湄亭林族子也

疏證

卷五

子畱京師

久遇有從寧古塔來者詢其風土云東去一千里曰

混同江江邊有松樹榆樹枝旣枯墮入江爲波浪所

激盪不知幾何年化爲石可取以爲箭鏃榆化者上

松次之西南去六百里曰長白山山顛之陰及黑松



林徧生楷木可取以爲矢質堅而直不爲燥溼所移

又有烏曰海東青卽隼也予固請得一石砮以歸案

事潛邱當是聞之吳漢槎兆騫秋笈集長白山賦信  
亥步之未跡知禹棐之莫暨自注自山麓至半山皆  
黑松林互三百餘里不見日月樹根相糾如網地皆  
深淖馬行七日乃止又賦云人葠抗莖於檜陰良楷  
挺倚於松陽自注入葠生於檜樹之陰石崖外松林  
極目其間環生楷矢卽肅慎氏矢也渡混同江詩云  
部餘石砮雄風在地是金源霸業開登西閣詩云半  
空長白雪極目大荒雲自注長白山在寧占之西高  
二百餘里夏有積雪與疏證所記語語符合漁洋池  
北偶談亦記得石砮事曰吳江吳孝廉漢槎以順治  
十五年流寧古塔二十餘載康熙辛酉歸至京師相  
見出一石砮其狀如石作紺碧色云出混同江中乃  
松脂入水年久所結所謂肅慎之矢也又一條云余  
嘗見吳江吳孝廉漢槎自塞外攜來石砮形如礪石



色如蒸栗云是混同江所產蓋江邊松脂入水所結  
非石也所記與疏證同但語互有詳略耳漢槎之東  
還也由健庵爲之納緩當與潛邱同客碧山堂則其  
所遇爲漢槎無疑又與漢槎同時成寧古塔而爲潛  
邱之執友者尙有方坦庵拱乾然坦庵放歸較早潛  
邱於乙巳過維揚訪之且劄記稱坦庵東還遇家君  
誦拙詩甚多不應於此事轉諱其名而坦庵所著絕  
域紀略亦無一語與疏證之言相應故決知非聞諸  
坦庵矣漢槎入關後客京師不久卽南旋故查初白  
壬戌年有過漢槎禾城寓樓詩漁洋癸亥年有寄漢  
槎之作旋復化去故其子振臣秋筵集跋曰何圖仁  
人玉門遽捐館舍然則閻吳相遇卽在辛酉之歲亦  
無疑也

二十一年壬戌四十七歲

行述二十一年客福建

疏證

卷五

余至福建會城



見荷蘭國人之游於市者皆以綵帛纏其足由脛以  
上至膝整比異常非似行勝之蓬鬆因想見古者邪

幅之制

秋濤案

皇朝文獻通考及會典荷蘭於順

治十三年始入貢道廣東期以八年一貢康熙三年以助剿金門廈門

詔賚國王以下銀

幣有差許令兩歲一貿易於粵閩二省五年停止兩

歲貿易仍於入貢之年准其互市六年違例由福建

入部議以後飭令由廣東入二十三年助平臺灣二

十五年入貢以粵海道近而險閩海道遠而穩乞仍

改由福建

詔可自後職貢維謹池北偶談云

荷蘭於康熙六年入貢今二十五年臺灣平其王復

遣使入貢云云是臺灣平後貢使入賀自當即由福

建然是二十五年非二十一年也竊謂荷蘭貢道雖

於二十五年始改而中間互市助剿闌入之事多在

閩地時時弗絕類皆在海上惟入貢之年始得至會

城二十一年非貢期而潛邱於會城見之者蓋平臺



之前檄諭助剿其國必先有使臣至省垣也嘗舉一事證之康熙三年始檄夾剿金廈而張學禮使琉球記云二年四月抵閩閱視船隻詢舵工所來云有紅毛國進貢請兵船數隻已回畱三隻現泊江上隨往泊所視之云云然則夾剿雖由檄諭實因彼國先來請兵請兵之船至閩境實在夾剿之前一年以是知甲子平臺之役亦必荷蘭先來請兵始檄其夾剿故二十一年得有荷蘭人至會城也臺灣本荷蘭所據鄭氏攘而有之故荷蘭每欲請兵藉摠報復之忿於當日情事極合且平臺後帥臣有臺地必不可棄一疏亦因時議欲將臺地畀荷蘭而發則助剿爲荷蘭所自請斯又灼然可證者

王山史山志壬戌夏予在海州接閩百詩手机云亭

林於春初歿於曲沃

淮山肄雅是年趙宗師崙

山東人戊戌進士

歲考淮安取閩



訓慤入學首題子之武城至而笑次題其事則齊桓

晉文

二十二年癸亥四十八歲

行述客福建方歸司寇公來邀復至京師公家盛賓

客客皆當世魁士而賢重府君逾常等

疏證

卷一按

東坡紀年錄元符三年六月晦無月碇宿大海中勢

甚危險起坐四顧所撰易書論語皆以自隨而世未

有別本拊之而歎曰天未欲喪是也吾儕必濟已而

果然余每歎古人之以著述免患難如此癸亥秋將



北上先四五月閒淨寫此疏證第一卷成六月攜往  
吳門於二十二日夜半泊武進郭外舟忽覆自分已  
無生理惟私念曰疏證雖多副本在京師然未若此  
本爲定天其或不欲示後人以璞乎吾當邀東坡例  
以濟越次日達岸往告吾友陳玉璠賡明賡明喜曰  
此盛事不可以不記并記於此

玉璠號椒峯武進人  
康熙丁未進士官中

書著有學文堂集王暉今世說椒峯少有大志凡天  
文地志兵刑禮樂河渠賦役諸大事莫不講求爛熟  
言之娓娓賓客輻輳應酬旁午以至彈琴投壺嬉戲  
之樂靡所不爲偶有觸發爲詩文旬日之間動至盈  
尺見者遜其才比之劉穆之云己未詞科錄秦瀛案  
先生家太湖之馬蹟山卽夫椒山故以椒峯自號與



邵青門交善所居有學圃青門用少陵游何將軍山  
林韻十首寄題疏證卷八有與武進周叟論召公

書事未詳周叟何人剗記有訐五歸述所見詩訐

五鄒氏名祇謨號程村順治戊戌進士有遠志齋集

亦武進人也又疏證卷六下有舟過武進飲於一

友人家論滕王閣序南昌故郡事未知所謂友人卽

椒峯否又有舟中讀干寶晉紀兒子詠在側一條越

明年余得吳中水利全書一條均不得其年附識於

此陸清獻日記癸亥十一月三十日淮安閣百詩

來會言顧甯人已不在所著音學五書方在刊刻案

獻於是年服除入京時選得靈壽將赴任也疏證

竹垞年譜亦記是年十一月陸公隴其來會

卷五上余嘗有感南沙熊氏將注春秋先求明厯其明

志錄序曰於是問厯於劉仲敬以正諸家之失并列



所課而正之癸亥三載於京師

案蓋謂癸亥甲子乙丑此三載在京師也

就吳任臣志伊學厯歸而交秦淵雲九里中益研窮

之久之始得通其術

阮太傅疇人傳若據通時憲及授時法嘗據算術以證古文尙

書之僞其它以步算攷證經義甚多論曰上古積年據史記則託始共和據漢書則斷自武王伐紂至於夏殷以前荒遠難稽馬班所弗道攷古者存而不論可也詩十月之交朔食辛卯在幽王六年其積算班班可攷故可以近法推之若嗣征辰弗集於房一節出於昭十七年左傳引夏書其積年不可審知又安所求其日食與否邪閻君經學名家其於步算蓋餘事耳  
剖記有與戴唐器書曰昨同雲九兄游紫極宮登程知節墓慨想林靈素如昨日呂洞賓不可得遇求掩鶴井亦湮無迹爲之低回而不能去又有與雲九食蟹告以子瞻在揚州以此寄先龍圖公少游詩送雲九還錫山詩疇人傳秦文淵著秦氏七政全



書八冊閻徵君尙書古文疏證往往引秦雲九說未  
審卽一人否也穆案疏證卷六上稱雲九爲金壇蔡

仲全  
弟子

疏證

卷七

癸亥甲子晤吾友胡朏明京師

案此閻胡

會合之始

朏明名渭初名渭生號東樵德清人曾祖友信世所稱思泉先生也

釋地胡

朏明客京師余時以書求助於朏明久之方官艸數

條以應中有余百思不到者

秋濤案此亦初會時事

割記與

劉超宗書晚疑俄羅斯國必非羅刹國混爲一者京

師貴人不考故也今讀隋書羅刹國在婆利之東其

人極陋朱髮黑身獸牙鷹爪晚親見其國來降人何

曾此等形狀婆利國在東州東南海中洲上去廣州



二月日行屬南蠻不屬東與北也至俄羅斯當另考

以聞

案俞君理初俄羅斯佐領考八旗通志旗分志云鑲黃旗滿洲第四參領之第十七佐領係康

熙二十二年以尼布綽地方取來鄂羅斯三十一人及順治五年來歸之伍朗格里康熙七年之宜番等編爲半箇佐領後二次又取來俄羅斯七十人遂編爲整佐領案伍朗格里宜番等皆自拔來歸者平定羅刹方略云康熙二十二年四月羅刹殺斐雅喀居民畱嫚書而去七月甲申瑪拉等送所獲羅刹五人又送二十六人至京四裔考亦云二十二年羅刹之眾有過黑龍江皆降其兵目三十餘人此卽通志所言之三十一人方略又言南岱攜至二人則四裔考遺之又言十一月癸未  
上諭宜番近授驍騎尉岳噶圖席圖頒及新投誠之吉里戈里岳佛那西馬克西木俱授七品官其新投誠內之岳佛那西費禮普令馳驛至薩布素處酌遣招撫二十三年正月薩布素令宜番等往諭卽以招撫米海羅等二十一



人送京安插是年七月又獲羅刹一人曰費岳多羅  
送京安插二十四年三月獲羅刹噶瓦力刺等七人  
逸去一人五月破雅克薩城巴什里等四十人願降  
此則通志所言後二次之七十人也七月羅刹又遣  
裔番等四人誘我俄羅春被獲旋縱之歸其噶瓦力  
刺等六人亦於進兵時放之還南岱攜至之二人亦  
縱歸計所獲順治五年一人康熙七年宜番等二十  
二年三十三人二十三年二十四年七十二人而遣  
歸者十二人總得羅刹近百人居東直門內胡家圈  
衚衕據之則羅刹降人潛邱蓋於二十二三四年中  
屢見之也理初未刻稿又有一文辯羅刹俄羅斯異  
同云羅刹者紅毛諸番其正名羅刹國者今之俄羅  
斯其國東北自黑龍江邊外北盡北海西盡西海西  
南包額納特珂克外羅刹種人素與佛不合自立天  
主教其部強盛當佛時羅刹王名阿修羅欺陵佛并  
欺陵佛國佛國深畏之遇惡人惡物皆以羅刹名之  
故有在山羅刹有在海羅刹有飛天羅刹皆假名羅  
刹而於真羅刹無與也羅刹至今俄羅斯而極大潛



邱劭記言俄羅斯定非羅刹謂長安貴人爲不考閭蓋略見佛書不能詳悉且俄羅斯自稱爲羅刹何得謂之定非也案理初此辯極明畫其云羅刹者紅毛諸番卽隋書之羅刹國惟云閭蓋略見佛書則語近誣閭生平不讀佛書復申撰行述曰府君精究儒書不談內典是也其時俄羅斯尙阻聲教故止據隋書以與長安貴人辯耳俄羅斯卽元史地里志西北附錄之阿羅思潛邱亦未攷得也穆於辛丑七月從永樂大典畫出元經世大典西北地圖以詒魏君默深刻入所輯海國圖志中

二十三年甲子四十九歲

是年與黃子鴻初晤於碧山堂

案碧山堂蓋健庵館客之別第查初白康

熙庚辰有同朱悔人劉大山魏禹平錢亮功馮文子方靈皋吳山崙汪武曹諸子飲徐尙書碧山堂花下詩曰謝公別墅在城濠載酒曾陪飲興豪不料故人還客此猶能折柬致吾曹商量未定將歸燕搖落何



堪舊種桃併墮平生知己淚廿年  
塵土一青袍時健庵卒且七年矣

疏證卷八鄞萬斯

同季野將輯古今喪禮通考以喪服記夫之所爲兄

弟服妻降一等質余甲子春寓東海公碧山堂爲說

禮服中夜精思不覺忽得云云時季野寓處頗近不

敢復語之矣

案蓋因駁喪禮雜問不滿於其師餘姚黃氏之經學爲季野所不悅也又案萬

氏昆仲八人斯年斯程斯禎斯昌斯選斯大斯備斯同皆梨洲弟子也斯選字公擇戴唐器迎館於淮上最久季野先生又號石園皆與潛邱交契剖記有喜公擇見過詩有哭萬公擇五兄詩二首內有句云充宗經作笥季野史成箱充宗斯大字也鮎埼亭集萬石園先生傳康熙戊午詔徵博學鴻儒浙

江巡道許鴻勳以先生薦力辭得免明年開局脩明史崑山徐學士元文延先生往時史局中徵士許以



七品俸稱翰林院纂修官學士欲援其例以授之先生請以布衣參史局不署銜不受俸諸纂修官以稿至皆送先生覆審明史稿五百卷皆經手定雖其後不盡仍先生之舊要其底本足以自爲一書也嘗爲徐侍郎乾學纂讀禮通考百六十卷又以其餘爲喪禮辨疑四卷廟制折衷二卷李厚庵曰吾生平所見不過數子若顧甯人萬季野閻百詩斯真足以備石渠顧問之選者也

荅記憶甲子

初夏自碧山堂移徐公健庵寓邸

案健庵是年由侍講學士升詹事府

少詹事

夜飲言今日直起居

上云古人有言使功不如使過此語自有出旣思不可得又不敢上問柰何余對丙午丁未閒重策論讀宋陳傅良時論有使功不如使過題通篇俱就秦穆公



用孟明發揮應是昔人論此事者作此語第不見出

何書耳公曰博越十五年

案是康熙三十七年戊寅

讀唐書李靖

傳高祖謂靖逗畱詔斬之許紹爲請而免後率兵八

百破開州蠻冉肇則俘禽五千帝謂左右曰使功不

如使過靖果然謂卽出此又越五年

案是康熙四十一年壬午讀

後漢書獨行傳索盧放諫更始使者勿斬太守曰夫

使功者不如使過章懷太子賢注若秦穆赦孟明而

用之霸西戎乃知全出於此處甚矣學問之無窮而

人尤不可以無年也公凡於余攷據辨析議論輒手



錄成帙署曰碎金以爲談助惜此條不及入之也

茶餘

客話盧日堂嘗手輯潛邱緒論一編曰閤氏碎金皆洞庭書局中辨論之事今無傳

釋地初

交何屺瞻年甫二十四歲

案屺瞻生於順治十八年名焯號義門崇明人康熙

癸未恩賜進士

曰與之上下議論一日偶及時文曰吾欲

將有明三百年名家制義凡看題錯用事誤者盡標

出爲一帙蓋此乃代聖賢語氣豈有聖賢口中而使

別字用謫事者乎因歷數之得數十百條今忽忽十

有八年遺忘殆盡云云

案後十有八年是康熙四十年辛巳也

沈季友樵李詩繫

季友字客子號南疑平湖人康熙丁卯副榜

梅里李氏



多才符與繩遠良年齊名時號三李康熙甲子余在

京師分虎亦館於龔氏

案芝麓卒於康熙十二年此為仁和龔翔麟字蘅圃時官

御史分虎之詞友也

往來唱和月舉一會同賦者晉

江黃虞稷

虞稷字俞邵晉江人流寓江寧徐公肅薦與姜西溟萬貞一同入明史館以諸生食

七品俸著有千頃堂書目楮園集

案西溟入明史

館在壬戌年俞邵貞一當從同次年癸亥潛邱應健

庵之聘復來京師意即閻黃會合之始矣

八余讀焦氏筆乘稱家有梅鶯尚書譜五卷專攷古

疏證卷

文之偽將板行之不果求其譜凡十

載得於友人黃虞稷家急繕寫以來

大梁周在浚

在浚

字雲客櫟園

太原閻若璩寧波萬言

言字貞一季野伯兄斯年之子

侍郎之子

由副榜貢生豫脩明史

錢塘洪昇

昇字昉思號稗畦以作長生殿傳奇

獨成崇禎一朝長編



得名嘉興周篁篁字林於號鷗塘兄篋河中吳雯雯字

本遼陽人父允升順治乙酉順天舉人逾五年選蒲

州學正乙未成進士又明年授臨潁令已前卒天章

遂著籍蒲州己未薦舉博學鴻儒不中選著有蓮洋

集四庫書提要曰雯天才雄駿有鄉人元好問之遺

風遼陽佟世恩武林王嗣槐同里沈奕日案奕日蓋融谷兄弟

行暨我兩人也

魏昭士閭再彭七十序當倣游燕都過淮先生方失

適屏賓客聞倣至蹶然出揖之為設酒食兩孫咸侍

坐先生為道其令子客燕長孫歸三晉與其先世所

以僑居淮上家計興替之由且詢倣父子兄弟家世



及易堂先後輩甚悉酒罷以諸孫相屬語懇款幾令涕下詰朝先生仲孫訓慤拜而言曰王父六十有八矣又二年而七十子適過此願豫乞一言爲王父七十壽

是年趙秋谷典試山西長君詠中式第七名舉人

清祕

述聞康熙二十三年山西考官編修趙執信字秋谷山東益都人己未進士兵部主事戴璽字爾玉直隸玉田人戊戌進士題爲命禪謀一節送往迎來三句或勞心至義也

馮山公景南還設教淮安邱季貞家前後凡十年

國史

文苑傳馮景浙江錢唐人國子監生康熙十七年游京師授經於侍郎項景瓌家二十三年館侍郎金鼎



家因病南還歸設教於淮安洗馬邱象隨家者十年  
案季貞以廩監生己未召試鴻博一等授檢討

二十四年乙丑五十歲

李分虎香艸居集有閤百詩人曰招集碧山堂時令

嗣復申從山右至詩河東劉墮酒攜到劒門來人曰

調蘭膳賓筵勸竹杯真稱賢父子况住好亭臺似此

春盤薦須教盡醉回

案甲子乙丑閒分虎皆在京師復申以初正從山右至京必是

中後以公車北上也

剗記秀水徐善敬可爲人撰春秋地名訖問余成二

年鞍之戰云云高士奇春秋地名考略序乙丑夏



四月奉

命總裁春秋講義因於纂紀之暇博搜羣書而參考之

云云 四庫書提要春秋地名考略十四卷高士奇

撰據閻若璩潛邱劄記稱秀水徐勝敬可云云則實

士奇倩勝代作也

案勝當作善撰提要者蓋誤合勝力敬可爲一人胡朏明易圖明

辨卷五秀水徐善敬可博覽精思無所不通而尤深於易晚著書以發其蘊有天易義易商易周易同縣朱太史彝尊名其書曰徐氏四易敬可與余厚向在京師出以示余歲庚午與敬可讀書莫釐峯下方且效一得之愚更訂是書而敬可尋以病歸卒於家案敬可亦與修一統志事竹垞庚午年送徐處士善南還詩曰玉河新柳已堪攀二月交亭送客還十度洞庭游未足今番真住石公山謂洞庭書局也



割記荅友人書曰潘公印川治河工成故老傳其要語曰東去只宜開海口西來切莫放周橋此二語平  
平無奇竊恐神禹復生不能易己前之治河者雖勤  
勞十二載專與此二語相反不惟己不開下河見人  
之開必從而撓之俾之去後已周家橋在高堰南四  
十餘里翟壩又在周家橋南二十餘里皆堅築之以  
捍淮東侵者淮不東則淮彊淮彊則黃弱然後由清  
口以達海彼不惟周橋翟壩而已且一帶盡圯之以  
聽其衝溢是以末局雖知建周壩導淮入運河刷沙



運漸深濬然不過暫時策耳豈經久之道哉今惟當  
確遵印川名言廣開海口堅塞周橋斯無事矣或曰  
海不可濬潮汐往來人力難以施工然舊口皆係積  
沙水力自能衝刷故海無可濬之理惟導河以歸之  
海則以水治水導河卽濬海之策也然河非專以人  
力導也欲順其性先懼其溢惟繕治隄防俾無旁決  
則水由地中沙隨水去治隄卽導河之策也或曰海  
高於內水不可下不知江南江北弟曾徧歷凡瀕海  
之地比之腹內特高但濬治倍深無礙乎水之東注



矣

案國史靳輔傳康熙二十四年上念高郵寶應諸州縣湖水泛溢民田被淹命安徽按察

使于成龍

諡清端

經理海口及下河事輔疏言下河

卑於海潮五尺疏海口則引潮內侵大不便請自高

郵城東車邏壩築長堤二厯興化白駒場至海口束

所泄之水入海隄內涸出田畝丈量還民其餘田招

民屯墾以抵經費

上召輔及成龍進京成龍

力主開濬海口故道輔仍議築長堤時寶應人侍讀

喬萊奏輔議非是乃

命尚書薩穆哈等往勘

視導以開海口無益回奏會江寧巡撫湯斌入為尚

書奏下河宜疏濬

上命侍郎孫在豐往董其

事云云先生此書與于湯諸公議合當亦在是年喬

與先生為姨兄弟所見尤應相同故劄記又載示兒

詠及孫學翼學林詩曰一般博學兩詞林死後猶垂

濟物心自注謂喬石林夫亦曰石林之議與己正同

耳喬議見潘次耕所作石林墓志湯文正集有與孫

屺瞻論濬

下河事



二十五年丙寅五十一歲

是年健庵以禮部侍郎充一統志會典明史三館總裁  
趙志崑山徐尙書以文章被眷遇領纂修數局  
所邀與商略皆天下名士而先生爲首周旋累年敬  
禮不衰

劄記有送金道州之官馬平兼簡沈融谷來賓詩題

下注追錄丙寅春作

案廣西通志職官表康熙二十一年金人望江南安東人馬平

知縣二十三年沈皞日浙江平湖人來賓知縣融谷  
皞日字也又號茶星平湖貢生與竹垞迦陵爲詞友  
宰來賓天長歷辰州郡丞高江村有送沈皞日之任  
來賓序案人望王戌已選馬平何以至丙寅春始之



任而通志職官表二十五年馬平知縣又已選朱廷  
銓不可解也淮安府志金人望字道騶安東人康熙  
壬子副榜貢生任長武令升同州知州充己卯鄉試  
同考官副榜入闈自此始晉莊浪同知邊疆巖邑軍  
興旁午肆應略無支詘時親王領軍者褒獎特至尋  
以老病乞休不允遂卒於官案志載人望宰長武以  
後事而不言其曾宰馬平以己卯充鄉試同考官推  
之己卯爲康熙三十八年則是宰馬平後以故去官  
改選得長武也劄記又有題道州魯游艸詩曰地脈  
羣尊岱星文獨重奎又曰校藝分藜火論交半馬蹄  
則道州又嘗聘充山東鄉試同考官惜其年不可考  
矣秋濤案茶餘客話載金道州人望令長武答鈕  
玉樵書一首自敘宰馬平前後事頗詳足補淮安志  
之闕有云君袍方綠我服猶緇倖羨馬上之鞭巾多  
瑁璫私挾懷中之錦會有逢迎是道州應試不偶注  
選而得馬平也又云懼忌我之有人遂易名而去國  
於時江邊舴艋尙插旌旗嶺上烽煙渾如毒霧艱虞  
萬里荏苒三年辱藩侯之招簡竊駢語以飛翰節備



書之辛苦一歲累有千金填在任之逋亡百劫猶留  
殘喘此是去馬平後羈滯湘江始末也又云爰束帶  
而重瞻三殿又極巍巍閭闔之觀下除書而分列五  
方偏處蕭瑟閒關之地潘輿未遂毛檄遄征割邠國  
之一隅當邊垂之三面此則由湖湘復入都注選而  
得長武之始末也阮吾山謂道州題堂柱曰家臨漂  
母千金地人到邠風七月天未幾以受代望誤去計  
其時止七閱月耳云云跡道州一生宦海浮沈壯懷  
落莫蓋亦不得志之士然志稱其令長武後復官莊  
浪同知則吾山所云詩讖殆專指官長武月日耳

劄記與石企齊書金道州赴任柳州余以故太守  
章大力先生成神於彼如羅池廟碑事不可不隆其  
祀孰知道州到日大力夫婦旅櫬四十餘年竟無資  
之葬者道州慨然捐俸且致書撫州太守俾葬二柩



於祖墓之次千古高義令人感泣

案與企齊書又云一好友爲河閒太

守幕客來辭行弟以河閒獻王德祠墓更新爲託已力任未詳好友爲誰

是年牛叟先生年七十

邵子湘青門簾橐

子湘名長蘅武

進縣人

閻再彭先生七十壽序余友閻百詩尊人再彭

先生今年壽七十誕以九月某日又曰先生生明神

宗之季當是時以貴公子負海內盛名年未及壯遭

離變故絕意仕宦讀書隱居終其身蓋自甲申迄今

四十餘年而先生年亦七十矣百詩以博學名聞於

朝文孫繼登賢書云云又有答閻百詩書曰使者齎



尺函走六百里而索言於僕竊計尊公先生壽辰佳  
文充棟海內能言之士大略在是矣以拙文廁其閒  
寥寥未稱云云又曰敝鄉黃敕公進士有體有用儒  
者今日科目中求此種人尤不多得聞今歲授徒淮  
陰不可不一相見

有席上贈賈五鉉古詩二首

鉉近刻作鉉案鉉字右旁爲

字必有譌曝書亭集丙寅年有題賈院判鉉畫荷二絕句嘉興楊謙注鉉字玉萬號可齋臨汾人工竹石及折枝花喜用瘦筆乾墨出守黃州嘗畫竹題識命工人鐫諸石置赤壁疑潛邱贈詩亦卽此人五其伯仲之序鉉其名也贈詩何年無從臆度姑從竹垞之例附識丙寅年末以諗知者竹垞丁丑年又有寄賈



黃州鉉詩亦是從之乞畫潛邱二詩更不言其工畫  
首章曰偉節不西行黨禍終莫解舉世名龍門感恩  
同覆載誰知千載間此事一而再聞語復見人儼若  
尚書在欣然倒衣迎盡呼兒女拜恭承道義交永締  
骨肉愛鐙花何燦爛談笑殊相對吾老忽少壯樂哉  
今夕會繹詩意則鉉亦志節慷慨之士惜不得其本  
事容更訪之平陽人次章曰吾生著讀書不以老而  
倦奧篇及隱帙倍文如覲面家藏苦不足假借遭人  
賤思儻春明居願謝王翁饌忽聞東土司插架十萬  
卷懸傳自隋唐人閒未經見因君達書名繕寫煩郵  
傳續畱古慧命萬世猶歸善則其收藏之  
富又可想見長安酒貴宜潛邱之傾倒也

何義門游山陽買得困學紀聞

又紀聞箋何屹瞻告  
余頃得宋槧本不全

左傳

二十六年丁卯五十二歲



湛園未定稿門酒詩跋丁卯元夕今總憲徐公碧山  
堂之讌出所儲酒三十種飲客命客爲門酒詩明日  
相繼以詩來者若干人又曰時座中皆南人多右南  
而左北案潛邱蓋於前一年歸里爲牛叟先生稱觴  
故座中無北人也健庵以九月升總憲跋當  
作於九  
月後

是年牛叟先生卒 行述二十六年居先祖考憂喪  
葬中禮鄉里至今以爲法

九月健庵擢左都御史 劄記與劉超宗書孟子喜  
而不寐以善人得志當路也今有清議得申一事奉



聞長者以爲寢食有味何如臺臣馮瑞進士出身也  
利人所有題一疏爲加納官員一體升遷不必用保  
舉部議允行矣垣臣錢晉錫明經也爲新總憲所使  
具一疏嚴駁之部議不准行奉

旨著現行事例行蓋允錢而不允馮也一時公論喧騰

人心暢悅此非初出艸廬第一功乎

案所謂新總憲殆卽指健庵也

竹垞戊辰年有題錢給事晉錫富春大嶺圖詩楊謙注錢字再亭又案潛邱弟四次入都不得其年以此書推之蓋在卯辰之交也

二十七年戊辰五十三歲




是年健庵充會試總裁卽闡中轉刑部尙書出闈就職因張汧事望誤上章乞休准解部務仍領各館總裁三日一直內廷



閩譜卷二

譚瑩玉生覆校






















































閣潛邱先生年譜卷三

郡後學平定張穆編



二十八年己巳五十四歲

是年健庵因子樹穀考選科道事爲副都御史許三禮所劾上章乞歸

命攜書局卽家編輯健庵復上疏言明一統志疏漏舛錯難以盡舉臣今博訪舊聞遺獻務期精核又言宋元通鑒明臣薛應旂王宗沐諸本或詳略失宜或考據抵牾或名姓互殊或日月闕謬臣請改修博採正



史雜史及諸家文集參考同異辨證是非仍倣司馬  
光通鑒例作目錄考異彙爲一書

諭依議行

胡朏明禹貢錐指略例昔大司寇崑山徐公奉

敕纂修 大清一統志己巳冬公請假歸里

上許之且令以書局自隨公於是儗舍洞庭肆志蒐討  
時則有無錫顧祖禹景范常熟黃儀子鴻太原閻若  
璩百詩皆精於地理之學二三素心晨夕羣處

行述先是府君殫精經學佐以史籍客司寇公所時



方修一統志與顧處士景范黃處士子鴻周旋遂喜  
談地理二君固地理專家也府君於古今沿革考索  
尋究不遺餘力往往出其意表拙明先生嘗稱吾輩  
老年人讀書只宜優柔厭飫自得之樂徵君用力太  
苦太銳殆非所宜府君愈益力十餘年中成四書釋  
地三續及釋地餘論若干篇又曰四書釋地三書則  
以四子爲幼學首習之書而地理經古注疏集注以  
後簡略蒙譌尙多故特加考隲爲經學始基又曰府  
君從前四至京師二十八年歸里之後無復遠游意



矣

疏證

卷六上

憶己巳與顧祖禹景范同客京師問

景范蘇秦說燕曰南有碣石之饒注以在常山九門

縣果爾則趙地何以燕有其饒仍指今永平府是但

又在燕之東何云南景范曰凡地理言南可與東通

言北可與西通非同東與西南與北迴相反者余自

是觸處洞然 又己巳

本書作先一載蒙上庚午夏而言也茲臆改

在京

師萬季野謂余撰一統志奚必及人物人物自有史

傳諸書余頗駭其言及近覽元和郡縣圖志太平寰

宇記意果不重在此一州內或人物無或僅姓名貫



址卽閒舉生平亦寥寥數語不似明一統志誇多汎  
濫令人厭觀因折衷二者之間不妨臚名宦流寓人  
物列女四項但取其言與行關於地理者方得采輯  
如名宦則蜀守李冰以作離堆避沫水之害而收鄴  
令史起以引漳水溉鄴田富魏之河內而收列女趙  
襄子姊聞夫死摩笄自殺代人以名其山收入保安  
州顏文妻事姑孝甘泉湧室齊人以名其河收入益  
都縣梁鴻適吳卒葬於要離冢旁切陵墓矣收爲蘇  
州之流寓雷次宗徵至都爲築館鍾山西嶺下切古



蹟矣收爲江寧之流寓卽例所不收之仙釋如河上公結廬河濱漢文帝親枉駕梅福變姓名爲吳市門卒甚且許楊署都水掾爲太守興鴻卻陂數千頃田汝南以饒均甯得遺蓋不惟其人惟其地不然隨甚道德隨甚勲名及文藝苟無關地理概不得闕人何者著書自有體要善乎杜君卿有云言地理者在辨區域徵因革知要害察風土李宏憲云飾州邦而敘人物因邱墓而徵鬼神乃言地理者通弊至於邱壤山川攻守利害反略而不言元和宰相之言施於撰



述如此若張南軒論修志不可不載人物典型繫焉  
世教補焉此則儒生之見以之點綴郡邑志則可非  
所論大一統之書卷帙浩繁者也

案今一統志更不用潛邱之議

四庫全書提要資治通鑑後編一百八十四卷 國

朝徐乾學撰是編以元明人續通鑑者陳桎王宗沐  
諸本大都年月參差事蹟脫落薛應旂所輯雖稍見  
詳備而如改宋史周義成軍爲周義以胡瑗爲朱子  
門人疏謬殊甚皆不足繼司馬光之後乃與鄞縣萬  
斯同太原閻若璩德清胡渭等排比正史參攷諸書



作爲是編艸荆甫畢欲進於朝未果而歿今原稿僅存惟闕第十一卷書中多塗乙刪改之處相傳猶若據手蹟也 困學紀聞卷十一 開禧追貶秦檜周南代

艸制下箋云南遷錄賓退錄駁之近漁洋文略駁之信多子虛亡是之辭然載遺秦檜事卻可信余取以

補續通鑑稿置傳是樓云

陸清獻日記庚午十月初一會姜西溟言徐健庵修

宋元通鑒甚覺掣肘蓋以南北朝爲疑也 彭躬庵傳是樓藏書記庚申暮春余因顧子景范陸子拒石得登崑山徐公之傳是樓樓十楹跨地畝許特遠人境無附麗啟後牖几席與玉峯相接中置皮閣七十有二高廣徑丈有五尺以藏古今之書裝潢精好次第臚序首經史以宋版者正位南面次有明實錄奏



議多鈔本又次諸子百家二氏方術稗官野乘齊諧靡不具備曲直從橫部勒充四阿各有標目

二十九年庚午五十五歲

是年三月健庵歸里開局洞庭東山纂輯一統志仍

延先生及胡朏明顧景范黃子鴻姜西溟分纂時西

溟以布衣食七品俸在明史館健庵疏請偕行查初

壁集起庚午二月終六月題云玉峯大司寇徐公

予告南歸奉

旨仍領書局出都時邀姜

西溟及余偕行兩人日有唱和旗亭堠館污壁書牆

率多口占之作竹垞庚午年有送史館姜君宸英

赴包山書局詩案健庵既歸萬季野獨以

明史事畱京師館戶部尙書王公宏緒家

錢傳及徐公奉



敕修一統志開局洞庭山既又移嘉善復歸崑山先生  
皆豫其事先生於地理尤精審凡山川形勢州郡沿  
革瞭若指掌 行述司寇公歸里府君相與晨夕談  
古按今慰譬開廣不以出處隱顯異致公嘗謂盧孝  
廉六以名軒海寧人康熙己丑進士行述末填諱署  
盧名款曰年家眷世同學姪 紀聞箋屢引  
盧六以言曰閻先生乃古人其學有經法亦非吳志伊輩  
可望也

割記案羊流店晉羊叔子故里在新泰縣西北六十  
里南北孔道也余庚午春經此案此是潛邱偕健庵  
同歸也 又割記嘗



經過保定府新城縣其土田甲天下古所謂督亢地  
至今禾稼樹藝最勝而田賦最輕又曰今藁城縣西  
北二十五里有九門城四面五百餘里皆平地水一  
部婁塊阜亦不可得釋地子在川上相傳卽泗水發  
源處今之泉林寺在泗水縣東五十里陪尾山下余  
曾往游惟有詠郭景純詩林無靜樹川無停流覺神  
超形越云云又東蒙條昔過其下土人承譌厯厯指  
點示我疏證卷四徂來在今泰安州新甫在今新泰  
縣余屢經過之卷六下胡陵故城在魚臺縣東南六  
十里沛縣西北五十里余曾親過之問距定陶之荷  
澤約幾三百里彼豈知荷澤在定陶東孟豬在睢陽  
東北二澤相通距僅一百四十里哉又小沂水愚過  
費縣土人則呼浚河在其縣西北八十里案以上  
數事皆南北孔道所必經不得其年併記於此 問

叔子之後裔有存者往尋其祖墓隆然高阜者三卽  
傳出折臂三公之所復往尋其居遺址隱然若城郭



綿亙八里許因歎叔子以上九世皆二千石卿校可  
爲東漢第一世家當時聚族而處居以積久日加闢  
遠又蔡邕亡命江海遠跡吳會往來依泰山羊氏以  
此地爲淵藪孰敢過問之種種皆與史傳關合獨後  
漢書羊續太山平陽人平陽卽西漢之東平陽晉爲  
新泰縣叔子晉書卻泰山南城人南城原魯南武城  
晉地志亦三字名故城在今費縣西南九十里距新  
泰二百四十五里意新泰叔子之祖貫已則占籍南  
城耳觀武帝咸甯中詔以泰山之南武陽牟南城梁



父平陽五縣置南城郡封叔子南城侯以其爲南城人也叔子且死從弟琇述素志求葬於先人墓次狐死正邱首正欲葬其隆然高阜之旁也茲撰一統志繫續於新泰人物可也叔子以孫從祖奈晉書何且新泰縣建置沿革并未見何年改南城一筆人物豈有無根者哉要須別繫叔子於費縣人物不必拘元和志然後可

查初白題壁集有王羲文閣復中招同西溟泛舟紅橋七言絕句二首



割記

卷六上

庚午季夏置書局於洞庭東山撰輯一統

志有分得福建者來質余曰欲訪宋梁克家三山志建置沿革斷自周職方之有七閩始不上繫禹貢何如余曰杜氏通典敘建安長樂清源漳浦臨汀五郡於古揚州內未見唐人遠之於禹服外者元和郡縣圖志亦然然明一統志福州等八府竟書爲禹貢揚州之域亦未安惟歐公妙有斟酌所撰新唐志於淮南道曰蓋古揚州之域江南道曰蓋古揚州之南境嶺南道曰蓋古揚州之南境南境與域字頗別微可



議者江南道領有今蘇松常嘉湖正禹貢三江震澤  
地江州尋陽郡有彭蠡湖皆當日之域中豈得別之  
爲南境惟援其例書於福建一司則可福州府曰禹  
貢揚州之南境泉州府曰禹貢揚州之南境下迄漳  
州府並同方不卽不離蓋雖未顯見爲疆域未嘗不  
爲揚州師牧之所接聲教訖於四海閩東南海也豈  
唐虞之所得而遺之哉

案今一統志刻本惟於福建  
統部及泉州府書曰禹貢揚

州南境餘仍明統志舊  
曰禹貢揚州之域也

查初白允寄集題洞庭秋望圖詩注庚午秋冬閒余



寓居洞庭東山橘社集

起庚午秋終十二月

題云橘社在洞庭

東山之麓劉氏取以名園秋冬閒假館於此與書局

諸同人唱酬不少云云

案嚴繩孫與劉震脩書李武曾磊落士也今健庵尚書開

書局於洞庭山武曾方與纂修之役足下往訪尚有書當與武曾相見云云是李秋錦亦在書局也

大雨同胡拙明閣百詩登湖樓詩

詩曰大聲拔湖洪飛上巨鯨背歎空

作猛雨倒射怒百倍萬木助一喧掀騰走羣怪樓孤若搖動勢已岌岌殆雲頭排窗來山影忽在外日存

思欲絕境變奇乃最我詩苦難工傑句應有待

剗記老友吳喬先生

案喬又名爰字修齡常熟人剗記有逢吳子話舊詩首二句

云史局置湖山天教孰曠閒疑所謂吳子即喬也

嘗言賀黃公

黃公名裳載酒園



詩話馮定遠鈍吟雜錄及其圍鑪詩話可稱談詩者  
之三絕余急問賀書何處有曰金陵有須價銀一錢  
二分余以三錢付黃俞邵使者回家購之不半月以  
八分購賀書餘盡如余所屬買套櫻桃乾蓋素嗜此  
也到日同胡朏明大噉細讀口眼俱快沁入心脾歎  
吾老友之知言也康熙庚午秋寓洞庭東山席氏館  
題鈍翁類稿席仲遠墓志余嘗兩過洞庭之東山其  
始至也以事趨謁席太翁仲遠別去十年而復至  
則翁已歿伯季兩君方各治一園中閒樹石蒼秀亭  
榭雅潔又各於其旁穿池蒔蔬備極幽人逸趣毛  
朱詩說近日吳喬先生共余讀李商隱東阿王詩國  
事分明屬灌均西陵魂斷夜來人君王不得爲天子



半爲當時賦洛神說日後二語似有悔婚王氏之意  
夫婦不及十年甥舅不過一年而竟致一生顛躓此  
種情事出於口則薄德而意中不無展轉故以不倫  
之語志之乎若論故實不爲世子在建安十二年丁  
亥子建賦洛神在黃初三年壬寅相去十五年也唐  
人作詩意自有在或論故實或不論故實宋人不解  
詩便以薛王壽王同用譏刺義山何異農夫以菽麥  
眼辨朱艸紫芝乎此解可謂妙絕千古發端一語已  
道令狐綯之當國矣蓋原知義山之人之事方得是  
解不然空空而思冥冥以決豈可得乎縱得之恐亦  
成郢書燕說而已矣  
記又有洞庭山人餉菊詩 又憶庚午重九病新愈

後東海公招登高莫釐峯酒中云古人之事應無不  
可攷者縱無正文亦隱在書縫中要須細心人一搜  
出耳 又余告徐司寇健庵曰郡縣始自秦作輿地



表自當以秦縣名之可攷者實之不獨以郡

案今與地表自

秦始

又曰後居洞庭山中討論直隸真定廣平諸志

而後益曉然於今制折田之故又具以淮揚兩府折

田之數告徐司寇健庵令纂入一統志中

案今一統志淮揚兩

府下不載折田之數

疏證

卷六下

余告東海公纂郡縣志者全

憑有識如河南八府惟懷慶糧最重民且受困三百

年如近來纂志當以糧所由重之說痛加發揮方興

有世道之責者惻念請於朝比諸別府減而輕之柰

何噤不一語

案今一統志懷慶府下於糧所由重之說仍無一語及也

又一統



志有關隘一項下載至某鋪或某集某鎮在縣東若干里又若干里爲某鋪又若干里爲某鋪達某縣界最有益或病其碎且名不雅馴者余曰昔宋紹興三十一年金主率大將臨西采石楊林渡初奏言已犯采石而不言東西朝廷大驚次報已到楊林而不言楊林渡莫知其江之南北益懼求當塗厯陽人問楊林所在言楊林西采石之渡口也於是憂疑少定余謂使當日諸州所上閏年圖備載村鎮及津渡之處可一一檢而知不必外訊諸人矣 又一統志在



京師輒進呈者爲保定府內多載及水利有已施行者有未施行者允稱有用之書 又嘗謂鑿空出新不若舊說之安者尤莫甚近日碣石入海之說陽信有劉世偉者著論曰海豐縣北六十里有馬谷山高三里周六七里疑卽古之碣石爲河入海處顧甯人賞其新東海公載入一統志中余曾正告之曰九河見兗州碣石則在冀州皆禹貢明文未易可移果如世偉言當移碣石爲兗州山矣古九河闊二百餘里長約四百里其爲逆河之地亦須長闊相等方外受



海水之朝夕入內容河水之九派注今馬谷山之旁  
與上何處著此一片地邪東海公不覺笑余曰無論  
經聊以史證之蘇秦說燕曰南有碣石之饒秦始皇  
三十二年之碣石使燕人盧生求羨門高誓刻碣石  
門二世元年春東行郡縣李斯從到碣石刻始皇所  
立刻石封禪書並海上北至碣石巡遼西貨殖傳夫  
燕勃碣之間一都會也尙得謂碣石不在昔平州今  
昌黎等縣處邪永平府志已進呈未及正之云

案今統

志刻本仍以碣石爲在永平府昌黎縣西南武定府  
馬谷山下不采劉世偉說但云肇域記以爲卽古之



碣石也 又案潛邱嘗因論河至碣石入海事親至  
瀕海一帶兼咨土人比之腹內特高不知當在何年

又宋史韓世忠列傳初世忠謂敵至必登金山廟  
觀我虛實乃遣兵百人伏廟中百人伏岸澚約聞鼓  
聲岸北先入廟兵共擊之金人果五騎闖入廟兵喜  
先鼓而出僅得二人逸其三中有一絳袍玉帶旣墜而  
復馳者詰之乃兀朮也按續資治通鑑綱目宋元通  
鑒金山之下廟之上並有龍王二字曾親至其地疑  
之當時兀朮軍江南太乙李璣軍江北韓世忠以海  
艦泊金山下兀朮不得絕江豈能輕騎至龍王廟且



既覺而復能浮江去邪或曰當時有沙洲故諺云金  
兀朮騎馬上金山此尤無稽之談也昔在崑山輯一  
統志至鎮江府得舊本三山志載龍王廟北宋時在  
銀山上非金山也然後知修宋史者以其時龍王廟  
在金山故實以金山而不知於兵機地形失之遠矣  
案今一統志刻本不主此說於北固山下引輿地紀  
勝曰龍王廟在北固山韓世忠遣兵伏廟中以襲兀  
朮卽此於銀山下曰卽故土山元皇慶二年建寺其  
上以與金山相對易名曰銀山蓋隱以閣說爲不然  
也

又與劉超宗書明一統志無壽河胡三省注通  
鑒於敗之於壽河之下亦無注甚矣其難也至新修



統志淮安府山川載壽河引十國紀年凡兩部書可

謂遠勝明人

案今一統志故城河古名壽河卽澗河支流也引淮南水利考唐昭宗景福元

年楊行密將張訓李德誠敗此今日顧景范黃子鴻朱全忠將時浦於壽河云云

饒爲之事惜先生不見此兩人捍海塘備載范文正

築海塘方略真正有用之書今人遠勝明人鄙言豈

無徵

案今一統志海塘下不載文正之說

又曰纂志於洞庭徐司寇

出典籍庫中大元大一統志十數本皆蜀中地計尙

有九百八十餘本曾見葉文莊家書目此書與經世

大典竝列安知世不更有足本乎

潛研堂集跋元大一統志殘本戊子



春從南濠朱氏假元大一統志殘本廬四百四十三  
翻大字疏行殊可愛每冊鈐以官印驗其文則處州  
儒學教授官書也傳聞康熙閒崑山徐公乾學奉

敕修

大清一統志開局於吳之洞庭山借

內府書有元大一統志殘本二十餘冊徐公志豪  
今在史局所借之書度已歸中祕而未聞有見之者

穆案元修大一統志事祕書志載之最詳永樂大  
典收天下府州縣志不下千部中凡引用元一統志  
處乾隆中開四庫全書館校書者一一籤出穆曾親  
見其標題計當有輯本行世而亦未之見是可惋也

困學紀聞箋

卷十五

李仁父長編近四十年前無錫顧

孝廉始從嘉興高氏購得之凡三易主而歸傳是樓

余假館樓下且讀且鈔窮日夜不少休然止及治平

餘仍放失有勸主人宜集眾以續此編者余亟搖首



以戒主人笑以爲知言云

剗記移寓詩注公戡從錫山購得長編余爲辨其非

是蓋此書乃錫山秦氏家藏歸於牧齋宗伯絳雲災後此書絕矣公戡名體仁潁川衛人順治乙未進士官吏部考功郎著有蒲庵集又案公戡與潛邱相識最早當在壬寅初入京師時移寓詩注云劉公戡考功曾語余今人百不及古人所差勝者品茶度曲圍碁耳

是年汪鈍翁卒

剗記喪服翼注汪氏琬臨沒刪其

稿爲堯峯文鈔戴晟西泠購以示我讀之頗有幽冥

之中負此良友之感蓋爲余所駁正者悉刊以從我

有駁正而未及聞於彼者承譌如故將來恐疑誤後

生不小云云

案剗記有詩云汪筆王詩重本朝詩尤兼筆挾風騷晚來酬答爭名甚輸與拙



身價卻高又嘗稱純翁居鄉人品高絕可謂惡而知其美矣戴晟又字晦夫潛邱爲易其字曰唐器易其齋名曰寤硯事皆見劄記淮安府志晟山陽人康熙中諸生師事浙西黃梨洲歸而廣購異書研窮經史有疑義輒就質於同里閻徵君百詩辨難往復多得其指歸

劄記有雪舫來口占卽事以贈之作重見已成翁傷

懷話不窮小侯四姓長新樂一門忠正誤能畱史探

亡欲作風寥寥乞米帖裝裏至今雄

明詩綜劉文炤字雪舫任邱人

新樂忠恪侯文炳弟有攬蕙堂偶存明史外戚傳崇禎十七年三月十九日新樂侯劉文炳之弟劉文炤方侍母飯家人急入曰城陷矣文炤盥脫地直視母母遽起登樓文炤及二女從之文炳妻王氏亦登樓懸孝純皇后像母率眾哭拜各縊死文炤入纒墮拊母背連呼曰兒不能死矣從母命畱侍太夫人遂逃



去吳梅村有吳門遇劉雪舫詩靳榮藩注案文炳母杜氏聞城將陷卽命侍婢檢笥懸樓上作七八纒命家僮積薪樓上遂遣老僕迎李氏吳氏二女歸曰吾母女同死此又念孝純皇太后母瀛國太夫人篤老不可俱燼因與文炳計匿之申湛然家文昭所以有畱侍太夫人語也魏叔子有新樂侯傳又有贈劉雪舫敘曰方甲申三月之變君年纔十有五歲避地秦郵者二十年勞苦患難飢寒之狀無弗身試穆案據之則雪舫長先生五歲詩曰重見已成翁雖未知重見何時而是年先生由京師南還雪舫逾六十矣附記於此當不甚差忒也 淮安志載文昭清河夜泊詩孤舟離緒又清明一挂蒲帆千里程去住向誰商出處飄零到我負生平雲連海氣天無色風鼓河流夜有聲襍被春寒眠不穩悽然雙淚落三更

三十年辛未五十六歲

馮山公解春集第八九兩卷爲淮南子洪保山公白



題曰洪保者何馮子讀閻子尙書古文疏證而作也  
儒者之學莫大乎正經而黜僞今文尙書爲古文淆  
亂其間莫之或正儒者之恥也閻子唱之馮子和之  
其義大安故曰洪保閻子晉產也馮子吳產也一西  
一南地之相去幾千里而作合於淮安以卒其業豈  
非天哉故亦號淮南子云

按此題詞以下論釋地  
書證之知爲此年事

又與閻百詩論釋地書景辛未客鄭公鄉與先生辨  
析諸經義別來忽忽十稔每望三洲何嘗不歎比得  
寓目大著四書釋地及續二書發朱子集注所未發



云云 劄記與劉超宗書淮南子洪保馮子山公所  
著書名與閻子尙書古文疏證辨論而作也其勢如  
傾山倒海而出卻可惜所憑據在逸周書穆天子傳  
又可惜在家語孔叢子僞本竹書紀年尤可惜則在  
魯詩世學世本毛詩古義耳真繆種流傳不可救藥  
吾末如之何也已矣又一書云洪保主人亦信古文  
非真所論難者他語耳正恐信亦不透

趙秋谷送閻復申歸山陽序趙子旣返田里山居而  
野食歲辛未之春門人閻生白其家北上將試於禮



部枉道來省之既逮試竟爲當事者所黜南還復過  
山中畱數日

劄記有故人子劉予吉以勤學而死異日始知遂有  
此作長轡未及騁車輪出戶摧旁觀猶起歎白首定

餘哀魂去同秋艸名畱祇夜臺前身覃季子碣待柳

州來

戴唐器寤硯齋集亡友劉君子吉行略君諱修字予吉少穎異好學而不得其間奧年二十始

得交顧在瞻在瞻受學於甬江陳怡庭先生論學一以蔽山南雷爲宗他人治一經而君治五經他人治一經舉業講義耳而君必求之注疏以及左氏外傳戰國策三史莊子離騷咸博取之丁卯余邀君授兒子句讀因約爲讀書窮經計君日鈔書十五葉得七千二百六十字月則得二十一萬七千有奇夜讀書



至三鼓而符於所鈔之數庚午春余師萬公澤先生見其手不停披戒之日學以涵養本原爲上次之詠詠以陶寫性情而已如此將積瘁成病已而果然病幾一載至辛未八月十一日歿年三十有六

左汾近稿有和王阮亭少司馬西城別墅十三詠後有跋曰昔張文毅公典試歸熙甫先生下第公忽忽不樂對客曰吾爲國得士三百人不自喜而以失一士爲恨至今詞場傳爲盛事顧余何人敢當公歎然不可不謂公之異於恆情也慰藉之餘出詩題十三首命余屬和曰此非餽名書又無壅而不以徹吾目者子力構之必有賞音余唯唯歸塗經秋谷夫子家



夫子十三首早成亦命余和曰吾子之遇而知己也  
新城公子不遇而知己也於是依次構成敬書冊上  
念自曾大父登第以來八十八年矣與公家三世交  
好靡少閒云云又與王阮亭先生書人負一能一技  
莫不有翹然自異之心况文章心術所寓進取之關  
而適出當代大賢之門下雖不遇猶遇也抵家團圓  
多暇與家父述之家父亦有盧公知汝汝可不恨之  
喜偶以腰痛不能祇候布謝但云客歲在洞庭書局  
東海先生撰次江西人物歐陽文忠下備引先生廬



陵永豐之辯家父以爲的未曾有東海曰此出新坡  
先生皇華紀聞子尙未見邪家父固求一讀祕惜不  
與曰一讀必刺刺不休荒吾統志功矣家父志之不  
忘奉懇及嶺海集各二部見付來人係特遣望立賜

回音

案漁洋於是年春同張文貞陳文端李文貞主  
試禮闈又今一統志刻本收歐陽文忠入吉安

府人物下不  
著漁洋之辯

又書姚崇捕蝗事後曰康熙辛未四

月余從京師抵山陽歸塗所經蝗蝻蓋野因取姚崇  
列傳唐紀開元三年四年事彙而刻之云云有寄李  
學士詩曰夢回閨闔轉淒其通籍憑君指路歧老女



同牆三月半酒人獨病百花時經塗蒿目螟蝗急返  
舍驚心鸚鵡遲更向顏山最深處致書珍重抵瓊枝  
自注時有書寄天水公

三十一年壬申五十七歲

是年健庵因漕令朱敦厚事落職書局亦撤仍奉

旨續進所纂書乃避居嘉善已又僦居郡西華山之鳳  
村

是年六月宋牧仲由江西巡撫調任江蘇巡撫 沈  
儼劄記序商邱宋公開府吳門賓禮授館相與質疑



問難無有虛日

劄記有奉投江寧巡撫宋公詩二

首領句云相門才子百僚師使節真瞻兩道宜自注

唐江南東道理蘇州江南西道理洪州公兩任恰合

案此二詩不得其年類記於此

又案商邱撫吳延吳荆山士玉爲

子弟師劄記及釋地中均有與荆山札蓋卽相見於

斯時

劄記與劉紫函書頃聞吳荆山選考卷及沈儼祿之去公室文尾載儼自記卽不佞議論荆山

駁之正之意只在遵集注耳荆山與僕交情亦佳安得及此瞻乎真令人心折氣盡

二十二年癸酉五十八歲

寤硯齋集超宗先生別傳癸酉秋七月超宗劉先生



卒太原先生以詩輓之曰老淚不能多聲聲喚奈何  
平生知己盡萬事任蹉跎第許孤魂及官曾一命過  
鄉邦志文獻終古首編摩言有盡而意無窮後山之

哭南豐不是過矣

左汾近稿亦有超宗輓詩

割記有北閨聞西溟得售詩

查初白冗寄集

起癸酉四

月盡十二月

有姜西溟至都詩二首又有洞庭秋望圖爲

同年姜西溟題古詩中有句云今年又赴京兆試失

固其常得差喜與君同榜獲聯名王後雖卑吾敢恥

鮐埼亭集崑山徐尙書罷官猶領一統志事卽家置  
局先生從之南歸時貴之構崑山者亦惡先生顧崑



山雖退居其氣力尙健惓惓爲先生  
通榜卒不倦則亦古人之遺也

解春集與楚州先生牘

案楚州先生  
謂潛邱也

濬河書發未念

切念切此事利在速行無可疑者三城之人欲開濶

河萬口一談望公力言有如望歲入冬水涸不早從

事斯無期矣惟公毅然行之亦此邦之人不敢望於

他人者耳旣已決於中不必更與人謀以見鄉先生

之大有造於桑梓且使當事別白觀之漸得要領倚

如長城臨淮之人屬耳目在此舉矣此事行數世之

福也

戴唐器超宗先生別傳暮年斷斷不置者郡邑  
兩大事一濶河水利濶河泄運河汎濫之水並



泄三城積潦之水直達射陽湖爲鹽興數邑柴米之  
要津又有小澗河當日所以設兩河者緣黃淮汎漲  
一河不能受其波決故復開支河以分其湍流後勢  
力家因小澗河水易汲引多置田園遇水緩時專引  
注小澗河澗河遂淤淺積久不能行舟而小澗河亦  
塞先生特著一議意在泄水而不專主澗河癸酉冬  
十月中丞三韓興公議開澗河太原先生隲括前議  
上之而先生已不及見矣未幾興公罷去澗河之工  
遂寢淮安志興永朝遼東人  
康熙三十一年任漕運總督

疏證

卷八

癸酉冬薄游西泠聞休寧姚際恆字立方閉

戶著書攻僞古文蕭山毛大可告余此子之廖傅也

日望子來不可不見之介以交余少余十一歲出示  
其書凡十卷亦有失有得失與梅氏郝氏同得則多



超人意見外喜而手自繕寫散各條下

武林道古錄姚際恆字立

方號首源仁和諸生少折節讀書汎濫百氏既而盡棄詞章之學專事於經年五十日向平婚嫁畢而游五嶽余婚嫁畢而注九經遂屏絕人事閱十四年而書成名曰九經通論時山陽閻若璩力辨晚出古文之偽際恆持論多不謀而合若璩撰古文尚書疏證多引其說以自堅而蕭山毛奇齡篤信古文作冤詞與若璩詰難奇齡故善際恆以際恆之同於若璩也則又數與爭論際恆守所見迄不爲下際恆又著庸言錄雜論經史理學諸子末附古文偽書考持論雖過嚴而足以破惑學者稱之秋濤案毛極攻潛邱而實極服潛邱如送潛邱序所稱是也其於立方亦然詩話云亡兄大千爲仁和廣文嘗曰仁和祇一學者猶是新安人謂姚際恆也子嘗作何氏存心堂藏書序以似兄兄曰何氏藏此有幾不過如姚立方腹篋已耳及子歸田後作大學證文偶言小學是寫字之學並非少儀幼學之謂不知朱子何據竟目爲童



學且衰然造成一書立方應聲答朱所據者白虎通也然白虎通所記正指字學誠不知朱子何故襲此二字因略舉唐宋後碑小學者數處皆歷歷不謬坐客相顧皆茫然則度越時賢遠矣予述兄語示立方立方即贈予長律二十韻云云其推服可見然則西河之於閻姚固所心折而必攻之者則其強項之習務與人爭名耳

西河與潛邱論尙書疏證書昨承示尙書

疏證此不過惑前人之說以尙書爲僞書耳

案此語殊未析

其於朱陸異同則風馬不及而忽訴金谿及姚江則

又借端作橫枝矣云云

秋濤案此當是潛邱初以疏證持示西河故云爾也時西

河尙無意立異故篇中數百言祇爭陸王學術絕不及古文真僞其送潛邱序作於是時亦無一語及古

文也又送閻徵君歸淮安序予避讎之淮安與閻君潛



邱交暨之梁宋復歸淮則稍稍有言潛邱君年損而學多著於是躬詣之與之游及予還舊鄉會開制科舉天下強才有學之士徵車四出其在淮則潛邱君首應之予得相見於京師觀其所著書夥頤哉言洋洋乎乃不見用而罷值司寇徐公承

命脩天下志書聘君掌其局多所論著既而謝去出所辨尙書二十五篇挾之游錢塘時潛邱亦垂老毛髮

種種而予則歸田有年越七十衰矣

案西河以二十五年丙寅歸里

是年年乃取所爲文讀之謂之曰吾不知於漢北海



君相去何等若唐之孔仲遠宋之深甯叟則出之遠矣全謝山毛檢討別傳西河素不持士節多仇家乃相與共發其殺人事於官當抵死亡命游淮上得交閻徵君百詩始聞考索經史之說多手記之已而入施公愚山幕始得聞講學之說西河才素高稍有所聞卽能穿穴其異同至數萬言未幾得豫詞科爲史官益自尊大無忌憚於是自言得學統於關東之浮屠所謂高笠先生者而平日請教於愚山者不復及焉其於百詩則力攻之嘗與爭不勝至奮拳欲毆



之秋濤案謝山此傳多疑其或不實近假得西河全集細覆其生平事蹟并西河自作墓志盛唐所作西河先生傳始知謝山之言不妄集中前後多自相抵牾其謂以選詩評語獲怨於王柳潭自超假他事訐訟伏人道旁篡取之將置死地鄉人率眾奪之還怨者移營卒屍橫地指爲所殺捕逮甚急乃出游江淮閒云云事似可信然敘出游歲月則率不足據或云十餘年或云二十年又往往同此一年而或自言出游或自言里居足知其非事實矣李剛主師事西河欲爲作年譜而不果殆亦有見乎此又其四十以前未見潛邱時率以賦詩填詞選制藝評傳奇爲事集中經解雖卷帙繁重實皆歸田後作自言二十餘歲時已作續詩傳遭兵燹失其稿然世亦未有見者鳥名一卷仍歸田後所成託之早歲賸稿耳白鷺洲主客說詩成於愚山署中西河經解之最早出者也中多引潛邱說時方與潛邱訂交也則謂西河考證之學得自潛邱良信又潛邱初成疏證寄西河時西河貽書祇爭書中朱陸之辨而不及古文真僞是其



時於壁經源流尙未一考迨剛主進以尙書非偽之說而冤詞作焉始末并詳其再與潛邱書中總之西河固心折於潛邱而必欲強與爭勝此其所以爲西河也又案西河詩話云琉球中山王遣使入貢於還京時福建侯官縣五縣寨巡檢胡奉至杭州爲使者買絲布什器兼覓毛初晴論釋西廂記及瀨中集詩於書林不得遂訪余云云又詞話西廂久爲人更竄余求其原本正之逐字覈實其書頗行第中尙有不能詳處如第四折內和尙們回施些云云是西河別有此等書與金聖歎爭名其亦異乎潛邱已

剖記有頌眉來云尊公文起大行典試山左志喜之

作萬里輶軒使三秋藻鏡開文從東國轉名自小山

來吐鳳曾多侶成蹊亦有媒爲傳余問訊今的鑄顏

回

淮安志劉愈字文起康熙壬戌進士工部屯田司主事清祕述聞康熙三十二年癸酉科鄉試山東



考官行人劉愈案紫函頌眉皆文起之子紫函則潛邱之女夫也剗記又有劉行人訊至答之一首卽文起也又送邱汝紹詩亦及文起汝紹名聞衣康熙己卯舉人

三十三年甲戌五十九歲

疏證

卷八

甲戌首春交王復禮艸堂於錢塘示余文廟

祀典十四議

復禮字需人號艸堂錢塘人著有家禮辨定書解證誤三子定論季漢五志等

書秋濤案艸堂與毛大可李剛主友善議論亦與二家相出入釋地三續楚狂條引艸堂說

是年七月奉

旨徐乾學著來京修書徐秉義學問亦優并著來京而健庵已先於是月十七日卒剗記有吞聲一首自



注爲東海公作無復空山哭吞聲阮步兵時從高處  
見猶似玉峯晴

鳳詔徒霑命鴻文已隔生恩深楚父老永係汝陽耕

又送徐宮允北上詩序公初聞

召有遲回之意余移書勸之曰昔宋元豐末程子謂司  
馬君實遠臣也不可辭呂晦叔世臣也不得不出  
逮南渡後朱子又遠臣也宜辭張敬夫世臣也宜出  
今先生乃世臣非遠臣以兄弟蒙

恩故且一家而兩



召一已矣一尙存忍不出乎公聞而慨然就道於其過

淮也送以詩 有殘年哭知己一首讀唐書張說傳

有懷一首

皆爲東海公作而不得其年類記於此又送申孝廉詩首句日何處是西州羊曇醉

裏游亦東海公歿後作孝廉父穉見顧譜

哭喬石林姨弟二首自注東

海公薨於七月十七日後四日石林卒

墓志徐尙書旣歿先生居於家守土大吏及南北好

事者類謬相推重而實無有爲之地者故先生卒窮

老不遇 徐果亭禹貢雖指序往予伯兄尙書奉

詔總修一統志一時博學洽聞之士盡招集邸舍其精



於地志山經水注之書者則若無錫顧景范常熟黃子鴻太原閻百詩及德清胡臚明末幾伯兄歸田不幸卽世諸君子亦雲散而不復合予被

恩復起仍奉

命卒一統志之役景范已前卒子鴻百詩閒一來亦先後淪沒予潦倒京華十餘年書今垂成亦已皤然老矣

劄記與戴唐器書陸去肆兄游孔林歸見從祀先儒缺李延平牌位深以爲訝余曰此不足訝也遂舉其



顛末告之

案顛末見疏證卷八

且互相攷訂者三日方寫書山

左學使令其行文補置主真不枉此一游然非弟助

之膽亦堅剛不來還是講學問講經濟隨地可以及

物

案清祕述聞山東提學道劉謙吉字初庵江南山陽人康熙甲辰進士三十三年任淮安府志謙吉

字六皆甲辰進士授中書出參撫遠大將軍署入補

刑部主事出爲思南府知府膺卓異升山東提學僉

事期滿乞歸構一簣園吟咏其中陸志謹字去肆山

陽人福建提學求可子居鄉有行誼捐貲置聖廟先

賢神主脩敬一亭尊經閣費累千金案書中所云山

左學使雖未表著其名然以諸書參互考之必謙吉

任中事無疑去肆東游殆卽主於謙吉也不

知確在何時故記之謙吉初擢學道之年

三十四年乙亥六十歲

閩譜卷三

云

粵雅堂叢書



南雷黃氏哀詞序略云康熙乙亥秋九月甲戌望日  
方晡叩門聲甚急啟視乃吾黎洲黃先生凶問也不  
覺失聲越明日乙亥晨興走哭於城南戴氏蓋余聞  
先生名也久而知先生愛慕我肯爲我序所著書許  
納我門牆實自戴氏兄弟會晟始夫由賜也見我故

哭諸賜氏禮也且召及門顧子諲

諲字在瞻山陽人拔貢官內邱知縣

楊子開沅

開沅字用九號禹江山陽人康熙癸未進士翰林編修著有景姚堂集

會哭

俄而二子至先生位南向余號慟曰已矣吾不獲親  
及先生之門矣奈何顧子曰昔聶雙江欲師事王文



成而未逮文成薨後始因門人錢緒山爲介執弟子  
禮子獨不可援此例乎况先師實許子二戴子在旁  
知狀余曰然遂移先生位東向余北面以四子爲相  
禮將下拜二戴子止曰禮弟子見師贄子不可以無  
贄顧子今南游且經紀先師喪吾徒各有奠附以往  
請以侑此奠者文以當贄於是拜拜而相嚮哭越十  
日甲申乃執筆灑淚爲文以告於大徵君梨翁夫子  
之靈云云

生日展期啟今下元節前一日爲余六十仰述先事



亦展一年刊布此箋以告姻友 有壽子仁二十韻  
有送沈敬存還鹽瀆詩結句曰須與丙子歲六翩養  
應長

寤硯齋集乙亥秋有潛邱先生書來苦相勸勉兼以  
月泉吟社見示詩

三十五年丙子六十一歲

疏證

卷五上

丙子夏馮山公寄余書云亡者猶表其間

况存者乎亡存俱指位言非身也請證以晉語叔向  
賀韓宣子貧宣子拜曰起也將亡賴子存之亡上文



樂懷子亡於楚之亡注亡奔也是解最善喜而亟錄之

釋地餘論辨吳越廣陵曲江云大抵讀古者須考作之時日談地者須考代有沿革方克決其所由然余實因讀班氏自注發寤於中以告吾友黃俞邵俞邵從與宜立艸一說以曉學者忽忽十有三年病嬾未就茲又因竹垞文類與越閩書辨僅得其半故特爲補之并爲正之云爾

案潛邱初晤俞邵在甲午年則後十有三年當爲丙子也竹垞

文類刻於壬戌計潛邱已早見之至是始下辨耳越閩卽江閩



剗記讀唐器鴛湖憶曲蓋興起於義山歸來已不見  
錦瑟長於人句也調之錦瑟爲身可抱眠夜深何用  
怨相捐鴛湖波路春來闊已上忘歸范蠡船自注鴛

鴛湖側有范蠡湖

案寤硯齋集鴛湖憶曲作於丙子夏日

行述自六十以後時訪友數百里內往來蘇杭輕舟  
載書冊酒茗徜徉湖山煙水閒衣冠灑落見者以爲  
霞外人竹垞及毛檢討兩先生則時時過從商確學  
問事蓋最多云云

三十六年丁丑六十二歲



有將過江展司寇徐公墓先寄一首案健庵以乙亥  
十一月葬詩領句云素車曾未至宿草益興哀以宿  
草之義推之知當在此年 又鄰笛一首今日山陽  
路潛移到玉峯一聲鄰笛發萬淚滴芙蓉絲繡勝金  
鑄龍塋媿馬封誰云老賓客失意欲他從則展墓後  
作也 又贈洞聞詩曰買絲曾繡合肥像沽酒惟澆司寇墳誰知客散秋風裏畱得空門一洞聞不得  
其年附記於此 有二月十六日渡江作一首後二句云昨  
宵有夢蓬瀛上已占春風第一名爲長君詠應禮部  
試發也



六月爲武進臧玉林作經義雜記序略曰毘陵臧玉  
林先生隱居君子也深明兩漢之學旣通聲音詁訓  
又雅擅二劉揚子雲之長撰經義雜記皆有關經學  
大事餘則推性善戒惰逸辨譌謬補遺脫一字一句  
靡不精確洵可爲首出之士矣

常州府志臧琳字玉  
林武進人康熙間補

縣學生謂不通訓詁無以明經治經以漢注唐疏爲  
主著經義雜記三十卷尙書集解一百二十卷穆案  
玉林元孫庸字在東學於盧抱經學士嘉慶間學者  
也道光丙午夏門人趙祿保書來云玉林先生尙書  
集解更經在東補綴手錄定本高二尺許約二百萬  
言今尙存其家惜無能刻之者其七世孫熙今設帳  
祿係家擬借其書錄之穆復書趣鈔數卷來未知其  
能慰我寤思否也九月二十六日

越年春祿保以



公車至京錄其自序見示序曰琳不揣固陋手自撰輯上探伏孔馬遷之奧中採許馬鄭王之詣下逮唐宋元明之說莫不條分縷析依經附注擷其精英棄其瑕疵間下己意亦不數見蓋以前人之義已備故一己之說不贅惟文字異同之間有係聖經匪淺而自唐儒陸孔以來多所依違鮮能折衷琳少學詁訓頗解於斯凡有可據隨爲條證欲少求益於前人所得之外非忘其大者遠者而議其小者近者也據穎達正義之本倣何晏論語之注別以姓名題爲集解三易其藁廿年而成爲卷凡一百有二十附以序目釋文四卷若夫刪繁訂失是深有望於後之君子焉康熙四十四年太歲乙酉仲冬月武進臧琳謹序

復申困學紀聞箋後序歲丁丑大人閒游江陰從一故家得斷爛鈔本以歸較多二十餘條其詞簡而義精非尙書萬萬不能爲也



割記有與趙秋谷宮贊書云王申夏遇馮三兄於玉

峯

馮名行賢字補之一名景賢又稱馮咎號圃芝常熟人馮班定遠之子也割記題堯峯文鈔有與圃

芝

戲論鈍翁詩句事在戊午己未閒以語傷譴虐故

不采

查初白勸酬集崑山一名玉峯周圍二里許

似案石而成者

首問訊先生起居知文酒自適不復以世務

縈懷竊以天之成就我公之高者至矣他何足云兒

子此番又得而復失有辜恩門聞開中書一例姑聽

其就試亦不知終局何如也頃至白下有傳誦天上

白雲如逝水艸閒黃蝶似秋花之句豈不使新城失

色侍郎卻步邪

是年有贈曹子清侍郎四律

首章第四



句云世職少司空結句云我游當首夏正颺棟花風  
二章首二句曰亭名志孝思最賞杜陵詩自注謂父  
執杜于皇二丈三章首二句曰又得泥金信風流第  
一人自注謂阿咸狀元第六句云延年但遜身自注  
漢杜延年爲御史大夫以父曾居此官不敢當舊位  
坐臥皆易其處案子清名寅號荔軒漢軍籍世傳棟  
亭十二種卽子清所刻也父名璽字完璧康熙十七  
年以工部侍郎典江寧織造越三十餘年而子清繼  
之故有世職少司空之句子清初典蘇州織造於庚  
午四月蒞任至壬申十一月移鎮江寧詳尤展成司  
農曹公虎邱生祠記此四詩知必在江寧者以次章  
第六句自注推知之也又展成曹太夫人壽序曰當  
司空在金陵嘗築棟亭今農部於姑蘇作懷棟堂以  
志慕若投詩在蘇州不當有亭名志孝思之句矣而  
潛邱與趙秋谷書有頃至白下之語以復申考授中  
書之年推之知當在丁丑則此詩亦當屬丁丑作來  
游在四月故復申中書之試尙不知終局何如而三  
章已有阿咸狀元之賀也阿咸當謂子清弟子猷之



稱曰子猷奉使至衡潛邸亦與相見也曹子猷詩繹其語意當是子猷奉使至衡潛邸亦與相見也曹子猷詩繹其語意當  
漢軍狀元不知是何科目要以四月泥金之信知必  
在此年會試後耳竹垞有棟亭記展成有棟亭賦西  
河有棟亭詩據次章潛邸自注則茶邨亦當有詩而  
今變雅堂本軼之矣荔軒少學詩於施愚山愚山歿  
爲刻其詩文集事見施璲隨邨集四君吟又余澹  
心懷亦潛邸父執也荔軒在蘇州時屢偕淡心過展  
成揖青亭水哉軒小飲展成皆有詩剗記與戴唐器  
書明日有人招弟肩輿三十里往看柳浦灣梅花因  
思老愛青春貧愛酒尋花只當作生涯父執余澹心  
佳句今人能到乎陳壽祺閩文苑傳余懷字澹心一  
字無懷號曼翁又號曼持老人莆田人居江寧懷生  
明季才情綺麗詞多悽婉晚隱居吳門徜徉支硎靈  
巖間年八十餘歿長洲尤侗輓之云贏得人呼魚肚  
白夜臺同看黨人碑魚肚白者金陵市語染名  
也懷與杜濬白夢鼎齊名故云有味外軒稿

寤硯齋集康熙丁丑春夏之交太原徵君閻百詩先



生兩至吳門獲觀汪氏武曹所藏太僕手批史記皆  
忽忽不及終卷僅錄其例意五十三條爲向來諸集  
所未收者以歸示同學二三子詩集有讀觀海集呈  
太原先生五言古詩

行述三十四年壽六十府君以先祖考六十時祖妣  
服未除不稱觴故亦展一年適不孝詠授內閣中書  
舍人自都門抵里捧同年姜編修西溟壽序偕諸弟  
子姪拜堂下府君曰汝等知吾今日之樂乎皆頓首  
曰大人周甲之年康彊充腴大慶無窮府君曰非也



吾讀書五十餘年喜今日纔得一貫字耳

案生日展期當爲三

十五年而此有姜編修西溟之稱西溟以丁丑成進士殿試一甲三名授職編修則爲三十六年又以與趙秋谷書得而復失及開中書例云云皆以屬之丁丑爲合然則行述適字亦大略言之不定指乙亥之後一年也惟復申時未成進士西溟又以癸酉始舉京兆何以有同年之稱當緣西溟成進士之歲復申亦考授中書故耳然則歸里稱觴之樂當屬之三十六年更無疑也

山陽詩徵載劉紫函酬閻復申詩云惟我不如意許

君相對吟君今越千里好夢何由尋紅藥翻階色碧

梧畱院陰欣傳看小鳳未集玉山岑自注將就中書

之試



三十七年戊寅六十三歲

是年孺人張氏卒

行述三十七年先妣卒盡傷至

今 劄記有題窈窕居四首

第三首自注詠將爲其母乞銘長安

又

有讀元微之遣悲懷詩題後二首

夏刻困學紀聞箋復申序云詠端憂多暇請鳩工授

梓大人復自矻矻者彌月乃手之而喜曰續古人之

慧命啟來學之博聞其在斯乎云云戊寅六月望日

墓志執信早識先生都下後過淮屢主先生家引與

談議許爲忘年交

案秋谷鼓枹集有寄朱竹垞檢討村居一首竹垞和詩編在此年戊



寅而鼓柅集末歸次淮安呈閻百詩題下自  
注云去秋下榻其家必系此年事無疑也

有答吳亦韓一絕老愛青春任杖藜卻嫌委巷入深

泥君家雪色壁如舊醉罷還聞滿壁題趙秋谷評曰

黃山谷見東坡和陶飲酒詩讀至前山正可數後騎

且勿驅曰此老未死今日讀閻徵君此絕句曰百詩

不衰案此詩不得其年以秋谷評語推之或即在過

縣教諭剗記剗記鄉人之子條引亦韓語又有過亦韓

詩曰隔溪定過板橋西相似柴門只覺迷不是君家  
人識得誰能曳杖入深泥  
與此絕句語意互相發

剗記題潘孟升詩集錢氏有學集有秋日曝書得鶴



江生詩卷題贈四十四韻注云生名高金壇人初不

知何姓字已而知爲潘孟升戊寅殘臘過毘陵徐學

人家學人曰吾舅氏也南邨詩集雖刊未印余勸其

廣爲流通越明年春卯已回舟得二部行至界首爲波

臣所攫取復索又得二部以一歸寤硯齋茶餘客話

硯齋在西長街一卽此本學人名永宣行四是秋登賢書世

其先中丞之家殊可喜云學人康熙庚辰進士有茶

茶坪成進士策名已及而意不欲出口吾讀書更十

年而後仕未晚割記又有新先輩錢四亮功徐四

學人見過詩首句云雪中來二妙結句云忽爾搖鞭

去看花醉帝鄉蓋學人公車入都過淮上偕



亮功來謁也查初白壬午年有旅壁見錢亮功徐學人倡和詩戲次其韻之作亦徐錢會試同行之證不得其年附記於此亮功名名世武進人康熙癸未進士

有戊寅冬游宏濟寺

題宋荔裳先生詩後一首宏濟寺僧言杜二丈于皇

淺土未葬感賦一首

案于皇有宏濟寺尋蒲庵詩首句云幾度維揚訪老僧疑潛邱

所謂宏濟寺僧卽蒲庵也

方苞茶坪墓表先生在

金陵與先君子善客維揚則主蔣前民丁卯春攜襆

被叩門語先君子曰吾老矣將一視前民歸而窟室

蔣山之陽死卽葬焉是日渡江數月竟死維揚喪歸

寄長干僧舍一二故人謀卜兆子世濟曰吾有親而

以葬事辱二三君子是謂我非人也無何世濟又卒

又數年長沙陳公滄洲來守金陵謂先生其鄉人之

能立名義者爲買小邱蔣山北海花村葬以康熙丙

戌年二月十六日

有贈王慈峩一首

慈峨名易江都貢生著有

案前民名易



懷孟堂集秋谷有慈峩墓志

秋濤案慈峩曾脩揚

州府志劄記有一條云江西之名有三今揚州亦名

江西他日以語王慈峩入其府志中又一條

云客有遺余以揚州府志者當卽慈峩也

有荔

軒司農屬過蘇州訪織造李君賦贈一首

案詩首二句曰片帆

乍到石城頭又見閭門瓦欲流則在荔軒移駐江寧  
之後潛邱自壬申後惟此年冬有泊舟胥門訪顧俠  
君之事意卽由金陵而來故  
贈詩中有探梅詠雪之句也

九月宋牧仲爲作四書釋地序

序會以公事將于役海壖蓬窗小暇乃弁

數語卷端還之戊寅九月旣望

案釋地初刻無年

月據西河書當刻於丙子商邱此序乃補作也

秋

濤案竹垞與潛邱書論茅闕門事謂承寄四  
書釋地當在釋地初刻之年毛大可亦有詩

顧嗣

立孟子生卒年月考序百詩徵君戊寅冬泊舟胥門



訪余秀野艸堂出一編相示云云

序作於己卯四月  
嗣立字俠君康

熙王辰進士官庶吉士江南通志稱所居秀野艸堂  
四方名士觴詠無虛日風流文采照映一時汪沆  
槐塘詩話顧俠君嗣立入都寓宣武門三忠祠內小  
屋數椽繞屋花木扶疏可愛因屬查查浦嗣琛顏之  
曰小秀野自題二絕句一時名流和者甚眾云云案  
三忠祠明崇禎中奉勅建以祀遼東殉難之張銓高  
邦佐何廷魁三公皆山西人也吾鄉之官京師者實  
典守之穆嘗舉俠君此事屬壽陽尚書補題小秀野  
三字懸之祠偏老屋以備鄉邦掌故云又案疏證  
卷六下吳松江余嘗相其地形云云卷八聞歸熙甫  
有疑古文稿藏於家余三至其家購訪之卒不出  
記宋中丞壽序崑山有南禪寺爲周文襄所棲止余  
屢經過之僧言文襄當年屏騶從白櫺蒼頭就廚下  
爨每南面坐旁立者一吏一卒是以兒童白叟及婦  
女皆得至前刺刺作吳語故利病  
纖悉畢達云云皆此數年中事也



三十八年己卯六十四歲

聖祖三巡江浙奉

慈聖以行諭云朕體念東南民生風俗特行巡省兼以  
黃淮爲患親閱河工比循歷堤堰詳加相度以疏導  
修築之法指授河臣刻期興作 劄記有恭呈

御覽詩八首

案詩有二云生日唐名節者三月十八日恭  
逢萬壽聖節駐蹕蘇州合郡士庶

進頌壽詩上萬年之觴也云體仁閣下試荏苒廿年  
餘者自己未召試鴻博至此凡二十一年也

云堯水仍堯治無煩伯禹功但勤閱視外盡入睿謀  
中者卽聖諭所謂以疏導修築之法指授河

臣刻期興作也以奉慈聖同行故第四首云  
九龍浴聖日二氣合神時又云常作丹墀舞聞韶共



鳳儀也第八首云可知巡守典原具翁河章明此行爲親閱河工而來與首章河平漢紀年相應爲章法也

山陽詩徵康熙三十八年

皇上南巡視河二月旣望

駕幸淮安府城道經山陽縣儒學櫺星門

聖躬拱立逮過乃坐縣人邱聞衣有詩紀之

疏證卷八  
山陽縣學

新成籩豆放失如式更製余謂  
當循元制籩豆各以十二云云

是年有題壁詩曰枯木寒巖不見花非僧非俗道人

家行年六十又加四尙想桑榆變彩霞 又己卯年



謝張寶應詩云假公畫舫二千里臘底春初足五旬  
載得高人并名藥入門一笑未爲貧

張山來友聲新集載潛邱尺牘曰歸舟竭五日之力  
始得盡讀所賜佳刻種種歎爲望洋而於尊公老先  
生雲谷臥餘尤覺心折真說部書中第一書惟王伯  
厚困學紀聞可相伯仲非程大昌演繁露比也來拙  
著毛朱詩說十數葉與臥餘詩非孔門舊本之說不

謀而合幸亟梓入乙集中

案詩說爲昭代叢書乙集之第一種山來自序云是

編經始於戊寅之冬告成於庚辰之夏以潛邱行蹤推之此札當寄於己卯春閒由吳門反棹之後歸塗



經揚州山來以新刻相贈故有歸舟云云也山來名潮歙縣人流寓揚州又案詩說各條本疏證之第以八十篇因書序而類及於詩序非別有一書也茲以徇山來之請抽出之耳亦可謂畫蛇添足矣

釋地吾友胡朏明北上過吾家陶陶者三永夕禹

貢錐指路例己卯余復入

帝城謁大司馬吉水李公

秋濤案東樵與潛邱始晤即在京邸後復同寓洞庭均無

潛邱家居東樵北上之事證以略例云云必己卯年事無疑也穆案李公名振裕字維饒康熙庚戌進

士官至戶部尙書漢學師承記渭康熙己卯因再從

姪會恩官京師乃復游日下禮部尙書李振裕侍講

學士查昇皆以爲當代儒宗未幾以老病歸昇供奉

內廷暇日以禹貢錐指進呈上覽而嘉之

問年籍對曰浙江人六十餘歲禮部侍郎胡會恩之叔也案會恩字孟綸康熙丙辰進士官至刑部侍郎



秋谷鼓柅集有歸次淮安值端午觀龍舟呈閻百詩  
詩五千里外轉萍蹤重倚通明滿院松人向日南懷  
霰雪路移天北駭魚龍詩囊略遣裝增重歸興偏教  
酒讓濃簫鼓聲中渡河去相思獨上岱東峯

李恕谷年譜己卯

當在夏間

至淮安訪問百詩論學又庚

辰寄毛河右書曰自客歲拜別函丈過淮上晤閻潛  
邱因論及古文尙書塏曰毛先生有新著潛邱大驚  
索閱示之潛邱且閱且顧其子曰此書乃專難我邪  
塏曰求先生終定之潛邱強笑曰我自言我是耳己



而再面析他書甚夥毫不及尙書事想已屈服矣

剗記題古文尙書冤詞孔穿曰謂臧三耳甚難而實  
非謂兩耳甚易而實是人將從難而非者乎抑將從  
易而是者乎余則反其詞曰僞古文尙書甚難而實  
是不僞古文尙書甚易而實非人將從易而非者乎  
抑將從難而是者乎此余所以不復與毛氏辯而但  
付之閤默爾又曰何休好公羊學著公羊墨守左氏  
膏肓穀梁廢疾康成乃發墨守鍼膏肓起廢疾休見  
而歎曰康成入吾室操吾戈以伐我乎余謂此自是



學海遠遜經神故云爾若在今日豈其然

案全謝山謂西河得

交閭微君始聞考索經史之說即潛邱引何劭公語亦可微會

毛西河寄潛邱古

文尙書冤詞書

案此書當即附李塉寄至所謂毛先生新著是也

略曰接讀

四書釋地一編又經三年淮上去此不遠而郵寄甚

艱近蠡吾李塉胸有疑義越三千里來證所學乃以

寓居桐鄉之故與桐之錢氏作古文尙書真偽之辨

列主客來問某向亦不慚偽古文一說宋人誕妄最

叵信及惠教所著古文尙書疏證後始怏怏謂此事

經讀書人道過或不應謬遂置不復理今就兩家重



爲考訂知古文尙書自漢武時出孔壁後凡內府藏  
弄與民間授受相繼不絕且厯新都篡弑永嘉變亂  
亦並無有遺失散亡之事而梅賾在晉所上者又但  
是孔傳并非古文經文其在隋書經籍志開載甚明  
外此則又無他書可爲藉口則其底裏瞭然何得有  
假因就彼所辨而斷以平日所考證作古文尙書定  
論四卷其中微及潛邱并倣鄉姚立方所著攻古文  
者兼相質難以爲學無兩可苟或所見不謬卽當力  
持其說雖自揣生平所學百不如潛邱且相於數十



年誠不忍以言論抵牾啟參差之端祇謂聖經是非所繫極大非可以人情嫌畏謬爲遜讓况潛邱之學萬萬勝余亦不敢謂能勝六經有學識人定無我見一聞真是便當自舍其所非然研經好學如立方者亦復墨守不下曰各行所知則生薑真樹生矣因削去定論名色改名冤詞且增四卷爲八卷再加考訂不曰釋冤而曰冤詞以不敢釋也吾第列其冤而世釋之釋不在我也世不肖釋冤而必欲冤之冤亦不在我也如此則可以告無罪矣竊謂潛邱所學何處



不見原不藉毀經以爲能事且胸藏該博必有論辨  
所未及考據所未備以廣我庠臨寃詞無定潛邱定  
之何如何如 四庫書提要古文尙書寃詞八卷毛  
奇齡撰奇齡淹貫羣書而好爲駁辨以求勝凡他人  
所已言者必力反其詞古文尙書自吳棫朱子以來  
皆疑其僞及閻若璩作古文尙書疏證奇齡又力辨  
以爲真知孔安國傳中有安國以後地名必不可掩  
於是別遁其詞摭隋書經籍志之文以爲梅賾所上  
者乃孔傳而非古文尙書其古文尙書本傳習人間



而賈馬諸儒未之見考隋書經籍志云晉世祕府存  
有古文尙書經文今無有傳者及永嘉之亂歐陽大  
小夏侯尙書並亡至東晉豫章內史梅賾始得安國  
之傳奏之其敘述偶未分明故爲奇齡所假借然隋  
志作於尙書正義之後其時古文方盛行而云無有  
傳者知東晉古文非指今本且先云古文不傳而後  
云始得安國之傳知今本古文與安國傳俱出非卽  
東晉之古文奇齡安得離析其文以就已說乎至若  
璩所引馬融書序云逸十六篇絕無師說又引鄭元



所注十六篇之名爲舜典汨作九共大禹謨益稷五  
子之歌允征湯誥咸有一德典寶伊訓肆命原命武  
成旅獒罔命明與古文二十五篇截然不同奇齡不  
以今本不合馬鄭爲僞作古文之徵反以馬鄭不合  
今本爲未見古文之徵亦頗巧於顛倒然考僞孔傳  
序未及獻者乃其傳若其經則史云安國獻之故藝  
文志著錄賈逵嘗校理祕書不應不見又司馬遷爲  
安國弟子劉歆嘗校七略班固亦爲蘭臺令史與校  
藝文而遷史記儒林傳云孔氏有古文尙書安國以



今文讀之逸書得多十餘篇歆移太常博士書稱魯  
恭王壞孔子宅得古文於壞壁之中逸書十六篇班  
固漢書藝文志亦稱以考二十九篇得多十六篇則  
孔壁古文有十六篇無二十五篇鑿鑿顯證安得以  
晉人所上之古文合之孔壁歟且奇齡所藉口者不  
過以隋志稱馬鄭所注二十九篇乃杜林西州古文  
非孔壁古文不知杜林所傳實孔氏之本故馬鄭等  
去其無師說者十六篇正得二十九篇經典釋文所  
引尙得覆驗徒以脩隋志時梅賾之書已行故志據



後出僞本謂其不盡孔氏之書奇齡舍史記漢書不據而據唐人之誤說豈長孫無忌等所見反確於司馬遷班固劉歆乎至杜預韋昭所引逸書今見於古文者萬萬無可置辯則附會史記漢書之文謂不立學官者卽謂逸書不知預注左傳皆云文見尙書某篇而逸書則皆無篇名使預果見古文何不云逸書某某篇邪且趙岐注孟子郭璞注爾雅亦多稱尙書逸篇其中見於古文者不得以不立學官假借矣至孟子欲常常而見之故源源而來不及貢以政接於



有庫岐注曰此常常以下皆尙書逸篇之詞爾雅釗明也璞注曰逸書釗我周王核之古文絕無此語亦將以不立學官故謂之逸邪又岐注九男二女稱逸書有舜典之書亡失其文孟子諸所言舜事皆堯典及逸書所載使逸書果指古文則古文有舜典何以岐稱亡失其文邪此尤舞文愈工而罅漏彌甚者矣證驗多端非一手所能終掩近惠棟王懋竑等續加考證其說益明本不足再煩較論惟奇齡才辨足以移人又以衛經爲詞託名甚正使置而不錄恐人反



疑其說之有憑故撮論其大旨俾知其說不過如此  
庶將來可以互考焉

割記今年中秋後三日大中丞宋公以賑荒舟過淮

案牧仲爲喬無功孝廉跋黃石齋手札墨蹟康熙己  
卯秋予承 旨賑飢淮揚宿留寶應 國史宋

率傳康熙三十八年七月疏報蘇松所屬沿海地因  
六月朔遇颶風驟雨潮水泛濫田舍被淹又疏報江  
寧府屬之六合上元句容松江府屬之上海鎮江府  
屬之丹徒七月內山水陡發秋禾俱淹請照例蠲免  
并動支貯穀賑恤飢民又疏報淮揚徐三屬二十州  
縣及三衛濱河之地值秋雨連綿黃淮交漲田地皆  
沈水底其被災十分田畝額賦請破格全蠲并移江  
寧倉米十萬石鎮江截留漕米九萬五千餘石鳳陽  
倉麥六萬六千餘石散賑並得 旨允行 案  
先生作宋中丞壽序有云請蠲請賑疏數十上不帶



官爵身家與民延旦夕命甚至移節維揚窮鄉沮洳  
扁舟往返若人人有巡撫之臨其室摩其頂者皆是  
年賑荒之實跡也 余以病未謁公手唐百家詩選全本授謁

者曰子爲我致百詩作一序以賀余之遭彼序固有  
言珍此以俟俟焉果得矣命竟未達豈委之於草莽  
乎抑謂我老耄而舍我也

有示兒詠并孫學翼學林四絕句第一首云報道明  
年租盡捐

聖恩如海復如天亦當系此年作

有讀陳書讀金石錄五言律詩二首後有自注曰余



老矣不復能彊記仰思古人得二人焉各繫以詩

寤硯齋詩己卯年有記徵君先生麗華易安二首後

七絕二首

題老蘇集楊用九自吳門歸以余好收書於時下刻  
本尤易致也購以餽予其籤題不曰老蘇全集而曰  
蘇老泉先生集是父冒子號矣蓋蘇氏先塋有老人  
泉子瞻取以自號不知何年譌以稱老蘇一辨於葉  
石林再辨於焦弱侯以家藏子瞻墨蹟有東坡居士  
老泉山人圖書證尤妙此尙不曉何以刊爲 題變



雅堂集變雅堂集刻原未全故此止二本無卷數等  
思安得有青蚨十五千遠寄其家三郎武功屬繕寫  
詩第一次及雜文并制舉義亦不遺作一副本以流  
通天壤閒忽忽已十餘年美志不遂良可痛惜閱此  
正值其塤葉藩桐初至以雨阻未晤

桐初于皇女夫也

康熙

己卯十月八日也潛邱老人題年六十有四

除夕題潘孟升詩集

行述困學紀聞二十卷因浚儀之舊而駁正箋釋推  
廣之年六十四書成案紀聞書首摹深甯手書題



詞有復申跋曰右三十八字乃尙書親筆常熟毛黻  
季辰以視徵君且曰盍摹勒諸卷首徵君欣然如其  
請蓋徵君曾兩遣人至鄞縣訪其裔孫求行狀墓銘  
神道碑以補宋史列傳之略不可得又欲續其遺像  
亦不可得今存其手蹟猶前志也閩詠臨并記謝山宋王  
尙書畫像記同學葛君巽亭爲余言榆莢邨王氏有  
先生像亟喜往請而觀之須眉惆悵端居不樂其當  
杜門謝客之際乎惜  
不令白詩見之也

閩譜卷三

譚瑩玉生覆校



閻潛邱先生年譜卷四

郡後學平定張穆編

三十九年庚辰六十五歲

題老蘇集越明年庚辰首春戴唐器書來憶東坡得  
鍾山泉公書寄詩爲謝云寶公骨冷喚不聞卻有老  
泉來喚人果老蘇號老泉坡敢於僧泉公者稱曰老  
泉乎真解頤新語惜不令焦文端聞之也

困學紀聞箋王子夏讀唐司業李元瓘上言明經所  
習務在出身咸以禮記文少人皆競讀禮記在唐試



士爲大經何以文反少曾徧問之人不得質諸書末  
由畜疑義者三十九載今八月朔晨起讀唐書選舉  
志云禮記春秋左氏傳爲大經詩周禮儀禮爲中經  
易尚書春秋公羊傳穀梁傳爲小經通二經者大經  
小經各一若中經二通三經者大經中經小經各一  
通五經者大經皆通餘經各一不覺洞然曰唐制通  
五經固讀大經卽凡通二經三經亦必讀一大經禮  
記大經僅九萬餘字左氏傳一十九萬餘字誰肯舍  
九萬餘字之經而誦習十九萬餘字者乎參以同時



楊瑒奏今之明經習左氏者十無二三正合所謂禮記文少者特較少於左氏傳耳爲之快絕

割記有兩宿寤硯齋五言律詩二首 寤硯齋集庚

辰年有潛邱先生見過畱宿寤硯齋詩潛邱詩次章首二句曰四十

十強而仕如君不仕奇案唐器題劉蒿蕃小照曰甲寅歲余年十六則是年年四十有二也

有重五日陪閣學張公泛舟蕭家湖因易名曰學士

湖卽同用李白句作起古詩 寤硯齋集庚辰年有

和學士湖詩亦用太白句作起割記又有題張閣學樸園圖卷稱曰淦陽

公案清祕述聞江南學院張榕端字子大河南磁州人康熙丙辰進士三十六年以禮部侍郎任淮山肆



雅作內閣學士與劄記合蕭家湖淮安志不載穆詢之韋竹坪機部云在淮郡城外西北約里許又韓文懿有懷堂集有樸園詩八首序曰淦陽先生示余樸園圖且自爲記蓋經始自乃祖司馬公以來所謂基之鑿之而先生乃架之位置曲折俱絕俗乃酷盡樸之趣云云案此卽潛邱所題樸園圖卷也

有贈張石虹太史五首

石虹名希良黃安人康熙乙丑進士末章云他

年撰年譜記取在庚辰又雨中簡石虹太史五首末

章云且喫此閒飯細和河復詩自注東坡聞黃河復

故流亦在庚辰歲河復詩則熙甯十年徐州作也

清案

祕述聞石虹屢持文枋康熙三十六年以鴻臚寺少卿任浙江學政至四十二年文志鯨始接任然則此十詩皆先生客杭州時所作故有越病感於今之句又云蒲觴邀共泛又云五月倏如秋推知客杭在此



年之夏也五贈起二句云地老天荒日虞翻得一人  
雨中重簡結句云自言讀疏證三復不能休其結契  
之篤如此可謂生  
平第一知己矣

寤硯齋集庚辰年又有閤大復申召同毛十姬璜飲

依綠園觀荷用蘇子美韻

姬璜名遠宗西河嗣子也康熙庚午舉人

八月門人邱回爲刻釋地續

宋牧仲序云刻是編者故人子邱回邇求年少

好學從百詩游講求經義庚辰秋八月

詞科掌錄

山陽邱回邇求侍講曙戒先生之子署江蘇巡撫滿

洲顧公所薦年近七十試卷塗抹過多爲考官所糾

置劣等歸以詩自娛有才子曰謹曰柱柱已未庶常

刻其詠物詩數十篇

剗記題邱珠巖吟卷詩其二

起句曰從兄年長七腹笥富便便自注謂邇求又其

一下注新更名曰兆元請余字之字曰

期一案淮安志文苑傳珠巖名起兆



四十年辛巳六十六歲

割記跋春郊送別圖商志先生示我以春郊送別圖

卷不獨新城司寇詩爲擅場

案漁洋以三十七年升刑部尙書

抑且

可謂人人握靈蛇之珠抱荆山之玉矣豈選而後作  
或文生於情自遠勝一切酬應塗雅者邪爲喜而弁  
數語於首太原潛邱弟閣某距癸酉二月己九易春  
秋矣

有祝王撫齋淮揚副使四首

淮安志分巡淮揚海道王謙康熙三十九年任

案謙永平人丁未進士第一章結云見說生申是陽  
月梅花待雪綻階除自注大雪前一日第四章領句



云鳳紀龍飛四十載  
河平應許在斯年

有贈趙漁王兼簡范用賓二

首題趙漁王暫游萬里州一首送趙漁王還錢塘二

首晨起送漁王不及一首

漁王各未詳杭州府志引武林耆舊續集趙樾字博

也號蘿邨諸暨布衣有蘿邨集集中云余少孤無所倚棲來杭貧乏自守蓋三十餘年矣案潛邱贈詩有云淚漬和丸重心懸著線溫終期邀佛日長護北堂萱與蘿邨少孤之惜合漁王或卽樾之別字也送漁王還錢塘詩結句見說春風動王程一月天自注將陪查太史北上此查太史蓋謂查浦非初白及荊州聲山也知者初白於壬午十月由其子克建束鹿署中應召入京次年乃成進士授館秩越一年而潛邱卒矣荊州與聲山戊辰同榜而荊州館選後供職京師未嘗南歸攷敬業堂集可見聲山據其外孫沈廷芳所作行狀成進士選庶吉士念二親春秋高請假歸養旋丁外內憂服除除編脩是當有由籍



北上之事然初白酒人集題詞云甲戌偪臘抵都偕家聲山傲居宣武門外云云則與潛邱春風王程之語不合惟查浦以庚辰館選假歸初白偷存集辛巳春有哭德尹子阿願詩云爺歸端爲汝求師自注德尹今春請假將挈家北上而繙經集辛巳十二月十六日雪同德尹作歲杪又有示德尹詩時尚在錢塘也次年壬午春夏遂無與德尹唱酬之作而初白亦由錢唐赴東鹿署復由東鹿至京卷末有重陽日一畝園同德尹登高詩起句云一笑相從亦偶然勞生誰料再游燕据知查浦已於春閒北上矣潛邱贈送漁玉諸作不必一時以陪查浦北上是壬午年事送還錢唐當在辛巳之冬故類聚之魏昭士有趙漁玉詩片云漁玉詩云大哉南雷學問業爭至止余亦私淑之竊聞其大指趙子錢唐彥一葦渡甚邇先我列門牆親炙數載矣云云是漁玉亦梨洲再傳弟子也初白勸酬集有和趙漁玉范用賓落葉詩五首辛未立冬後事也查浦名嗣璫字德尹荊州名嗣韓聲山名昇



是年孫學翼歲入淮安學淮安肄雅錄張宗師泰交

山西人王成進  
士太僕寺少卿

首題有眾逐虎次題一不言朝廷利

害邊報差除論

四十一年壬午六十七歲

是年先生游杭州西河集寄堂客問康熙四十一年

客集於杭州寄堂時宛平金素公淮安閻潛邱仁和

沈昭嗣新安倪魯玉俱在坐

素公名德純昭代叢書  
素公旗軍志署款稱遼

左疏證卷六上引素公語据恕谷年譜則庚辰辛巳  
間素公尚在京師也昭嗣名佳篤志伊洛之學所居  
名學士園康熙戊辰進士安化縣知縣魯玉名  
璠嘗注庾子山集康熙乙酉舉人官內閣中書客有



舉顧甯人曰知錄爲言者潛邱謂錄中說中庸期之喪達乎大夫義最明因以爲問次日又集寄堂踰日又集錢湖丹井山房時蘇州顧俠君嘉興曹希文仁和馮文子皆在座

寤硯齋集潛邱先生自武林歸問余楚州風俗與三吳兩浙有不同者凡幾余曰南北異宜奢儉異尙是焉得盡同惟淮俗之不可解者有二一拜壽有十齡卽開筵演劇降伯氏舅氏之尊而偃僂罄折其庭者一守七四十九日內每日治酒張樂待客守七呼盧



謾笑彼此爭尚往往破家先生爲吾黨山斗一言九鼎當有以喚羣蒙挽頽波不宜默默已也先生曰然盍卽子之言序次之以告吾之常往來者知有所守

也

案潛邸屢客杭州此自武林歸不知定在何年

十一月有賦謝王淮揚觀察十韻

詩云仲冬日建寅忽傳歌鹿鳴老賸

臥牀蓐亦往聽韶韻濟濟何所爲餞送入上京案撫齋以三十九年蒞淮揚任至此年壬午始值鄉試故知餞送舉子入京之舉必在此年又云恭惟王夫子兩主斯文衡者爲齋於康熙二十九年庚午以戶部員外郎副張石虹典試浙江三十一年授江西提學道也又詩云余時獨惆悵兒輩久啟行者復申於庚辰歲服闋後早已補官北上也



四十二年癸未六十八歲

割記宋中丞榮七十壽序有云公涖任至今十有一

年又云茲當七十初度特偕邱子回渡江往祝因撰

此序以進

漫堂年譜康熙四十二年癸未余七十歲

是年胡臚明詣

行在獻平成頌及所著禹貢錐指

御書耆年篤學四大字賜之

案潛

邱垂老諄諄以求御書爲言蓋有感于

臚明

之事

李恕谷年譜癸未毛河右有書來曰今臚明又在吳



門刻禹貢仍與閭百詩合夥大暢發古文尙書之謬  
以禾中朱錫鬯家多書欲就其家搜朱文公趙孟頫  
吳艸廬輩至明末本朝攻古文者合刻一集以與我  
冤詞相抵其後臄明不與事而百詩約錫鬯攜明萬  
厯丁丑會試第三場焦竑廢古文策來幸余先期知  
其事赴其寓同觀焦竑襲吳澄誤說而又誤者余因  
於眾中大擲掄之百詩狼倉散去錫鬯亦大窘而退  
案西河輕薄之口更不足辯引此以著潛邱行蹤耳  
又案恕谷嘗集其交游手札爲友善帖凡四巨冊  
丁未正月苗先路同年攜二冊來見示西河手札凡  
二十餘通俱黏第二冊中此札蓋已經馮辰惲鶴生



輩刪其太甚茲補錄之書首今拙明下有到底宵人行徑六字冤詞相抵下有不必置可否而是非定矣其意雖拙而實精以世人肉眼明知金谿論太極勝於新安然孰有能祖金谿者此書出則冤詞自高閣也五十一字赴其寓同觀下有天網恢恢四字大窘而退下又云百詩錫鬯胸腹甚陋惟拙明稍有記憶與吾鄉吳慶百同而識見未闕究難彙進譬之佛家一支半解不成大究竟也然則西河本領只是忍於毒詈如醉人使酒人不與校即自命爲無敵矣友善帖後二冊間尙有潛邱手札惜未之見吳慶百名農祥錢唐

割記胡拙明禹貢錐指謂嶺南虞舜聲跡

諸生

所不及余曾面質正云云拙明不覺歎曰吾書刊矣

不及追改奈何

寤硯齋詩己亥冬日萬九沙過寤硯齋出蘭窗先蹟



命題因憶癸未夏五閣徵君以鹿園公手札屬余爲  
贈今方得致成命詩有云示余遠祖蘭窗卷題詠俱  
是名人詞失去百年不可得芋町購之忽來歸余告  
九沙勿慢喜更有墨蹟以相貽昔年潛邱曾屬付都  
督墨蹟余敢私俟君過此代爲贈卽今已是十七期  
云云案鹿園公九沙高祖也全謝山九沙神道碑公  
斌子鍾以世襲始爲寧波衛人鍾子武武弟文相繼  
襲指揮死王事又四世而爲中府都督同知淮安總  
兵表以儒將私淑新建之學世所稱鹿園先生也又  
二世而爲左府都督僉事福建總兵邦孚是爲公會  
祖生戶部主事泰始喪其世職爲寧波府鄞縣  
人戶部八子並有名公爲充宗先生斯大子



行述去年春

案墓志云歲在癸未天子南幸過山陽

皇上巡河至淮安城西門今內閣學士李惺庵先生

李鎧

字公凱

又字惺庵山陽人順治辛丑進士己未召試授編修劄記有贈李公鎧明府詩

以通

政使隨

駕

上遣問此中有學問人乎學士以府君對巡撫副都御

史宋公亦在側云長於考據最爲精核隨傳

旨召見以

御舟行速不果其時



皇四子貝勒殿下知府君則邀相見見則語極歡曰吾  
知東南讀書種子僅存三人朱檢討胡太學及先生  
耳朱胡謂竹垞拙明兩先生也四月府君命不孝詠  
恭呈

萬壽詩八首

案卽劄

記恭呈

四書釋地一帙於

御覽詩

暢春園蒙

恩見收五月中旬

上遣問勵編修令式

勵廷儀字令式號南湖靜海勵文恪公之子康熙庚辰翰林官至吏

部尙書

諡文恭語因及府君云閣若璩學問甚優與徐嘉炎



同不孝聞之感激涕零馳書報府君府君因屬不孝  
曰

皇上天章雲爛草野布衣皆得望見汝且勿歸爲我老  
臣求之我身若健或當親來未可知九月

大駕自口外回京不孝至石匣口山邊跪迎河干恭懇  
御書

上親問不孝父子姓名履歷行數十步澗水湍急

龍舟飛渡不獲再奏十一月

殿下乃召不孝詠以手書諭府君曰聞先生志求



御書盍不自來館我齋中

皇上萬幾之暇我得乘閒代先生請

諭到正值小恙捧讀之頃霍然起語不孝訓懃議略及

諸孫曰吾績學窮年未獲一遇春閒

天子召見吾復未及今

賢王下招古今曠典乃斯文之幸也其可勿赴

四十三年甲申六十九歲

李恕谷年譜甲申二月知閣百詩至京病往視之語  
以老當自重



墓志明年

承上癸未言

皇四子以書幣禮致之先生力疾赴至都中則相待厚甚踰於賓友悉索所著書白二種尚書外四書釋地至於三續手校困學紀聞古文百篇凡八種首付紀聞剖氏餘將次第爲表章而先生不起矣

不是齋筆記潛研堂

集同

道古堂集晚年名動九重

世宗在潛邸手書延請復至京師呼先生而不名身雖不顯而道則亨也



行述正月登車一月抵都寓學士先生家以行役之

勞體小憊不孝詠延同年李御史牧癡診視

李名紳  
延津人

戊辰進士旋愈學士垂髫交好聚首甚歡曰我蓄疑多端

非兄不能爲我析也三月二十七日進府

殿下止府君跪拜迎送執手賜坐日索觀所著書每進

一書未嘗不稱善凡飲食藥餌衣服及几研陳設諸

物罔不經心目極其精腴命太醫院林大文先生朝

夕視且曰吾受益先生日正長勿亟論著夫

皇子至貴人閒仰之如天上或求一望顏色而不得或



思以其技徹左右而逡巡不敢府君以疏遠之人情  
浹意孚開口吐奇

王之禮賢下士高誼驅策千古固不待言而府君臨老  
遭逢梁園西邸之下又豈偶然者哉府君北上時不  
孝訓慤扶持四月下旬命訓慤還曰余身已復初汝  
勿慮又一月忽謂不孝詠曰吾眠食雖如常恐不能  
久奈何不孝驚泣諫曰大人疾由讀書讀書則忘疾  
讀久未有不疾者掩卷則憂疾憂疾亦未有不疾者  
今兩月坐不讀書遂輾轉疑至此乎詎意二十六日



忽下泄神氣頓委謂不孝吾夜所夢之書皆非素見  
何邪六月初四日友人來候榻前談三禮義疏高下  
問常熟馮定遠先生稱讀爾雅則六經學皆通其說  
何如猶疊疊不輟臥而復起者再五日早乃謂不孝  
曰此地非易簣所也吾病殆不能起

殿下比以世子抱恙憂心忡忡而慰我日再至老人心  
甚不安汝可泣求移館勿延且暮矣六日晨起頓首  
辭

殿下固畱不可則命以大牀爲輿上施青紗帳二十人



輦之移城外十五里如臥牀不覺其行也言笑自若  
抵館舍日晡時私謂侍僮曰吾三日內逝矣不孝聞  
之跪泣失聲府君曰夫人有生必有死何足悲但此  
來

御書未得

賢王崇禮未得報稱汝當謹銜吾訓服任遂功并歸語  
諸子若孫皆志吾志七日泄瀉不止執不孝手命曰  
吾一生著書九種已刻者四書釋地四書釋地續孟  
子生卒年月若未刻者重校困學紀聞四書釋地又



續朱子尙書古文疑脊西堂古文百篇未成者尙書

古文疏證釋地餘論今紀聞蒙

殿下序而行之可以不朽

謹案

憲廟所作困學

紀聞箋序未見全謝山紀聞

三箋序曰太原閻徵君潛邱嘗爲之箋已而長洲何義門學士又補之斯二箋者世宗憲皇帝居

潛藩皆嘗充乙夜之覽亦不云有序也餘未刻成者汝當兢兢典守不

可妄改一字以待傳者時王大司寇阮亭先生送詩

文集十四種猶加繙閱命不孝取笥中火經口授數

語書於卷端云此書乃大司寇大父方伯公所著向

諾檢寄不可忘也又云汝扶櫬回淮兩弟不必來到



則位我本宅葬宜速我愛參議公墓旁地汝勉爲之  
并遷汝母合葬明日早不孝見氣色漸異泣問體中  
有所苦否府君慨然曰吾年六十有九不能自主持  
則平日讀書奚爲

殿下禮老朽甚比遣官料理我喪且從厚我家風本儉  
素取其稱可耳勿有絲豪過倘有欲延僧誦經爲資  
冥福者祈免語畢微笑而逝不孝詠慟絕數四哀迷  
困匱手足無措所賴以辦大事者秋豪皆

殿下賜也



世宗憲皇帝祭文維康熙四十有三年歲次甲申六月朔己巳越十有七日乙酉

皇四子多羅貝勒以剛鬣柔毛之奠致祭於

召試博學鴻詞待

贈徵仕郎內閣中書舍人百詩閣老先生之靈曰嗚呼聖有四教天有六經著性開道益智增明白古在昔賢哲代生闡幽微顯咀華含英爰至我

朝登三咸五文治昌崇邁越千古蔚彼儒林或出或處論述麟麟流聲區宇先生挺出羣賢之標家世奕奕衣



冠而朝聰明踔厲頭角垂髫旣長篤學矻矻晨宵孫敬  
編柳高鳳漂麥董生下帷舍園坐隔不爲榮利沈思經  
籍仰視屋梁俛披簡策當其未得寤寐之求萬鍾千駟  
莫解厥憂當其得之飛舞泳游如鳥入雲如魚脫鉤下  
筆吐辭天驚石破讀書等身一字無假積軸盈箱日程  
月課孔思周情旨深言大嘗入鎖院厄於有司

徵書下賁桂巷杉籬遂自蓬茅揮翰

彤墀歸而杜門名山永期縉紳士夫東西造請小子後  
生執經守屏道日以穹望日以迴靈光巋然長淮南境



余從知學卽耳先生旋讀所著嚮係誼誠惠然肯就安  
車之迎懷鉛挾槧樂我書城方圖久習用祛蒙陋乃茲  
溘然月未三殷嗚呼先生人亡名壽詩紀毛傳書從伏  
授禮學精邃先後鄭君春秋昭揭杜范齊尊此數子者  
雖逝實存嗚呼先生庶幾同論維是薄殖誰與考業聚  
短離長音容莫接陳醴萼繁芳甘飲食布奠傾觴式增  
淒惻嗚呼哀哉尙饗

世宗憲皇帝輓章褒衣博帶鉅儒身瞥見松堂繆幕新  
天上星躔歸處士人間藝圃失經神魯魚猶辨讎書力



辰已先徵入夢因絕勝匡牀揚子宅謝家庭樹有奇珍  
清流地望表清淮北海碑前絳帳開一萬卷書維子讀  
三千里路爲余來春風倚檻鋪紅藥夏雨臨窗潤綠槐  
花下談經無兩月那堪二豎鎮相催白昔儒英并大年  
先生白髮已蕭然初疑瘦骨全符鶴詎料輕身早蛻蟬  
舊德已嫌百歲耄古稀猶欠一春延遺編厯落珍珠字  
畱與韓門籍湜傳

皇四子多羅貝勒書

謹案祭文輓章恭檢  
憲皇帝御集皆不載

故禮親王  
世宗

昭槤嘯亭雜錄曰安郡王瑪爾渾者安親王岳樂子  
也少封世子卽好與毛西河尤西堂諸人游讌著有



敦和堂集又嘗選宗室王公詩為宸華集今杭大宗道古堂集載延接閣百詩為

憲皇龍潛時謹介尊嚴不與外人接見况

御製詩集中亦無贈閣百詩詩案語蓋百詩曾

館於安世子處而俗呼安王邸為四王府以致謗傳

耳穆案杭大宗作傳全據閣詠所撰行述趙館山

之志又係詠承父命面乞嘯亭未見行述不知此事

原委故疑為大宗之誤不思岳樂世子何敢擅冒

皇子之名則嘯亭此說更可不可辨矣世

宗御集乃乾隆初年哀刻容有散佚未可因以致疑

也

是年五月復申刻朱子古文書疑一卷於京師秋濤案朱

子古文書疑亦潛邱著述之一種復申刻序云家大

人徵君先生著尚書古文疏證若干卷非之者亦復

不少徵君意不自安曰吾為此書不過從朱子引而

伸之觸類而長之耳因命詠取語類四十七條大全



集六條彙次成編名朱子古文書疑就京師刻以行  
世告詠曰云云詠歎其循循善誘故亦不敢旁溢一  
語卽錄以爲序又云他日奉徵君返山陽云云康熙  
甲申端午前三日據復申此序距先生易簀時僅三  
十六日此書纂於京師卽刻於京師事當皆在是年  
并疑此爲先生絕筆之書故信藪編之疏證末也茶  
餘客話謂朱子古文疑未刊誤

剖記火經跋余家藏是書不記自

何年實方伯公與羣芳譜手授先祖者後羣芳譜不  
知何往而此書展轉流傳獨插敝架上似冥冥中有  
相之者今年入長安司寇公聞之欣然請觀遂以歸  
池北書庫幸題數語以見寒舍雖衰猶曾與高門有  
孔李之舊云聞書庫饒異本只將宋王伯厚鈔本集



及其門人袁清容居士集假閱可以計日奉還長安  
酒貴或不須我一瓶乎

淮海英靈集王易輓間徵君百詩詩遠寄雙魚憶夏

初知君善病正愁予傷心適易曾參簣感夢先呼范

式車

自注余於先生屬  
續之夕徵諸夢兆

老去難忘知己淚人間誰續

未成書

自注著有古  
文尚書疏證

樓頭若問山陽笛絕調於今寄

太虛

墓志先生疾且革命詠曰必使趙夫子銘我墓詠泣  
受命由潞河扶柩歸卜以康熙丙戌十月七日葬於



山陽城東南之學山墩匍匐詣信以遺言告 丁晏

柘塘脞錄潛邱先生葬郡城東南之學山墩見趙秋

谷所作墓志墩名不可考邵孝廉源洙嘗言去車橋

二十里地名塔兒頭有冢隆然土人謂是閻百詩墳

無人來矣

案淮安府志塔兒頭集在城東南五十里  
涇河至此下蕩割記有與劉超宗書云十

二日至塔莊掃墓并看  
梅花雨止丙舍中云云

道光二十六年山陽縣學

詳文百詩先生墓在淮安涇河岸祠宇久圯遺像於

乾隆年間被水患失傳

案涇河在山陽縣治南五十  
里河口有牐分泄運河水兼

田 溉民



墓志先生元配梁氏繼配張氏皆先生卒將於先

生之葬也而祔焉 行述元配先妣梁氏貢生巽卿

女繼配先妣張氏萬厯己丑進士禮部郎中幼白公

曾孫女

案幼白名世才

廩生青邱公女

割記余少有悼亡

諸篇什爲葺城夫人所賞蓋悼梁氏也又有贈李公

凱明府詩題下注曾受經先外舅不知謂梁謂張

子三人長詠字復申初名詒樸字元木康熙己丑科

進士中書舍人著有左汾近稿

案近稿寥寥詩話十餘條短詩六十

餘首兼多以潛邱之作屢入不可解也

工篆刻著有印譜



魏叔子閻再彭六十序君富著作子若璩孫詒樸

三世以詩文名江淮墓志詠有學行少舉於鄉

多爲賢豪引重錢傳子詠亦能文孟子生卒

年月攷兒子詠方十歲前對曰祇云近聖人之居

未嘗云生聖人之鄉殆又一切證云漁洋門人

閻左汾印譜跋左汾文章妙一世游藝篆刻不屑

屈曲以趨時好而惟古是師剗記羅延年王常秦漢印統有韓王印覆

斗紐其文甚工疑爲漢淮陰侯物令兒子詠摹於

左左汾近稿與顧山容學士書家父白都門歸摹得錢宮聲年伯所寶司馬相如四字陽文神采煥發妙絕古今又有寄山容詩自注酷愛余鐵筆



陳其年贈閻梓勤二十初度序有曰觥觥吾友  
嶽嶽而翁猥於京國朋游漫說家門子姓案梓勤  
蓋詠之初字也 行述詠娶陳氏前庚辰科進士

工科給事中外轉參議諱台孫公孫女山西布政  
司經歷楷公女 道光二十六年山陽縣學詳文

百詩先生子詠著作無多祇有劄記後刻左汾遺

稿一冊纂修天下全圖一幅

案圖未見

次訓慤字穀仲 淮山肄雅訓慤官廬州府訓導

己未詞科錄賈崧案陳迦陵梓勤二十序云右晉



亦異才也左汾右晉詒樸訓慤自號云 行述訓

慤娶陸氏順治乙未科進士福建提學道僉事候  
補參議諱求可公孫女太學生諱志寬公女

次議略字方叔 魏叔子閻氏三子字說閻氏百詩

有子三人大父再彭君名之屬其友魏叔子字之

字詒樸曰元木訓慤曰穀仲議略曰方叔 行述

議略太學生娶李氏順治辛丑科進士陝西督糧

道副使諱時謙公孫女太學生諱師耳公女俱張

孺人出



女五人長適邱世求 行述長適前萬厯丁丑科進

士光祿寺卿贈戶部右侍郎諱度元孫郡庠生諱

倬子太學生世求梁孺人出

次適何寬字而栗 劄記有何壻而栗授保定縣令

詩 行述次適浙江督糧道參政何公諱源濬子

康熙乙卯科舉人現任廣東平遠縣知縣寬

次適劉永禎字紫涵 劄記與紫涵詩凡四首內一

首結句云古文疏證畢端望作宏巡 行述次適

順治己亥科進士宛平縣知縣劉公諱昌言孫康



熙壬戌科進士工部主事諱愈公子丁卯科拔貢  
生候選學正永禎 案秋谷至山陽多主紫涵家  
飴山集劉君墓表曰從其婦翁閭若璩共考據遂  
周知古今 方苞王崑繩傳以余所見居兄弟之  
喪顏色稱其情者獨源與山陽劉永禎而已案望  
溪又爲紫涵作墓志割記中所稱頌眉長籍皆紫  
涵之弟也

次適李爲梗字喬森 割記有贈喬森詩 行述次  
適順治辛丑科進士陝西督糧道副使李公諱時



謙孫候選知縣諱師沆公子歲貢生候選訓導爲  
梗

次適沈儼字敬存鹽城人 割記送敬存還鹽瀆詩

起句云最小謝庭女于歸沈氏郎 行述次適順

治戊戌科進士四川遵義府推官沈公諱漢孫太  
學生諱志范公子康熙壬午科舉人儼俱張孺人  
出 淮安府志沈儼江西永豐縣知縣

孫十有二人長學翼 釋地多載學翼請益之言

割記示學翼詩老翁晝抱孫夜卽抱孫睡多年冷



布衾不許足踏碎惟許默記書挑之口能背始徐  
旣瀾翻終未遺隻字昌黎一代豪教兒止期貴何  
必香山叟津津涎欲墜果得綰與袞箕裘曾勿替  
遠哉君子澤亦在進士第大可鞭八荒小則民社  
寄總由一束書屈首復遜志披華臺閣體耽寂山  
林意效此輒飛騰蹈彼恐淪棄作詩示汝誦汝轉  
告羣季一門七葉興諷讀當遊戲老翁顧之笑西  
山凝爽氣又贈張石虹太史詩第四首第五句有  
孫承素業自注時贈孫學翼詩又有吳亦韓有札



謬獎孫學翼詩句賦此志慨之作 行述學翼郡

庠生聘現任直隸正定府知府劉公諱中柱孫女

廩貢生諱家珍女不孝訓慤出

次學林字信藪 行述學林未聘不孝詠出 沈儼

割記序先生冢孫信藪屈於下吏位不稱才有志

紹述己未春余南行晤於真州云云 程銓釋地

又續序今年春余畱真州舊館閣子信藪時相過

從得復見釋地又續三續二編草稿云云時乾隆

癸亥十二月也 鍾靈疏證後跋信藪天性孝友



凡同堂弟姪悉共爨同居雖官卑祿薄而刊刻各種遺書竭力經營云云 學林疏證識曰乾隆乙丑之秋刻尚書古文疏證成又曰先君子在中翰時欲板行之而未有成局癸卯己酉學林兩至京師先人之舊好寥寥數人無復贊成斯事者丙辰以來微秩自效官卑俸薄每泣然抱遺書而泣癸亥春謁同里夔州程先生先生雅嗜先大父書慨然捐貲而淮揚士大夫更多好義者於是閱二載而葢事回憶學林之憂思徘徊無所措手者又二



十年於茲矣

次學丹 行述學丹聘陸公諱求可曾孫女志寬公  
孫女貢生諱應麒公女不孝訓慤出

次學機字心織 行述學機聘康熙甲戌科進士現  
任廣西南寧府知府永淳縣知縣徐公諱鳳池女  
不孝詠出 寤硯齋集跋閩徵君遺書後嘗讀白  
傅池上篇欲續一圖及觀玉峯羣居課試錄序圃  
中花木交茂開門見山超然有物外之趣今心織  
道兄校乃祖徵君先生遺書放禮堂寫定之意繪



像其中有閩蘭有芰荷有古松有怪石有旨酒有

異書太傅太僕之樂兼而有之

案心織當是學機之字

剗

記學林跋卷五一冊乃仲弟學機竭數年之力於

夙昔往來問難之家尋先人手蹟陸續成帙疏

證學林跋仲弟學機珍重先大父遺書勤加手錄

天不假年案此是學機早卒也

次學殖

行述學殖末聘訓懋出

次學樹

行述學樹聘康熙丁未科探花都察院左

都御史董公諱訥孫女歲貢生候選訓導諱思懋



公女不孝詠出

次學麟

行述學麟未聘不孝議略出

次學枏

行述學枏聘順治辛丑科進士現任內閣

學士兼禮部侍郎李公諱鎧孫女歲貢生正藍旗

教習候選知縣諱珣公女不孝詠出

次學陽

行述學陽聘敕封文林郎翰林院編修吳

公諱璜曾孫女

割記有壽吳姬望文詩淮安府志儒林傳吳璜字姬望山陽人康

熙壬戌科進士左春坊左中允兼翰林院編修諱

晟公孫女庠生諱泰公女不孝議略出



次學羣

行述學羣不孝訓懃出

次學炳

行述學炳不孝議略出

次學至見釋地卷尾

案潛邱諸孫行述無學至釋

地卷尾無學羣當是學羣早殤學至後生也

孫女六

行述孫女六不孝詠出者一幼未字不孝

訓懃出者一適順治壬辰科進士兵部督捕理事

官徐公諱越曾孫廣西柳州府武宣縣知縣諱覺

公孫現任江南如皋縣教諭本豫公子某不孝議

略出者四一字郡廩生何公諱九徵子郡庠生景



行餘未字

曾孫大衍見釋地又續及疏證後跋尾

大文見釋地又續卷尾

續曾見釋地又續卷尾

元孫長庚見釋地又續卷尾

五世孫潢道光二十六年山陽縣學詳文百詩先

生五世孫山陽縣學附生乙未科副榜閣潢潢子

名椿芳應童試族中讀書者仍有童生二人名士

恩士榮



欽定四庫全書總目提要

古文尙書疏證八卷

經部書類

閻若璩撰古文尙書較今

文多十六篇晉魏以來絕無師說故左氏所引杜預皆注曰逸書東晉之初其書始出乃增多二十五篇初猶與今文並立自陸德明據以作釋文孔穎達據以作正義遂與伏生二十九篇混合爲一唐以來雖疑經惑古如劉知幾之流亦以尙書一家列之史通未言古文之僞自吳棫始有異議朱子亦稍稍疑之吳澄諸人本朱子之說相繼抉摘



其僞益彰然亦未能條分縷析以抉其罅漏明梅  
鶯始參考諸書證其剽剝而見聞較狹蒐采未周  
至若據乃引經據古一一陳其矛盾之故古文之  
僞乃大明所列一百二十八條毛奇齡作古文尙  
書冤詞百計相軋終不能以強辭奪正理則有據  
之言先立於不可敗也其書初成四卷餘姚黃宗  
羲序之其後四卷又所次第續成若據歿後傳寫  
佚其第三卷其二卷第二十八條二十九條三十  
條七卷第一百二條一百八條一百九條一百十



條八卷第一百二十二條及一百二十七條皆有錄無書編次先後亦未歸條理蓋猶卅創之本其中偶爾未核者如據正義所載鄭元書序注謂馬鄭所傳與孔傳篇目不符其說最確至謂馬鄭注本亡於永嘉之亂則殊不然考二家之本隋志尙皆著錄稱所注凡二十九篇經典釋文備引之亦止二十九篇蓋去其無師說者十六篇止得二十九篇與伏生數合非別有一本注孔氏書也若據誤以鄭逸者卽爲所注之逸篇不免干慮之一失



又史記漢書但有安國上古文尙書之說並無受  
詔作傳之事此僞本鑿空之顯證亦辨僞本者至  
要之旨綮乃置而未言亦稍疏略其他諸條之後  
往往衍及旁文動盈卷帙蓋慮所著潛邱劄記或  
不傳故附見於此究爲支蔓又前卷所論後卷往  
往自駁而不肯刪其前說雖倣鄭元注禮先用魯  
詩後不追改之意於體例亦究屬未安然反復釐  
剔以祛千古之大疑考證之學則固未之或先矣

毛朱詩說一卷

經部詩類存目

閻若璩撰是書論小序爲不



可盡信而朱子以詩說詩爲矯枉過正皆泛論兩家得失非章句訓詁也所引尙書左傳以爲詩之本序誠爲確鑿其餘則多懸揣臆斷之辭不類若璩他著作未喻其故也

四書釋地一卷續一卷又續二卷三續二卷

經部四書類

閻若璩撰是編因解四書者昧於地理往往致乖經義遂撰釋地一卷凡五十七條復摭所未盡爲釋地續一卷因牽連而及人名凡八十條復因地理人名而及物類訓詁典制得一百六十三條謂



之又續其他解釋經義者又得一百二十六條謂  
之三續總以釋地爲名從其朔也大抵事必求其  
根柢言必求其依據旁參互證多所貫通雖其中  
過執己意如以鄒君假館謂曹國爲復封以南蠻  
馱舌指許行爲永州人者秋濤案此是學翼之說疑許行是永州一帶人  
潛邱偶記之末可執以相病也亦聞有之然四百二十一條之中  
可據者十之七八蓋若璩博極羣書又精於考證  
百年以來自顧炎武以外罕能與之抗衡者觀是  
書與尙書古文疏證可以見其大概矣



潛邱劄記六卷

子部雜家類

閻若璩撰是編皆其考證經

籍隨筆劄記之文傳本有二一爲其孫學林所刻

一爲山陽吳玉搢所刪定考若璩尙書古文疏證

卷六第八十一條下有云潛邱劄記恐世不傳仍

載其說於此然所載兩條一推春秋莊公十八年

日食一推晉光熙元年正月七月十二月頻食今

兩本皆無之蓋其少年隨筆劄記本未成書後人

掇拾於散佚之餘裒合成帙非其全也此本卽吳

玉搢所重定原刻首兩卷雜記讀書時考論多案



而未斷此本刪併爲一卷原刻卷三曰地理餘論  
以禹貢山川及四書中地名已詳疏證與釋地此  
特餘論耳此本次爲卷二而取首兩卷內合於此  
一類者次爲卷三原刻卷四上錄雜文序跋卷四  
下曰喪服翼注曰補正曰知錄此本取首兩卷內  
涉及喪服者次喪服翼注後合爲卷四移雜文序  
跋附補正曰知錄後次爲卷五原本以與人答論  
經史書錄之卷五以應博學鴻詞賦一首併雜詩  
若干首錄之卷六詩賦非若璩所長且割記不當



及此此本刪去而存其與人答論經史書次爲卷  
六蓋學林綴輯其祖之殘稿徒欲一字不遺遂致  
漫無體例此本較學林所編尙有端緒今姑從之  
中間重見者四條三見者一條尙沿原本之誤今  
悉爲刪正若璩學問淹通而負氣求勝與人辨論  
往往雜以毒詬惡謔與汪琬遂成讎釁頗乖著書  
之體然記誦之博考核之精

國初實罕其倫匹雖以顧炎武之學有本原日知錄一  
書亦頗經其駁正則其他可勿論也茲編雖輯錄



而成非其全豹而言言有據皆足爲考證之資固不以殘闕廢之矣

困學紀聞二十卷

子部雜家類

宋王應麟撰此本乃

國朝閤若璩何焯所校各有評注多足與應麟之說相發明若璩考證之功十倍於焯然若璩不薄視應麟焯則動以詞科之學輕相詬厲攷應麟博極羣書著述至六百餘卷焯所問見恐未能望其津涯未免輕於立論是卽不及若璩之一微以其一知半解亦或可採故並存之不加芟薙焉



黃太沖尙書古文疏證序淮海閣百詩寄尙書古文疏證方成四卷屬余序之余讀之終卷見其取材富折衷當中間辨析三代以上之時日禮儀地理刑法官制名諱祀事句讀字義因尙書以證他經史者皆足以祛後儒之蔽如此方可謂之窮經行述所著尙書古文疏證不多示人黃黎洲先生嘗見而奇之歎曰吾一生疑團見此盡破矣此外掊擊者不乏人有著書相攻者府君曰萬世有公是非此時固當不辨耳



李文貞公百詩小傳余聞百詩公先生名久曩撫  
直隸先生嘗郵致所著書數種得披讀焉今之學  
者大抵搜華擷卉爲文辭之用而已至於字義故  
實書文形聲尙未有留意講考於其間者若大者  
爲遺經源流禮典同異細而地名山川史載人物  
眞贋是非之跡則豈徒以樸學置之抑其惡蹟就  
簡而自恬於譌陋嗚呼文武之道豈有大小哉萬  
一朝廷舉行石渠之典吾知眾籍羅奏而莫之措  
辭儒者之羞非云小缺矣先生學極博論核閒有



出新意掃沿說者究其持辨本末悉有所据依趙  
贊善志其與汪鈍翁難喪禮事昔者眉山蘇氏曾  
以是嘲伊川矣其門人爲之答亦曰正叔太君先  
逝而已令有如先生厯引古義折以通禮彼不得  
於言者豈能無愧惜乎先生逸處終老曾不得奉  
清燕備顧問蒐祕府校藝文與諸儒上下折中贊  
經史於方微補遺軼之文獻是誠可悲也已余嘗  
慨夫老成日遠舊學彫傷晚出後生益將無所考  
質自余登朝後識面者長洲顧甯人宣城梅定九



鄞縣萬季野知名者尙有三數輩而先生其一也  
諸君子者博極羣書能以著述自通於後中間有  
專門名家者就其所造古人不讓也今惟定九尙  
老而康時致音問餘則皆零落不可復見每覽周  
易碩果之辭大雅典型之詩俯仰斯文不勝寤歎  
先生子詠求予言揭之原予不工金石之文故謝  
不爲而其學行大致則趙志具焉聊爲予那頌先  
民之思倣司馬氏伯夷屈原體爲閻先生小傳康  
熙癸巳八月

年月據閻氏所藏傳稿補案伯夷屈原傳何嘗不詳其出處始末但參人



議論耳若此文只可謂之贊斷斷非傳體也道  
古堂集間若璩傳安溪李文貞公嘗爲作傳深致  
那頌先民之思而未嘗以其姓氏達之九  
重卽其所著又不能旁魄而論亦似牽率酬應之  
作而於閭氏豪無加損也

劄記與戴唐器書云崔元暉少頗屬詞晚以爲非  
已長不復構思專意經術宛然太原閭生一小像  
矣詠漢鄭康成詩注余屢欲傳康成照詠宋  
劉敞李燾王應麟馬端臨詩注余嘗集四公逸事  
爲一帙足補宋史列傳之略及馬無傳與戴唐  
器書弟嘗手鈔沈約謝靈運傳論鍾嶸詩品上中



下三序元微之杜子美墓志序爲一帙以爲古今

聲詩原委具載其中惟宜精玩熟誦

疏證卷八嘗

習淳化閣帖至文不可解處輒以爲有斷簡缺字

既習之日久見其上下相生一筆連注苟閒覆其

中之一字氣便不屬乃知當時語自爾也惟親接

其手書之人則解旁人容有不解者 剖記與戴

唐器書偶得舊搨九成宮唐搨未必宋初本無疑

今摹勒上石與天下共之 疏證卷八家藏有宋名

畫授經圖伏生東向坐鼂大夫北面僂而立旁有



女子儼然儒家風姿爲之指點

案沂州府漢畫伏生授經圖卽如此

其石舊在蘭山縣治西菜園中道光二十五年吾友許君印林主教琅邪書院訪得之移置王右軍祠  
剖記有元旦絕句云屈首窗閒受一經東西  
游走竟何成憑將骨與青山誓老人儒林號伏生  
不得其年  
附記於此

與石企齊書大戴禮記曰其少不諷

誦其壯不議論其老不教誨亦可謂無業之人矣

因自扁其堂曰老教堂如宋陸放翁老學庵之義

以上類輯  
潛邱軼事

行述府君讀書每於無字句處精思獨得而辯才

鋒穎證據出入無方當之者輒失據常語不孝輩



曰讀書不尋源頭雖得之殊可危手一書至檢數  
十書相證待側者頭目爲眩而府君精神涌溢眼  
爛如電一義未析反復窮思飢不食渴不飲寒不  
衣熱不扇必得其解而後止古文詞不常作偶存  
序記數十篇非泛然者詩甚夥嘗與不孝詠座主  
趙秋谷先生論詩云吾詩無可傳者比上

殿下書亦云某生平篤志經學無暇爲文閒有所述無  
足觀采其虛己不自滿假如如此性雅潔不治產業  
交游遍天下先後名流咸以文學相質府君必詳



細條答雖熟記之書必檢示出處或問他書可以  
印證者輒復手錄示之或數年後猶時時剗記馳  
書告之客游四方常周人之急傾囊不惜至資斧  
告匱束手無策不以爲悔有負義者未嘗不深惡  
及其人有故仍扶攜之恐後聞里中有不法事輒  
切齒常云桑梓閒大利害廢置非我責也然生長  
於斯而不能竭力救護無用爲人矣生平所正事  
不可紀每致愠人之怨而終不能中府君者以府  
君行誼完潔開亮而誠懇之心可以上格神明下



孚士類故也

道古堂集若璩學長於考證辨覈自言有志之士  
務在盡己所受於天之分而力學以盡其才固自  
有可傳之道與可以比擬之人而無取乎過高之  
學天性好罵詞科五十人中獨許吳志伊之博覽  
徐勝力之強記李天生謂其杜撰故事汪鈍翁謂  
其私造典禮堯峯文鈔掊擊不遺餘力生平所服  
膺者三人曰錢牧齋曰黃太沖曰顧甯人然於錢  
猶曰此老春秋不足作準於黃則曰太沖之徒粗



待訪錄指其譌謬者不一而足也於顧之日知錄  
有補有正猶在未定交時可謂極學士之精能非  
鴻儒之雅度也 又曰所著書八種四書釋地及  
孟子生卒年月攷刻於及身注困學紀聞則廣陵  
馬氏刻之古文尙書疏證暨潛邱劄記則其孫學  
林刻於淮安

宋牧仲四書釋地序吾友閻百詩氏績學耆古於  
漢唐諸儒注疏類能貫穿鉤穴口誦如瀾翻

禹貢錐指略例百詩與余銳意通禹貢故錐指稱



引較多

居易錄閨百詩云漢古詩明月皎夜光一篇玉衡  
指孟冬漢以十月爲歲首此孟冬乃建申之月指  
改時而言下文秋蟬鳴樹間爲明實候故以不改  
者言唐儲光義詩夏王紀冬令殷人乃正月則又  
和盤托出楊升庵曰唐人不辨而自了然足也惟  
宋儒始生異說明人出而益滋妄解矣漁洋又稱  
百詩近著  
博湖掌錄有改歲改時改月解一篇最博而核云  
云案其說載疏證卷六上合漢古詩云云爲一條  
茲不錄



帶經堂詩話門人太原閻詠寄余書云有人自謂  
精通小學問詠曰少陵詩賓客減應劉應爲人姓  
當讀作平聲何新城公作仄聲用詠不能對歸質  
家尊家尊云皆可用也此字正爲左傳國語應爲  
武王之子所封之國陸氏宋氏無音故黃公紹韻  
會於蒸部應字曰人姓陰時夫韻府於徑部應字  
曰人姓非平仄兩用之證乎亦猶吾鄉之枚乘漢  
書無音故子美作仄聲枚乘文章古是也安得是  
李而非杜是杜而非李乎伍子胥之員讀作運亦



讀作云故陸魯望詩賴得伍員騷思少未聞以令  
公四俊之謠而病其不識字也徐自笑曰吾作新  
城公桓譚得否百詩博學強記漢唐注疏皆能舉  
其詞此其緒餘耳

茶餘客話閩潛邱遺書惟四書釋地三續宋商邱  
刻於吳校正困學紀聞馬秋玉刻於揚州其尙書  
古文疏證孔廟崇祀末議孟子生卒年月攷則里  
人刻之孫學林刻潛邱劄記如日知錄補正喪服  
翼注毛朱詩說續朱子古文疑宋劉攽李燾馬端



臨王應麟四家逸事皆未刊割記乃未定書零箋  
碎紙投入一笥捐館後家人與計簿混入笥中學  
林不知抉擇將他人往還手蹟及陳言狎語遊戲  
之詞悉條舉而刻之硃玉並陳大失潛邱面目予  
嘗刪存十之五六卓然可傳不朽又盧曰堂嘗手  
輯潛邱緒論一編曰閻氏碎金皆洞庭書局中辨  
論之事今無傳又博湖掌錄一書吳山夫少年時  
猶見鈔本予尋之二十年無有知是書者王漁洋  
稱其博雅精核手錄其盤谷一條辨李愿非西平



子亦全鼎之嚮也 家伯祖樾軒先生嘗戒子弟

曰近見後生小子皆喜讀毛西河集其所稱引未

足爲據因言西河與閻百詩辨地理多穿鑿百詩

太息曰汪堯峯私造典禮李天生杜撰故實毛大

可割裂經文貽悞後學匪淺

戴荅塘略云樾軒先生諱應商官吏科都

諫

談龍錄山陽閻百詩學者也唐賢三昧集初出百

詩謂余曰是多舛錯或校者之失然亦足爲選者

累如王右丞詩東南御亭上莫使有風塵御訛卸



江淮無卸亭也孟襄陽詩行侶時相問潯陽何處  
邊潯訛潯潯陽近湘水潯陽則遼絕矣祖詠詩西  
還不遑宿中夜渡京水京訛涇京水正當園田之  
西涇水則已入關矣余深韙其言寓書阮翁阮翁  
後著池北偶談內一條云詩家惟論興會道里遠  
近不必盡合如孟詩暝帆何處泊遙指落星灣在  
南康云云蓋潛解前語也噫受言實難夫遙指云  
者不必此夕果泊也豈可爲潯陽解乎又曰百  
詩考據精核前無古人好爲詩自謂不工然能知



其指歸余與申論三昧集曰右丞云人閑桂花落  
夜靜春山空諸家曲爲之解當闕疑也儲光羲云  
山雲拂高棟天漢入雲流下句雲字定誤不輕改  
正可也漫而取之使人學之可乎李頎緩歌行夸  
炫權勢乖六義之旨梁銍觀美人臥直是淫詞君  
子所必黜者百詩大以爲然比歲阮翁深不欲流  
布三昧集且毀池北偶談之刻其亦久而自知乎  
方中德古事比前刻有答閻百詩徵君書云伏承  
手翰云古事比奇書也當就高明勝己之友求其



嚴加彈射有不善者應時改定勿遺後人以口實也案中德之書至不足道故答之如此然先生之

言則至言也

中德字田伯號依巖桐城人明檢討以智之長子

全謝山曰閻徵君所著書最得意者古文尚書疏證也其次則四書釋地徵君稽古甚勤何義門學士推之然未能洗去學究氣爲可惜使人不能無

陋儒之歎蓋限於天也

案謝山不信潛丘古文尙書之說故時有微詞譏爲

陋儒似覺太過然曰未能洗去學究氣則深中潛邱之病學者分別觀之可也

山陽詩徵劉超宗百詩齋中分賦得銅雀瓦磬零



落漳臺瓦淒涼韻至清西陵謹望幸東序偶同聲  
匪石心如轉兼金價似輕霸圖銷歇盡此物獨經  
硜

徐北山脊西堂百詩徵君畱飲

北山名麟吉字日  
馭雅安人諸生

楚城西北望河水東南流陵谷生新感衣冠憶舊  
游停車上客過問字草堂幽日暮閒尋眺白雲紅  
樹秋

段玉裁戴氏年譜先生言閤百詩善讀書百詩讀  
一句書能識其正面背面又言閤百詩能考核而



不能做文章顧亭林文章較勝

蘇州志流寓引吳門補乘閭若璩淮陰人積學嗜  
古於漢唐諸儒注疏類能貫穿鉤穴口誦如瀾翻  
舉鴻博報罷來寓吳門宋中丞犖亟稱之日與顧  
嗣立何焯上下議論灑灑不休生平撰述雖不及  
顧炎武之富而精確過之

山西通志閭若璩少奇慧博極羣書而字句必精  
核不少苟尤嗜吟詩類張籍王建古樂府曉暢中

義蘊宏深

案先生喜談詩而詩非所長此  
皮傳之論不足爲先生榮也



江南通志若璩淹貫經史學博而思精最長於考

訂多闡先儒所未發

一統志略同

墓志先生非今之人蓋古之學者也其於書無所  
不讀又皆精晰而默識之其篤嗜若當盛暑者之  
慕清涼也其細若織紉者之於絲縷纖縞也其區  
別若老農之辨黍稷菽粟也其用力雖壯夫駿馬  
日馳數百里不足以喻其勤其持論雖法吏引囚  
決獄具兩造當五刑不足以喻其嚴也銘曰先生  
於學邁嗜慾少壯迄衰日不足典墳索邱完在腹



旁薄紛綸引以觸理細大緒窮繁縟地千萬里燦  
手曰事累百代儼視矚上都嶽嶽折五鹿談家如  
雲甘屈辱經神武庫騰高躅聲日以昌身終伏暮  
齒浸亨嗟不祿大雅摧歲淮川曲於文先生後私  
淑

阮太傅儒林傳稿若璩又著孔廟從祀末議十一  
事一曰孔廟祀典宜復八份十二籩豆於太學二  
曰十哲而外宜進有若公西華兩賢於廟廷廣爲  
十二哲三曰秦冉顏何宜從祀縣亶宜補入四曰



公明儀從祀樂正克宜進於兩廡五曰曾申申詳  
均宜從祀六曰河閒獻王劉德宜入從祀七曰諸  
葛孔明宜入從祀八曰范仲淹宜入從祀九曰蔡  
元定宜進於兩廡十曰黃幹請援蔡沈之例以進  
十一曰兩廡先儒位次多陵躐宜請釐正孔廟從祀末議  
書成於康熙四十年以前外紀阮學浩奏摺至乾隆十二  
年檢討山陽阮學浩始上其議部議未允吳玉搢山陽志  
遺而大學士朱軾編次歷代名儒於河閒獻王曾  
取若璩言爲斷康熙五十四年增祀范仲淹於西



庶雍正二年復祀秦冉於東廡顏何於西廡

案祀典諸

葛孔明亦於雍正二年從祀西廡先儒鄭元之次

乾隆三年以有子升配

東序若璩私議已上見於

列聖施行矣

漢學師承記聞之顧君千里云曾見初印亭林所刊廣韻前有校刊姓氏列受業閭若璩名則若璩嘗執摯崑山門下然若璩書中不稱亭林爲師豈亭林歿後遂背其師耶穆案顧閭相見在康熙十一年壬子而廣韻刻於康熙六年丁未王山史山



志云李子德嘗得廣韻舊本顧亭林言之陳祺公

託張力臣爲鋟木淮陰

陳祺公序同但山史言較直捷耳

案書前

列正字姓氏四行云上谷陳上年祺公吳郡顧炎  
武甯人關中李因篤天生淮陰張弼力臣與山史  
之言正合此事本於潛邱無涉何爲無端拉入若  
今日名士之標榜乎且四人皆冠以地不應潛邱  
獨稱受業卽真執摯門下廣韻非顧氏私書受業  
之稱於誰加之惟四行後空白一行下又記云悉  
依元本不敢增添一字千里因從此空白之一行



生波夫太沖亭林皆潛邱心折之人太沖卒潛邱  
倣雙江故事追稱弟子豈有於亭林而反背之千  
里天性輕薄於生平師事之段茂堂一旦論學不  
合輒痛加詬厲無復弟子之禮茂堂至引顏黃門  
語以責之事具見經韻樓集中於總帥至交之李  
尙之其歿也又造作文字重相詆毀顧吳羹通政  
嘗述其事而太息曰不意千里之待亡友也如此  
然則其誣潛邱正以自解也此論又何足怪但不  
可使後進少年以潛邱爲藉口耳余所以不能已



於辯也



閩譜卷四

譚瑩玉生覆校



右閻潛邱先生年譜四卷

國朝張穆撰按穆仕履已

見顧譜原無卷數亦釐爲四卷重刻焉潛邱先生爲一代通儒惟顧亭林足與雁行百餘年來論學術者無不極力推崇而石州亦搜羅殆遍與顧譜同惟全謝山獨有微詞譏爲陋儒原涉太過至曰未能洗去學究氣則石州亦謂深中先生之病或者疑焉卽如胡臚明獻書行在

聖祖書耆年篤學四字賜之石州謂先生垂老諄諄以求御書爲言蓋有感於臚明之事



御書誠可竇得之原稽古之至榮然亦何至若與拙明  
肉勝者且屢爲其子言之也又先生殆兼工制藝茶餘  
客話稱何義門撰行遠集悉如先生之旨曰如此方見  
制藝之難又稱先生嘗語義門曰有虞氏刑官曰士故  
舜典曰汝作士呂刑士制百姓於刑之中夏曰大理周  
曰大司寇若士師特司寇之屬下大夫耳周之士師客  
或可稱爲士而有虞氏之士斷不可稱爲士師奈何楊  
一清王鏊薛應旂茅坤邵圭潔趙南星李光縉沈濱許  
獬徐曰久顧錫疇艾南英黃淳耀姚應章文盡稱爲士




師耶其謹嚴如此亦迥異乎三家村中之學究矣又詩  
非先生所長而山西通志稱其尤嗜吟詩類張籍王建  
古樂府石州謂此皮傅之論未足爲先生榮然嘗賦絕  
句云簾紋如水曉驚秋推枕尋釵搭臂鞦郎困宿醒猶  
未起一簾微雨看梳頭亦非尋常學究可辦噫陶靖節  
閒情偶賦原非白璧微瑕偶及之亦以見賢者之不可  
測耳咸豐癸丑重陽後二日南海伍崇曜謹跋

























































第十九集

寧雅堂禁取書





甯親堂贊書

第十卷



秋園雜佩

友人陳子熹題舊秋園雜佩凡十六條皆記載其月間  
物近而小者或曰心遠地偏以消永日其雜佩之謂乎  
侯子曰也詩  
交游附  
記而  
外也  
山中  
有之  
食焉  
其意也曰有景身佳有款問甘肅然方置他  
所則憂感物生之不可終也曰香齋志閒學之阻也款  
摘於童僕也曰晝視感神肉也思良友也曰鵲鵲味



煉

園

錄

佩



PL  
2451  
78  
v.215  
序

友人陳子貞慧著秋園雜佩凡十六種皆記載耳目間物近而小者或曰心遠地偏以消永日其雜佩之謂乎侯子曰非也請爲序之其曰廟後茶以澹爲宗君子之交澹若也譏附濃也曰蘭自喻也衆草蕪穢蘭獨芳也曰龐公榛託西方氏志物外也曰竹菇山中所有有之食焉言採其薇也曰南嶽尊惟南嶽澗中爲然易置他所卽萎感物生之不可移也曰香櫟志閩粵之阻也歎摘香於童僕也曰書硯感髀肉也思良友也曰鸚鵡啄



金盃記先朝法物思太平也曰時大彬壺傷名有幸成而物易喪古也曰湘管嵇鍛也王琴也悼相國之先哲而貴池之忠義也曰黃熟香辨正也惡奪真也曰五色石子質堅也文離離也我心匪石也曰摺疊扇誌變制也曰邱山胡桃誌淫巧也曰杜鵑感符讖之驗而鄉里失所也曰永定海棠詳其始詳其廢詳其復記興廢之有自也不獨物有然也侯子序而嘆曰秋收也天地之氣閉而藏也佩者佩也古人或佩韋焉或佩弦焉或佩刀劍以視威焉或佩玉以比德焉示不敢忘也陳子意



者當天地閉塞之時退而灌園有不能盡忘者耶其詞  
微其旨遠其取類也約其稱名也博文武之道未墜於  
地識小云乎哉梁園姻盟侯方域撰







秋園雜佩

宜興陳貞慧定生父著

荻洲鷗地抱病來此敗甌頽鐺時煎惡草以送日  
隙則攤書滌硯未足以消耗閒心偶拈數條以爲  
寂歷之助題曰秋園雜佩道者曰此子無福少却  
松間一日瞌睡也余笑而領之戊子秋八月定生  
識於亳村之雪岑丁

廟後茶

陽羨茶數種芥爲最芥數種廟後爲最廟後方不能畝



外郡人亦爭言之矣然雜以他茶試之不辨也色香味  
三淡初得口泊如耳有閒甘入喉有閒靜入心脾有閒  
清入骨嗟乎淡者道也雖吾邑士大夫家知此者可屈  
指焉

蘭

蘭龍池銅官間芊眠峭蒨離離如積山人採摘入衣香  
欲滿園杖挑藤束筐筥登市累累不絕每歲正二月之  
交白長橋以至大街鱗次櫛比春光皆馥也一幹數花  
生於夏月者則名蕙



龐公榛

龐公榛生宜邑芙蓉寺其味冷香幽冽相傳爲龐居士  
訪太毓禪師三到芙蓉攜榛種此因名今寺門有三到  
亭

竹菇

註此蔬隔宿輒不可食  
故雖鄰邑不可致也

竹菇蕈也山中所在有之小如錢色如胭脂新染生以  
二月味絕佳真山家上物也王百穀稱爲伊蒲第一

南岳蕈

雲間張季鷹聞秋風起思蕈鱸便拂衣歸人高之而蕈



之風味始著吳中他處亦不甚產崇禎戊寅問卿從西湖移至南岳蘭墅澗中其類遂繁五六月間莖長丈許凝脂甚滑真如晶透雪葡萄也味甚淡而旨想季鷹秋風正饒此耳或曰惟南岳澗中爲然移置他所卽不活也

香櫞

香櫞見嶺表廣記一名枸櫞子香與韻遠勝於佛手以佛手自閩來爭致之實不及香櫞之縕藉耐久耳嘗見崧兒一詩有云落落此非橘幽於味外饒摘香童僕手



分靜素瓷窑似能繪趣自變亂以來佛手建蘭茉莉五  
年不至矣間有非山人寒士所得妮余庭畔香櫟數株  
每當高秋霜月赭珠金實纍纍懸綴不下四五百毬摘  
置紅蕤幽香一室凡吾之襟裾夢瀋皆是物也以不用  
錢買餘得以分贈親知一時沾沾爲貧兒暴富矣

書硯

陳眉公云文人之硯猶美人之鏡不能離也甲戌初夏  
余過訪眉公於佘山出藏硯相賞於綠陰之下舉一以  
贈余有宋元祐二年學生蔡珪製數字凡石質之粗者



易墨而敗筆細潤者便不能發墨此硯質潤而仍易墨可稱佳品余藏數硯不能過之今年城居兩月親友處假一硯最不生墨筆著紙墨卽浮撒且蟾滴勞甚愈以見硯之佳者足寶也但余焚欲君苗磨非維翰負愧眉先生捐珮意耳

鸚鵡啄金盃

審器前朝如官哥定等審最有名今不可多得矣余家藏白定百折盃誠茶具之最韻爲吾鄉吳光祿十友齋中物屢遭兵火尙歸然魯靈光也國朝審器之精者無



亦勤且勤矣崇禎戊辰家仲父別駕桂林前後多有攜  
歸每得百餘管視之不重也余年家文文起相國余友  
吳次尾頗好之多有所遺二十年來零落殆盡所存不  
及十餘遙望西粵何異天上然中年離亂江淹五色湘  
東銀筆安所用之况海內知交嵇鍛王琴多化爲異物  
騷魂徒賦筆冢成封覩一湘管而坡老磨人之謔廣陵  
絕調之悲茫茫交集止有曇州遺淚與管上湘痕淫淫  
罨靄而已又何異於龜蒙之誌錦裙也

黃熟



黃熟出粵中真臘者爲上香味甚穩佳者不減角沈次亦勝沈速下者謂之黃熟桶濃烟潑鼎不能堪耳初價不甚昂山家所易辦今不能多得香肆中絕少佳品每坐雨煮茶窗綠正午輒思此良友

五色石子

五色石子出六合山瑪瑙澗雨後巖痕螺髻纍纍濯出然山深地僻往返六十里非好事者不到自萬曆甲午餅師估兒從旁結草棚以市酒食於是負石者始衆蠡湧蟻聚日不下數石以白磁盤新水盛之好甚者十不



得一二其佳者猩紅黛綠雲燒不一或爲羊脂玉或爲  
蜀川錦或爲鸚鵡紫或爲僧眼碧或爲嫩鵝黃朱者如  
美人睡痕黑者如山猿怪癭文采陸離雖珎珠堆盤琥  
珀映觴無以加是縱不敢望米襄陽研山然亦石骨中  
之小有奇趣者獨恨闐闐市兒寸許石子索價每以兩  
許昔坡公餅餌易得以二百五十枚供佛印令生今日  
當有同嘆

摺疊扇

宋朝握團扇其摺疊扇自永樂朝鮮貢始始頒其式宣



宏間扇名於時者尖根爲李昭馬勲爲單根圓頭又方  
家制方相傳云文衡山非方扇不書川扇戈扇以地著  
後又有蔣三蘇臺荷葉李玉臺柳邵明若李文甫燿濮  
仲謙雕邊之最精者也遠者百餘年近亦四五十年物  
卽一扇之制而精堅脆薄其爲升降也具矣註陸文裕得楊妹子寫扇摺痕尙存孫恂韻注撈扇則唐人已有的見物理小志抑亦團扇之摺疊者並志以備參考

邱山胡桃

邱山邑人雕刻精工所製胡桃墜人物山水樹木毫髮  
畢具余見其有漁家樂東坡遊赤壁百花籃詩意有夜



半燒燈炤海棠春色先歸十二樓數事窗閣玲瓏疎枝  
密樹掩映斐亶卽善繪者無逾其精巧他有效者便見  
刀鑿痕終不及其雅鍊矣雖一小技耳前後莫有工者  
且胡桃大不踰寸幻如許狡獪令人目境迷離亦一奇  
也故記之

### 杜鵑原文闕

謹按蛟橋鈴記云長橋脈斷杜鵑枯四方兵亂  
此語不知何來流聞甚久或云郭景純之遺驗  
也崇禎辛巳杜鵑忽枯周相國是年建坊於橋  
北垞上橋脈鑿斷坊亦未成遂有甲申之變  
杜鵑產蜀中素有名宜興善行洞杜鵑生石壁  
間花碩大瓣有痕點最爲佳本不亞蜀中也杜



鵲以花鳥並名昔少陵幽愁拜鳥今是  
花亦可弔矣戊辰秋日男維岳擬補

### 永定海棠原文闕

謹按海棠以西府爲貴吾宜永定村海棠相傳  
爲宋時遺植卽坡公置產還券處也坡公來宜  
吟咏其下詩云日暖風輕春睡足善於描繪矣  
永定邵氏爲宜邑舊族其家之盛衰興替亦不  
知凡幾矣獨海棠猶以永定著名虬枝艷葩光  
影照耀花開時遠近觀者雲集噫故家遺族流  
風餘韻尙有過而問之者乎抑無足津逮  
耶噫良可慨也戊辰仲冬男宗石擬補

先大人山陽錄秋園雜佩兩書宗石十齡時曾  
見鏤板丙申遭先君大故宗石年甫十三四壁  
無存饑驅渡江贅雪苑侯公甥館子然一身僅



守先大人所撰皇明語林雪岑集山陽錄書事  
七則秋園雜佩諸稿皆先大人手自刪改者癸  
亥冬筮仕博陵丙寅三兄到署始知前所梓兩  
板已失宗石謀其付剞劂而皇明語林雪岑集  
卷帙稍繁蓋將有待乃先刻山陽錄書事七則  
質之海內惟秋園雜佩細校先外舅侯公序缺  
杜鵑永定海棠二則戊寅春寄書三兄搜之家  
乘抄稿郵示較宗石藏稿又少香櫟書硯湘管  
黃熟四則文亦稍有異同嗚呼先人手澤一傳



已多缺畧况其後焉者乎宗石不禁淚下沾襟  
動弓冶箕裘之感矣茲同三兄追逆先大人立  
言之旨以意補之登之梨棗卽以先外舅侯公  
序冠其端諸則悉詳可作總目是書雖不能還  
舊觀庶釋郭公夏五之憾於萬一也戊辰仲冬  
四男宗石謹書於安平公署

秋園雜佩

譚瑩玉生覆校



右秋園雜佩一卷明陳貞慧撰按常州府志先生字定  
生宜興人少保于廷第六子吳梅村贈詩所稱茶有一  
經真處士橘無千絹舊清卿知交東治傳鉤黨子弟南  
皮負盛名者也徐健菴墓誌銘稱先生副榜貢生改官  
生贈檢討則其子迦陵太史薦舉博學鴻詞入史局後  
作也事蹟錯見壯悔堂集綏寇紀略板橋雜記等書是  
書爲其子宗石所刊缺杜鵑永定海棠二則補焉宗石  
字子萬侯朝宗壻壯悔堂集有贈陳郎序卽其人也黃  
梨洲稱先生侍少保宦游南北凡朝政之缺失君子小



人之消長口談筆記皆出經生聞見之外所著有皇明  
語林山陽錄雪岑集交游錄八大家文選等書今皆不  
傳宗石謂先刻山陽錄七則質之海內亦迄今未見則  
是書不尤當珍惜耶梨洲又稱先生國亡之後殘山賸  
水無不戚戚可念埋身土室不入城市者十餘年而遺  
民故老時時猶向陽羨山中一問生死流連痛飲驚離  
弔往恍如月泉吟社乃所著僅同吉光片羽月苦風酸  
以腐麥秀黍離之感固當重付剗劂以廣爲流佈噫方  
朔萬言阮咸三語又必多乎哉咸豐癸丑大雪後二日



南海伍崇曜跋

秋園雅集

二  
粵雅堂叢書







隄防正公小像



隄防正公小像

一  
粵雅堂叢書



冕而垂紳赤帝之臣言成黼黻人則龍麇皇輿折軸  
翩然上賓國士之報酬以一身是曰完人亦稱先覺  
青史千秋何媿何忤孰肖爾容珠庭日角上燭斗杓  
下鎮河嶽漳海黃道周贊



倪文正公年譜卷之一

男會鼎恭述

先文正公諱元璐字玉汝別號鴻寶又號園客在  
先宋之青州人兄侔弟偁從蹕南渡宣文閣學士  
文節公思卽偁仲子而侔判紹興因家上虞之賀  
溪侔子安徙橫山後五世孫文質當元時募兵禦  
寇有功爲防禦千戶子彥忠仍嗣職彥忠子春洪  
武時以賢良徵不赴春少子述初景泰中輸粟三  
千石賑饑臨山築城又助白金三千兩朝廷義之



賜璽書束帛授徵仕郎不仕述初子宴宴子堂堂

生仰菴公諱鎧領正德庚午鄉薦厯官南城知縣

仰菴公生南望公諱應蘄績學孝友以雨田公貴

封文林郎南望公生雨田公諱凍萬厯甲戌進士

官南駕部郎定船政東南軍衛戶祝之厯撫淮荆

瓊四郡守是爲文正公父徙居郡城篇首稱爵諡者專詞以告

海內全編稱府君者統詞以志家乘

萬厯二十一年癸巳閏十一月十六日府君生青烏家推干支

爲癸巳年乙丑月丙申日壬辰時



初大父艱于嗣嫡大母曹太夫人無出伯父又以疾  
錮至是年四十三矣生大母施太夫人夢白鶴冲霄  
而府君適生伏犀貫頂居數月大父漫謂之曰爾耳  
在此爾目在此詰旦問耳何在卽舉手自指其耳蓋  
夙慧天授勝于香山之無二字矣說者謂大父船政  
成而畱都四十八衛之衆尸祝之者已五載天之報  
施此其徵也

二十二年甲午二歲大父內艱服闋補荊州府知府居  
官十有二旬而漕撫以宿憾彈去之



二十三年乙未三歲

二十四年丙申四歲

二十五年丁酉五歲

曹太夫人幼習毛詩終身不忘

恒置府君膝閒口授之故未入塾而詩已成誦大父  
每隨事命對因圍爐命紅爐白炭對黃卷青燈因剪  
髮命光頭和尚對麻面書生蓋自謂也皆應聲立就  
不假思索

二十六年戊戌六歲就外傅

二十七年己亥七歲嘗隨大父舟行月色皎潔命賦看



舟月口成五絕云憑欄看舟月看月何須仰水底有青天舟行月之上

二十八年庚子八歲大父敬禮賓師夕必共飲一日叩所講左傳右尹子革謂倚相不能近知所招之詩焉能知遠所謂遠者何指師不能答先公從旁對曰遠者卽指上文墳典邱索耳大父嘉之摩頂稱善

二十九年辛丑九歲一日侍親觴花下退而成牡丹賦數百言不敢呈大父以呈太夫人於燈下口自披誦琅琅然大父自戶外聞知推扉入取視中有紫則佳



人之舞袖黃如帝治之垂裳之句甚悅謂終不落人  
後太夫人亦大喜舉樽相賀每府君夜讀太夫人必  
坐待及入問所誦習幾何所屬構若何得當則探果  
餌勞之始就枕以爲常

一日趨庭大父指水仙使作破對曰其臭如蘭其白  
如玉春風得意脫白掛綠又一日舟行大父示句曰  
綠水遶青疇對黃花欺碧草大父曰不若彤雲籠紫  
閣又一日送客解衣指腰閒金帶使破對曰若用汝  
作礪不下而道存大父驚異他年題柱曰僅容旋馬



廳誠隘太祝奉祠不隘手植三槐我不做兒子二郎  
必做蓋大父以公輔期府君其後位司農舊稱外輔  
則名亦猶公至尊隆遇名而不姓則禮亦如公及盡  
節贈太保又爵實三公云

大父嘗于前庭手植黃楊二本楊固無華萬厯己酉  
一華而府君拔解崇禎甲申一華而府君遂志明年  
黃楊枯死似與府君相終始者事又異于三槐附志  
于此

三十年壬寅十歲



三十二年癸卯十一歲

三十二年甲辰十二歲大母曹逝世方疾篤時搏顙呼

天哀號請代大父得所顙辭每爲長慟

三十三年乙巳十三歲

三十四年丙午十四歲

三十五年丁未十五歲時大父林居已十餘載少宰楊

公時喬疏薦起補瓊州府知府大父以燕翼自安雅

不欲出控辭不獲命乃就道將發畱訓以戒

訓曰示璐瓚兩

兒兩兒舉業正當成毀之間工夫不可一日錯過吾今各延一師分塾而課之宜時體吾心時憶吾言凡



所立日程毋得鹵莽作輟自墮惡趣爲不肖之子且  
年幼禮度未嫻性愚世情不諳毋得輕事交游致取  
罪愆如親友泛然見顧者俱不必相見或蒙賜帖只  
稱遵奉吾言槩不敢領如有以德行文藝訓誨吾兒  
者宜洗心受教頓首謝賜別時亦稱遵奉吾言一槩  
不敢造謝凡親友乞念區區萬里之外拳拳于兩兒  
一日迴腸何害九次宜導吾兒使爲善士非禮之事  
勿使見非理之言勿使聞非係正事勿入此堂如或  
諠浪笑傲道世情淫靡說他人短長又或以杯酒冶  
遊牽拉師傅致妨吾兒之功者皆非端人吾兒宜謹  
絕之凡任長善拔失之責者宜省于斯 此  
訓府君恆奉以誨勗子孫故不敢遺一字

三十七年己酉十七歲府君夙成而大父初不令應童  
子試謂當待其驚人乃鳴夔喑何益至是郡縣監司  
三試皆第一是秋遂領鄉薦六十六人時主試者爲



翰編晉江黃公國鼎給諫臨川周公曰庠分考詩四房者東陽令漳浦蔡公思充也督學使者則陳公大綬也府君旣雋大父遂引疾歸以爲堂構有人焉能老風塵吏掇關著書不復出府君時已有星會樓稿盛傳國門市人因之賈利摹印至三萬餘板字漫滅重鐫者再行卷之廣向所未有也

三十八年庚戌十八歲正月公車至都家世儉樸大父遺之故裘不能禦朔風棘漏夜二十刻疾作迅書而出不獲與濃淡及簡廢牘房考評曰此必英年異質



也惜末藝未稱暫抑以老其才需大就耳

三十九年辛亥十九歲客有攜府君書扇九日詩游雲  
閒者徵君陳公繼儒見之驚歎以爲仙才遂赫蹏致  
殷勤身先之繇是聲譽日盛

四十年壬子二十歲

四十一年癸丑二十一歲再上公車不第

四十二年甲寅二十二歲冬十二月大父厭世府君哀  
毀過禮迄今讀喪祭諸辭者猶泣數行下

四十三年乙卯二十三歲閒關吉水乞誌銘于鄒忠介



公元標以公負天下重望與大父同官駕部又皆江陵逐客稱患難交故不遠千里云

四十四年丙辰二十四歲秋八月歸藏大父母于上虞之白馬湖其地大父所自卜以依親也封樹威儀一如制焉

四十五年丁巳二十五歲

四十六年戊午二十六歲

四十七年己未二十七歲三試南宮不第

四十八年庚申二十八歲府君旣屢躋喟然歎曰窮達



固有命要不堪以無用空言消磨歲月作讀誼自警  
又立之法多擬場題分箋列壁箋各七題日抽一箋  
伏而思之義句皆備則焚箋引滿不形筆墨於是歲  
月之間胸藁纍纍果以獲雋然惟府君至精彊記能  
爲之他人不及也

天啓元年辛酉二十九歲是歲會鼎生是爲長子

二年壬戌三十歲偕計吏者三矣始捷南宮第一百二  
十八人與從父三蘭公同榜方試竣時府君自錄闈  
墨以呈舊司衡陳公閱竟默默意殊黯淡府君請曰



敗軍者將又北乎曰正以非北所以邑快失第一人  
將奈何聞者或迂之然先輩瞻矚期許固自遠大

兩主司皆宰相正爲金谿何公宗彥副爲秀水朱公  
國祚同考詩二房爲右諭德博羅韓公日纘

殿試第二甲二十名是爲文公震孟榜觀禮部政改  
翰林院庶吉士故事進士服官以甲第爲差二甲多  
部曹其次五及十者除州無清華望所知競勸赴中  
祕選府君喟然曰帝王良法美意必賴守令而全生  
平恨罕覩循吏奈何身自去之所知曰循良一州何



如循良四海乃就選

三年癸亥三十一歲以官格科條失宜竊議之而身在  
修業之列抑未敢言

四年甲子三十二歲除翰林院編修故事庶常去留準  
館閣累試名序兼采物望時隸籍上虞者二人例不  
並留府君恬淡自如又文多指斥試輒不前而同鄉  
之延譽者日至及集議前輩多右同鄉首揆葉文忠  
曰倪某無論文字只三年來無片刺及吾門已加人  
一等矣乃留府君翰苑而出同鄉爲給事中 仲弟



會覃生

爲伯父後

充經筵展書官纂修記注

五年乙丑三十三歲殿試充掌卷官

奉節冊封德藩王新襲驕不知禮使節近郊長史出  
逆陳三事王不外迎朝使及宣讀官同王跪起府君  
曰王黃口耳曲譬不聽長史再反府君正色曰所可  
假者稱疾免外迎耳至于典禮孰敢干之更不悟則  
卽日迴車返命長史匡翼之謂何於是王稱疾擁兩  
寺人迎冊於殿門之外餘如禮



冊封事竣卽引疾就中途繳節乞假歸里省母時璫  
焰日熾刑賞顛亂府君計還朝不能無言言則遺北  
堂憂故引疾歸

與客品題新榜名流曰今春奇士多在中末止翁解  
元得在魁選榜首卷本房闕及時忽自動知其有神  
也榜中最少如萬元吉王敬錫皆英美之姿萬尤奇  
杰不在何項諸君之後大率甲子登儒多才文皆高  
古亦是風氣一轉如此世界不應有此文運其運有  
升泰耶



六年丙寅三十四歲在里

七年丁卯三十五歲四月假滿赴闕甫至以資序奉命  
典試江西薛給事國觀副之時璫焰日熾羣小懲前  
榜試錄之譏畏人議其後矯詔懸主司誹謗朝政之  
令坐無赦府君故撓之以孝慈則忠皜皜乎不可尙  
已命題忠觸璫諱不可尙譏進爵上公翼祠文廟人  
爲咋舌及撤棘而璫已敗幸免于禍返命在道聞大  
行上賓兼程入臨

崇禎元年戊辰三十六歲正月首論國是 璫旣磔死



餘黨猶踞津要欲禁錮林下諸賢力攻東林又創爲  
孫黨趙黨熊黨鄒黨之目以一網清流府君憤甚抗  
章極論首爲上別白言之疏曰臣聞持世不平則陰  
陽之戰起論人失實則舉措之道乖臣見在廷章奏  
凡攻崔魏者必與東林並稱邪黨夫以東林爲邪黨  
將復以何名加諸崔魏崔魏而旣邪黨矣向之首劾  
忠賢直彈呈秀者又邪黨乎哉夫東林亦天下之才  
藪也其所宗者大都樹高明之幟而或繩人過刻持  
論太深謂之非中行則可謂之非狂狷不可也所援



引卽不無非類要可指數而盡中實有謝華膺其若  
脫置黜陟于不聞泊然無營君子者也今日邪黨則  
無不邪黨矣且天下之議論甯涉假借而必不可不  
歸於名義士人之行已甯存矯激而必不可不準諸  
廉隅自後之君子以假借矯激深咎前人於是五虎  
五彪之徒公起而背叛名教毀裂廉隅矣夫頌德不  
已必將勸進生祠不已必且呼嵩而人猶且寬之曰  
無可奈何不得不然耳充此心也又將何所不至哉  
議者能以忠厚之心曲原此輩而獨持已甚之論苛



責吾徒亦已悖矣末復言韓爌文震孟當用書院當

復疏奏

詔所奏未當施平湖票也

而逆黨御史楊維垣力詆之府

君復疏曰臣前疏所陳正爲臺臣楊維垣而發也陛

下明旨一則曰天下爲公再則曰化異爲同三則曰

分別門戶已非治徵而維垣必曰孫黨趙黨熊黨鄒

黨陛下於韓爌則曰清忠有執于文震孟則曰起用

而維垣必曰爌非賢震孟不簡陛下事事公虛而維

垣言言我見臣爲維垣效忠告者大不圖維垣以臣

爲謬也維垣謂臣盛稱東林蓋以東林之推李三才



而緩態廷弼也亦知東林中有首參二十四罪之楊  
漣及擬成崔呈秀之高攀龍乎且以魏忠賢之窮凶  
極惡而維垣猶稱之曰廠臣公廠臣不愛錢廠臣爲  
國爲民而何況三才以彪虎之結交近侍律應處斬  
而法司初擬止于削奪不啻驕兒護之維垣身係言  
官不聞駁正又何尤于寬廷弼者乎而以臣爲謬臣  
不受也維垣又謂臣盛稱韓爌夫舍爌昭然抵觸逆  
璫抗疏嬰禍之跡而加以關說罔利莫須有之言已  
非篤論矣卽廷弼之事爌條旨僅免一臬未嘗赦之



也廷弼行賄之說逆璫造此以殺楊左諸人耳謂移  
宮一案無從鱗以受賂於是改爲封疆四出追比此  
天下所共知維垣奈何尙守是說乎至于不附紅丸  
及孫慎行君子之論臣言原非矛盾蓋慎行清望較  
之王之案不侔議雖刻深不失春秋書趙盾之法夫  
董狐不爲沽直趙盾亦未嘗貶賢而以臣爲謬臣不  
受也維垣又謂臣盛稱文震孟夫震孟臣不更論卽  
如王紀清正著聞以參沈淮忤璫而譴斥震孟以薦  
紀削奪均之得罪于逆璫者也至于破帽策蹇傲蟒



玉馳驛之人此何可譏夫刑賞出于朝廷而榮辱因之當時則忠賢之刑賞已耳維垣亦思數年來破帽策蹇之輩較之超階躡級者誰爲榮辱抑宮保橫王之劉詔何如桎梏抵罪之耿如杞自此意不明於是乎相率爲頌德生祠呼公呼父而不顧可勝歎哉而維垣以臣爲謬臣不受也維垣又謂臣盛稱鄒元標夫元標之爲人前則峭直後則寬和若詆之爲婪取多藏則猶之稱厯臣不要錢云爾臣雖斬首穴胸不敢聞命也故謂都門非聚講之所則可謂元標講學



有他意必不可謂聚講之徒不盡端人則可謂聚講  
或有邪謀必不可且逆黨當日所以驅逐講學諸人  
而拆毀書院者其意正以箝學士大夫之口而恣其  
無所不爲自元標以偽學見逐而逆璫遂以真儒自  
命學宮之席儼然揖讓宣尼使講學諸人而在豈至  
此哉而以臣爲謬臣不受也維垣又力詆臣矯激假  
借兩言夫臣正爲今之詆真狂狷爲假名義者言之  
也當崔魏之世人皆任真率性爲頌德生祠呼公呼  
父使有一人矯激假借而不頌不祠不公不父豈不



賴此人哉維垣以臣抑揚之詞爲一成之論而謂臣大謬臣益不受也維垣又謂遇小人待其惡稔乃攻而去之臣以爲非計也必待小人惡稔其壞天下事不知凡幾殺天下正人不知凡幾雖攻而去之不已晚乎卽如崔魏之惡稔久矣使不遇聖明誰攻而去之哉維垣始終以無可奈何爲附黨者解嘲設或崔呈秀一人舞蹈稱臣於璫諸臣亦無可奈何而舞蹈稱臣焉又命逆璫以兵劫諸臣使爲叛逆諸臣亦無可奈何而卽從叛逆可乎維垣又言今日之忠直不



當以崔魏爲對案夫品節貞邪試之于崔魏而定矣  
有東林之人爲崔魏所恨必欲殺之逐之者正人也  
有攻東林之人雖爲崔魏所借而勁節不阿或逐或  
奪者亦正人也以崔魏定邪正譬之以鏡別妍媸維  
垣奈何不取法于此乎總之東林之取憎于逆璫獨  
深受禍獨酷在今日當曲原其高明之槩不當毛舉  
其纖悉之瑕而徒欲與逆黨以首功代逆璫而分謗  
斯亦不善立論者矣人才不可不惜我見不可不除  
衆鬱不可不宜衆議不可不集魏忠賢之餘論崔呈



秀之故智不可奉之爲經守之弗失願維垣之熟計之也疏入報可海內傳頌以爲名言而起廢之旨于是乎下

鼎按楊素附瑄爲之驅除善類不遺餘力及瑄敗維垣度無以自免乃疏糾崔呈秀婪賄庇奸以盡其跡遂儼然以正人自負而國是益淆自府君疏上公論始出於是臺省連章劾褫猶潛通中貴詔逐而後去

四月遷翰林侍讀奏毀三朝要典略曰臣觀挺擊紅



九移宮之三案鬪于清流而三朝要典之一書成于  
逆豎其議不必不兼行而其書不當不速毀蓋當事  
起議與盈庭互訟主挺擊者力護東宮爭挺擊者計  
安神祖主紅丸者仗義之言爭紅丸者原情之論主  
移宮者弭變于機先爭移宮者持平于事後六者各  
有其是不可偏非總在逆璫未用之先羣小未升之  
日雖甚水火不害填簾此一局也旣而楊漣二十四  
罪之疏發魏廣微此輩門戶之說興于是逆璫殺人  
則借三案羣小求富貴則又借三案經此二借而三



御文正公全集卷之一  
閣票部館會議意存兩可上不嫌益聽朕獨斷行五  
字及部館以焚毀奏覆侍講孫之獬聞之詣閣力爭  
繼以痛哭復疏言不可毀狀天下傳以爲笑言路相  
繼糾之放免尋定入逆案

五月上諭會儒臣于奉先殿前焚要典宣付史館賜  
宴出

鼎按奸黨變亂是非非徒明編要典亦復陰淆實  
錄是時府君能知要典之繆不能知實錄之譌緣  
故事實錄進呈則尊藏于皇史宬副本儲文淵閣



又會官焚草于椒園闕密特甚故先疏未有一言  
及者後七載詞臣文公震孟以承纂熹廟實錄請  
光宗實錄較對始知其繆奏請改正政府動以要  
典已焚是非久辨爲解竟持不改夫要典焚而失  
實之實錄存則焚猶不焚二事實相首尾故述顛  
末於後 崇禎七年八月文公請改光宗實錄疏  
曰臣因纂修熹廟實錄從閣中恭請光廟實錄較  
對見其閒乖繆甚多如先帝冊立與挺擊紅丸諸  
大事皆祖三朝要典邪說而陰和之蓋天啓三年



手文疏不輔臣極論催請國本及三案主議之事



改議之非略謂立儲自關職分何爲好事挺擊何  
等奇變反云捏謀紅丸據法執奏甯爲失禮烏程

溫相

巴縣

王相

力護之動以要典已焚自可垂信

爲解上以疏授閣票閣擬抑揚軒輊與上諭懸殊  
而實錄卒不聽改上亦未之奪也時詞臣許公士  
柔亦有帝系不可略詳考補牘二疏大抵文爭其  
筆許爭其削俱以不必煩議報罷府君亦于八虛  
疏中委婉納約有曰許士柔力聞先徽倘終度閣  
惟恐世傳其說而陛下永言垂則之義未彰不報



時府君屢上章言事蕭山

來相宗道

謂曰詞林故事惟熱

香啜茗養望待遷耳何事多言府君曰趙用賢徐中行非詞林先輩乎抑何矯矯來不能答時人謂之清客宰相

充經筵展書官□□□□□□□□□□□□

□誥敕撰文府君每言文體惟視草爲難宋之制

詞兼乎褒譏其義則史今之制辭無譏有獎媚于鄉士援筆欲下失型是懼必也戒勉浮于詡獎君德冒乎臣功庶幾近之



府君嘗鑒視草之文名代言往事以爵爲序先綸閣  
顧以其人未稱乃類別之曰卹忠曰賜環曰功敘曰  
恩覃曰考績出乎其類必先卹忠所以陰制火城沙  
路使不得爭尊也

伯父侍御恩覃之制府君所草也時人以爲第草兄  
制自曾子開韓持國之後與此鼎峙傳爲盛事云

二年己巳三十七歲 四月遷南京國子司業欲遵祖  
制積分而未果 先是北祭酒請復積分之制禮部  
覆言教成之日以經書後場課諸一日府君以爲此



舉既求真才非如月季小試可以窮其蘊而卷經御覽又非如春秋二闈可借手易書得以藏其拙請分爲前場後場前場必三書一經後場必一論二策分二日行之乃草疏副祭酒侯公恪上之然是時生徒寥寥又多賁入而府君席不暇煖未覩其益也

大母性畏舟車府君通籍後未嘗一就板輿及遷南雍乃迎養官舍舍左修廊疎牖俯瞰雙池爲施曲橋朱楮中通小舫放鶴則銜枝駢舞出入霄漢時奉慈顏以爲笑樂



嘗夢有僧謂誦經不如寫經大母因命寫經乃虔寫

金剛經一部竟日而畢無一字率

鉸存雲棲寺中

見者以爲

樂天復出

後會稽姜孝廉公銓又重鐫于其家

三年庚午三十八歲

於池濱左栽菡萏右植芙蓉欲

以承九月稱觴之懽春暮忽量移右中允府君以席

初未煖又將絕裾悵甚蓋後資者樂南署之不聞烽

火推移而前也于是奉大母歸里受親朋介壽之章

而後發

府君南雍首拔士獲雋于南闈四人蔣鳴

玉萬壽祺王寢大張一如也



四年辛未二十九歲 加俸一級 會試分闈詩一房

得士二十四人首卷楊廷麟江右名宿也宜與擬元

五日忽改第二及發糊名深悔之故於試錄首程不

鐸元而鑒楊以示悔蓋創例也 館選詩一房獨盛

吳禎楊廷麟倪于義王邵凡四人

倪後授御史時同鄉章公正宸出爲

給諫府君歎其非公論既而曰羽侯殊有骨性置之言路亦爲朝廷得人慶

詩二房分考

爲文公安之闡卷兩房互商彼此師生亦舊例也

府君偶過詩三房劉公漢儒適有落卷在案因策語

觸時已刷之矣府君力持之遂得入彀又書四房黃



公錦在閩患疾屬府君代閱于落卷中拔得三卷初  
皆不知何許人既復半載有進士李清及馬成名沈  
延嘉者謁謝自述則向所拔卷也稱門下士執禮甚  
恭府君初不欲承顧誼分不殊卒亦受之而劉黃二  
公之不隱人善與三進士之不忘所自具見於此矣  
分房例有房稿之選蓋芸窗簡練之文也府君選獨  
後出然紙貴一時又嘗自製十三篇欲爲文字開山  
擇門士最謙雅者一人當之時會鼎在髫髻承誠祕  
慎故迄今不言姓名



四月上憂早步禱南郊羣臣從

九月大凌圍久不解上發帑賜劍遣中官督戰府君歎  
曰此觀軍容之漸也聖明白出無奈然外廷無人至  
此豈不可羞可哭

以南院冰天人所不取欲藉遷迎養言之政府不得  
十月武闈更端遣官重試內閣循資奏以詞林方公  
逢年爲主考府君副之先是主司爲詞林楊公世芳  
劉公必達監試者侍御余公文燭馬公如蛟有武舉  
末場曳白外簾例揭通衢武舉布蜚語欲傾監試會



下第者徐彥琦有絕力牢騷自試中人撫以閭上疑  
有私收監試主考並繫獄盡斥諸士更試之至是上  
遣中貴六人偕勲樞大臣監視前場去取技勇府君  
慮末場亦然抗疏以待然不果遣乃止蜚語者粗有  
技勇論止兩行外簾不敢復揭且以號達內簾期必  
得及榜發蜚語者竟無名中官所屬意標識者十餘  
人皆落榜知貢舉及監試咸危之顧事不可易惟爭  
首榜首名張景星不宜復在進呈之列府君力持得  
無動撤棘後在事者皆惴惴府君獨坦然已而上以



仙文正公年譜卷之一  
三  
新榜第三名王來聘爲一甲一名以首名爲二名以  
八十九名爲三名餘如原榜事遂定逾月草疏掾四  
疊臣欲與方公連章方懼益四公之累府君乃獨奏  
上雖不從亦無譴責云

按是時上特重武榜親定甲第臨軒臚唱悉如文  
儀自是遂爲典例鼎元王來聘初授遊擊逾年遷  
副總兵先登擊賊戰死不負科名特典云

五年壬申四十歲

五月上賜麥餅宴元制名不落夾亦不恆舉世宗以



其不與改名麥餅至是再行府君有詩一章紀盛其  
云百二十年如待今者指此

八月再乞歸省閣票下吏部故事下部無不覆放者  
上忽傳改票竟復留蓋上嗟知久矣而府君滋鬱伊  
九月三乞歸省方草疏所知多尼之或言上眷不  
可拂或言屢瀆必怒府君歎曰小臣何眷之有求退  
有何可怒章遂三上有旨任任調理閏十一月請讓  
官黃公道周召還劉公宗周略謂右中允黃道周學  
行雙至至清嫉俗與深經史洞精時宜陛下試假筆



札自可倚馬萬言此誠天下奇才天爲陛下生此一

人仰佐天章非偶然也且道周以挾罪輔錢龍錫忤

旨降調未幾而其言卒行是陛下之知道周久矣華亭

錢公之下獄繇宵人構之謂袁崇煥之斬帥主款謀

出龍錫故論斬黃公上言將謂殺罪輔以報毛文龍

之仇如此則邊將必驕閣臣權落陛下御極以來閣

臣負重譴者九人矣一代之閒甯有幾輔而罔罔憤

盈孤卿駢首於是降級五月京師大旱上步禱臣謂

南郊還宮釋華亭于獄遣戍甯海衛是夕大雨臣謂

陛下今日用人惟當取其伉直有氣者閒者中使四

出驕凌庶司臣懼天下士大夫之氣化爲繞柔陛下

奈何式怒蛙而重摧折之乎臣自量庸劣遠遜道周



陛下幸聽臣言還道周原官而出臣於外猶棄碣磳  
得良玉也又言原順天府尹劉宗周清恬鯁介正類  
道周而亦以骯髒投閒天下本無人得其人又不能  
用安望有爲陛下奮其忠能者乎此皆諸臣之過非  
味則忘不以入告耳不納

按是時府君以所陳未聽思補牘嘗貽季父書曰  
讓官石齋之疏係吾一年積衷非汎常推轂如不  
見聽卽當以失實處分李邕因孔璋滅死禹錫與  
宗元換郡此皆誠至語激立取回天如其不然魏



其曰終不令灌夫獨死則亦蒙誅尹洙曰臣義不  
當苟免則亦得貶未有不卑不白出此悠悠七里  
之霧布於綸扉而欲求天下之治平烏可得乎今  
上不聽不譴方擬補牘會徐翰簡九一并繼起有  
讜論先獲臣心之疏中間見推及吾恐上疑朋黨  
故止不上

四乞歸省 初政府以府君人望欲牢籠之言去輒  
留藉客致殷勤啗以美遷府君謝之退曰吾平生不  
愛熱官不喜居要人牢籠之內既不能鴻鵠舉其可



與蜜蝨埒乎今石齋九一已去而吾獨留享寵榮有  
覲面目詩其謂我哉由是引退益力

六年癸酉四十一歲稍遷左諭德充日講官故故事講  
章撰自講官衷于內閣閣有去取講官依違而已至  
是府君初值講派彼奪其民時三節啓沃云因考成  
而吏急催科則非省刑以兵荒死徙而賦額如初則  
非薄斂烏程以太長發刪旣以不渾成命改府君持  
不可中書往復數四乃謂之曰啓沃自講官事此後  
不渾成更有甚于此者設有進規中堂之言中堂亦



命改乎必欲改者惟有自陳求罷耳烏程以上意方

屬府君不即劾論然疾之彌甚

先二年羅公喻義講章侵政府烏程劾其

正少規多非經筵體下部議部覆聖聰天縱而喻義曉曉多言處以閒住天下笑之事與此類

府君在講筵占對詳明上無不前席傾聽一日直箴

政府上怫然以手摩書叩首上視府君徐申正義音

響琅然頃之上稍頰就案卒霽容受焉

承纂神廟實錄告竣因請省親以新補講員不許

時以起用廢籍諸臣冢宰會朝士舉鄉里人材府君

當以建言爲第一義餘以次及事亦竟寢



力辭典試南北正副主考需詞臣四員府君資最優  
應南副而前輩之應北正者樂改南睦于烏程遂系  
例授之府君謂是將免我乃力辭南副并辭北副俱  
不就及南榜出物論沸騰臺省交章奏劾以烏程故  
得薄譴遂疑彈章出府君意而日與徒黨徇之矣乘

頗有載者  
故不詳著

既而府君見闡牘多庸淺喟然歎曰閱南卷使入氣  
失此非遵功令過也正是悖功令耳不見明旨云期  
取古雅典正貫穿經史通達治體十二字乎本求奇



倪文正公年譜卷之一  
士豈爲庸人設耶文運正啓忽爾摧墮悔吾不承此  
役遂使儒書坑焚張橫渠曰使文章無權吾等之責  
也甯當不自咎罰

倪文正公年譜卷之一

譚瑩玉生覆校



倪文正公年譜卷之二

男會鼎恭述

崇禎七年甲戌四十二歲 遷右庶子掌坊事 十一

月五乞歸省不許再疏又不許

指陳時政得失制實制虛各入略曰制實者關時急  
切不可失之一瞬最急莫如離插交插既他附勢必  
內侵宜乘初合離交代謀豈當橋足揜胸坐承禍患

按插漢大舍虎墩免愍元小王子之後也萬厯中王  
象乾總督薊遼撫馭有方得其心邊陲宴然崇禎元  
年上命袁崇煥督師寧錦東禦奏舉象乾總督宣大  
以待插使無西顧王自信往績持撫議沿踵馬市以



羈縻之然是時王既羣期而議者又急于見功變而  
言戰於是二策皆紕不半歲插肉犯關入大同此不  
能用閒所致也二曰繕京邑畿縣土墉庠薄可超而越敵苟

因糧于此何以堅壁清堦悉宜增繕奪其久持如王田三

河豐潤平谷諸縣三曰優守兵頃者宣大之役戰士無功嬰

城自固守兵著勩今無功者餉厚而賞行著勩者廩

薄而無賞懼生偶語宜有調劑四曰靖降部徙戎之

論昔人所持今散口零衆非魏晉比爲釁端已見終

善爲難要俾蕃漢無猜庶杜突厥九成之變按裔丁勁悍敢

戰無大部落列處塞下未爲失策然府君猶恐蕃漢  
猜嫌變生倉卒後崇禎十三年顧募入京營將妻子



殆萬人廩給豐贍漸驕肆爲民患十四年分發數  
人于宣大復誹噪提督總兵張福臻誘殺之京營裔  
丁聞之洶洶欲爲亂上丙夜手詔兵部授方畧翌日  
次第遣發安插延緩以原營總兵王定等將之給賜  
甚厚苟幸無事曾不得隻臂坐拳之用坐五曰益寇  
糜厚糈肉食之鄙如此及思府君言晚矣五曰益寇  
餉寇蔓秦晉呼庚待輦何不卽以兩省之賦還供其  
地之糧小費必有大省近饋逸于遙解六曰儲邊才  
邊才難遇練習斯才請凡邊方職任自守令上至司  
道皆以三年爲限能見卽遷本疆節鉞重任亦取諸  
此庶邊吏以軍旅爲家功能日出七曰奠輦轂漢徙  
富民實京蓋爲衆貧有賴今車戶流商傾家蕩本市



井無藉告密敗漁富者皆貧人無固志宜酌甦商之

策塞告密之門

車戶詳後東廠中官因緝訪非常而羅織閭巷

八曰嚴教育

祕館辟雍所以儲才今教習乖方更弦更急經史典故祖憲時宜加之誦考設爲處分以窮致其才深微其意疏奏詢用閒實著議教習事宜餘報聞

制虛畧曰虛者本諸理道治以精神一舉而包數功一時爲之而有數十年之利最大莫如正根本治之根本惟在絲綸政府誠能引辜懷恥秉忠絕欺恩怨去懷好惡循性無以意見讐獨立之士無以聲顏拒



來告之人則才識自生勛猷自著

政府指首

其次曰

伸公議吏部侍郎張捷無端保奸致激羣論非徒邪

正之關實亦安危攸繫蓋彼死灰計竭惟幸家國多

凶所以向者盛傳句敵之謀已而卽有邊才之薦將

見金錢麋至宜密遏萌

先是八月上御平臺命大僚各舉第一等才品司銓政科

道糾所舉不當者張捷舉呂純如上曰純如名在逆案奈何舉之捷力辨其誣上曰科道諸臣曰云何於是盧公兆龍孫公晉蔣公得瑗金公光宸韓公一光楊公繩武並奏純如列名逆案又實無才不可用捷猶嘖嘖不已上手麾之始退明日從烏程薦以謝陞爲吏部尙書純如之薦也烏程巴縣實主之而發端于捷不虞上之堅持也已而吳給事甘來范給事淑泰交章劾王應熊張捷黨謀翻案俱不問捷亦屢疏



乞休以奧援並邀溫旨故府君復上書言之不省會  
四川巡按御史劉公宗祥回道考核捷恨請託不行  
鈐制內臺擬加重譴劉以手書  
上聞上怒下捷刑部獄論配  
三曰宣義問詞臣許

士柔力闡先徽不宜久閣

即前文許爭實錄事

憲臣王志道抗

爭內遣匪可終沈

初上以太監王坤監視宣府朝士多論劾之坤遂抗疏以修撰陳于

泰發端謂其盜竊科名比驢首輔周延儒副都御史  
王公志道疏糾內臣越職輔臣失職謂內臣論劾漸

廣內則科道六曹外則方面督撫又內則卿貳今則  
糾輔臣矣駸駸乎口銜天憲手握朝綱而輔臣不問  
焉用彼相哉上怒以為私諸鎮要  
朝廷命削籍去未幾周亦罷歸  
四曰一條教卓異

本求循茂而厲以考成將撫按不能治貪殘

崇禎四年十二

月考選科道事竣更核前任錢糧登降于是給事熊  
開元御史鄭友元俱以完不及格謫調以戶部尙書



畢自嚴失糾下獄自是考選必先劾財  
賦不問撫字而胥吏得以操官評矣  
例轉本處庸

凡其名曰優陞將公論不得問摧折會推既資羣議

而所禁乃在把持則盈庭之語默無主館員既重官

評而敷試仍以文字則閣部之取舍難憑崇禎六年著令科道

不專取考選館員須先應知推於是甲戌科遂停選庶吉士盍求畫一以定章程

五曰慮久遠弊必原其自始法當慮其所終故循事

始觀之則兵譁必繇於將劣民亂必繇於紳豪武絀

必繇于文尊宗辱必繇于官玩爲要終之論則劣將

易制而譁兵難制初甘肅兵變戍殺巡撫畢自肅自是脫巾上必重譴督撫故府君以



爲言及後九年甯夏巡撫王揖方閱武戶部頒犒軍錢至軍士競前求散楫故遲之軍遂鼓譟稱亂砍擄仆死卒符所料豪紳易制而亂民難制文吏易制而武臣難

制有司易制而宗潢難制

時周府萊陽王與許州貢生蘇輔宸爭田萊陽家奴

擒歐輔宸族人蘇生垂斃諸生不平訴諸直撫盧經督學胡澥萊陽率八王子飛石橫挺擊諸生自裂衣

冠膚愬周王據單辭入告上方篤親親意萊陽實被辱遣緹騎收經澥輔宸俱下錦衣獄蘇生竟斃獄中

抑揚操縱宜有權衡六曰昭激勸自劉之綸以庶常

片語而佐樞叱馭嬰凶

崇禎二年城下之戰督師袁崇煥以疑繫獄總兵祖大壽

東還滿桂舉軍陷歿于是庶吉士劉之綸金聲俱上書請纓自效上卽擢之綸兵部右侍郎協理戎政改

金聲爲御史監其軍三年二月之綸帥師至遵化前軍敗衄招降不屈力戰而死金聲請終養至是府



君請卹之綸不省及十七年正月上念聲舊勞起翰  
林院修撰復追卹之綸蓋出特恩而大歩已蹙矣

王來聘以武第踰年而秉燾先登遇害

王事見前法  
官地未考

應殊卹顧反寥寥請宏斯義駿骨可功七曰勵名節  
在位無才皆因骨柔節墮昔人求將略于犯顏敢諫  
誠以斧鉞之與鋒鏑爲畏無殊摩厲之術必握其原  
八曰明駕馭督撫封疆大吏全資威重彈壓臨戎小  
有過差不當囁呵沮氣所言皆先見洞微閣擬多係  
奉旨不必繼陳

回奏用聞之術

畧曰插之他附其情出于畏死救



亡雖蘇張復生烏能離破惟失賞于我不能弛心于六十餘萬金錢可以設計招徠餌此疑彼成則坐渙其羣露則相猜自賊要在邊臣相機制變非廟堂所得授謀乃今之用閒堂堂正正走一介之使以招麻鮑是乃正告非閒何以伐謀 末又言監視中官之設非可久恃今邊臣歸命軍容陰藉逃罰陽謂吾不自繇此臣所甚歎陛下但專責邊臣而信必于後欺玩自破又何苦以近習試鋒鏑適予邊人以徑哉始陛下謂行之有緒卽撤今行之無緒益宜撤奏上閣



票詬詰交至上發改票執如初上抹去親批這所奏知道了兵部知道十一字烏程見上所改抹默然變

色忌之益深矣

自四年十月命太監唐文征提督京營戎政自是銜命相望王坤往宣府

劉文忠往大同劉允中往山西各監視兵餉王應朝往關寧張國元往薊鎮東協王之心協鄧希韶西協各監軍十一月命吳直監視登島兵餉監視閭思印逼勒供應汾陽知縣費甲鏢至投井死府君所論指此輩也上雖未從固心識之明年遂撤諸鎮監視然未幾以邊警內員復出大同巡撫奏薦僉事劉彝鼎上以彝鼎貪污命同監視會糾收繫論戍自是中官遂操吏治權愈重而庸才匪人益藉以掩過邊東敗壞此其

一端也

十二月疏駁張少宰捷執言反向府君還駁之又



多侵譏政府上兩不問

回奏考選議稿 畧曰頃夏秋閒吏禮二部方奉旨

會議館員考選事宜紛然未決臣於客座偶據臆見  
舊冢臣李長庚聞而問盲因具揭公投謹將原稿錄  
呈如左考選創制聖明盛心會議未定實有難焉蓋  
以上意所崇在于治行而宏文之選原屬文章今欲  
歸之政府而內閣既不欲侵主爵之權若云責在司  
銓而官職豈應不關綸扉之議且法既尊治則吏部  
所據實殿最而上者遂是定評卽考試可不設考必



以文倘內閣所糊名高下其閒者稍顛輿論將功令之謂何正使閣部同堂而咨必致彼此牽制欲求文治相準保無長短差池又以科道退處遺珠聲華疑削詞林太離翰墨名實已乖若此者所謂難也如愚之見請於吏部先以治行考定科道部司等員其於科道但擬懸銜部司照常詮次具題得旨則以所定科道人數送閣考選館員自部司而下不得參預凡與試者悉爲治行之尤在內閣即可一意衡文不必分心采望其高下名次以文爲定而授官編簡仍準



官評如原議給事者則授編修原擬御史者則授簡  
討如此則閣自歸閣部自歸部治行自治行文章自  
文章可以按圖眾察可以糊名暗摸拔科道之尤爲  
館員既可尊文學于政事之上定編簡之次以部議  
仍是升器識于文藝之先則事無不順而行亦可久  
臣所議考選法如此未嘗品題人物而冢臣亦全不  
舉行是臣言僅比芻蕘安所得把持劫制乎報聞駁奏  
固不須詳載今以考法甚善雖當年未行亦備列之

八年乙亥四十三歲 寇禍陳言是年正月賊陷鳳陽



焚皇陵享殿放高牆罪宗執知府顏容暄杖殺之留  
守朱國相指揮包文達皆戰歿故府君忼慨借箸以  
爲寇禍非常國家大辱此誠陛下臥薪嘗膽之時諸  
臣嚙齒透拳之日也今人心所在思亂賊踞南北之  
衝本謀不立他變或生願陛下立下罪己之詔痛切  
撫謙布告天下禹湯罪己其興勃焉興元一詔悍將  
感泣事固有空言而勝十萬師者然固非空言也因  
是以廣宣德意除民疾苦蠲崇禎七年以前之逋負  
寬繁瘠州縣之考成改折雜解官代輸將於下誠益



于上無損非徒無損且得贏焉又今發弊而遠追數  
十年之事扳賊而遠及數千里之人蔓引波翻冤號  
載路去此數端人必感奮今潢池之亂本繇饑寒愁  
苦卽應以捄饑寒解愁苦之法爲韜鈴戰權及今不  
圖日蔓一日必至無地非兵無民非賊陛下亦安得  
執空版而問諸燐燹之區哉辭甚切直上嘉納下部  
酌行已而戶部條例款項稟成政府特拂抑之僅以  
名應府君聞之揭致戶部曰頃職爲民請命謬陳數  
事荷聖明一一下部度貴部自有權衡乃竊聞外議



以貴部于此尙且悠悠冀以小塞而已職以爲惑竊  
意此番發詔自繇聖上以永懷之至痛爲戡定之上  
謀非尋常典則循例明恩之比如其行之不能實脫  
湯火聽之不能隕涕投戈者不如其已謹將小疏所  
陳逐一開列以竭區區如左

譜內諸疏止載畧右揭  
獨詳者以疏爲世所共

見揭未  
之布也

一款請自崇禎七年以前一應逋負悉與蠲除

右件七年旣稱現征四年以前已經屢詔蠲除今  
所議蠲者止五六兩年耳以兩年小塞尙恐未必



歡呼今聞議只蠲五年將無黃葉之止兒啼乎

一款有司考成亦務少寬繁瘠之鄉量以九分爲率  
右件今天下疲瘠州縣實亦未必能完十分亦屢  
蒙貴部軫恤不必今日始言今所當卹在加意繁  
鄉耳就如松江一郡轄糧若干萬郡守四品之官  
至降二十八級將何底止凡如此等悉宜少寬什  
一是繁瘠二字所當並議今聞議瘠而遺繁未爲  
圓滿也

一款東南本邑雜解擾累無紀今除上供軍需萬難



更議者姑仍舊貫其諸一切苟非至急如絹布絲棉顏料漆油之類悉可改從折色官代輸將

右件上供如袍段軍需如弓張竹箭之類獨此兩項驟難議更其如餘絲綿布帛顏料漆材油蠟魚膠鉛錫銅鐵水銀茶椒等項本非急需又可召買宜自今始悉從折色決策爲之其便有六凡物估一兩者民間必倍費至于二兩今議每估一兩外加四錢另加鋪墊二錢其他增減不同悉以此例爲率則是在官常得四錢之贏在民常得四錢之



縮公私兩利便一也凡貨材之外至者意在取盈不能精良以致駁換往返非惟物力坐困亦且時日久稽今斂銀入官官自買購徵材必當需用之時致物祇充所用之數因便得良以少得精不至浮濫便二也貨物積之內庫日就耗損積鏹千年豈得無用猝有急需又可通那便三也四方商賈占望緩急京師所需物必輻輳便四也官自爲市國帑之財時與民間流通京師亦有潤色便五也以折色而入者亦可折色而出如黃絹本爲撫裔



而絹或不敷卽以折色與之度更忻然便六也故  
爲折色之議者乃百年不易之策今欲僅以五年  
前通議折似乎愚民矣本色之所以有拖欠者以  
其駁換往復年復一年以至于此究竟民力止辦  
一年未嘗并三年之需今若現徵本色如故而虛  
議舊逋從折以明德意非惟愚民將無罔上乎大  
都貴部所慮者惟十庫中貴耳今聖上焦勞主辱  
臣死豈無賢者應有同心貴部豈當以此遂懷躑  
躑耶



一款請發弊止推現前勿窮久遠追贓止嚴本犯勿聽扳牽

右件贓犯扳牽曾經貴部奉旨禁戢而海內沸騷未已者蓋繇變產之說仍是扳贓也凡奸犯所供之產多是他人之產一或不察行下照追郡縣火差勢同捕反在本犯方居此爲奇挾欺致富而無辜之人家命俱喪者有之或云同讎之人例應賠認不知贓犯供扳之時孰辨其是否同讎卽郡縣追呼之時曾不言事止代認於是有以非同讎爲



同爨何從分辨何從聲訴卽辨明訴理而家已蕩  
然皮骨俱盡矣今請厲垂永禁凡賊犯口供產業  
不得遽認爲真先行本縣毋出牌拘但大張告示  
開明月日緣由及所供產號地界與夫同爨姓名  
旬日之內如果虛誣必有來辨者因而查其真確  
據實報部俟部再行下然後行追庶免冤扳可無  
擾沸矣若夫賊非重大事經久遠卽同爨之親免  
行波累當此人心思亂之時非同熙攘訶衢之日  
若猶拘拘何事可以見德乎



於是遷延近期纔頒赦詔冬十月上避居武英殿減膳徹樂布袍視事命臣工共加修省而閣擬無感發將士之絲綸部款不大去閤閣之疾苦時禮部侍郎陳公子壯陳蠲租清獄宥罪使過省工東兵豁贓恤宗改折寬驛旌敘事例十二事雖奉溫旨亦俱貌應有君無臣何以致興元建炎之效哉

按鳳陽之變非寇也商民苦守備太監楊澤之貪殘憤而揭竿旬賊于穎攻陷鳳陽故前疏德綏爲勝著而無如當軸之藐藐也



再按陵變之後上命科臣林正亨周視寶城察方  
中封處自常奏外有密聞爲圖以獻而傳者動以  
獲穴爲解蓋其中有不可問者矣

四月六乞歸省

五月七乞歸省

六月二十八日上以枚卜召翰林自尙書以至編簡

及九卿堂上官將試以票擬時府君引疾求歸尙在

杜門政府香山

何公吾騶

兩使至謂上意久屬機不可失

卽命召無偃蹇理文公震孟方病因註籍亦手書勸



駕府君靜籌久之歛然而起曰諸君誠愛我但事固不然吾日日求歸言言終養今聞枚卜遂爾突出將何以對明發友生及其衾影乎况枚卜大典自應確稽品望博采輿評豈如科場考選可一試而得出必不得得亦不光遂堅臥不赴其日應召者七十餘人各給一牘使平章之越三日御札下吏部令以禮部尙書姜公逢元等七人履歷進文公與焉及宣麻惟文公入閣辦事蓋不試而得之而六公與試者皆不與繇是文公益歎服謂同年曰鴻寶每事高我一籌



早我一著

八月遷國子祭酒

先是撤講既不聽歸內閣循資

擬推府君少詹事管玉牒日講如故具牘將上府君聞之詣閣力辭以爲求歸四載若復留講筵母子相見何日必不得去且圖南以便版輿願以少詹讓南祭酒方書田而身承其乏則具有斑衣之樂無躓等之嫌首揆烏程謂講官南徙將無屈抑若以詹銜掌南院猶或庶幾府君謂得南已幸何敢望詹銜祭酒自榮無庸領院也首揆爲之首肯已而被論下直旬日



嘉善

錢公士升

香山

何公吾騶

又欲留府君以詹事掌北院府

君以爲若爾非惟大拂初心亦且紊資越級上書縷

縷千言二公乃止仍申首揆南雍之說而首揆意屬

後資事遂中變府君爲扼腕累日歎曰吾初只求歸

非敢求南以南亦官也所以言南借爲歸計耳乃何

以退難于進出難于入吾一生升沈總不結得政府

緣向官中允三年宜興以爲已驟不肖逐隊推陞今

官庶子半年烏程以爲已深不聽借途歸省去年作

南祭酒亦不爲躡越而過抑方書田

逢年資在先公前

以壓



我今年作南祭酒亦不爲屈抑而謬昂我不使壓後

資

失其姓字

何政府之扼我如是哉憤極只得一笑

所載殊觀

縷聊以見奇君難進易退之一端

府君經營南席者十旬而竟領北

司成云

九月奏陳造士規條

府君初以歸省不得快快既

思樹人大計事在辟難期不負吾君不負所學實在

于此于是慨然以教育英才爲已任時太學積弛生

徒率以貲入不足敷教而天下新拔貢選需明年鱗

集闕下然後分入兩雍肄業府君乃先加小刷而以



更絃之大預條八議一曰分合流品以貢選爲正流  
援納爲閏流貢選主于教成援納惟依限撥所謂分  
也遴援納之英奇進同貢選黜不率之貢選退處閏  
流及夫季考科試則兩流萃聚更不分殊所謂合也  
鼓之舞之其在分合之際乎一議審定教法教習貢  
選一遵祖制自廣業堂遞升至率性則與積分孟月  
試經義仲月試論詔誥表季月試經史策判參文與  
理文理俱優者予一分理優文遜者半分歲內積至  
八分爲及格得撥厯出身不及格者仍在監讀書所



教自德行經術文章而外必與讀經濟之書求天下之事兵農水利分科取精律厯技射以時間及其援納一輩考分三等上者遴拔請旨同貢選一體積分其次中人之資亦教以貢選之教惟不輕改流以滋倖竇不程分數以妨撥期其又次者使講讀律令稍通治民大義不致面牆一議慎選六堂師表得人則百度不勞而成請令吏部博訪名儒罔拘科貢一等品端學正動成楷模一等博物多聞叩之不竭一等老成拘方望而可畏一等慷慨特達氣足厲人皆有



範法可以造材稱職必與久任久任必與優擢助教  
以下得與博士一同考選一議崇尚經學海內郡邑  
諸生有通三經以上者有司考驗得實卽時通詳撫  
按督學起送到部奏請廷試發雍肄業一議申闡文  
體陛下所禁者詭怪謬悠之說意本求奇今過畏功  
令者以庸爲正苟幸無過亦豈真能無過乎五經平  
正之歸從無凡語請令中外衡文之司苟求崇體必  
無抑才一議分別選格往例貢選職銜由吏部考試  
而定今旣以積分教成而取選又豈得分教等選格



爲兩事自後積分出身卽從國學教等分別上等優  
選次等本選三等下選所授職銜非必過溢其分惟  
變吏部一日倉皇之試爲太學歲月漸摩之功較爲  
責實初不侵官一議召試簡授高皇帝欽定規條于  
出身一款有才學超越者取自上裁又常親召試授  
翰林科道部曹方面者不可勝數今教法盡復而此  
典不行則士不勸請于三等之外特疏奏聞陛下召  
入親試之有當卽破格擢授每舉卽不多收但得一  
二而多士之精神自奮一議清楚厯事祖制積分及



格卽撥各衙門厯事蓋欲其練習政務卽進士觀政之意今乃使供膳寫猥差或輸寫值失矣宜令諸司設法磨練考其勤惰俱奉俞旨下部

又陳雍務六事一國學傾圯亟應繕修一勲貴子弟到監習讀一養士錢糧開申明白一例生咨撥設法防詐一監生訐訟所司移文知會一監地寥曠屬員遵制巡防

十月遵旨率屬捐助陵工

時御史詹爾選極言捐助苟且之政收繫論罪關帝

太監高起潛又請捐俸市馬劉公宗周上言一歲之間助陵工助城工又助馬價亦何報稱萬一而時奉



急公之旨諸臣于此毋乃沾沾有是心惟皇上罷得已之役節省愛養何事屑屑以利爲言乎尋亦罷歸以陵寢震驚奉詔省愆因言今之人情率有四遁曰縮胸多畏曰揣摩善窺曰畫畔自了曰悠忽坐廢循此四者誤國有餘又爲嘉告之言曰尊謀所以用寡益賞所以治怯練兵所以減饋儲才所以省官使天下之心畢出于赴功不出于排過天下之智悉注于實事不注于空言兵且卽銷賊于何有優詔答之

九年丙子四十四歲

正月奏候聖恩

以醫諭政

二月請頒諭激勵生徒 時禮部覆議積分斷以是



年五月初旬選貢入監之日爲始

時已詔下直省令提學官以鄉試格

彙試諸生監臨分考謄錄彌封學拔一人貢入禮部分送兩雍肄業

府君思造士不難

于施設科條難于激發志氣祖制曠廢二百餘年一

旦修舉人將以爲申飭故事此非宸翰碎訔何繇感

奮閤票不之許

定齒胄禮

釋奠太學六堂與勲胄爭長六堂曰吾

師也勲胄弟子也弟不先師應長六堂勲胄曰吾師

司成不師六堂非生徒比應長勲胄議未決折衷府

君府君曰六堂非勲胄師然固爲生徒師道惟尊不



不可後勲胄卽未可擬襲封之極品然固有秩視千  
戶之五品朝廟尙爵亦不可後宜兩全之乃身率勲  
胄奠啓聖祠而令六堂從司業後陪祭先師爭者皆  
服故事釋奠先師遣閣臣行禮翰林分獻而司業陪  
祀焉啓聖祠祭酒行禮南雍則祭酒釋奠先師司  
業奠啓  
聖祠

時上重春秋之學府君日與生徒講論不沾沾傳注  
而引據井然號春秋問答書逸

以絳州選貢辛全通五經有孝行出家儲十三經二  
十一史授之載之兼輅生徒莫不鼓勵思奮尋又因



保舉守令之例從而薦之

以本監屬員李克昌等十餘人博洽端方可與造士  
俸己及瓜時當遷轉咨呈吏部仍留本監充六堂之  
用

三月恥羅猥薦求罷 黃安諸生鄒黃妄行薦舉中  
及府君疏言以臣不肖而言者譽之臣非甚不肖而  
言者以毀之道譽之故諸臣恥之臣亦恥之而更有  
憂陛下求言若渴本期宣燭幽隱而宵人遂以干進  
至敢薄孔孟爲糠粃網簪紬爲桃李一月未久蠶涌



波騰誠宜亟垂厲禁以大謀付之廷議以清議還之  
士大夫以條事歸之通政而重其封駁之權以訟冤  
屬之登聞而嚴其反坐之令庶幾幽隱仍通紀綱不  
墮報有旨時武舉陳啓新以一言投契立致清華而  
諸生鄒黃遂妄加月且未幾而武生李璣  
至欲搜括巨室嘉善駁之反爲烏程所擠  
橫議之患其流日甚此府君之所爲憂也



倪文正公年譜卷之二

譚瑩玉生覆校



倪文正公年譜卷之三

男會鼎恭述

崇禎九年夏四月勲臣劉孔昭疏訐府君罷歸 烏程

銜府君侵議每思所以申之以雅負時望遷延未果

及領司成官四品例與廷推枚卜

府君前乞歸疏臣自明骨相以五品

為登巔窺上意頗嚮構益急顧言路無可喻意會誠

意伯劉孔昭覬戎政遂以昭之出袖中彈文使越職

計奏府君冒封詔下吏部議覆於是同里朝士尙書

姜公逢元侍郎王公業浩劉公宗周等及從父御史



公揭辨分合之故府君亦上章自理烏程意沮及吏部覆行撫按覆奏烏程慮勘報之得實也卽擬旨登科錄二氏並載朦溷顯然何待行勘於是部議冠帶閒住烏程票革職上從部議而封典如故已而誠意戎政之謀泄勲貴惡之暴其事於朝堂乃不果行等爲特設武操江以酬之

喉附者尙有人屢見埜乘茲不及

詔于七月朔下是日日食有山人黃太和颺言於衆曰倪先生此一處分在實錄最可觀七月朔日有食之國子監祭酒倪某罷居庸失守或以告府君笑謝



曰此言似佞而不厭也所知以去位弔者對曰六年陟岷七疏陳情非荷人言何緣子舍今罷休已慰素心章服尙娛斑綵知者宜賀何以弔爲

九月朔 登車南返

舟中作兒易初以易不可爲典要偶取爻象之變化以資發揮後遂覃思著作書成號曰兒易自敘曰漢人說易舌本彊極似兒強解事者宋人梳剔求通遂成學究學不如兒兒強解事不如兒不解事也又曰子雲太元童烏共之童烏者子雲九歲兒也蓋自謙



不敢當註易之名及門以古文兒倪通用遂以姓稱

倪易失府君指矣

詳見後

十二月舟將抵省馳使白太夫人會欲禮佛雲棲府君乃輕舸渡固陵迎抵會城瞻諸名藍因以卒歲

十年丁丑四十五歲二月奉太夫人歸里

五月治宅城南之羅紋

川疇交錯其紋如羅

府君性好山水不

樂廣廈以城南雅僻有綠疇碧水舉目南山故卜築

于此十二月規模略成遂入居焉

十一年戊寅四十六歲



製一舟小者淺檻疎簾往來城曲手額芥爲之三字

廣者簟廬竹榻探問湖山中榜鋤水外揭倪家船

有說

見興至輒召賓故縱其所如日暮則襍被舟中見者  
知爲府君有李郭仙舟之慕

每遇月夕輒留連庭除倦或倚石小眠復起歎曰一  
年幾回月有月幾回明意氣閒遠悠然莫及

太學生涂君仲吉謁府君遂定交 先是黃公道周

數直言及奪情相武陵又言不宜破非常之格奉不  
祥之人上積怒廷杖收繫涂抗章論掾并杖俱論遣



傳列正久全言卷之三  
三  
詣成便道過謁府君連留旬日乃去

已而黃公被放亦渡江而東其門士陳公子龍司理

越州並盤桓於府君之廬時人以爲德星聚云陳後亦盡

節

十二年己卯四十七歲杜門却掃屏謝人事車馬不及

公門里中吉凶重弔而輕賀

斟酌古今定家廟時祭合享之禮

十三年庚辰四十八歲著兒易成分內外二儀外儀發揮微義雖因實創內儀特標元解不離經內之義又



分之以兩編者以本諸大象如豫以作樂崇德全卦  
皆歸樂革以治厯明時全卦皆歸厯尊仲尼以兼三  
聖俾程朱不得不俛首之者等于易林六十四卦從  
而重之卦占一辭取易所固有而箋釋以通之使焦  
京無所擅繇象

著易處在宅左筵妙樓樓峙水上前通蓮沼左有土山以其小也亦稱兒

山云

兒易既成海內問奇者如市德清胡公麒生徐公倬  
三吳葉公培恕江右劉公勃戴公國士甬東馮公家  
楨上虞徐公復儀皆連袂橫經問難往復館於兒山



累月乃去府君亦時爲設具啓發之猶記與陳子誠

休一扎云適葉行可

卽培恕字

徐方虎

卽倬字

過小樓留之

五簋屈兄過從與作款曲並可談易正是文字飲也

行可注毛詩至秦風乃以焚香搗管登之白簡云昨

以束帛登龍願輟稿附大注梓行席閒庶可面商耳

十四年辛巳四十九歲 三吳兩浙大饑時荒政久弛

公鮮宿儲米廩將罄米價日騰當事者通糴未至城

市不逞者聚千餘人剽富家米日再告長吏患之造

廬請策府君曰折亂在萌療饑宜速道止此耳太守



寬仁不能決郡司馬繼至府君具以告守者告之司  
馬以爲權在太守府君折之曰君職司捕遏亂固君  
責也今攘臂者無械具無計畫抑之甚易失茲不治  
他日亂成君欲諉責得乎第須明示賑期以定民志  
耳司馬乃械繫數輩囊頭于市浹日而舍之亂者皆  
懾伏於是府君以爲亂雖粗定賑宜近捷欲求近捷  
必先大戶兼紳民言然而富者多吝貧者習驕務使大戶  
捐米而藉捍衛于貧民貧民效力而令素餐于大戶  
貧富相資困廩自出乃請郡守下令且代之草曰照



得今日揀荒定亂之法惟有三言曰坊各養坊坊各  
護坊坊各戢坊而已坊各養坊者計附郭兩縣三十  
九坊各以本坊之大戶給賑本坊之窮民窮民不得  
食責在本坊之大戶聽貧民公呈告府以憑督催坊  
各護坊者各以本坊之窮民守護本坊之大戶大戶  
或被搶失責在本坊之窮民聽大戶公呈到府以憑  
懲究坊各戢坊者各以本坊之鄉約總甲禁戢本坊  
之窮民窮民有出各坊開搶責在本坊之鄉約總甲  
聽大戶公呈到府以憑罰治令下之後限各坊鄉約



總甲於三日內報成至于通糴之謀責在本府自當竭力設法應期接濟其倉穀之現貯及糴米之繼至者俱候臨期出示分給各坊自行給散事完繳報若夫亂民搶攘此後惟有軍法從事令在必行通諭知悉

又謂當事曰饑民呈至宜先令約總察報察報得實卽令約總率饑戶能言者數人赴富戶處婉切哀求不許喧嚷其在鄉紳亦不妨封送原呈或賜一帖賜一顧以婉趣之也其有一二窮坊無大戶可恃者宜行兩縣察明官爲幫貼

則令無不行澤無不暨矣

繇是民心大定而富戶

亦鮮有頑拒者

於是又廣致粟之路曰平糴糴本出于官或出于商



各就溫台稔鄉糴賤至則依時值扣本歸官商便其  
循環繼糴餘米減價而糴凡饑分三等上饑給粥次  
饑授米下饑平糴

又定村賑之法饑者欲于郊圻分設八區廣召饑者  
府君曰不可地廣人眾則稽覈難而敝實出且枵腹  
者豈堪奔走道路而待升龠之廩耶坊各養坊卽行  
之城市於都鄙何獨不然總之事求徑便一則近而  
易察無逸籍之民亦無冒支之弊而仰我者還爲我  
衛一則散而不雜無守候之苦亦無疾疫之憂而非



常者亦有可稽其糴村零聚則附入鄰鄉董事者率以士人用朝氣以窺學術每涉旬則鄉達身先慰勞之踰月則當事者獎勸之出于至誠人思盡力全活不可勝計 季弟曾稔生

十五年壬午五十歲 三月官商繼糴之米至甚少議者以米少人多欲裁饑口府君曰如此則饑口必譁莫如并改煮粥可使食惠羸而延度久因代山稽二令草文告曰爲改平糴爲煮粥以大便饑民事照得糴米于台本爲平糴而設不意米至甚少本縣山分



米纔四百餘石察本縣二十三坊居民通共八千計口均分每口不過三升除納銀六分之外所贏不過二分纔充半月之食何濟于事今遵道府明示改爲煮粥之法于坊里民廠外各立官廠每次饑納錢一文以當平糴上饑免納以當賑日給粥一大盃自十月望始至七月中止分票領粥不許他坊村及流移等眾攙雜混支計粥每大盃連柴火工費約用錢五六文今使饑民以一贏五延度踰月較諸平糴之利不啻一倍其各仰體以待豐年 尋又別設粥鋪以



便行旅流移而納錢倍之依次給領于是饑者歌舞于道

時官商米給附郭二邑城市者長吏使山稽中分之府君謂今兩邑饑口通二萬四千而山陰僅八千不計人口而計縣分非平也爲誦言改正之畸零者分給各坊爲開廩置器柴薪之需

又念寒士好修恥于自言乃密切訪求先後得二百餘人致當道捐俸周之而佐以家廩四閱月閒分三期就郡庭給領周之可受但不許自行陳乞以全儒



雅

又創爲一命浮圖會以贍失賑之夫而廣行義之術  
序略曰米價方騰天災未已頃者分坊設賑亦既普  
郡歸仁然固有窮谷荒村他鄉別井臥儒游旅廢丐  
疾囚居遠仁者之鄰名逸饑民之籍誰不有懷所患  
無術今曲求巧便別啓因緣不假多施但占一命計  
自春暮以及秋中爲期百有四旬量米日纔五合不  
過七斗已閱三時今以萬錢廣施萬眾萬腹仍枵苟  
只一橋專渡一蠖一緡卽足爲此功德勝于浮圖各



務盡心共同厄運敬當白佛告成脩齋圓會所得福

數詎減恆沙

一册到願與者直注其認抹一命不願者聽

聽得雜舉家眾姓名人占一命既可廣仁又不違例

一力不足者聽以二人朋占一命

不必關會首事徑自舉行惟須訪查確覈無或受欺

一每十日給米五升自三月十日至七月盡止

一至七月望日司會傳冊徵填各眾所抹饑民姓名

擇吉具疏白佛集眾焚香誦經圓滿其齋誦等費首

事獨承

一有跂足斯會而力不能從者聽認察舉

白一名以至三名苟無冒混與賑同功同向疏中一

體中

是錄輕便易舉雖擔石之家得效其實屢空之

士可盡其心故行之者眾而多所濟良仁術也

札示中庭曰殍殣載途何心復御酒肉自三月始至



年稔止常日悉罷牲割其長幼生日及月之朔望兩  
弦盡室持齋客至亦然節省分銖以捄饑命告天白  
佛自爲塞咎之謀如此客若甘之卽客福德

已而越城之粟不繼辦募傳勸其詞曰杏花

寺名

一徙

東仰

坊名

中離欲果善緣重申募事招招繼至望望增

輸請以次第僭自隗始須明及時行義此灾荒卽千  
載奇逢要取同道爲朋以樂助爲兩坊勝氣云爾其  
後募不足解腰閒金帶又不足破禁令子姓將伯于  
門下宰官資斧之外悉以充賑



上虞府君祖籍也宗族聚焉饑戶不少而捐賑者只  
填簍兩宦戶因復爲族自賑族之議一則使貧族不  
受賑于他人一則使富族不報名于官府此兩護之  
策但恐富者因此遂不關心要須各隨田畝多寡分  
等捐輸所捐有餘卽兼賑他姓

上虞五都饑民數千輩以富戶失賑奔籲分守使者  
併告急于府君使者有怒富戶之色府君以太夫人  
爲五都人急作調維立勸辦爲大母倡捐十金傳募  
諸家皆欣然餽輸不五日事竣而使使者之檄始下於



是致邑宰盛獎富戶樂施計不旋踵之義而曲原饑  
民歸命語不擇音之情以持兩平報上使者大悅凡  
府君之處分曲當類如此

賑事至半爲之長慮却顧以分守使者鄭公瑄力拊  
循而瓜代將及則公揭兩臺咨留入任時蠲貸之詔  
未下則遺繡衣以書曰敝浙連歲大荒而杭湖紹尤  
甚斗米至錢七百請蠲不得或且冀緩卽不得緩而  
德意旣彰所司亦且暫戢追呼之吏在有司不過爲  
吾民受一二月參罰耳古人矯詔發粟今卽矯詔緩



征何不可乎南北異勢各從其極而言今日在東南  
之勢極矣極則必變不得以西北斗米一金人相食  
爲比惟仁人圖之又以收會開局收除民業派定郡  
徭役十年一舉郡  
邑定于八月則言之郡守以殭疫猶盛米價減而復  
騰聚食啓紛慮生意外又各鄉有田者粥賑未止力  
田者刈穫方忙奔命分身勢必不逮宜收回成示更  
延一月事亦不遲而所全者大又以外邑剽粟之案  
未結胥徒作奸鄉落小騷遺書上虞令使銷檄湔除  
之報書當力行根究杜絕此輩府君謂根究之爲杜



絕不如湔除之爲杜絕惟盡銷搶劫之票示諭遠近  
則反側者安而奸胥無所鬼蜮不必根究而自然杜  
絕矣威斷之後宜布陽和惟使君圖之蓋始終周密  
若此

瘡痍旣起復慨然于備饑之無術乃參稽古法創立  
社倉序略曰或問恥曰人不能自食而倚天恥也鄉  
之人不能自食其鄉而倚國恥也稽古社倉自隋唐  
而下戴王所條參之伍之皆有未協以其資計威教  
悉仰朝廷非鄉自爲功者也鄉自爲功者古今惟考



亭一法然考亭自爲之則良他人行之或倣考亭不  
曰里社不皆可任之人乎所謂可任者能人義人慎  
人信人廉人今苟不得數者之人事必不立悲哉法  
之倚人行也爲法不能制人必行而倚人恥也某之  
法察鍵省機欲使雖不得數者之人而亦可不害者  
則有五道焉曰託卑託尊于官卽廢興繇官官雖賢  
三年而權盡今以土人世其事子孫習見百年常在  
望家無繁令而安里有多言而憚雖非能人亦可不  
害者一也曰居約戴王之法畝責升輸是使數十人



共執倉命也今約之五人則定縱堂皇者五人耳其  
數十人常在壁上謀靜而專志咸則銳雖非義人亦  
可不害者二也曰絕累以粟貸民求息則粟有再死  
民亦有再死民頑不時歸粟粟小死歲大饑問諸鳩  
殓粟大死以法治民頑民小死春散秋斂五六月閒  
價踴求粟不得民大死今就糴徵利以平爲功金粟  
迭處不離其據雖非慎人亦可不害者三也曰制欺  
伯夷守藏不如緘封今質入穀出以鍾易石蚨飛來  
去倚枕聽之周鄭交質之謀而自邃古結繩之化雖



非信人亦可不害者此也曰藏富執炙終日甯當不知其味寢處京坻而我無與焉不及十年庸人皆倦矣今以爲其家之肥期而歸子旬而歸母後乃盡子困子凡穀六千石受息十二準腴田二百四十畝是五家子孫世世之業也富此五家而千家乃不饑自抱其珠誰得珠者雖非廉人亦可不害者五也錄成命之曰翊富倉書謂爲富者策揀使不得貧非直起貧而已於是建義倉于所居之西陶坊名其樓曰善有爲閭里倡穀牛集而召命至未竟厥功及領戶部



奏上之

時詔起廢籍諸臣又將枚卜閣員宵人忌之布匿名書於朝堂列二十四氣在朝在籍皆無免者已而上戒諭言官以爲代人規卸給事中姜埰上言爭之謂上何所聞而云然此必大奸巨慝欲籍言官之口耳上怒收埰下詔獄

宜興再召府君上書以效他山曰帝求舊德天欲治平明甚薄海歌舞之象比于宋之再相溫國物情則有然者顧其勢會微似不同何者熙甯敝政罷之而



已但一舉手立致歡呼若在今日滅竈更燃先須措薪鑽火卽如一日見上爲上言者一及寬征上必先責之足用一及宥過上必先責之致功足用致功非一日可副之責而天下之以寬征宥過望老先生者似不可須臾而待也卽此一端其爲艱阻徘徊豈溫國再入時之所有而其深信老先生必有可得而爲者以其道廣而術尊才大而節警誠與氣會無堅不入耳天下之計在明標本寇深之繇于民窮才遁之繇于法急今之所爲本計失也與其日日治標標不



得治何如繇本及標循序而求之積一日則有一日之功乎至若世道人才之計老先生八九年來胸坎中日打百十迴者卽一出而厭天下無難惟是人心亦甚難厭也某竊謂難易之勢可以相權在天下之所求于老先生者不必皆甚難在老先生之所自處者不必皆甚易惟老先生無僅塞天下以所易而諸君子無遽求老先生以所難則赤舄几几可以沛然上下之間而無礙矣某鬢髮已衰明農踰量無論其他卽八十一歲老母在堂萬無出虎谿一步之理老



先生藥籠中所最不足留意者某一人而已不能奮  
飛敬馳一介書達宜興善之而不能盡用



倪文正公年譜卷之三

譚瑩玉生覆校



倪文正公年譜卷之四

男會鼎恭述

崇禎十五年冬十月詔起府君兵部右侍郎兼翰林院  
侍讀學士府君家居七載天下益多事上思舊德宜  
興慮府君不拜命故以佐樞環召府君以母老疏辭  
甚力已聞畿輔震驚時閏十一月八日也部檄徵四方兵入援

府君瞿然起曰詔以臣貳樞而聞警不前非義也乃  
長跼告太夫人以故太夫人曰吾尚健飯爾其勉諸  
府君又計此行匪徒赴召合議勤王遂毀家募士號



召義旅得敢死數百人計淮揚天下巨鎮兵必聚史  
公可法撫其地訓必精先馳書假勁兵三千鼓行入

衛

書逸

仗劍繼之及抵淮撫帳健兒纔二千畫淮自守

未足府君怏怏失望史公以無兵可分亦怏怏會留  
都江浙援兵相繼至諸將吏請府君就統其衆便宜  
部署府君爲按行營壘察士氣不揚又無馬甲不任  
用不得已則欲大募鹽徒問糧齎使者不應府君乃  
投袂而起曰吾卽不能捍衛旦夕必達不貽君父憂  
將三百騎夾趨衝險出濟北



十六年癸未五十一歲 時大師深入自良涿南下破  
臨清分兵爲二一趨兗郡一趨濟寧鐵騎三十萬連  
營九百餘里亘山截流無隙可入裨較以孤旅無援  
請暫退觀變府君正色曰吾千里勤王有進無退且  
北兵日南進退皆危與其退不免危何如進更得全  
君輩本以義從不當復計利害將較皆服于是申約  
束以故副將張鵬翼參將牛化麟老于邊情使各將  
一隊分覘身率百騎間進兩幟左右相望十餘日達  
京師時計吏援兵杳絕都門晝閉京僚聞府君至一



時皆驚上異之即日令見首奏彼已情形次奏目前方略次奏禦寇機宜次奏制財足用兵餉宜合次奏淮鎮切謀及截漕末議又奏今之本謀在乎主術力行仁義提拔紀綱愛惜人才興尙氣節定心志一議論信詔令慎誅賞上嘉納之明日補充日講

會鼎

侍漳海夫子駐軍信州時客坐抵掌嘗論府

君勤王之舉膽略倍于宋賢宗澤在衛聞二帝北轅卽提兵趨滑據金人歸路以邀二帝其志壯矣然兵力未足不能無待于援師而援師卒不至宗



亦不果卷甲今倪公以必達爲主甯進尺死無退  
寸生豈非膽力過之紹興末金人南侵充斥河北  
諸軍無敢行北岸者會召張浚判建康浚小舟徑  
進人驚以爲天降其事偉矣然浚召自行閒部曲  
微而具體王言不宿義在直前倪公起于田里無  
兵柄亦未有官守進退之間綽有餘裕乃張空拳  
冒白刃竟以百十子弟批熊羆而狎驪睡計無反  
顧旬日瞻天方之于張難易何似漳海之論如此  
敬爲述之



五月十一日特簡府君爲戶部尙書兼翰林院學士  
日講如故以馮公元飈爲兵部尙書詔無例辭復召  
至中左門諭府君曰卿忠誠敏練朕知卿久諸奏議  
無不井井有條古帝王用才致治只一二人周四友  
漢三傑卽高皇所用文臣亦只劉宋數輩耳今擢卿  
戶部爲朕力致太平 又諭卿兩人同鄉里負才望  
國家艱難宜共治合謀其有以報朕府君念太平非  
司農可致引祖制浙人不居戶部例固辭不許乃奏  
曰必使臣當有三做一實做先準餉以權兵因準兵



以權餉則數清而用足一大做凡所生節務求一舉而得鉅萬毋取纖潛徒傷治體一正做以仁義爲根本禮樂爲權衡政苟厲民臣必爲民請命奏未終上褒歎曰卿真學問之言根本之計乃叩首謝受事於是五日三召情禮有加及退遂以三做額堂用明司計本謀首求實做者三曰慎餉司以清兵也并三餉以馭紛也定差規以杜競也清兵者以天下財力什九費兵非費兵也費于將校之虛冒也故務博選才能不拘資格以戶郎而兼兵銜仍得實行兵部之事



使三司公言卷之四 四  
誠能潔清無欲轉饋以時或閱操頒犒以示鼓舞或  
就營面給以杜侵漁三軍之歸命餉司甚于主帥而  
主帥必不能挾其下以相撓持夫清兵者將之憂而  
兵之喜也何意外之足慮今限以二年報滿以清釐  
之多寡爲賞罰從之

按祖制邊餉出于民運又有屯糧鹽課儲備自充  
未嘗仰給京運京運始于正統閒然不過數萬兩  
至萬厯漸增至三百餘萬已苦其多至末年又加  
至九百餘萬謂之遼餉又有剿餉斯大濫矣然戶



部未嘗全發天啓中或四發其一或三發其二崇禎初上厲精邊事部始全發相沿成例不可復損十二年在廷創抽練之議又益餉七百三十餘萬謂之練餉合舊餉共二千二百二十餘萬出于田賦者什八九蓋竭天下之力以奉邊而兵反單弱關甯薊永遵密六鎮之漕帶遼練及臨德二倉米百餘萬石派買畿南山東河南米豆九十餘萬石不與焉冊報戶部則兵多報兵部則兵少矢口索餉則兵多責以戰守則兵少戶部惟據邊冊給發莫得而問其虛實也至于祖制額設之民運屯糧各



督撫所自徵收徑餽行閒者反概置事外而惟以京運部欠爲辭盡予則不給少予則邊帥藉口僨事江河已竭漏卮無窮天下嗷嗷羣起爲盜此府君所以首事清兵特重餉差惜乎上之簡用不早自十六年六月著令司餉以二年報滿而先公筭計纔九閱月又一月而國事去然宣府餉司孫公襄已報清六十餘萬甯撫黎公玉田汰七十餘萬而兵部亦咨報缺兵之餉三百萬使府君展布於寇禍未烈時所清甯止爾邪



馭勞者以出入款項參錯奸弊易生勞莫過于三餉  
故奏請合一之略曰餉一而已今三分之曰邊曰新  
曰練在有司催徵名色紛歧胥吏易于游移會計不  
清在臣部則亦猶然一營而分隸三司其兵而兼食  
三餉請必以簡馭繁合三爲一凡徵民糧悉去邊餉  
新餉練餉雜餉之名止開正賦兵餉二則正賦萬世  
永經兵餉事平賜復其在臣部惟區天下省鎮爲二  
以司官二人分司出入亦總曰兵餉而已餉名旣一  
於是令兵部罷抽練之兵還其原伍夫抽練猶是兵



耳未嘗有異而移徙徒煩糜耗不少罷之便上又許之

又按練餉者抽邊兵而訓練之所用也夫兵有本

餉練在其中卽欲別存鼓勵無事張皇乃餉額旣

過多所練又至寡

如薊督派練四萬五千人僅報二千五百保督派練三萬人僅

報一千五百保鎮派練一萬人僅三百餘餘皆類此諸邊將吏甚至匿全鎮

原伍置而不言惟舉抽練之數號稱單虛以欺朝

廷是非因抽練而兵強更因抽練而兵弱蔣晉江

數言其失上慮裁餉不足以飽士未之許也至是



府君申請罷抽練還原伍不言裁餉而餉裁故上

納之事下兵部未覆

裁練餉事見下十七年正月二十日

杜競者司屬諸差有苦樂大小之殊營之與謝苞苴興焉府君謂不正已無以率屬不率屬無以致功乃分別特差大差中差小差上苦差次苦差凡六等特差卽餉司慎選才能不拘格序大差各司保舉其餘以苦樂次序爲乘除規既定率僚屬誓於戶部之神祠

次求正做者二卹車戶以能邇也改雜折以柔遠也



府君蓋以設施有序重在安民要先奉行朝廷德意  
宣仁義於天下而其餘次第布之故首郵車戶故事  
漕艘抵通畿縣僉報車戶陸運入京官予直不及半  
畿民歲苦之至是欲改民運爲官運而漕已至津更  
弦無及姑爲半掾一併倉東倉距大通橋近而西倉  
遠今米至不過二百萬石可併西于東坐縮地十餘  
里一橋支軍故受米于橋者今使受米于倉道里遠  
而米特純且無勒索短少之苦軍更樂之于是又量  
增脚價石三釐部費不過五千金而驩聲動地矣次



改雜折東南雜解內庫所需民間辦解甚艱而中官  
以爲利藪賄或不稱駁換無紀究竟逋多難徵時久  
倖赦民命可矜物力可惜故請于上聽暫折三年不  
妨倍輸價值民猶以爲善也上命開列款項以蠟粉  
之屬五十有五及工部之弓箭弦條上十庫中官各  
疏爭上僅改折顏粉五項及弦箭而已十六年以前  
未完者則炤常價折納是時恩膏未盡沛而閭巷已  
如釋重負矣

按實做正做二義已宣揭于右其大做不復標指



者以凡所生節無往非大也譜內業以歲月爲先  
後無煩復分門類

六月薦舉桐城諸生蔣臣爲本部司務從之蔣先以  
保舉謁選入都朝士多言其有用世才造邸訪之傾  
蓋目成遂以入告

府君自言受事以來有任大之憂有察細之苦且法  
久弊生事須通變苟精神弊于簿書何暇興革劉晏  
只用士人故能博通旁求乃擇清通敏惠之才於司  
屬得劉君顯績張君鳴駿陳君裔誦介君松年堵君



允錫分司稽察而蔣君任司務以總之由是冗猥無  
擾經權曲當

七月辭日講疏云心計既粗無暇精言性命身匏有  
繫不能兼典衣冠上溫旨留之

疏請宥罪錫類時邊需國用缺額懸殊生節效需數  
年而所急近在旦夕又不敢以權宜之術自形苟且  
惟求見于詩書近於仁義者而爲之乃上言贖罪之  
議不起于晁錯而起于舜典今請赦下刑部自成遣  
以至大辟之稍輕矜疑者分別情由等差則數而聽



之錢贖是乃仁術亦何傷乎何謂錫類夫毀家急公者忠也顯親揚名者孝也今誠令外官厯俸一年無過者聽得捐俸餉兵以品級爲差朝廷報以應得誥命贈封其親初不臨民于名器匪濫而使人子得早致其情于父母于名可受于力必竭矣奏上上慎重名器留中久之府君於是申請并及京僚畿吏以歲終爲限及會吏部條上已在明年春半國事且去凡先公之權不悖經率類此然猶未可遽得于上此當年司計之所以難也



奏撤催餉京朝官先是朝廷急餉每分遣侍郎科員  
四出催解府君以爲朝廷增一官則小民增一供億  
且糧餉責成原在撫按今別遣朝臣以分其責是教  
撫按以諉卸也撤之便又言遲解之弊不盡在州縣  
而在藩司州縣完徵解司而司或挪移緩解部未由  
知罰仍歸于州縣請令有司完解到司取有藩司實  
收印結立申到部卽注完考優移吏部紀錄開復凡  
收結不到罰在州縣收結旣到而銀解後時者計道  
里遠近歸罰藩司俱奉俞旨七月就近派撥各督撫



鎮兵餉而撤催餉侍郎先是以總督勦寇設催餉重  
臣以戶部侍郎莊公祖誨任之轄餉三百萬東南勦  
餉率解會焉有言其不宜逍遙衡嶽去軍自便者事  
下戶部府君覆奏衡嶽離軍誠遠然實不敢遙定處  
所責之必前蓋以餉與兵異兵以逼賊爲功餉以避  
賊爲智轉輸最便在于武昌而今武昌破矣苟以規  
近而賁盜糧將若何各督撫額餉莫若由臣部酌量  
道里就近派撥各聽自馳檄使惟左鎮則隨軍所在  
關會奏鳳一督委解則餉部無所事事矣上從之撤



莊還朝

扣漕運爲積儲以罷召買 時新漕未至京倉僅支

兩月上憂之發帑金四十萬召買米石京商家聞

之並深藏居奇府君慮其騰踊計惟收漕爲便於天

津歲運四鎮

關寧  
薊永

米三百萬石內扣米五十萬石輸

京倉而以四十萬金折給四鎮石值八錢邊兵樂于

得金太倉實有善米上下交利一舉可竣及問之津

撫僅得米二十萬二千五百石而已于是復因京軍

匠役之情扣折一月糧得二十四萬猶餘帑金七萬



糴豆以分其勢凡所變通類如此

按四鎮米者其初故運京通自萬厯戊午遼藩多  
事始設津撫加遼米練米于天津截漕從海分運  
四鎮而四鎮將士惟利金錢視米豆如泥沙由是  
漕兵與所司私折薄解鎮將苟得金錢不責全運  
也耗蠹米豆歲二百餘萬其事惟倉督漕撫爲政  
戶部不得問焉府君早悉其弊故于截幫疏中有  
漕船利于津截之語然猶意本折參半以扣五十  
萬石則有餘而竟不然其後蔣晉江主議裁津運



入京通亦僅罷甯遠四十萬石永八萬餘石其餘  
不可究詰也

欽天監奏七月庚戌夜四更月當與木星同奎十四  
度及二更月星漸近相去一度五十餘分陰雲上升  
不見其犯木星主司農占曰司農有德則當犯不見  
其災化爲風雨

八月臚陳生節 以爲大道疑迂權宜多陋乃博采  
羣言折衷睿慮一曰漕鹽出司務蔣臣之議令諸商  
以米易鹽自淮起運則漕法止行于淮黃而北避長



江數千里之險運節旣短往返不稽一曰鈔法聞之  
通督王鼐永欲自關稅爲權輿使商得以鈔當稅則  
鈔行如流水一漕折聞之科臣光時亨馬嘉植欲使  
畿內八府額輸銀糧悉徵本色准數折江南漕米其  
收米也從昂值以七當十而北民樂之其折漕也責  
倍價倍之至再而南民猶便之誠爲兩利但恐本處  
粟米京軍不肯受又恐近畿爭輸本色則畿民食貴  
是在戎政督撫熟籌通算一截漕此臣舊說漕船及  
淮改海運通膠取道千分水嶺而今科臣曾應遴又



有養魚池之議是在躡勘擇行一京鹽有議者欲于  
都城開鹽引十萬引價八錢本折均半納太倉就各  
運司綱引之上派行十綱則一京無京引者不得過  
關橋取掣立可致課二十萬一雜折說見前一清兵清  
兵已責在餉郎然今方候旨領敕未曾任事請更設  
一法冀諭各鎮將能清兵百名實陞一級則餉司尤  
易爲力一省弁往時戎籍所載不及今時三十分之  
一而戰勝攻取士馬飽騰者權一而餉不分也今奈  
何官多于士士皆恥爲兵而倖爲官扣剋荒飽餉是



以絀樞臣馮元飈一日而裁八百員誠見及此耳一役稅聞諸總憲臣李邦華今內外吏胥承差各有頂首文契悉令呈官納稅始得授受臣初以爲傷道旣思是亦道也先王惡民逐末所以征商此輩不農不商以蠹取財在官爲市則不止逐末矣旣不能絕又不征之何以服彼商農乎一洋政聞諸通政使施邦曜福建有東西商舶厯代俱收其稅自天啓中海洋爭利不靖遂議禁止實未嘗止也上下相蒙而徒陰爲豪有力之利何不明開使朝廷少收養兵之費乎



司官閩人王之驥亦言洋禁開而閩盜始稀此有識之言也疏上上量行雜折而寢漕折役稅餘令詳議謹按右條十事府君生節之謀蓋通數年爲計匪可責功旦夕然而庚癸四呼急在眉睫救急惟在權宜亦復不敢苟且其鈔法則博采臚列之一端非專請也亦僅以關稅爲權輿主于入不主于出行之漸不行之驟而上意不然穰使四出府君卽極言中撤始終斤斤當年士論或以支吾匱絀諒府君而未知府君曾不以行鈔支匱絀凡所生節



如前疏十議并改折截漕諸款或格而不行或杳  
不奉旨蓋上以焦勞成叢脞而其奉旨者又遲回  
不卽行雖桑劉復起可濟于事耶

九月殿試充讀卷官殿試例在三月先因戒嚴改會  
試于八月故遲之又久

賊兵盤踞陝西分半趨宣大府君上密封言事有旨  
宜祕遂焚草

十月上急鼓鑄苦銅本未充諭戶部行民間銷毀銅  
器府君言欲使私銅盡絕無如專禁打造此爲絕源



不須嚴禁卽欲嚴禁毋及士民恐告訐四起從此騷然又聚銅之法莫如使有司罰贖減半徵銅民爭輸銅則銅價必貴銅價既貴則有銅者莫不居奇射利何患銅之不歸官冶乎從之

十月申督撫得操利柄之議先是府君以樞貳陞見奏言今日大患在兵餉之權離而爲二師貞丈人不得自制財用宋張浚視師關陝朝廷特命趙開爲之轉運使以是軍用沛若所向有功今督撫行軍宜必假之利柄上以爲然命條議以聞府君咨移直省



令各舉境內所宜未報上因關門三協之餉思前奏  
諭戶部令督撫詳議便宜府君奏言古大將所自生  
財亦只數者不外屯鑄通商屯取聚衆而言本爲兵  
事今邊外已不敢屯薊永固多閒曠宜使盡利非必  
悉宜稻黍棗栗薪芻皆可致貨又聞薊州黨峪產鉛  
可鑄往察未報薊督或已知之他如鹽穀諸商踵背  
相接又如贖罪事例輸米于邊而請命于朝一曰便  
宜百事俱在總在薊順督撫詳求悉計以是爲其家  
當薊順行卽可漸行諸路矣



請敕諭秦晉二王同讐饗士時李賊西犯盜竊仁義  
所至望風瓦解開門款逆新督呼兵號餉戶部不能  
大副府君奏言今天下諸藩無如秦富晉雖小儉尙  
亦能國請上立垂手詔切諭兩藩以勦賊保秦責秦  
以遏賊不入晉責晉如兩王能任殺賊卽假以大將  
之權如遜不知兵宜悉輸所有與其齎盜何不享軍  
事平之後益封兩藩各一子仍如親王亦足報之矣  
上嘉納命禮部擬詔然是時西安已陷秦藩府庫盡  
爲賊有僅詔晉王而已



十九日上舉枚卜故事齋宿文華殿以金甌二納姓名一貯翰林府君暨李公建泰一貯卿貳銓佐沈公惟炳副憲方公嶽貢禱穹昊而探之方李皆前簡入閣先是上數爲廷臣言計樞二臣皆公誠有才至是復品題諸大僚及府君則曰計臣却好有心思會做文事且公忠事事從國家起見主眷如此而不能進乎咫尺或以爲宦官媚嫉故進枚卜之說多其人以幸先公之不與云

二十八日撤歲遣兩淮巡鹽御史改命重臣久鎮以



成富强之業 初府君以淮揚爲東北咽喉財賦都  
會劇寇睥睨最足寒心宜改命才望大臣專鎮揚州  
撫商通貨行劉晏之術兼令聯攝竈丁鹽徒漸成保  
障至是吏部推舉淮海道僉事黃家瑞上擢爲都察  
院右僉都御史督理淮揚鹽法軍務撤巡鹽御史及  
所司撰擬敕書府君復宣明改官職掌以爲所貴乎  
大臣者欲以兼總爲務通貨貿遷非特鹽莢而已否  
則御史執之有餘何事紛更十二月朔奉諭奏釐漕  
五弊



三日請停開採

時國用匱絀泰西人湯若望多藝

能精術數奏上火攻水利坤輿格致諸書上善之諭  
戶部奉行開採府君力陳未便其說有六鑄山雖侔  
煮海利害實相逕庭海挹注而已山須鑿發勞費一  
也廬墓所在鉏斲及之二也毀掘所加動傷形勢三  
也自萬厯年間礦使爲害議苟復興羣心動搖四也  
當年進奉總屬包承盡是民脂豈爲地寶五也有礦  
卒殃民卽必有礦賊殃礦此輩一聚不可復散六也  
有此六者臣不敢議以臣之見莫如確循前諭使各



督撫自制財用聽其便宜不聽 追敘平叛將劉超  
功廕一子金吾奏辭不許

九日奏借內帑時歲行將終京邊翹首廣浙解銀六  
十餘萬在途未至府君欲早定人心奏借承運庫銀  
二十萬解到繳補

薊督陞見以兵餉不敷請責成戶部上曰生節效遠  
外解不前計臣豈置度外見知于上如此

二十四日爲萬壽節上撤樂疇咨至漏下十刻涕泣

而求長算通州

魏相藻德

乘閒言計臣才品俱優但起家



詞林錢穀終非所長請有以易之者上默然徐曰計臣實心任事但時艱未能速效卽撤誰代之者穀城方相奏計臣誠敏練達至清絕塵在廷無出其右孰岳貢爲可代通州又言臣今誠處萬難在計臣必謂臣求疵在廷臣或疑爲卸擔第軍國事大不得引嫌耳喋喋語不止上躊躇久之乃從其請翌日府君自陳求罷不報

十七年甲申五十二歲 正月二日磨對兵餉初蔣晉江進御覽備邊冊紀載九邊十六鎮原額兵馬錢糧



上諭同戶部堂司磨對至是府君以兵餉左右二司  
劉君顯績陳君展誦攜新舊冊籍詣東閣逐款較閱  
亦不甚遠但各邊兵馬之數報戶兵二部者多寡懸  
絕虛冒強半晉江謂須合津運部運及各邊原有民  
運與屯鹽通融察算則矇弊盡出矣復條上十款以  
便部答府君登對詳明晉江以行晚爲憾

三日上傳倪元璐令以原官照舊專供講職仍視部  
事候代

奸胥結璫漏網 先是冬十月上虞人趙鉞故部胥



也曾歷各邊身爲奸蠹老矣與新胥瓜分不平憤激叩閭盡發夙弊京邊歲蝕數百萬上重其事諭輔臣密傳至閣按條詳詢鉞具言遼鹽原議引價四萬餘兩解部充餉而米不納甯遠銀亦不交戶部二十餘年匿可百萬一也新增附綱二十九萬引多無歸著及天津派買米豆并帶運追比掛欠米折船價水脚各項盡屬侵漁詐分歲數十萬二也長蘆及淮北鹽價逋虧甚多必責按年徵解三也朋扣馬乾爲各鎮道將侵冒烹分歲不下數十餘萬四也各處屯牧加



增銀兩並不察催皆被侵隱五也各處召買尤爲弊  
數殃民省之卽可致數十萬六也各州縣攤派里甲  
儲備米豆不可勝計亦宜察核七也晉江以其言非  
無稽語府君縛見胥窮治之府君曰事須候旨若窟  
穴主名則固得之矣至是奉旨而諸胥已輦金星散  
晚矣蓋連結內廷始終恃以無恐也

四日內閣請以府君改領禮部上以六卿禮居尸下  
似近左遷不許內閣承旨出以南吏部員缺將以屬  
府君八日上祀太廟還又傳諭講臣元璐專供講職



名而不姓者惟首輔爲然隆禮異數舉朝瞻眙內閣  
以上眷方深供講又經再諭不可出之于南惟令料

理候代云

後南中贈卹於原銜稱  
戶禮二部尙書者誤也

初十日朝畢宜旨御賜蟒衣一襲以示特典當卽謝  
恩溫諭良久

十四日開京引以漸復鹽法之舊先是府君主蔣  
臣鹽漕合一之議欲使諸商以米易鹽自淮起運則  
避江險而省漕費惟變更之際懼鹽課有一年中斷  
之虞故未決策于是復采羣議欲于都城開鹽引



萬以爲之端每引定值八錢本折相半上納京倉行  
兩浙鹽司就綱引派行議具會保定巡撫徐公標上  
言請令諸商開荒屯種以屯之成熟爲引之多寡而  
輸粟京倉則鹽與屯漕三事合一亦通商足食之策  
也事下戶部先公覆言撫臣之策與臣前議相符惟  
慮開屯徒有虛名鹺務因而反絀莫若以米易鹽則  
諸商之在畿者自行屯種以備輸將將無事督責而  
糧鋤遍埜矣上然之

二十一日以賊入秦申河防三議賊闖旣陷潼關所



至瓦解督師孫公傳庭死之上命曲沃

李相建泰

督師率

宣大兵三萬進勦不時至所將惟禁旅千五百人乏  
精銳財用不繼府君乃陳虛實五議虛者鼓倡忠義  
收拾人心其實卽在防河守城制兵措餉今河亘千  
數百里處處可渡兵力所必不能及宜責沿河州縣  
各自爲防蠲今年田租之半使人有固志收其半以  
資地方防禦用一也扼勢建領然後防易爲力審度  
要口各築敵臺以憑砲擊則可以數十人而制數千  
賊之命以土爲之可以速成一也遠餉不及宜謀近



取多給督輔空名告身一聽便宜激勸并給以工部  
事例文冊凡輸資行閒者立爲具題徑得戶部謁選  
一也兵貴乎精口明用寡請撥真定額餉三萬別募  
敢死材健五百人人六十金督輔與同甘苦性命此  
五百人者遠足制賊數萬以寡勝衆近亦足自制其  
衆使懾息不敢惜死上善之下曲沃酌行

請免軍籍爲民籍可立致千萬不聽 是議出于京  
西屯撫方公孔昭府君深韙之特以入告蓋以凡軍  
之家原有一支當軍他衛者每十數年歸宗勒取軍



裝累數百金其說以爲句補故絕也夫軍之絕者屯  
田爲人所占其不絕者亦既長養子孫承戶矣祖籍  
軍名似堪除豁合無聽納軍裝銀兩免其句補改爲  
民籍天下必大感悅只一籍百金計之天下軍籍百  
七十餘萬除殘亂地方外千萬可立致供一歲撻伐  
有餘矣上以祖制不可變不行

二十日奉諭密議討賊之師 時逆賊李白成已據  
有關中上拊髀躑躅欲調關寧大帥將精騎星馳西  
禦命中揆及計樞大臣就內直房會議府君言關帥



兵精誠可藉以勦寇但此兵一調則寧遠驚疑勢將潰散揆之重輕未見其可中樞以爲關帥之調不調視寧遠之撤不撤倘寧未可撤則兵未敢輕動中揆亦皆以爲未可莫任其議上獨斷手書密封下兵部撤寧遠棄之入守山海關而令關帥西討

二十三日遵旨議推行鈔法 上以侍郎王公鼐司務蔣君臣之言銳行鈔法諭戶部詳議府君言鈔法祖制也而今爲非常之原欲行難行之法先須安定民心早頒詔諭明告天下以法行自上凡正賦關



御製通志卷之四  
三  
稅罰贖稅契閒架等項悉俱收鈔其朝廷所發軍餉  
商本役餼匠值等項及民間交易行使悉聽願便更  
無抑勒其初不怖旣而樂之而後鈔可大行其領散  
不必強諸商賈惟宜官自爲之法行有漸甯徐無驟  
上以鈔有人無出弗善也已召京商領散貫責一金  
莫有應者急且卷篋去鈔法卒格不行

二十六日上行遣將禮府君與宴 督輔曲沃啓行  
勦賊上遣駙馬都尉萬煒告太廟御正陽門樓宴餞  
官軍旗幡十餘萬旌旗金鼓甚盛駕至則鴻臚贊禮



御史糾儀內閣部院五府京營並與宴酒七行上親酌金卮三賜之獎諭數百言內璫爲掛紅簪花鼓樂導上方劒而出

二十七日請撤桑穰中官許之時上急行鈔法手爲之式特設內寶鈔局兼工廣造需用桑穰二百萬斤遣中官孫元德乘傳于吳浙山東採買又令五城御史勾攝鈔匠三千人民閒洶洶訛言將就桑取皮先蠶毀葉府君以爲此使者未然之事而欽限迫急朝使威嚴流弊有所必至今人心風鶴何堪擾動請



撤內員而責撫按猶通部隱上爲撤還元德

按是役也桑穰則有抑勒之苦句攝則有擾累之  
憂匠餽穰價則有措發之艱府君旣奏停內遣晉  
江又同日具揭奉旨桑穰鈔匠俱罷

三十日召對文華殿諭府君錢糧戶部職掌目前務  
措百萬以濟邊需時庫貯不滿二千而責成重大如  
此府君奏外解未到中途梗阻因言浙中東陽義烏  
之變上曰不必奏卽與輔臣議足

蔣晉江惡練餉之失數爲上言至是光給事時亨復



言練餉殃民追咎首議晉江擬旨有聚斂小人之語  
上疑諷刺震怒諸輔冢宰皆爲申拂府君至以鈔餉  
係戶部職掌自引咎上乃稍霽命起晉江又極言練  
餉之失退而具揭求退詰旦而練餉議裁矣嗟乎府  
君與晉江積慮極言而不得者乃得之于一怒之餘  
聖英轉圜如此

二月十一日上行捐助之令 借助斷自宸衷令廷  
臣舉奏中外文武之有財力者設格鼓勵繼有旨借  
及士民府君言官紳義無可逃鼓勵猶存禮體士民



何知臨以詔令名爲鼓勵實且迫脅挾仇取賄百害俱生今天下貧無力者多半從賊其爲陛下同心讐寇者惟恃富人此卽外府金湯留之有用上爲罷借士民而命張公國維勸輸浙直

十四日奏謝啓沃無當 府君旣奏撤桑穰內員及爭借助士民多危言上怵于正論從之意弗善也及經筵進講大學樂只君子一節敷陳畢上諭書講得好但今邊餉匱絀壓欠最多生之者衆作何理會君德成就責經筵不宜奪漫府君徐對曰聖明御世不



妨經權互用臣儒者惟知守道之誠藏富于民耳亦  
不引謝出明日上悔之御煖閣召輔臣諭曰從來講  
筵有問難而無詰責昨日偶爾朕之過也先生每宜  
掄正朕仍傳諭講臣照常啓沃毋生避忌上撫謙引  
咎僅見于此于是府君始奏謝溫詔答之每猶云輩  
之共稱府君嘗以  
先生每三字鐫章

十七日奏劾司屬樵關之苛虐者

二十二日奏撤催餉中官 上遣中官王坤科員韓

如愈馬嘉植辜朝薦四出催餉并罪輔罪督贓罰銀



各四十萬府君上言賊罰重大何容易辦勢必遷延  
時日牽引親朋而科內諸員一時并至有司望風督  
責甯復聊生亂人乘之恐遂無漸語甚切至上爲撤  
內員

二十九日敷陳大計 時賊已渡河上命閣輔集議  
先公奏言一首衛京師心膂畿輔以定本謀臣觀賊  
勢披猖皆由人心渙散今日急著勝氣惟在固結人  
心請特降溫文延問畿民疾苦立議更釐罪繫情可  
矜原及罰贖徒以下者悉行釋宥一特重留都肘腋



鳳淮以通中脈祖宗兩都并列今日始知深心誠宜  
移變蕭疎還其赫濯一切官設軍容必與輦轂並重  
中堅屹然而外引鳳淮爲兩翼其一聚粵閩江浙爲  
一氣肩背吳會以壯南維今西北不競宜用東南就  
四省而論閩爲中權又水師方盛甲于諸州請改閩  
撫爲督通轄四省一處聞警通盤調度輕則就近大  
則連衡四藩雜連而吳會得以虎視議甚壯而惜乎  
無及也

上以大理寺丞吳履中爲戶部左侍郎筦計務先是



上重司農之寄吏部五推內閣六舉上意皆不屬至是閱兩月府君始得代解部事府君雖謝事猶惓惓于車戶以去年僅止半掾更申全議以爲車戶大累在于僉報僉報之權屬之郡縣貧羅富脫一報百擾請擇車戶之久慣有身家者定爲永役厯世不遷後聽子孫相承亦許募擇頂補如此則可不煩僉報畿民安枕然而運價不敷誰肯領任察車戶例所取資流商晉商票錢房號四項幫貼及本部額給統計每石四分今議增給每石五分多不過二萬朝廷歲捐



此二萬出邦畿水火以成金湯豈有靳乎于是又爲  
杜沿途偷盜及號中竊取之弊甚悉蓋勤卹如此然  
時事孔棘未奉進止

賊逼畿輔陳守禦遏援之策又請命青宮循宋康王  
故事撫軍南出以鼓東南之氣繫近道之心未報

三月五日寇勢日亟府君謂所知曰今無兵無餉無  
將無謀而賊如破竹人心瓦解然吾心泰然以上憂  
勤初無荒淫失德之事讀盡史書豈有如此聖英而  
一敗塗地者但近日舉動凡遣委封賞聽言用人多



是手忙心亂吾受恩深重無可效者惟有七尺耳又  
馳家書曰脫有不測幸好謝慰太夫人

十九日辰晷都城陷府君聞之束帶向闕北謝天子  
南謝太夫人畢舉酒酌關壯繆繪像亦自浮滿門士  
金子廷策進曰公何不效信國出外舉兵圖匡復奈  
何輕自擲曰身爲大臣而國事至此卽吾幸生何面  
目對關公曰太夫人在堂獨不爲地耶乃默然一淚  
旣而曰老母八十四矣而猶高健夫復何憾遂題案  
曰南都尙可爲死吾分也毋紿棺以志吾痛以帛自



經而絕嗚呼天乎

致命踰時有賊校入邸舍見遺蛻歎息而去頃之以僞兵政侍郎王

躬弼榜至戢騷擾家人乃得治斂石齋黃公輓詞所云盜賊亦猶有涇渭忠臣之家不致毀是也

南都繼統卹死節諸臣詔褒忠烈第一贈特進光祿

大夫太保吏部尙書諡文正上褒三代子祭五壇加

祭一壇有司造葬

祭葬部文已下原籍所司未及舉行

祠祀京師曰旌

忠任一子金吾世襲順治十年

詔卹明末殉難諸臣禮部援洪武中卹元臣福壽之例

從舊撰文

諭祭仍行原籍賜地七十畝有司春秋致祭追諡文正



倪文正公年譜卷之四  
葬會稽縣白蓮塢聖儀洞之左

倪文正公年譜卷之四

譚瑩玉生覆校



諭祭文

維

順治十年歲次癸巳八月甲子朔越十有二日乙亥  
皇帝諭祭故明戶部尙書兼翰林院學士今諡文正倪  
元璐之靈

曰文章華國節義維風有一於此沒有餘榮維爾元  
璐遭時不偶爾骨欲寒爾名不朽不朽維何文山  
之謫似爾正氣伊誰較多爾才鬱勃硯江左弱  
歲聯翩赤墀青鎖再任成均德重型尊暫蹶復振



主眷方殷司農告匱命爾擘畫無米胡炊與時同  
蹶寇躡都門維絕柱崩君死社稷而爾死君嗚呼  
衣裳楚楚結纓不苟附髯攀鱗喜隨君後泰山鴻  
毛死爲重輕疇能似爾不愧科名地有河嶽天有  
日星爾名並垂振古如生特隆諭祭尙其歆承



夫譜系者國史之根柢也蘭臺著作先蒐家乘顧非其人則其文不傳卽其人足傳而無關於宗社之存亡天命之去留則傳亦不久久亦不能發人之尙論悲思焉嘗讀睢陽傳後之書桑海遺民之錄其于見危授命殺身成仁之義摹寫淋漓文章頓挫百世之下嗚咽涕泗然此猶出自他人手筆也若夫孤子操觚諸孫讐字墨和泪漬血與汗青如會稽倪公年譜有不初讀之而愜歎再讀之而泣下浪浪者乎公之學問似邵康節其孤忠粹白似諸葛君敷陳愷切如陸敬輿才猷方略如李



伯紀抗節殞身如文文山固光嶽閒氣所鍾而亦祖宗  
三百年培養之一人也公初仕時貂璫肆虐觸迂忌諱  
幾致危殆及冲聖登極初旦揚輝太阿新御而宮鄰金  
虎之徒尙蟠互隱伏于朝堂之左右公抗陳三疏毀要  
典辨東林伸乾坤之正氣分流品之清濁王心大定國  
是分明且身居講幄其所啓沃皆能裨益時政君臣遇  
合懽同魚水使公而不去左右丹旰隨時補救世事雖  
非尙可撐持而柄臣媚嫉必欲去之以舟楫霖雨之傳  
說使爲遜荒舊學之甘盤當時之論不獨爲公惜而實



爲天下國家惜也追夫鋒車再召單旅勤王佐中樞而  
主國計左枝右梧心枯血竭而虞淵之沈不可復升矣  
泗水之淪不可復出矣公惟有攀龍髯騎箕尾辦一死  
以報主耳嗚呼痛哉天乎人也其時人望所屬有漳浦  
黃公山陰劉公及吾公而三鼎足並峙神山相望然黃  
劉二公尙或迂闊不近事情而公通達時務真實經濟  
其制虛制實八策有明徵也故當宁信之最深言無不  
從迨公去位而聖明回惑視聽易淆其于政事也倏寬  
而倏嚴其于人才也有邪而有正皆以無人啓沃之故



也然則公之一身甯無關於宗廟之存亡天命之去留也哉夫涉洪濤者必藉長年之柁救膏肓者必求扁鵲之方今中流而忽掣其柁臨危而亟易其方吾不知媚嫉者之意欲何爲也書曰媚嫉之臣以殆我子孫黎民其言豈不信然歟柄臣排擠多人而最彰灼者爲吳門文公會稽倪公文公有子爲竹塢遺民所著若定陵治略先撥識餘烈皇小史諸書稱爲信史公有子爲無功先生著書尤富與鄭馬相埒卽今所撰年譜當年時事無不貫串于年經月緯之中非僅一家書也海內稱二



公子如靈光古殿璧社明珠嗚呼二公之箕裘其不墜  
矣公又有墓田之錫予名祠之俎豆食報視文公更厚  
天之報施不于生前而於身後不在當世而在千秋公  
英魂毅魄在帝左右俯視茫茫塵土中有帶經而鋤者  
乃公之裔也有不歡然而一笑乎倬方成童時于章句  
之外喜聞時事見公三疏迴環誦讀幾忘寢食私錄是  
疏及武侯出師表老泉辨奸論歐公朋黨論及胡澹菴  
封事裝成一帙藏之篋衍塾師見之爲之大笑憶庚辰  
歲朋遊越中公正在家居龍門高峙絳帳宏開四方執



羔雁而來者旅進旅退日數百人倬亦在旅進旅退之中公不知此童子爲何氏也時無功卽享盛名捧珠盤執牛耳人遙望之以爲巨公宿德不知長倬纔二歲耳亦在弱冠時也倬後入谷霖蒼學使幕中命倬同張子壇爲明史紀事本末其于崇禎治亂一篇載公奏疏最多紀事體製每篇俱綴一論獨于東林黨議一篇不復作論祇掇公數語于其後以倣司馬遷紀秦以賈誼過秦論爲贊其竊取之義故有在矣末學荒陋浮沈世俗固不敢妄學昌黎亦不能如龔聖開作文謝二君傳惟



與無功俱在耄年結方外交吳越相隔二百里無絲覲  
面祇以蠅頭鼠鬚書疏往來相思有路江山不隔今獲  
茲年譜當奉爲天球河圖永作世寶因跋紙尾以誌私  
淑之意云吳興門下士徐倬謹薰沐拜手跋



八



右倪文正公年譜四卷

國朝倪會鼎撰案文正事蹟

具見譜中明史本傳所錄奏疏並在焉其他未盡臚列者亦史例宜然耳朱竹垞靜志居詩話稱歷日之頒明太祖定於九月之朔其後改十一月朔繼又改十月朔遂爲定制是日帝御殿比於大朝會士民拜於廷者例俱得賜文正天啓中賦頌歷詩最爲典重亦豈虞明社之遽亡也又稱文正晚年築室於紹興府城南隅牕檻法式皆手自繪畫巧匠見之束手旣成始歎其精工時方患目疾取程君房方於魯所製墨塗塗壁默坐其中堂



東飛閣三層匾曰衣雲憑闌則萬壑千巖皆在鳥下適  
漳海黃公至越施以錦帷張燈四照黃公不怕謂國步  
多艱吾輩不宜宴樂文正笑曰會與公訣爾旣北行遂  
殉寇難亦可哀已全謝山鮎埼亭集所撰祠堂碑稱蕞  
山劉公爲文正同鄉初人尙未盡知其學文正與之語  
而嘆曰劉先生今之朱元晦也見學者輒語之曰勿坐  
失此大儒故年譜亦推原證人之學得文正始光今譜  
中無此語全謝山所見殆別本歟趙恒夫寄園寄所寄  
稱文正遺語家人曰必大行殮方收吾尸又稱文正諡




從未以贈死節者其弟請曰曾子云得正而斃孟子云  
順受其正何必不諡死節者於是並劉詹事之名亦定  
詹事名理順杞縣人其弟殆卽是書所稱元瓚者會鼎  
字無功文正長子鮪埼亭集稱其受業黃漳海之門嘗  
官職方參漳海軍事後爲遺民有高節則亦克荷門基  
者曾冕士廣文偶以鈔本見示爲錢版焉原書詳列男  
會稔恭校孫運建恭次曾孫長駕長庚長康分訂等此  
家譜之例茲不備錄附記於此咸豐甲寅大雪日天氣  
頗暄南海伍崇曜謹跋


























































南雷文集序

曰師黃先生非欲以文見者也然梁竊引孔子

大不在茲乎是文則道也孟子既沒文與道並重

屈宋以文合之文以道兼文或以文非道求

其二者者則雖謂之文亦非也

是喪之矣二者者則雖謂之文亦非也

又見可也哉戊午梁謀刻先生之文以惠當世嘗出一

百募之同人而先生之門多貧士越二年始有應者乃

相率而請諸先生先生手選其所作十之二三曰南雷

# 南雷集





南風集





PL  
245-1  
-Y8  
U.216  
南雷文案序

吾師黃先生非欲以文見者也然梁竊引孔子之言曰  
文不在茲乎是文卽道也孟子旣沒文與道裂而爲二  
趙宋以來閒有合之者然或以道兼文或以文兼道求  
其卓卓皆可名世者指亦不屢屈也而先生起於文衰  
道喪之餘能使二者煥然復歸於一則雖謂先生竟以  
文見可也歲戊午梁謀刻先生之文以惠當世嘗出一  
言募之同人而先生之門多貧士越二年始有應者乃  
相率而請諸先生先生手選其所作十之二三曰南雷



文案授萬子斯大爲之校讐斯大謂梁曰集例有序斯序恐當屬子矣梁念侯芭李漢尙賴子雲退之以傳而不足以傳子雲退之小子何人乃能荷茲大任乎固讓不敢已又念三百年來作者林立先生實集其大成而淺見小夫自坐井底挾冊兔園者不知其文章之醇肆蜚聲藝苑者不知其理學之淵源使斯集出而天下指先生爲一時之文士則吾輩弟子之罪大矣因與斯大舉有明一代之文與先生之文而私論之曰金華之學有其博瞻而無其精深甯海之氣有其浩蕩而無其沈



挈姚江之識有其高超而無其典實吉水之養有其蘊藉而無其風華玉峯之神有其簡潔而無其雄厚毘陵之才有其快利而無其堅凝而要之原本於六經取材於百氏浩浩乎其胸中而落落乎其筆端固濂洛韓歐所不能兼也斯大曰如子言毋乃徒以文見先生乎梁曰非也昔者子貢之於夫子有文章可聞言性與天道不可聞之說先儒謂其悟後始有斯語而愚獨以爲是終多識之見夫三代而下或有不言情道之文章矣甯夫子之文章而有不言情與天道者乎不知文卽爲道



而謂道在文章之外者非鄙陋之儒欲自掩其短則浮  
華之士未能一窺其奧也善讀先生之文者甯如是乎  
斯大曰然則子盍書之以告天下之讀南雷文案者梁  
唯唯遂書之康熙庚申孟秋之月門人鄭梁百拜謹序



序

文也者所以載夫道者也故離道不可以言文自叔孫氏有三不朽之說以爲太上不可企不得已而思其次其立功乎又不得已而思其次其立言乎於是德業文章判然爲二操觚之家矜才銜能究其人品學術多有不可問者無惑乎藻續日新菁華日竭風雲月露一往澆漓修詞立誠之謂何顧等於玩物喪志之爲也梨洲黃先生之於文則不然先生英敏夙成爲忠端公主器成童之歲卽能尋父仇於朝而以孝子之名動天聽厥



後從學戴山爲其高第弟子於心性體用多所發明一時學者矜式比於河汾之盛况生當易代變故疊更其所以煅鍊於兵革震撼於風濤搶呼迫切於淪亡崩墜之交者不知歷幾年歲而卒能藿食自堅辭榮高蹈爲古今完人又何有於比事屬辭超勝流輩爲足增重哉雖然古今任道之人何必非古今能文之人特以其所重者在彼不在此耳今觀先生之文有褒譏予奪微顯闡幽者一聖賢中正之矩也有痛哭流涕感動激發者一忠孝旁薄之氣也有研析精微發揮宏鉅者一窮理



盡性彰教辨治之本也若其力厚思深包舉萬有海涵  
地負睥睨千秋要皆有實際可循而非徒工鞏悅者所  
得而埒也所謂載夫道者非與夫以先生門第清華家  
學淵邃前朝掌故論正居多勝國陽秋之寄洵非其人  
莫與歸乃不爲金馬石渠而甯爲名山石室於是盡汰  
其等身之著而約存若干首彙爲一編名曰文定噫先  
生於此其殆有以傳旣往而示來茲乎治荆不材雖以  
銅墨羈絆未得往廁門牆然讀其書見其人不勝私淑  
之慕乃從先生之嗣君直方請而梓之因記數言於此



康熙戊辰十一陽月武密後學靳治荆拜纂



凡例四則

鄙作已刻者有南雷文案吾悔集撰杖集蜀山集皆門人分刻一時脫稿未經持擇今耄又及之東岱不吝鉤除其不必存者三分之一丁敬禮云文之佳惡吾自得之後世誰相知定吾文者陸士龍謂其兄曰可因今清靜盡定昔日文但當鉤除差易爲功力竊取此意名曰文定

歐陽公晚年於平生之文多所改竄太夫人呵之曰汝畏先生耶公答曰非畏先生畏後生耳余於舊本閒有



改削者非敢比歐陽而畏後生之意則同也

余多敘事之文嘗讀姚牧菴元明善集宋元之興廢有  
史書所未詳者於此可考見然牧菴明善皆在廊廟所  
載多戰功余草野窮民不得名公鉅卿之事以述之所  
載多亡國之大夫地位不同耳其有裨於史氏之缺文  
一也

文章行世從來有批評而無圈點自正宗軌範肇其端  
相沿以至荆川文編鹿門大家一篇之中其精神筋骨  
所在點出以便讀者非以爲優劣也此後施之字句之



閒如孫文融之史漢波決瀾倒矣林慮齋曰從上諸吟  
家詩有自選無求選於人者今人不自信而以此質於  
人誤矣故余不自揣亦手爲點定不以煩於吾友也餘  
姚黃宗羲識



卷之四

入於定靖矣不自識亦手寫深望不以暇促等語出



南雷文定前集目錄

卷一

明文案序上

明文案序下

高元發三稿類存序

後葦碧軒詩序

明州香山寺志序

庚戌集自序

縮齋文集序



丹山圖咏序

學禮質疑序

萬履安詩序

張心友詩序

謝皋羽年譜序

張仁菴古本大學說序

畱別海昌同學序

李杲堂五十壽序

卷二



天一閣藏書記

餘姚至省下路程沿革記

萬里尋兄記

阿育王寺舍利記

過雲木冰記

念祖堂記

卷三

答錢牧齋先生流變三疊問

答劉伯繩問律呂



答張爾公論茅鹿門批評八大家書

答陳士業論孔子生卒書

答劉伯宗朱子壺說問

答汪魏美濟洞爭端問

答朱康流論歷代甲子書

答范國雯問喻春山律歷

卷四

答萬充宗質疑書

答萬充宗雜問



答萬季野喪禮雜問

再答萬季野喪禮問

答萬充宗論格物書

答鄭禹梅修家譜雜問

復無錫秦燈巖書

卷五

瑞巖萬公神道碑

按察使六桐葉公墓誌銘

吏部尙書忠襄徐公神道碑銘



左副都御史恭愍施公神道碑銘

巡撫僉都御史雷僊馮公神道碑銘

巡撫右副都御史元若高公墓誌銘

卷六

余若水周唯一兩先生墓誌銘

庶吉士魏子一墓誌銘

庶吉士魯韋菴墓誌銘

萬悔菴墓誌銘

陸文虎墓誌銘



劉瑞當墓誌銘

董次公墓誌銘

卷七

朱康流墓誌銘

沈眉生墓誌銘

陳定生墓誌銘

汪魏美墓誌銘

王仲撫墓表

談孺木墓表



張元祐墓誌銘

李杲堂墓誌銘

卷八

萬充宗墓誌銘

陸周明墓誌銘

張心友墓誌銘

黃澤望壙誌

王征南墓誌銘

陳母沈孺人墓誌銘



唐烈婦墓誌銘

王孝女碑

卷九

移史館熊公雨殷行狀

移史館章公格菴行狀

移史館先妣太夫人事畧

卷十

周雲淵傳

張景岳傳

南雷文定前集目錄

五

粵雅堂叢書



司馬張澹若傳

醒泉府君傳

蔣氏三世傳

張石工傳

柳說書傳

李因傳

卷十一

書神宗皇后事

四明山九題考



續葬書問對

化安寺緣起

辯野史

祭萬悔菴文

避地賦

雁來紅賦

海市賦



商賈文定公集

卷一

卷二

卷三

卷四

卷五

卷六



南雷文定前集卷一

餘姚 黃宗羲 太沖撰

明文案序上 乙卯

某自戊申以來卽爲明文之選中間作輟不一然於諸家文集蒐擇亦已過半至乙卯七月文案成得二百七卷而嘆有明之文莫盛於國初再盛於嘉靖三盛於崇禎國初之盛當大亂之後士皆無意於功名埋身讀書而光芒卒不可掩嘉靖之盛二三君子振起於時風眾勢之中而巨子嘒嘒之口舌適足以爲其華陰之赤土



崇禎之盛王李之珠槃已墜邾莒不朝士之通經學古者耳目無所障蔽反得以理既往之緒言此三盛之由也某嘗標其中十人爲甲案然較之唐之韓柳宋之歐蘇金之遺山元之牧菴道園尙有所未逮蓋以一章一體論之則有明未嘗無韓柳歐蘇遺山牧菴道園之文若成就以名一家則如韓柳歐蘇遺山牧菴道園之家有明固未嘗有其一人也議者以震川爲明文第一似矣試除去其敘事之合作時文境界閒或闌入較之宋景濂尙不能及此無他三百年人士之精神專注於場



屋之業割其餘以爲古文其不能盡如前代之盛者無足怪也前代古文之選昭明文選唐文粹宋文鑒元文類爲最著文選主於修辭一知半解文章家之有偏霸也文粹掇菁擷華亦選之鼓吹文鑒主於政事意不在文故題有關係而文不稱者皆所不遺文類則蘇天爵未成之書也碑版連續刪削有待若以文案與四選並列文章之盛似謂過之夫其人不能及於前代而其文反能過於前代者良由不名一轍唯視其一往深情從而拮據之鉅家鴻筆以浮淺受黜稀名短句以幽遠見



收今古之情無盡而一人之情有至有不至凡情之至者其文未有不至者也則天地閒街談巷語邪許呻吟無一非文而遊女田夫波臣戍客無一非文人也試觀三百年來集之行世藏家者不下千家每家少者數卷多者至於百卷其閒豈無一二情至之語而埋沒於應酬訛雜之內堆積几案何人發視卽視之而陳言一律旋復棄去向使滌其雷同至情孤露不異援溺人而出之也有某茲選彼千家之文集靡然無物卽盡投之水火不爲過矣由是而念古人之文其受溺者何限能不



爲之慨然







明文案序下

有明文章正宗蓋未嘗一日而亡也自宋方以後東里  
春雨繼之一時廟堂之上皆質有其文景泰天順稍衰  
成宏之際西涯雄長於北匏菴震澤發明於南從之者  
多有師承正德閒餘姚之醇正南城之精鍊掩絕前作  
至嘉靖而崑山毘陵晉江者起講究不遺餘力大洲浚  
谷相與犄角號爲極盛萬厯以後又稍衰然江夏福清  
秣陵荆石未嘗失先民之矩矱也崇禎時崑山之遺澤  
未泯婁子柔唐叔達錢牧齋顧仲恭張元長皆能拾其



墜緒江右艾千子徐巨源閩中曾弗人李元仲亦卓犖  
一方石齋以理數潤澤其閒計一代之製作有所至不  
至要以學力爲淺深其大旨罔有不同固無俟於更紘  
易轍也自空同出突如以起衰救弊爲己任汝南何大  
復友而應之其說大行夫唐承徐庾之汨沒故昌黎以  
六經之文變之宋承西崑之陷溺故廬陵以昌黎之文  
變之當空同之時韓歐之道如日中天人方企仰之不  
暇而空同矯爲秦漢之說憑陵韓歐是以旁出唐子竄  
居正統適以衰之弊之也其後王李嗣興持論益甚招



徠天下靡然而爲黃茅白葦之習曰古文之法亡於韓  
又曰不讀唐以後書則古今之書去其三之二矣又曰  
視古修辭甯失諸理六經所言唯理抑亦可以盡去乎  
百年人上染公超之霧而死者大槩使其不學耳雖然  
今之言四子者曰爲一途其實不然空同沿襲左史襲  
史者斷續傷氣襲左者方板傷格弇洲之襲史似有分  
類套括逢題填寫大復習氣最寡惜乎未竟其學滄溟  
孤行則孫樵劉蛻之輿臺耳四子所造不同途其好爲  
議論則一姑借大言以弔詭奈何世之耳目易欺也鄧



人君房緯真學四子之學者也君房之學成其文遂無一首可觀緯真自歎無深湛之思學之不成而緯真之文汎濫中尚有可裁由是言之四子枉天下之才亦已多矣嗟乎唐宋之文自晦而明明代之文自明而晦宋因王氏而壞猶可言也明因何李而壞不可言也



高元發三藁存序

甫上古文詞自余君房屠長卿而學者之論亡矣君房  
辦香劉子威直欲抹昌黎以下至謂詩書二經卽吾夫  
子一部文選此其中更何所有長卿稍變其節奏出之  
曼衍而謂文至昌黎大壞歐蘇曾王之文讀之不欲終  
篇所以歸美六經者僅僅在無纖穠佻巧之態其本領  
與君房未嘗不同也後進晚生痼語流注嘗見其讀大  
家文字未畢首尾輒妄置評論曰其筆弱其氣薄余應  
之曰子姑尋其意之所在蓋時風眾勢自難以片言洗



滌故不與之深論何者爲健弱厚薄也古人以辭之清濁爲健弱意之深淺爲厚薄勦襲陳言可謂之健乎遊談無根可謂之厚乎數十年甬上之風大抵如是吾嘗與萬悔菴極論作者之指是時不以爲非者有高子元發卽取有明十數家手選而鈔之大意多本於余遇余有所論著亦必手鈔之當極重難返之勢余又無祿位容貌如震川所云巨子者足爲人所和附嗟乎余何以得此於元發哉今去其時曾不二十年而甬上諸君子皆原本經術出爲文章彬彬然有作者之風者不下六



七人余屠雲霧忽焉開霽以視元發孤另獨往之時爲  
何如耶以此見文章如日月之在天光芒終古其有晦  
明更食之不同則偏方下土之自爲通塞也元發自次  
其壬寅以後三年在獄中者爲蓼園稿乙巳出獄者爲  
知生閣稿丙午後三年寓閩者爲屏山集合之爲三稿  
類存求余序之嗟乎元發學文二十年而身困獄吏寄  
食他人茫然於世故之江河反不如場屋架綴經義之  
士取寵譁世將無古文一道徒爲觀美之具無裨實用  
如是則與余屠相去唯之與阿何所較其優劣余與元



發夙昔所談仍是俗儒故態耳雖然詩書所載何莫非  
文也伊傅周召孔孟豈真虛費心力如昭明耶元發當  
患難貧賤之中亦思平生誦讀無一足恃可以知文之  
所在矣盍與六七君子者求而得之其幸以語我



後葦碧軒詩序

後葦碧軒詩者余舅氏翁祖石先生之所作也南宋詩人四靈其一翁卷以葦碧軒名集先生慕四靈之詩而與卷同姓又濱江四山各象一靈先生居江上故以卷之所名者自名也先生名月倩字元美後改名逸字祖石大司馬見海之後少從先忠端公宦遊京師授余弟晦本澤望句讀是時已能詩忠端公舟中雜咏所謂共坐得詞人者指先生也忠端公歸里先生相從如故至丁卯而去去十有三年而復來遂移家住予之旁舍至



丙申又移家而去亡何妻死子夭子婦去幃孩孫二人  
寄食外家又殤其一傷哉先生老苦至於此極也先生  
與余家相依二十餘年凡余家盛衰變故患難之事嬉  
遊酒食一一見之於詩顯顯焉無有忘棄者余詩所謂  
却恨一編葦碧稿十年閒夢不銷除者此也先生之詩  
於牢籠今古排比諷諭非其所長而雕刻雲煙搜抉花  
鳥時以一聯半句奪人目色故流連於杯酒片景終身  
以之古來論詩有二有文人之詩有詩人之詩文人由  
學力所成詩人從煅煉而得大篇麗句矜奇鬪險使僻



固而狹陋者茫然張口至若空梁春草意所不停正夜  
讀書萬卷豈能採拾此先生之詩所以可貴也先生嘗  
以底草囑其子曰我之魂魄落此死後能守則守之無  
俟桑主靈牀苟卷軸在案麥飯寒漿神具醉飽不能守  
則納之櫛中霜淒月苦定聞鬼唱慎毋爲賣醬家所得  
也今子姓凋落此願不可必遂乃執余手而泣曰吾子  
不惜一言張諸好事則平生心血不爲徒嘔余悲其言  
爲汰其意之重出者辭之陳故者二千餘首之中得一  
百二十四首可以傳矣念文長之集得中郎激揚發越



而後傳世余氣力不若中郎先生之學亦遜文長此例  
姑止吾友林茂之得陳白雲之詩相與流涕而讀白雲  
因是亦傳余觀白雲之詩陳言累句刊落未盡豈能敵  
先生之一百二十四首哉文章如金玉不以好惡親疏  
增損其價空堂油盞懸筆敘此蓋余與先生相對流涕  
之時也



明州香山寺志序

己酉

儒者專意經綸其運動開闔之所不得不歸之朝市而  
山洞崇幽風煙迅遠勢相闕絕於是學僊者私據之而  
別生事端便復傲朝市以所無有洞天福地之說出猿  
鳥亦受驅役矣釋氏莊嚴宮室遍於域中又復以泉石  
靈響佐其螺鈹凡寺有志此近來之一變也然而庸俗  
驅鳥無與於文章之事而使名蹟銷沈清言漏奪大抵  
以時人所作充賦畱穢簡牘耳紙上姓名一一已爲蟲  
魚啗盡昔恣公以天童儲公以靈巖屬余發凡念士旣



不得志於時便當十岳之上畱其足跡而乃俯循儒墨  
於文網之內瑣瑣一方此心未折以故力辭而止己酉  
十一月來遊達蓬續宗上座出其所著香山寺志求余  
爲序詮次不煩與前年所序趙禹功稱心寺志皆名筆  
也燈下展開鏗然橡栗墮瓦不異李五峯宿石梁時又  
念頭顱如雪遠遊志願何可必遂不如一邱一壑光景  
絕可憐愛耳此山東臨滄海多海市秦始皇嘗駐蹕於  
此以其可達蓬萊故謂之達蓬山封禪書言三神山去  
人不遠諸僊人及不死之藥皆在焉而黃金銀爲宮闕



未至望之如雲及至三神山反居水下臨之風輒引去  
終莫能至云頗怪此等妄談不可以欺愚者以始皇之  
明察方士焉能以鑿空烏有之事令其聽信吾至此山  
而所謂黃金銀之宮闕居人無不見之然後知方士之  
言未嘗無所據也始皇卽欲不信得乎蓋登州海市掩  
映遠山望之如雲而此山臨視咫尺闌楯之底其謂反  
居水下是也嗟乎此山培塿以始皇之力終不能有而  
二三寂子黃金銀宮闕且收之爲籬落閒物其亦可慨  
也夫







庚戌集自序

庚戌

余觀古文自唐以後爲一大變唐以前字華唐以後字質唐以前句短唐以後句長唐以前如高山深谷唐以後如平原曠野蓋畫然若界限矣然而文之美惡不與焉其所變者詞而已其所不可變者雖千古如一日也得其所不可變者唐以前可也唐以後亦可也不得其所不可變而以唐之前後較其優劣則終於憤憤耳有明一代之文論之者有二以謂其初沿宋元之餘習北地一變而始復於古以謂明文盛於前自北地至王李



而法始亡其有爲之調人者則以爲兩派不妨並存嗟乎此皆以唐之前後較其優劣者也夫明文自宋方以後直致而少曲折奄奄無氣日流膚淺蓋已不容不變使其時而變之者以深湛之思一唱三嘆而出之無論沿其詞與不沿其詞皆可以救弊乃北地欲以二三奇崛之語自任起衰仍不能脫膚淺之習吾不知所起何衰也若以修詞爲起衰盍思昌黎以上之八代除俳偶之文之外詞何嘗不修非有如唐以後之格調也而昌黎所用之詞亦卽八代來相習之調也然則後世以起



衰之功歸昌黎者何故是故以有明而論餘姚崑山毘陵晉江其詞沿唐以後者也大洲浚谷其詞追唐以前者也皆各有至處顧未可以其詞之異同而有優劣其間自此意不明末學無知之徒入者主之出者奴之入者附之出者汙之不求古文原本之所在相與爲膚淺之歸而已矣庚戌冬盡雨雪餘十日而不止四野凶荒景象慘澹聊取平日之文自娛因爲選定以序事議論者編於甲考索者編於乙古今詩編於丙昔元白編次其集於穆宗朝題曰長慶集郝伯常集其文於甲子命



曰甲子集今余編次於庚戌遂題曰庚戌集又余生於  
庚戌其支干爲再遇也念六十年來所成何事區區無  
用之空言卽能得千古之所不變者已非始願吾聞先  
聖以庚戌生其後朱子亦以庚戌生論者因謂朱子發  
明先聖之道似非偶然余獨何人以此名集所以誌吾  
愧也



縮齋文集序

甲寅

縮齋集者余弟澤望所著之詩文也自澤望亡後余教授於外今歲甲寅四方兵起偃息衡門始發大牛篋出其所著謄數十束雖體例各異而散之日記中不相條貫余乃離而件繫之以爲各錄取其詩文選定爲茲集序曰澤望之爲詩文高厲遐清其在於山則鐵壁鬼谷也其在於水則瀑布亂礁也其在於聲則猿吟而鸛鶴欬且笑也其在平原曠野則蓬斷草枯之戰場狐鳴鴉嘯之蕪城荒殿也其在於樂則變徵而絕絃也蓋其爲



人勁直而不能屈已清剛而不能善世介特寡徒古之所謂隘人也隘則胸不容物并不能自容其以孤憤絕人徬徨痛哭於山顛水滙之際此耿耿者終不能下至於鼓脹而卒宜矣獨怪古之爲文章者及其身而顯於世者無論矣卽或憔悴終生其篇章未有不流傳身後亦是榮辱屈伸之相折澤望死十二年矣所有篇章亦與其骨俱委於草莽無敢有明其書者蓋驚世駭俗之言非今之地上所宜有也蘇子瞻所謂能折困其身而不能屈其言者至澤望而又爲文人之一變焉雖然澤



望之文可以棄之使其不顯於天下終不可滅之使其  
不畱於天地其文蓋天地之陽氣也陽氣在下重陰錮  
之則擊而爲雷陰氣在下重陽包之則搏而爲風商之  
亡也採薇之歌非陽氣乎然武王之世陽明之世也以  
陽遇陽則不能爲雷宋之亡也謝皋羽方韶卿龔聖予  
之文陽氣也其時遁於黃鐘之管微不能吹續轉雞羽  
未百年而發爲迅雷元之亡也有席帽九靈之文陰氣  
也包以開國之重陽蓬蓬然起於大隧風落山爲蠱未  
幾而散矣今澤望之文亦陽氣也然視葭灰不啻千鈞



之壓也錮而不出豈若劉蛻之文冢腐爲墟壤蒸爲芝  
菌文人之文而已乎



丹山圖咏序

甲寅

道藏中有丹山圖咏以四明山名勝製爲法曲而托之  
木元虛撰賀知章註其圖爲祠宇觀所刻與元道士毛  
永貞石田山房詩合爲一卷則此咏此註亦永貞之徒  
所爲按木華字元虛在晉爲楊駿府主簿而咏中所稱  
宋應則鄭宏齊謝眺何昕梁范顏初未嘗自掩覆其年  
代之不倫也四面七十峯疆域因是圖咏而齟割就理  
然亦不免淆亂如以小溪接梨洲以翠巖屬西面以紫  
溪附大小晦以抱子山置大小皎皆疎畧之甚永貞住



山中四十年與掘藥採薪者相習何難於考校真實而  
乃有此失耶至其攀援故事大槩子虛烏有不可以記  
傳勘之固鹵莽道士之常不足怪也原圖不傳在餘姚  
縣志者復多謬誤余旣爲別作其咏註之失亦稍正之  
憶歲辛巳在金陵從朝天宮繙道藏自易學以外干涉  
山川者皆手鈔之矻矻窮日此卷亦在其中歲壬午至  
自燕京便與晦木澤望月下走密巖採石質藏書處宿  
雪竇觀隱潭冰柱大雪登芙蓉峯厯鞠侯巖至過雲識  
所謂木介歸而晦木爲賦澤望爲遊錄余則爲四明山



志其分四面各七十峯因夫圖咏之例也亡友陸文虎  
欲刻之而未遂海內兵起徐忠襄公問浙東可以避地  
者余以四明山對旣而忠襄來書謂吾舉足西向則言  
與陳臥子興晉陽之甲舉足東向則言擁立潞王朝議  
如此四明之緣絕矣吳霞舟先生流離海外余亦欲以  
此山處之道阻不果薛諧孟作先生傳有嗚咽而赴四  
明山中之招者此也山寨纂嚴此山遂爲戰地血瀑魂  
風欽岑變色猶幸二公之不來耳當余手鈔道藏之時  
方欲遍遊天下名山四明不過從此發迹卽不然而自



絕於世亦泥封洞口猿鳥以爲百姓藥草以當糧精山  
原石道別有往來豈意三十年來芒屨櫟笠未沾岳雨  
茲山亦遭勞攘高棲之志尙無寄托執筆圖此有涕滂  
然



學禮質疑序 丁巳

六經皆載道之書而禮其節目也當時舉一禮必有一儀要皆官司所傳歷世所行人人得而知之非聖人所獨行者大而類禋巡狩皆爲實治小而進退揖讓皆爲實行也戰國秦漢以來相等於干戈智術之中僉以爲不急而去之數百年之耆舊旣盡後生耳目不接久矣漢儒煨燼之餘掇拾成編錯陳午割得此失彼又何怪其然乎鄭康成最號通博而不知帝王大意隨文附會輒形箋傳有宋儒者繼起欲以精微之理該其麤末三



代之彌文縟典皆以爲有司之事矣朱子亦常修儀禮  
經傳不過章句是正於其異同淆亂固未彈駁而使之  
歸於一也其時唐說齋創爲經制之學繭絲牛毛舉三  
代已委之芻狗以求文武周公成康之心而欲推行之  
於當世薛士隆陳君舉和齊斟酌之爲說不皆與唐氏  
合其源流則同也故雖以朱子之力而不能使其學不  
傳此尙論者所當究心者也吾友萬充宗爲履安先生  
叔子銳志經學六經皆有排纂於三禮則條其大節目  
前人所聚訟者甲乙證據摧牙折角軒豁呈露昌黎所



謂及其時而進退揖讓於其閒者也此在當時固人人所知者於今則爲絕學矣不謂晚年見此奇特其友魏方公爲之先刻數卷充宗以爲質疑者欲從余而質也余老而失學羣疑填膈方欲求海內君子而質之又何以待質充宗亦姑以其所得參考諸儒必求其精麗一貫本末兼該鑿然可舉而措之無徒與眾說爭長於黃池則所以救浙學之弊其在此夫



所引也以爲神聖之說其并此夫

其本末雖無意然四單而無之則其理與衆不同

以詩經之義而加以其後世之說則其義益廣

今本四史中雖有詩經之義然其義與衆不同

其義與衆不同其義與衆不同其義與衆不同

其義與衆不同其義與衆不同其義與衆不同

其義與衆不同其義與衆不同其義與衆不同



萬履安先生詩序

李杲堂選甬上耆舊詩余欲合陸文虎萬履安兩先生刻之杲堂以兩先生同時之人其子孫未免比例故稍遲之以待潦水之盡杲堂既卒公擇欲先以家集行世問序於余余謂先生之詩不可不急行也今之稱杜詩者以爲詩史亦信然矣然註杜者但見以史證詩未聞以詩補史之闕雖曰詩史史固無藉乎詩也逮夫流極之運東觀蘭臺但記事功而天地之所以不毀名教之所以僅存者多在亡國之人物血心流注朝露同晞史



於是而亡矣猶幸野制遙傳苦語難銷此耿耿者明滅  
於爛紙昏墨之餘九原可作地起泥香庸詎知史亡而  
後詩作乎是故景炎祥興宋史且不爲之立本紀非指  
南集杜何由知閩廣之興廢非水雲之詩何由知亡國  
之慘非白石晞髮何由知竺國之雙經陳宜中之契闊  
心史亮其苦心黃東發之野死寶幢志其處所可不謂  
之詩史乎元之亡也渡海乞援之事見於九靈之詩而  
鐵崖之樂府鶴年席帽之痛哭猶然金版之出地也皆  
非史之所能盡矣明室之亡分國鮫人紀年鬼窟較之



前代干戈久無條序其從亡之士章皇草澤之民不無  
危苦之詞以余所見者石齋次野介子霞舟希聲蒼水  
密之十餘家無關受命之筆然故國之鏗爾不可不謂  
之史也先生固十餘家之一也生平未嘗作詩今續騷  
堂寒松齋粵草皆遭亂以來之作也避地幽憂訪死問  
生驚離弔往所至之地必拾其遺事表其逸民而先生  
之詩亦遂淒楚蘊結而不可解矣夫蔓草零露仍歸天  
壤亦復何限先生獨不能以餘力畱之乎故先生之詩  
真詩史也孔子之所不刪者也



商賈子集卷一

商賈子集卷一

商賈子集卷一

商賈子集卷一

商賈子集卷一

商賈子集卷一

商賈子集卷一

商賈子集卷一

商賈子集卷一



張心友詩序

余嘗與友人言詩詩不當以時代而論宋元各有優長  
豈宜溝而出諸於外若異域然卽唐之時亦非無蹈常  
襲故充其膚廓而神理蔑如者故當辯其真與僞耳徒  
以聲調之似而優之而劣之揚子雲所言伏其几襲其  
裳而稱仲尼者也此固先民之論非余臆說聽者不察  
因余之言遂言宋優於唐夫宋詩之佳亦謂其能唐耳  
非謂舍唐之外能自爲詩也於是縉紳先生閒謂余主  
張宋詩噫亦冤矣且唐詩之論亦不能歸一宋之長鋪



廣引盤摺生語有若天設號爲豫章宗派者皆原於少陵其時不以爲唐也其所謂唐者浮聲切響以單字隻句計巧拙然後謂之唐詩故永嘉言唐詩廢久近世學者已復稍趨於唐滄浪論唐雖歸宗李杜乃其禪喻謂詩有別材非關書也詩有別趣非關理也亦是王孟家數於李杜之海涵地負無與至有明北地摹擬少陵之鋪寫縱放以是爲唐而永嘉之所謂唐者亡矣是故永嘉之清圓謂之非唐不可然必如是而後爲唐則專固狹陋甚矣豫章宗派之爲唐浸淫於少陵以極盛唐之



變雖有工力深淺之不同而槩以宋詩抹殺之可乎張  
子心友好學深思不以解褐爲究竟余所論著矻矻手  
抄不已李杜王孟諸家文集亦觀余批點以得其指趣  
其發之爲詩超然簡牘永絕塵粃流連光景極詩家聲  
色之致天假之年以文字爲詩以才學爲詩以議論爲  
詩莫非唐音今雖未竟其志其氣象要自不凡不能不  
爲之三歎也







謝皋羽年譜遊錄注序

徐野公刻晞髮集且創爲皋羽年譜注其遊錄讀皋羽集者於是無遺憾矣寓書於余俾序之余於戊寅歲會注西臺慟哭記冬青引此時不過喜其文詞耳然無故而爲之豈知其遂爲身世之讖耶今日之序野公書固昔日之書也而意非昔日之意矣夫文章天地之元氣也元氣之在平時昆侖旁薄和聲順氣發自廊廟而鬯浹於幽遐無所見奇逮夫厄運危時天地閉塞元氣鼓盪而出擁勇鬱遏全憤激訐而後至文生焉故文章之



盛莫盛於亡宋之日而皋羽其尤也然而世之知之者鮮矣故皋羽身後八十餘年而張丁始注其慟哭記又三百餘年而野公始爲之年譜數百年之中知之者不過數人信夫後世子雲之難也其間尚有疑義欲與野公討論者發陵之事羅雲溪以爲戊寅周公謹以爲乙酉陶南邨已不能辯其孰是宋景濂書穆陵遺骸與公謹說合景濂爲元史總裁其世祖本紀二十一年甲申九月以江南總攝楊輦眞加發宋陵冢所收金銀寶器修天衣寺此似發後之詔若乙酉方發不應以未發冢



中之物懸空指用冬青樹引知君種年星在尾卻與雲  
溪戊寅相合彭瑋主乙酉遷就以爲寅月公謹亦主乙  
酉然言八月發甯理度三陵十一月發徽欽高孝光五  
陵未嘗在正月也唯世宗本紀二十二年正月初桑哥  
言楊輦真加云會稽有泰甯寺宋毀之以建甯宗等攢  
宮宜復爲寺以爲皇上東宮祈壽時甯宗等攢宮已經  
建寺詳末句似建寺已成至此請舊額也其亦非正月  
明矣景濂之言尙相出入而况彭瑋之武斷乎西臺慟  
哭記甲乙丙三人張丁以吳思齊馮桂芳翁衡實之思



齊有野祭詩可據桂芳有墓誌可據衡不知何所據也  
楊鐵崖作嚴侶墓誌云宋相文山氏客謝翺奇士也雪  
夜與之登西臺絕頂祭酒慟哭以鐵如意擊石復作楚  
客歌聲振林木人莫能測其意也則其一人當是嚴侶  
侶住江干故記言登岸宿乙家思齊流寓桐廬故記言  
別甲於江桂芳家睦故記言與丙獨歸若爲翁衡衡與  
桂芳俱爲睦人則乙丙皆當同歸矣以此知丁注背記  
未爲實也不知野公以爲然否年譜之學別爲一家李  
文簡著范韓富歐陽司馬三蘇六君子年譜後世嗟嘆



其博洽然文簡所著皆名位之赫然者今野公所著摭  
拾溝渠牆壁之間欲起酸魂落魄支撐天下又非文簡  
之所及矣



八五八八

丁巳年正月十一日

丁巳年正月十一日



張仁菴古本大學說序

癸酉甲戌閒余與江道闇張秀初同學道闇讀書不求甚解任懷得意融然遠寄秀初讀書字櫛句比嘗見其讀三禮五傳升降拜跪之細肴蒸籩豆之煩時日錯互地名異同莫不辯析秋毫立身制行粹然儒者之矩度也當時來學之門人共建一小樓於南屏之下余款然良對閒談律呂因取餘杭竹管內好停勻者斷之爲十二律及四清聲製作精妙武塘魏子一吳門薄子班方講此學見之推服桑海之交道闇秀初俱爲法門有力



者所網羅道闇等謝世秀初白椎升座聽講常數百人  
諸方所稱仁菴禪師是也余見之於靈隱再見之於雲  
居仁菴所言唯法門事不復理經生前說矣頗爲惜之  
庚申季冬其外孫鄭春薦出仁菴古本大學說云是晚  
年維揚所著授子止菴分章斷句天衣無縫新建欲復  
古本尙在離合之間此說出紛紜聚訟諸義盡墮然以  
其出自仁菴世儒妄橫儒釋之見未有不疑之者也夫  
儒釋之淆亂久矣儒而不醇者固多出入於佛而學佛  
者亦未必醇乎於佛顧視性分學力二者性分所至佛



法不能埋沒往往穿透而出學力由來亦非佛法之所  
能改此如水中鹽味濟入河流夾雜之中歷然分別唯  
知道者能辯之不爲墉垣膚爪之論所掩蓋耳仁菴之  
說本之生平學力與釋氏無與也仁菴去世今十有六  
年當日小樓已毀其旁虞氏水閣無一存者老梧數樹  
僵立冰雪之下想像舊遊渺若山河展讀此卷神理綿  
綿不異同學之時夜半快譚水鳥驚起也始知迹像變  
遷了不可恃尋微冥契別似有物耳因序而命春薦刻  
之







畱別海昌同學序

歲丙辰二月余至海昌西山許父母以余曾主敎於越中甬上也戒邑中之士大夫胥會於北寺余畱者兩月餘已而省覲將歸同學諸子皆眷眷然有離別可憐之色余南雷之野人也氣質鹵莽諸子風華掩映千人多廊廟之器余何以得此於諸子乎嘗謂學問之事析之者愈精而逃之者愈巧三代以上祇有儒之名而已司馬子長因之而傳儒林漢之衰也始有雕蟲壯夫不爲之技於是分文苑於外不以亂儒宋之爲儒者有事功



經制改頭換面之異宋史立道學一門以別之所以坊  
其流也蓋未幾而道學之中又有異同鄧潛谷又分理  
學心學爲二夫一儒也裂而爲文苑爲儒林爲理學爲  
心學豈非析之欲其極精乎奈何今之言心學者則無  
事乎讀書窮理言理學者其所讀之書不過經生之章  
句其所窮之理不過字義之從違薄文苑爲詞章惜儒  
林於皓首封己守殘摘索不出一卷之內其規爲措注  
與纖兒細士不見長短天崩地解落然無與吾事猶且  
說同道異自附於所謂道學者豈非逃之者之愈巧乎



吾觀諸子之在今日舉實爲秋摘藻爲春將以抵夫文苑也鑽研服鄭函雅正通古今將以造夫儒林也由是而斂於身心之際不塞其自然流行之體則發之爲文章皆載道也垂之爲傳註皆經術也將見裂之爲四者不自諸子復之而爲一乎某雖學文而不能廢夫應酬窮經而不能歸於一致洒掃先師蕺山之門而浸淫於流俗絃急調哀不知九品人物將來何等諸子苟不見鄙庶幾以爲九十里之半是某之眷眷於離別者較諸子而益甚雖然諸子與某相隔一帶水耳天朗氣清夏



蓋空翠可摘此固晁無咎行吟之地也某居其下諸子  
儻聞長嘯若鸞鳳之音響乎巖谷焉知其非余耶夏四  
月二十六日書於北山



壽李杲堂五十序

辛亥

余束髮出遊徧交當世之士是時承平日久賢豪僥僥  
滿盈江湖莫不汜舉藝文共矜華藻場屋時文之外別  
有詩古文修飾卷軸以充羔雁往返皆不寂寞其間爲  
世所指名者不下百餘又有鉅公元夫以主盟斯道朝  
纔脫筆莫熟人口余時童稚無知便謂古之傳人大抵  
皆然其後稍稍讀書見古之所稱能文者左史而下不  
及數十人頗疑天之生才古如是其縮今如是其盈耶  
崇禎丙子丁丑閒吳門行世文集一時沓出列屋兼輒



自非闕茸閭閻之輩未有不購而觀者洋舶所至或用  
以填壓空艙外國人輒兼金易之余竊弄筆墨了然知  
其可從事也始疑文章如是而傳何傳之易耶及夫時  
運而事遷水落石出啓禎一輩之士老死畧盡而當日  
所爲之文章人人自謂握靈蛇之珠抱荆山之玉者竟  
不異蟲蠹謹烏聒過耳已泯蓋不特鸞斯頻頻之黨而所  
謂鉅公元夫者亦然矣其不隨之爲滅沒者曾異撰之  
紡授堂黎遂球之蓮鬚閣艾南英之天傭子徐世溥之  
榆溪僅百分中之一二耳曾不三十年而事已如此況



欲垂之千百世之遠乎然後知古來之不及數十人者其傳非易事也余久處窮山饑火所驅干涉人事始知今天下另有一番爲古文詞者聚斂拆洗生吞活剝大言以爲利祿之媒較之啓禎間畀之又甚矣蓋無以議爲也道不中絕何意數年來甬上諸子皆好古讀書以經術爲淵源以遷固歐曾爲波瀾其邇而上之於古來數十人者已非斷流絕港矣而吾友杲堂橫厲其間如層崖束湍翔霆破柱戊申而後每篇見示吾未嘗不駭而喜歡入骨也夫文章不論何代取而讀之其中另有



南雷文定前集卷一  
出色尋常經營所不到者必傳文也徒工詞語嚼蠟了  
無餘味者必不可傳者也昌黎惟陳言之務去士衡怵  
他人之我先亦謂學淺意短伸紙搖筆定有庸眾人思  
路共集之處故唯深湛之思貫穿之學而後可以去之  
怵之嗚呼非杲堂其亦焉能使吾駭所未見也今杲堂  
年纔五十從此主盟吾道數十年爲鉅公元夫文章之  
道其有不興起者乎蓋不特曾黎數子僅以一身一集  
而傳矣

南雷文定前集卷一

譚瑩玉生覆校



南雷文定前集卷二

餘姚 黃宗羲 太沖撰

天一閣藏書記 己未

嘗歎讀書難藏書尤難藏之久而不散則難之難矣自  
科舉之學興士人抱兔園寒陋十數冊故書崛起白屋  
之下取富貴而有餘讀書者一生之精力埋沒敝紙淪  
墨之中相尋於寒苦而不足每見其人有志讀書類有  
物以敗之故曰讀書難藏書非好之與有力者不能歐  
陽公曰凡物好之而有力則無不至也二者正復難兼



楊東里少時貧不能致書欲得史畧釋文十書直音市  
直不過百錢無以應母夫人以所畜牝雞易之東里特  
識此事於書後此誠好之矣而於尋常之書猶無力也  
况其他乎有力者之好多在狗馬聲色之間稍清之而  
爲奇器再清之而爲法書名畫至矣苟非盡捐狗馬聲  
色字畫奇器之好則其好書也必不專好之不專亦無  
由知書之有易得有不易得也強解事者以數百金捆  
載坊書便稱百城之富不可謂之好也故曰藏書尤難  
歸震川曰書之所聚當有如金寶之氣卿雲輪囷覆護



其上余獨以爲不然古今書籍之厄不可勝計以余所見者言之越中藏書之家鈕石溪世學樓其著也余見其小說家目錄亦數百種商氏之稗海皆從彼借刻崇禎庚午開其書初散余僅從故書鋪得十餘部而已辛巳余在南中聞焦氏書欲賣急往訊之不受奇零之值二千金方得爲售主時馮鄴僊官南納言余以爲書歸鄴僊猶歸我也鄴僊大喜及余歸而不果後來聞亦散去庚寅三月余訪錢牧齋館於絳雲樓下因得緝其書籍凡余之所欲見者無不在焉牧齋約余爲讀書伴侶



閉關三年余喜過望方欲踐約而絳雲一炬收歸東壁  
矣歎溪鄭氏叢桂堂亦藏書家也辛丑在武林捃拾程  
雪樓馬石田集數部其餘都不可問甲辰館語溪攜李  
高氏以書求售二千餘大畧皆鈔本也余勸吳孟舉收  
之余在語溪三年閱之殆徧此書固他鄉寒故也江右  
陳士業頗好藏書自言所積不甚寂莫乙巳寄弔其家  
其子陳澎書來言兵火之後故書之存者惟熊勿軒一  
集而已語溪呂及父吳與潘氏壻也言昭度欲改宋史  
曾弗人徐巨源草創而未就網羅宋室野史甚富緘固



十餘簾在家約余往觀先以所改厯志見示未幾而及父死矣此願未遂不知至今如故否也祁氏曠園之書初度家中不甚發視余每借觀惟德公知其首尾按目錄而取之俄頃卽得亂後遷至化鹿寺往往散見市肆丙午余與書賈入山翻閱三晝夜余載十捆而出經學近百種稗官百十冊而宋元文集已無存者途中又爲書賈竊去衛湜禮記集說東都事畧山中所存唯舉業講章各省志書尙二大櫥也丙辰至海鹽胡孝轅考索精詳意其家必有藏書訪其子令修慨然發其故篋亦



有宋元集十餘種然皆余所見者孝輅筆記稱引姚牧  
菴集令修亦言有其書一時索之不能卽得餘書則多  
殘本矣吾邑孫月峯亦稱藏書而無異本後歸碩膚丙  
戌之亂爲火所盡余從鄰家得其殘缺實錄三分之一  
耳由此觀之是書者造物之所甚忌也不特不覆護之  
又從而蓄害之如此故曰藏之久而不散則難之難矣  
天一閣書范司馬所藏也從嘉靖至今蓋已百五十年  
矣司馬歿後封閉甚嚴癸丑余至甬上范友仲破戒引  
余登樓悉發其藏余取其流通未廣者抄爲書目凡經



史地志類書坊間易得者及時人之集三式之書皆不  
在此列余之無力殆與東里少時伯仲猶冀以暇日握  
管懷鉛揀卷小書短者抄之友仲曰諾荏苒七年未蹈  
前言然余之書目遂爲好事流傳崑山徐健菴使其門  
生謄寫去者不知凡幾友仲之子左垣乃併前所未列  
者重定一書目介吾友王文三求爲藏書記近來書籍  
之厄不必兵火無力者旣不能聚聚者亦以無力而散  
故所在空虛屈指大江以南以藏書名者不過三四家  
千頃叁之書余宗兄比部明立所聚自庚午訖辛巳余



往南中未嘗不借其書觀也余聞虞稷好事過於其父  
無由一見之曹秋岳倦圃之書累約觀之而未果據秋  
岳所數亦無甚異也余門人自崑山來者多言健菴所  
積之富亦未寓目三家之外卽數范氏韓宣子聘魯觀  
書於太史氏見易象與魯春秋曰周禮盡在魯矣范氏  
能世其家禮不在范氏乎幸勿等之雲煙過眼世世子  
孫如護目睛則震川覆護之言又未必不然也



餘姚至省下路程沿革記 己未

吾邑至省下其程不過三百里而曹娥錢清錢塘三江橫截其閒又地勢卑下曹娥而東未入姚江率數十里而一堰船之大者不能容數十斛不然則不可以拖堰風雨之夕屈折蓬底躑躅泥淖故行者爲甚難自餘姚至曹娥其路有二分於城西二十里之曹墅橋溯姚江而行謂之南路進曹墅橋入支港而行謂之北路南路二十里至下壩又分爲二挽壩而上旁渣湖行支港中十八里至新壩挽壩而上十里卽上虞治也不挽下壩



仍逆姚江而行三十里至通明壩始挽而上至上虞縣  
城與支港之路會又三十里乃至曹娥初南路必出通  
明壩宋淳熙閒魏王薨於四明將葬於越詔遣刑部尙  
書謝廓然運副韓彥質護喪使者旁午州縣震動知上  
虞縣汪大定以通明壩高峻潮汐雖登僅過數舟則已  
涸矣於是增浚渣湖別於支港創小堰以通舟募游手  
二百人別以旗色分列左右俟大舟入引湖水灌之水  
溢堰平眾力扶喪舟以進畧無欹側舳艫相銜俄頃俱  
濟自是以來反以支港爲通衢非大旱水涸則無有由



通明者矣世傳史彌遠所開有恩多怨多之謠非也北路較南弱十里厯陡疊橫河驛亭三堰南堰挽舟設輓轆北堰則徒手舉之故其舟尤小也三堰盡掠夏蓋湖渡百官江卽曹娥之下流也陸行二里至塔橋與南路會自曹娥而西路無支徑地勢平行無拖堰之勞無候潮之苦較曹娥而東相懸絕矣然按周益公思陵錄錢清江者東自三江口來西過諸暨約三百餘里闊十餘丈運河半貫其中高於江水丈餘故南北皆築堰上水別設浮橋渡行旅大舟例剝載小舟則拖堰而過梓宮



船欲渡待其潮水平漫開閘水勢奔注久之稍定兩岸以索牽制始放御舟將達南閘大昇輦繼之御舟受觸幸而篙工能事得入閘口輦舟不能入橫截南岸冊寶又往江流湍急舟人力不能加直衝其腰旣而靈主亦來復衝冊寶勢尤可畏運使趙不流頓足垂涕幾欲赴水當日之險如此今自麻溪作堰錢清上流之水引入錢塘三江口作閘潮水亦不入錢清而錢清與運河相渾有江之名無江之實矣不然與曹娥而東其艱難不甚相遠也錢塘之渡自昔爲難孫覲誌汪思恩云會稽



渡錢塘舟人冒利捆載而行半渡弭楫邀取錢物而暴風猝至舉舟盡溺死操舟者皆善泅獨免公爲臨安守曰不戮此輩則殺人未艾也悉論殺之更造大艦十數每一艦受若干人製號如其數以五采別異之置吏監總渡者給號登舟卽過數而號與舟不類者皆不受舟人給直有定估除十之一備修葺之費抵今二十年無一舟之覆蓋錢塘除暴風積水亦不甚險唯載人過甚舟力不勝則有覆沈之禍舟子僥倖頃刻往往以尋丈之舟載至百十人當事每每以空言申勅安得如汪守



者而與之講濟人之事乎百官江本不甚闊而土人輪  
日取利止以一舟值渡餘舟不得攬入往來候渡甚艱  
爲令者苟革其輪日之例則行者不滯矣是故吾邑風  
氣朴畧較之三吳截然不同無他地使之然也然而民  
生愈促朴畧變爲智巧是則非三江壘堰之所能限也  
不能不歸之世運耳



萬里尋兄記

宗義六世祖父府君諱璽字廷璽兄弟六人長伯震商於外踰十年不歸府君魂祈夢請卜之瓊茅蚌殼之間茫然不得影響作而曰吾兄不過在域內吾兄可至吾何獨不可至乎躡屣出門鄉黨阻之曰汝不知兄之所至東西南北從何處尋起府君曰吾兄商也商之所在必通都大邑吾盡歷通都大邑必得兄矣於是裂紙數千繕寫其兄里系年貌爲零丁所過之處輒榜之宮觀街市閒冀兄或見之卽兄不見而知兄者或見之也經



行萬里三山獠洞八角蠻陬蹤跡殆徧卒無所遇府君  
禱之衡山夢有人誦沈綿盜賊際狼狽江漢行者覺而  
以爲不祥遇士人占之問君何所求府君曰吾爲尋兄  
至此士人曰此杜少陵春陵行中句也春陵今之道州  
君入道州定知消息府君遂至道州徬徨訪問音塵不  
接一日奏廁置傘路旁伯震過之見傘而心動曰此吾  
鄉之傘也循其柄而視之有字一行曰姚江黃廷璽記  
伯震方驚駭未幾府君出而相視若夢寐慟哭失聲道  
路觀者亦嘆息泣下時伯震已有田園妻子於道州府



君卒挽之而歸合觀史傳人子所遭不幸開關踣頓求  
父求母者不絕書爲人弟而求兄者無聞焉豈世無其  
事歟抑有其事而紀載者忽之歟方府君越險阻犯霜  
雪跋涉山川餓體凍膚而不顧箝口稿腸而不卹窮天  
地之所覆載際日月之所照臨汲汲皇皇唯此一事視  
天下無有可以易吾兄者而其時當景泰天順之際英  
宗景皇獨非兄弟耶景皇唯恐其兄之入英宗唯恐其  
弟之生富貴利害伐性傷恩以視府君愛惡頓殊可不  
謂天地綱常之寄反在草野乎







阿育王寺舍利記

庚戌

庚戌十一月甲子余爲高旦中題主於烏石山明日雨不可出山遂偕辰四宿阿育王寺丙寅請觀舍利寺僧啓銅塔

塔爲萬厯間慈聖太后所賜

捧一小方篋出殿門外南向立

篋方廣六七寸玲瓏內外不隔中繫小木鐘塗以泥金有小珠在其內作琥珀色則所謂舍利也余讀宋景濂阿育王寺碑言舍利厯代之神異詳矣自是以後稱其神異者陸光祖郭子章先後詣明州頂禮述其所見然而不知其僞也嘉靖閒倭犯寧波胡宗憲防海之師屯



於市竊金鐘并舍利以去住持僧傳瓶無以眩人用真珠裹金偽造以充之光祖之所見者此也其後海上有警住持懲異時之失以偽造舍利寄藏鄉民李台垣家台垣家之婦女私發而玩之墮地不見則又以其奩中之珠塗飾置於鐘內海警既息迎還於寺郭氏萬厯壬子甲寅所見者此也崇禎甲申住持又將此偽造者質酒於纓絡河久之始復寺中是故阿育王舍利不特偽造卽其偽造者亦不一人一事余之所聞自嘉靖以來者景濂碑文作於洪武十二年距今二百九十三年耳



已不勝其僞如此豈自洪武以上歷一千九百七年之  
久舍利依然爲劉薩訶故物耶且洪武來舍利不出境  
內啓閉一一山野驅鳥之手洪武以上一歸官庫再入  
臨安一入燕京流轉不復一寺其請張爲幻更復何如  
耶然則景濂碑中之神異亦不過世俗自欺欺人之說  
一如郭陸遂從而拾之耶或曰是在觀者之誠否卽如  
碑言松枝放光何關舍利曰不關舍利是名妄見豈可  
以所見之妄而謂舍利之靈乎憶余丙寅冬日書窗油  
盞燈注時吐青珠細於芥子堅不可破竟夕可得主撮



如是者月餘或謂此草舍利也嗟乎卽舍利亦復何奇  
而况於偽爲者乎彼沾沾其神異者可謂大惑不解矣



過雲木冰記

歲在壬午余與晦木澤望入四明自雪竇返至過雲霧  
靄溼瀾蒸滿山谷雲亂不飛瀑危弗落遐路窈然夜行  
撒燭霧露沾衣嵐寒折骨相視禿氣呼嗟咽續忽爾冥  
霽地表雲斂天末萬物改觀浩然目奪小草珠圓長條  
玉潔瓏鬆插於幽篁纓絡纏於蘿闕琤琮俯仰金奏石  
搏雖一葉一莖之微亦莫不冰纏而霧結余貽愕而嘆  
曰此非所謂木冰乎春秋書之五行志之奈何當吾地  
而有此異也言未卒有居僧笑於傍曰是奚足異山中



苦寒纔入冬月風起雲落卽凍洛飄山以故霜雪常積  
也蓋其地當萬山之中囂塵沸響局鐫人間邨煙佛照  
無殊陰火之潛故爲愆陽之所不入去平原一萬八千  
丈剛風疾輪侵鑱心骨南箕哆口飛廉弭節土囊大隧  
所在而是故爲勃鬱煩冤之所不散溪回壑轉蛟螭蟻  
蟄山鬼竊窅腥風之衝動震瀑之敲噬天呵地吼陰崖  
洄穴聚雹堆冰故爲元冥之所長駕羣峯灌頂北斗墮  
脇藜蓬蒼蔚雖焦原竭澤巫吁魃舞常如夜行秋爽故  
爲曜靈之所割匿且其怪松人楓舉石罔草碎碑埋磚



枯柴碧骨皆足以興吐雲雨而僊宮神治山岳炳靈高  
僧懸記治烏木客峭峯幽深其氣皆斂而不揚故恆寒  
而無燠余乃喟然曰嗟乎同一寒暑有不聽命於造化  
之地同一過忒有無關係於吉凶之占居其閒者亦豈  
無凌峯掘藥高言畸行無與於人世治亂之數者乎余  
方齟齬世度將欲過而問之

石門孫爽喜讀此文書之便面庚戌七月二十五日  
燈下重寫一過念亡友下世已二十一年棺和出土  
乾科颯颯知己之淚能不泣然







念祖堂記

丁巳

吳門周子潔不見者十餘年矣丁巳中秋得其一札乃爲姜子學在求念祖堂記念祖堂者卿墅先生之居也先生家萊陽僑寓吳門不忘其本故名堂以識之昔周元公以營道之濂溪識於匡廬朱文公以婺源之紫陽識於崇安其義一也然而先生則異於是當崇禎壬午小人造爲二十四氣之謠中傷善類殺宗入其說戒諭言官謂言官論事各有所爲不出公忠先生言言官不能必其無私然皇上不可以此厭薄言官皇上所云代



人規卸爲人出脫何所聞之豈於章奏知之耶抑懸揣得之乎願勿以委巷之言搖惑聖聰上大怒下之詔獄密詔令金吾賜盡金吾漏言吾夫子面諍於上上畏清議止前詔杖先生百淹畱刑部獄一載餘甲申二月遣戍宣州衛未踰月而京師陷先生不敢以桑海之故弁髦君命終身不返故居卒葬於敬亭君子曰可謂仁之盡義之至也夫國破君亡是非榮辱已爲昨夢先生猶硜硜不變自常人言之未有不以爲迂者也試揆之於義朝廷無放赦之文臣子營歸田之計謂之不違得乎



故升菴歿於戍所勢所不得不然先生葬於戍所勢可  
以不然而義所不得不然者也古人作事未嘗艸艸蘇  
武十九年而返奉太牢謁武帝園廟樂布從齊還奏事  
彭越頭下而後使事告終先生下窆宣城而後戍事告  
終豈以幽明有閒也是之謂義至南齊華寶父戍長安  
寶年八歲臨別謂寶曰須我還當爲汝上頭長安旣陷  
父不得還寶年至七十不婚冠或問之輒號慟彌日毅  
宗不過葭月必召用先生毅宗之不得召用先生猶寶  
父之不得爲寶上頭也寶思父而終不忍上頭先生思



主而忍離戎所乎是之謂仁盡若以爲先生念其故居而已枌社春秋何所阻隔行李往來無人牽挽棲棲旅人似有簡書之畏者蓋安故居則不能安此心安此心則不能安故居徘徊兩歧之間先生之念亦苦矣甯與周朱可同論乎斯堂也爲文文肅歌哭之所文肅之後廢爲馬廐馬廐之後闢自先生文肅爲烏程所忌先生爲陽羨所陷亡國之戚兩相與有力焉天下之興亡係於一堂余昔謁文肅兩至其地曲池怪石低回欣賞不知其可悲如是也



何陋文集卷一

十六  
粵雅堂叢書



南雷文定前集卷二

譚瑩玉生覆校



南雷文定前集卷三

餘姚 黃宗羲 太沖撰

答錢牧齋先生流變三疊問

問長水註楞嚴九變三疊所謂進動算位一橫二豎一豎二橫者未知其義又徐岳所謂橫板爲九道五道及豎以爲柱爲位者與長水橫豎進動都相合否幸爲剖析源流詳明示之

楞嚴經曰四數必明與世相涉三四四三宛轉十二流變三疊一十百千總括始終六根之中各各功德有千二百疏云三變之義古今多解今所解者不加別法以變其義只將今文過現未來進動算位便成



千二百功德如第一位三世四方宛轉十二便成一  
疊算位卽是一橫二豎已成過去第二卽變過去一  
世以爲現在進動算位一豎二橫成百二十爲第二  
疊又卽變現在世以爲未來進動算位一橫二豎成  
一千二百爲第三疊能變之法既唯三

世所變之法亦止千二百故無增減

徐岳數術記遺太乙算太乙之行去來九道刻橫板  
爲九道豎以爲柱柱上一珠數從下始故曰去來九  
道也兩儀算天氣下通地稟四時刻橫板爲五道豎  
爲位一位兩珠色青上珠色黃下珠其青珠自上而  
下第一刻主五第二刻主六第三刻主七第四刻主  
八第五刻主九其黃珠自下而上第一刻主一第二  
刻主二第三刻主三第四刻主四  
而已故曰天氣下通地稟四時也

按徐岳所云算器也長水所云算法也雖橫豎之言相  
同其義不相干涉今之算器橫不列道其數分於珠徐



岳之算器珠一而已其數分於道太乙算橫爲九道其珠自下而上厯一道爲一算兩儀算橫爲五道自下而上者一道爲一算自上而下者始於五終於九黃青二珠交相代也算九則窮又移一柱與今器迴別長水之算只用今器其所謂橫豎者分別算位本位是豎進一位卽是橫本位是橫進一位卽是豎非如徐岳之實有橫豎也乾坤鑿度曰臥算爲年立算爲日臥算者長水之所謂橫也立算者長水之所謂豎也第一疊三世四方乘之得十二若依算家乘法則第二疊當得一百四



十四第三疊當得二萬七百三十六今不然者則經文  
 流變以第一疊爲準第二疊變一爲十變十爲百第三  
 疊變十爲百變百爲千而已故曰變不曰乘也

流變三疊圖

第一疊 第二疊 第三疊





一十百千萬萬

第一道  
第二道  
第三道  
第四道  
第五道  
第六道  
第七道  
第八道  
第九道

十一百千

五道丸  
四道丹  
三道七  
二道六  
一道五

一  
道  
二  
道  
三  
道  
四  
道







答劉伯繩問律呂

癸卯

漢志曰黃鐘爲宮則太簇姑洗林鐘南呂皆以正聲  
應無有忽微不復與他律爲役者同心一統之義也  
非黃鐘而它律雖當其月自宮者則其應和之律有  
空積忽微不得其正此黃鐘至

家諱

無與並也○問

朱子著此條在變律下蔡元定著此條在八十四聲  
圖下有異同否

十二律旋相爲宮其下所應之聲卽謂之役凡受役者  
其律必短於主律

主律卽爲宮之律也

黃鐘長九寸長之至也故



當其爲宮之時所應六律皆短於黃鐘故用正聲而不用半聲及蕤賓大呂夷則夾鐘無射仲呂六者爲宮之時七聲不備則黃鐘不得不受役而黃鐘實長於諸律故不得不有變律變律又長故不得不用變律之半所謂不與他律爲役也朱子著在變律者以明律不得不變之故蔡元定著在八十四聲者以明十一月黃鐘宮下無他律之聲其義一也然班孟堅之意則不然黃鐘正律雖長其半律甚短則蕤賓以下獨不可用乎安見黃鐘之不爲他律役也蓋十二律之實其零分皆偶獨



黃鐘十七萬七千一百四十七爲奇半之則八萬八千五百七十三餘一餘一不可半也是黃鐘有正聲而無半聲既無半聲可用此黃鐘之不役於他律也若止以管長不受役爲言於義有所未盡矣

問空積忽微

蔡元定謂黃鐘爲宮所用七聲皆正律無空積忽微自林鐘而下則有半聲自蕤賓而下則有變律皆有空積忽微不得其正蓋以半聲變律奇零不齊便謂之忽微也然亦非班氏之意所謂空積者空圍所容之積實也



管長一分圍容九分故每寸八十一分班氏謂黃鐘爲

宮則太簇姑洗林鐘南呂無有忽微蓋班氏十二宮止

五聲而去變宮變徵黃鐘長九寸積七百二十九分

新書

積八百一十分蓋分九爲十其實一也

太簇長八寸積六百四十八分姑

洗長七寸一分積五百七十六分林鐘長六寸積四百

八十六分南呂長五寸三分積四百三十二分故空積

無忽微也至應鐘長四寸六分六釐其四寸六分之積

三百七十八分其六釐之積便奇零而爲忽微矣以下

皆然故他律爲宮皆有忽微也若加二變爲七聲則黃



鐘之用及於應鐘蕤賓雖黃鐘爲宮其空積亦未嘗無  
忽微也蔡氏未之審而妄引班氏以證已說非也

問史記生鐘術曰上九商八羽七角六宮五徵九置  
一而九三之以爲法實如法得一凡得九寸命曰黃  
鐘之宮故曰音始於宮窮於角數始於一終於十成  
於三氣始於冬至周而復生

按索隱以商八羽七角六宮五徵九爲數錯邢雲路云  
卽是上文聲律數太簇八寸爲商姑洗七寸爲羽林鐘  
六寸爲角南呂五寸爲徵黃鐘九寸爲宮其曰宮五徵



九誤字也愚意以爲羽一徵二角三商四宮五者其大  
小之序而商八羽七角六宮五徵九者其相生之序也  
角宜生徵五徵宜生宮九雲路謂誤字者是也置一而  
九三之者置子一而三之爲丑再三之爲卯二十七如  
是者九爲西之一萬九千六百八十三乃寸法也實者  
十二律之實在新書第四滿寸法得一寸黃鐘之實十七萬  
七千一百四十七凡爲一萬九千六百八十三者九故  
得九寸他律不滿寸法之實則以分法釐法毫法絲法  
收之



問上下相生以仲呂謂變律耶正律耶

通典相生爲十二變律變律又爲十二半律合之於正凡四十八聲也蔡氏以旋宮至仲呂而止仲呂之七聲旣備則其下無所用故變律止於應鐘雖曰應鐘之實以三分之又不可盡一算數不可行此就蔡氏自立之法言之其實應鐘以下皆有變律也

問五聲二變與變律先後次序

蔡氏五聲二變次變律之後朱子則先七聲而後變律愚意以變卽正之參差不齊者正變一時俱有非借變



以通正之窮若變律居七聲之後非自然之法象矣

問新書曰律當變者有六置一而六三之得七百二

十九

置一而六三之者置子一而三之爲丑又三之爲寅九  
如是以至於午得七百二十九其爲三之者凡六此史  
遷置一而九三之之例變聲章置一而兩三之得九亦  
同也其言律當變者有六故三之凡六則未必然蓋蔡  
氏之用變律雖止於六其實變律有十二也然置一六  
三之法亦所不必仍照正律之法四其實以生黃鐘變



律倍其實以生林鐘乃爲當耳

問應鐘變律之實九萬二千五十六何以又云六千七百一十萬八千八百六十四也

未曾以七百二十九歸之則爲下數置下數以七百二十九爲一算則得上數也所餘四十爲小分

### 問變律

變聲之說見於國語變律則京房以仲呂生執始演爲六十律公孫崇則上役黃鐘其說皆未甚協惟杜佑爲當然杜佑之變十二蔡元定之變六變律之中又有二



說也其實古之旋宮止於五聲自夷則而下爲宮者卽用正律之半禮運之疏更無變律



答張爾公論茅鹿門批評八家書

鹿門八家之選其旨大畧本之荆川道思然其圈點句抹多不得要領故有腴理脈絡處不標出而圈點漫施之字句之間者與世俗差強不遠至其批評謬處姑舉一二如昌黎張中丞傳後序云不載雷萬春事首尾與南霽雲乞救賀蘭兩不相蒙而鹿門以爲雷萬春疑當作南霽雲若乞救之事照應此句以補李翰之不載則非矣曹成王碑以爲穿鑿生割爲昌黎之務去陳言豈昌黎之文從字順者猶有陳言之未去乎益不知昌黎



之所謂陳言者庸俗之議論也豈在字句哉羅池廟碑  
謂其不載柳州德政載其死而爲神一節似狎而少莊  
按碑中所載民業有經以下德政可謂至矣豈必如俗  
文之件繫毛舉然後謂之莊耶孔司勛誌前夫人從葬  
舅姑兆次卜人曰今茲歲未可以祔從卜人言不祔鹿  
門云按附誌前夫人所以不及祔葬舅姑兆次之故而  
不詳與司勛合葬處不可曉誌言前夫人已祔葬舅姑  
兆次今欲遷葬與司勛合而卜人不可故不合葬本自  
明曉不知鹿門如何讀也孟貞曜誌愈走位哭且召張



籍曾哭諸嘗與往來者咸來哭弔韓氏按檀弓伯高之  
赴孔子曰夫由賜也見我吾哭諸賜氏遂命子貢爲之  
主故東野之喪昌黎立位於家其嘗與往來者哭弔於  
韓氏也鹿門云韓氏不知何人豈不知此禮耶柳州貶  
後諸書鹿門謂蘇子瞻安置海外時詩文殊自曠達蓋  
由子瞻深悟禪宗故獨超脫較子厚相隔數倍蓋子瞻  
之謫爲奸邪所忌而子厚之謫人且目之爲奸邪心事  
不白出語悽愴其所處與子瞻異也若論禪宗子厚未  
必讓於子瞻耳與顧十郎書子厚爲顧少連所取士十



郎乃少連子也於座主之門故稱門生書中顯贈榮諡揚於天官敷於天下已明言少連之死而鹿門云其書似非對座主之言是尙疑十郎爲座主也歐公謂正統有時而絕此是確論鹿門特以爲統之在天下未嘗絕也如此必增多少附會正統之說所以愈不明也鹿門謂江鄰幾文不傳當非其文之至者而歐陽公序之只道其故舊凋落之意隱然可見按序中言其學問通博文辭雅正深粹而論議多所發明詩尤清澹閑肆可喜許之亦云至矣如尹師魯之文歐公只稱簡而有法亦



可云非其文之至者乎薛簡肅初舉進士爲州第一讓其里人王巖而居其次鹿門云宋制舉進士何以得讓宋制解試雖有主文考校然尙有鄉舉里選之意故得自相推讓凡舉子皆謂之進士其中殿試者謂之及第出身鹿門不知宋制而以今制賜進士者當之故有此疑蘇子美誌其妻於文集則曰吾夫屈於生猶可伸於死於葬則曰吾夫屈於人閒猶可伸於地下皆有著落句同而意異鹿門云迭此二句歐公稗筆而少道處不如仍前二句且綴之曰死而非歐君者銘其墓則無以



慰其生之交也信如此則俗筆套語矣張谷墓表厯官河南主簿蘇州觀察推官開封府士曹參軍遷著作佐郎知陽武縣通判眉州累遷屯田員外郎復知陽武縣鹿門云宋制以觀察推官徙參軍而知陽武縣又以通判眉州入爲員外郎而復知陽武可見當時重令職如此按宋制未改京朝官謂之縣令已改京朝官方謂之知某縣張谷初知陽武其京朝官是著作佐郎再知陽武其京朝官是屯田員外郎知縣雖同而京朝官之崇卑則異俱未嘗入朝也鹿門不明宋制耳孫之翰誌初



舉進士天聖五年得同學究出身八年再舉進士及第  
鹿門云宋舉進士者再按之翰初舉進士不及第再舉  
方得及第未嘗再也學究出身非進士之第耳荆公伯  
夷論以不食周粟爲誣識力非流俗可及鹿門云論伯  
夷處未是千年隻眼彼之雷同子長者豈皆隻眼乎至  
其去取之間大文當入小文可去者尙不勝數也觀荆  
川與鹿門論文書底蘊已自和盤托出而鹿門一生僅  
得其轉折波瀾而已所謂精神不可磨滅者未之有得  
緣鹿門但學文章於經史之功甚疎故只小小結果其



批評又何足道乎不知者遂與荆川道思並稱非其本色矣



答陳士業論孔子生卒書

宋景濂作孔子生卒歲月辯其生主公羊穀梁氏在襄公三十一年己酉十月庚子卽今十月二十一日也其卒主左氏在哀公十六年壬戌四月乙丑卽今四月十八日也以爲三家去孔子甚近漢以後之儒無徵焉言甚核而辯然以某攷之則又不能無疑者左氏哀公十六年夏四月己丑孔邱卒此出於門弟子所書歲月無可復疑矣由是而上推至襄公二十二年庚戌爲七十三歲孔子之年七十三不特見於史記家語之終記



曰寢疾七日而終時年七十三矣杜預左註亦云七十  
三孔子家譜祖庭記無不皆然使七十三之年而信則  
孔子之生年其在庚戌亦可無疑也公穀二家之說豈  
能盡抹諸家乎公穀之謂二十一年者安知非周靈王  
二十一年誤書爲襄乎蓋襄二十二年卽周靈王之二  
十一年也至於生之月日左傳無文穀梁氏則書冬十  
月庚子孔子生公羊氏則書十有一月庚子孔子生陸  
德明釋公羊云庚子孔子生傳文上有十月庚辰此亦  
十月也一本作十一月庚子又本無此句蓋經文庚辰



朔則庚子在二十一日若十一月則己酉朔其距庚子  
五十有二日十一月無庚子則知有此句者之爲誤本  
也某以厯法推之襄二十一年中積六十六萬九千一  
百二十七日五十五刻冬至四十七日五〇二四閏餘  
二十五日七三四六其年有閏故子月甲寅朔丑月甲  
申朔寅月癸丑朔卯月癸未朔辰月壬子朔巳月壬午  
朔午月辛亥朔未月辛巳朔申月庚戌朔酉月庚辰朔  
戌月己酉朔亥月己卯朔襄二十二年中積六十六萬  
八千七百六十二日三十一刻冬至五十二日七四四



九閏餘七日七一子月巳酉朔丑月戊寅朔寅月戊申  
朔卯月丁丑朔辰月丁未朔巳月丙子朔午月丙午朔  
未月乙亥朔申月乙巳朔酉月甲戌朔戌月甲辰朔亥  
月癸酉朔若不從公穀以家語史記爲準則孔子之生  
在二十二年酉月自甲戌推至庚子爲二十七日故羅  
泌以爲八月二十七日是也景濂謂三代雖異建而月  
未嘗改某按襄二十一年經文九月庚戌朔日有食之  
冬十月庚辰朔日有食之夫九月庚戌朔者建申之月  
也十月庚辰朔者建酉之月也若周不改月則九月爲



已酉朔十月爲己卯朔而庚戌庚辰爲七月八月之朔  
是與經文大悖矣景濂能不信諸經乎家語史記載孔  
子弟子生卒皆以孔子爲的若孔子不生庚戌則弟子  
之年無一足憑矣如顏子少孔子三十歲二十九而髮  
白三十二而死是顏子死時孔子年六十二也哀公六  
年吳伐陳楚救陳孔子絕糧猶有顏子問答計顏子卽  
卒於是年蓋自襄二十二年至哀六年孔子六十二歲  
也若生於襄二十一年則孔子六十三矣顏子少三十  
歲及三十二而死皆不可信也故景濂欲伸公穀則必



盡廢諸家無乃過歟



答劉伯宗問朱子壺說書

投壺經言壺頸修七寸腹修五寸口徑二寸半容斗五

升鄭注腹容斗五升三分益一則爲二斗積三百二十

四寸

算法方一寸高十六寸二分爲一升方一寸高一

以腹修五寸約之所得

五寸約之者於五寸之中截其

分之其一分得積

六十四寸八分求其圓周得二尺七寸有奇是爲腹

徑九寸有餘也

以圓求方須三分加一六十四寸八分

一分手六十四寸八分之中共八十六寸四分是一寸

方積之數以方積開之九九八十一則一面有九寸强

四面凡有三十六寸强又以方求圓四分去一是爲圓

周二尺七寸有奇圍三則徑一故腹徑九寸有餘也



按鄭氏此說皆整數二斗之積也然以二斗之積四分去一則與經文斗五升合矣故朱子欲去二斗虛加之數是也其實斗五升之積爲二百四十三寸以腹修五寸約之五取一焉得四十八寸六分卽圓積也圓積求徑三歸四因開方之是爲腹徑八寸四釐有奇圓積求周十二因開方之是爲圓周二尺四寸一分四釐有奇若鄭氏三分益一以爲二斗方積六十四寸八分既有虛加之數則當用圓田法卽以六十四寸八分者開方之徑得八寸四釐奇三因於徑周得二尺四寸一四亦



如前法朱子以積求徑之法謂廣六十四寸八分此六十四寸者自爲正方又取其八分者割裂而加於正方之外則四面各得二釐五毫之數徑爲八寸五釐此則朱子不明算法而不自知其誤也夫正方六十四寸則一面得八寸試割二分加之每寸得二釐五毫四面皆然則八分者無餘矣而四角各缺方二釐五毫將何以補之哉故開方之術中開正方謂之方法正方之外割裂而加之者謂之廉法補之於角者謂之隅法有廉則必有隅朱子所言有廉而無隅零星補湊愈密而愈疏



月三十一日





答汪魏美問濟洞兩宗爭端書

大鑒之後爲南岳青原南岳傳馬祖馬祖傳百丈百丈  
傳潞山此潞仰宗所由起也百丈又傳黃檗黃檗傳臨  
濟此臨濟宗所由起也青原傳石頭石頭傳藥山藥山  
傳雲巖雲巖傳洞山此曹洞宗所由起也石頭又傳天  
皇天皇傳龍潭龍潭傳德山德山傳雪峯雪峯傳雲門  
此雲門宗所由起也雪峯又傳元沙元沙傳羅漢羅漢  
傳法眼此法眼宗所由起也故五家宗派出自南岳者  
二出自青原者二今潞仰雲門法眼三宗俱絕存者惟



臨濟曹洞耳近濟宗依五燈會元附註謂有兩天皇道  
悟石頭所傳者之天皇不再傳而絕其出爲雲門法眼  
之天皇則馬祖所傳者於是南岳得四宗青原僅一宗  
以此而分優劣至兩家聚訟不已常謂昔之學佛者自  
立門戶者也今之學佛者倚傍門戶者也自立門戶者  
如子孫不藉先人之業赤手可以起家倚傍門戶者如  
奴僕占風望氣必較量主者之炎涼雲門法眼其宗旣  
絕猶過去之高門巨族也吹已冷之燄爲掃室布席之  
光則郭崇韜哭子儀之墓又何怪乎故兩家是非不必



爲之辯第兩家辯詞可爲咄噤會元附註以邱元素天  
王碑證雲法二宗出於南岳以符載天皇碑證青原之  
天皇一傳而絕洞家指爲僞碑以爲元素使相何得姓  
名不見唐史疑爲烏有按歐陽公集古錄跋尾神女廟  
詩李吉甫邱元素李貽孫敬騫作佛者空疎之腹豈可  
妄談載籍符載碑文載在贊甯高僧傳中其末云此邱  
慧真文賁等禪子幽閑皆入室得悟之者或繼坐道場  
或分枝化導所謂禪子幽閑者卽指慧真文賁等而言  
言其情性幽閑也附註改爲法嗣三人曰慧真曰文賁



曰幽閑以贊辭扭作人名爲附註者文理尙未通也權  
文公馬祖道一塔銘見文苑英華後列沙門慧海智藏  
鎬英志賢智通道悟懷暉惟寬智廣崇泰惠雲等洞家  
疑附註引此爲虛誕之辭信如此言不知在唐還有權  
德輿否黃元公因邱碑所載節使拋水事與南泉下臺  
照雷同疑碑爲好事者所撰然碑文詳而會元首尾脫  
落是會元襲碑文非碑文襲會元也總之釋氏壽張爲  
幻火發火息碑文又甯足信乎



答朱康流論歷代甲子書

按歷代甲子自魯隱公元年己未以下載籍皆可考據  
無有異同乃自隱公以上其說不能歸一然準之歷算  
如武王克商周公營洛成王顧命三者得其時日則是  
非不難辨矣故授時伐紂以至春秋一從漢志漢志魯  
世家魯公伯禽四十六年考公四年煬公六十年幽公  
十四年微史記作魏公五十年厲公三十七年獻公五十年  
慎公三十年武公二年懿公九年伯御十一年孝公二  
十七年惠公四十六年凡伯禽至惠公三百八十六年



伯禽以成王元年癸巳歲卽位至康王十六年戊寅歲  
薨惠公以平王三年癸酉歲卽位至平王四十八年戊  
午歲薨中間所歷甲子自第二十八而上嬴三十一歲  
自第三十三而下縮五歲由成王上推周公攝政七年  
武王克殷後七年而崩故伐紂之歲斷以爲己卯也而  
史記魯世家伯禽四十六年考公四年煬公六年幽公  
十四年魏公五十年厲公三十七年獻公三十二年眞  
公三十年武公二年懿公九年伯御十一年孝公二十  
七年惠公四十六年凡三百二十一年較漢志差六十



五年以口口口口口口口口口口口口口口則  
伯禽元年在第二十八甲子下戊戌歲也戊戌爲成王  
元年由成王上推周公攝政七年封禪書曰武王克殷  
二年天下未甯而崩崩在庚寅歲故伐紂之年爲戊子  
也如此則銷却一甲子第二十八卽第二十七矣竹書  
紀年成王丁酉歲卽位在位三十七年康王二十六年  
昭王十九年穆王五十五年共王十二年懿王二十五  
年孝王九年夷王八年厲王二十六年宣王四十六年  
幽王十一年平王四十八年惠公卒凡三百二十三年



與史記魯世家先一年以伐紂在庚寅較史記後二年  
此記事稍有參差其甲子大畧相同也黃石參先生主  
張史記以爲武王克殷戊子歲用授時四分校之戊子  
歲周正月癸卯合朔甲寅冬至以某按之又未必然武  
成惟一月壬辰旁死魄越翼日癸巳王朝步自周于征  
伐商既戊午師逾孟津癸亥陳于商郊甲子昧爽會于  
牧野泰誓又曰一月戊午師渡孟津左氏外傳曰王以  
二月癸亥夜陳未畢而雨據石參以癸卯爲正月朔則  
壬辰癸巳爲前月十九二十日矣經何以言一月也癸



卯朔則癸亥爲月內之二十一日矣外傳何以言二月也信漢志不如信史記信史記又不如信經文也石堊又以月旁死魄在望後生魄在望前謂壬辰是十六日非朔二日夫經言壬辰是一月又言戊午亦一月壬辰與戊午相距二十七日若旁死魄在望後是月甯復有戊午哉又武成厥四月哉生明王來自商至于豐丁未祀于周廟越三月庚戌柴望大告武成旣生魄庶邦冢君暨百工受命于周觀其序生魄于生明之後則生魄之爲望後明矣生魄旣在望後則死魄之爲望前亦明



矣若以授時步戊子歲距至元辛巳二千三百三十三  
年中積八十五萬二千一百一十四日八千五百二十  
四分冬至甲子經朔癸丑與石叅所言無一合者則武  
王伐紂之必非戊子也當從班氏以己卯爲準而後春  
秋以上之時日始可得耳

黃帝元年爲第一甲子至周  
康王爲第二十八甲子周幽

王爲第三  
十三甲子



答范國雯問喻春山律厯

戊午

示楚柳喻春山書其言誇大自來儒者無不譏彈而自以律厯爲絕學謂帝王厯數真傳夫律厯固儒者之能事以司馬子長之學尙曰文史星厯近乎卜祝之間春山而苟能發前人所未發亦不必張皇如是皇甫持正言風敎偷薄詩未有劉長卿一句已呼阮籍爲老兵矣筆語未有駱賓王一字已罵宋玉爲罪人矣至於近日妄子以罵相高廟庭諸子直叱姓名等之僕隸阮籍宋玉何敢望罵春山不幸而類是夫旣而反覆其書則不



免爲東告東方朔西告西方朔之談矣按復臨泰大壯  
夬乾姤遯否觀剝坤十二卦名爲辟卦以配十二月始  
於漢之京房然未嘗以之言律呂也明李文利主黃鐘  
三寸九分之說其十二月律呂卦氣圖始用辟卦配之  
然未嘗用其陽九陰六之數以爲律管之長短春山見  
十一月復卦其陰陽之數偶與三寸九分相合遂將各  
卦陰陽之數一例配合以爲律管之長短出于是姑無  
論其他如十一月復卦與九月剝卦同是一陽五陰則  
黃鐘無射同是三寸九分十二月臨卦與八月觀卦同



是一陽四陰則大呂南呂同是四寸二分正月泰卦與  
七月否卦同是三陰三陽則太簇夷則同是四寸五分  
二月大壯與六月遯卦同是二陰四陽則夾鐘林鐘同  
是四寸八分三月夬卦與五月姤卦同是一陰五陽則  
姑洗蕤賓同是五寸一分合四月乾之仲呂五寸四分  
十月坤之應鐘三寸六分只有七律更無十二律且同  
是三寸九分何以知其爲黃鐘爲無射耶同是四寸二  
分何以知其爲大呂爲南呂耶同是四寸五分何以知  
其爲太簇爲夷則耶同是四寸八分何以知其爲夾鐘



爲林鐘耶同是五寸一分何以知其爲姑洗爲蕤賓耶  
豈律呂之長短只佐紙上閒譚無與於聲音之用耶此  
等卽卽伶知其不可而欲與蔡元定爭是非乎春山又  
以十二辟卦分晝夜之長短晝十二卦夜十二卦建子  
晝復夜姤建丑晝臨夜遯建寅晝泰夜否建卯晝壯夜  
觀建辰晝夬夜剝建巳晝乾夜坤建午晝姤夜復建未  
晝遯夜臨建申晝否夜泰建酉晝觀夜壯建戌晝剝夜  
夬建亥晝坤夜乾以一晝爲一時晝夜綳定各六時陽  
晝一時得九刻陰晝一時得六刻以爲刻有長短時無



遷移也夫晝夜之分分於日之出入日行天上在寅位  
爲寅時在卯位爲卯時在辰在巳在午在未在申在酉  
皆然信如春山之說將日遇陽晝而行遲遇陰晝而行  
疾乎抑行無遲疾陽晝則在未亦可謂之午陰晝則在  
午亦可謂之未乎午者晝之中也子者夜之中也春山  
以寅至未六時爲晝申至丑六時爲夜則晝之中在辰  
巳之交夜之中在戌亥之交而午當桑榆之影子當雞  
鳴之候矣晝之上半下半夜之上半下半必相等也值  
泰卦則上半二十七刻下半一十八刻值否卦則上半



一十八刻下半二十七刻相去三分之一果天行而如此孰不驚駭乎且日之短夜之長極於子月子月晝三十九刻夜五十一刻亥月晝三十六刻夜五十四刻日之永夜之短極於午月午月晝五十一刻夜三十九刻巳月晝五十四刻夜三十六刻是日之長至短至無不倒置也以卦晝定晝夜長短必不可通矣堯之建寅於堯典見之經文彰明不比他書可以附會於仲春曰日中其爲春分無疑也於仲夏曰日永則爲長至無疑也於仲秋曰宵中其爲秋分無疑也於仲冬曰日短其爲



南至無疑也春山假妄之談謂堯建丑仲春是寅月仲  
秋是申月日中宵中非晝夜分寅之辟卦爲泰申之辟  
卦爲否其陰陽分於上下也仲夏是巳月日永非夏至  
日長巳之辟卦爲乾律管長也仲冬是亥月日短非冬  
至日短亥之辟卦爲坤律管短也舍明明可據之天象  
附會漢儒所不敢附會者亦心勞而術拙矣烏火虛昂  
四星之昏見南方者此是厯家測天要術後來歲差皆  
驗於此春山未嘗學厯遂言爲寅申巳亥月望所次之  
舍彼妄言之以爲數千年之上無人可以對會不知明



厯者把算厯然堯時春分日躔在昴入於酉地則星宿  
當午夏至日躔在星入於酉地則房心當午秋分日躔  
在房入於酉地則虛宿當午冬至日躔在虛入於酉地  
則昴宿當午堯典之分四仲纖毫不爽自堯至今已退  
將五十度分至之日躔既變中星亦從而變春分日在  
壁昏之當午者爲井矣夏至日在參昏之當午者爲角  
矣秋分日在翼昏之當午者爲斗矣冬至日在箕昏之  
當午者爲室矣是故有歲差而後見天地之變化若萬  
古如斯田僮街卒俱可談天矣春山謂寅巳申亥之月



望夜觀月實次鳥火虛昴四星故於堯典卯午酉子月之中星與之相符不難改中星爲月度四仲爲四孟以譏歲差不知堯時寅月望夜日在奎月離於角未嘗次鳥也已月望夜日在井月離於斗未嘗次火也申月望夜日在軫月離於壁未嘗次虛也亥月望夜日在箕月離於參未嘗次昴也就如其言改中星爲月度四仲爲四孟亦無一合也月令者呂氏春秋十二紀之首後人刪合爲之鄭氏云其中官名時事多不合周法故以爲秦厯也以寅爲歲首觀其下文自明不容更生別解而



春山妄爲周公建子之書其奈七十二候不可抹掇則  
改置仲冬之候於孟春之下季冬之候於仲春之下次  
第改盡遷就已意以張公之帽冒李公之首至以春夏  
秋冬之月解作星月之月日在某宿爲上弦昏中爲望  
旦中爲下弦矯強不顧文理未有甚於此者也蓋中星  
以日躔爲主日在酉地某宿則中星隔三宮而東日在  
卯位某宿則中星隔三宮而西漢三統厯與秦厯相近  
三統建寅云正月中日在室十四度二月節日在奎五  
度三月節日在胃七度四月節日在畢上二度五月五



日在井十六度六月節日在柳九度七月中日在翼十  
五度八月中日在角十度九月中日在房五度十月節  
日在尾十度大雪日在斗十二度小寒日在婺女八度  
此與秦厯無毫髮之異豈三統亦建子乎漢冬至日在  
牛初度今冬至日在箕二度日躔已退三十餘度則中  
星亦退三十餘度矣姑就春山之言以周桓王三年甲  
子丑月算之上弦日躔婺女二度是時月距日九十度  
應離於胃望日躔婺女九度是時月距日一百八十度  
應離於張下弦日躔虛五度是時月距日二百七十度



應離於氏則春山謂丑月上弦月在奎望在井下弦在斗者無一合也舉此一月餘月可類推其謬矣月每日平行十三度三十六分八十七秒半弦策七日三十八刻二十六分四十八秒以平行乘弦策得九十八度六十九分六十八秒故自上弦至望自望至下弦月之行度皆以九十八度零爲準是三宮有餘也姑以孟春首條言之營室至參不及三宮參至尾五宮有餘同一弦策其行度安得相懸如此亦舉此月以類餘月春山之妄直不滿明者之一笑也



南雪文定前集卷三


元  
粵雅堂叢書



南雷文定前集卷三

譚瑩玉生覆校




















































PL  
2451  
.78  
v.217

南雷文定前集卷四

餘姚

黃宗羲

太沖撰藏書

答萬充宗質疑書

壬子

讀質疑二篇吾兄經術繭絲牛毛用心如此不僅當今  
無與絕塵卽在先儒亦豈易得誠不意款學寡聞之夫  
得相抵掌聊述所聞以廣來意兄疑今之二十四氣以  
配周正則相戾而不合此二十四名者古之所無是也  
蓋今之二十四氣所以紉定七十二候故每氣三候然  
就而論之自一至二分四立之外十有六氣之名義固



無殊於七十二候是以比肩者而加乎其上也不可明矣左氏曰凡分至啟閉必書雲物使十六者與分至啟閉同列則必書十六者之雲物矣不應左氏獨遺之也此古者無二十四名之一證也卽古之啟閉亦只以朔日爲斷不更於朔日之外別有四立之名何以明之左氏外傳曰先時九日太史告稷曰自今至於初吉陽氣俱蒸土膏其動弗震弗渝脈其滿膏穀乃不殖按先時註云先立春日也初吉朔日也自今至於初吉自先時至於立春也則初吉之爲立春明矣以上文農祥晨正



日月底於天廟言之則是寅月之朔日皆謂之立春也  
若另有立春之日則當言自今至於立春矣不應竟以  
初吉言也舉春而夏秋冬一例也是時各國皆有私曆  
其法不一管仲三卯三暑三寒之令齊曆也呂氏春秋  
月令未行之秦曆也汲冢周書時訓解魏曆也雜然見  
於傳記不知者遂以爲周時所通行耳兄言周之分至  
未嘗繫之以時獨大司樂有冬日至夏日至之名而疑  
周官之爲僞書是也僞周官者先儒多有之臨孝存以  
爲末世瀆亂不驗之書何休以爲六國陰謀之書然未



有得其左證明顯如兄所言者卽如古文尙書人多疑其僞吳草廬歸震川駁之不遺餘力然終鶻突定案向講尙書至湯誥凡我造邦無從匪彝無卽怙淫各守爾典以承天休而見於國語文武之教凡我造國無從匪彝無卽怙淫各守爾典以承天休始知其誤襲周制以爲湯誥也今因推日食於昭十七年六月祝史請幣季平子曰唯正月朔慝未作日有食之於是乎伐鼓用幣禮也其餘則否太史曰在此月也日過分而未至三辰有災於是乎百官降物君不舉辟移時樂奏鼓祝用幣



史用辭故夏書曰辰不集于房瞽奏鼓嗇夫馳庶人走  
此月朔之謂也當夏四月謂之孟夏杜註夏書爲逸書  
古文尙書胤征有曰乃季秋月朔辰弗集於房瞽奏鼓  
嗇夫馳庶人走羲和尸厥官罔聞知夫季秋夏之九月  
也而太史以之證夏四月之日食可見夏書本文不同  
孔書左氏而非僞也則不能不致疑於古文矣此二證  
恨不使草廬震川見之兄之疑周禮者亦恨不使臨孝  
存何休見之也春秋失閏之論弟有日食歷明之俟晤  
時請正此不更具也







答萬充宗問鄉射侯制

按干侯之制中方十尺鵠方三尺三寸三分強上躬崇二尺廣二丈下躬亦崇二尺廣一丈上舌崇二尺廣四丈下舌崇二尺廣三丈自上綱至下綱凡一丈八尺參侯鵠方四尺六寸六分強中方一丈四尺上下躬各廣二丈八尺上舌廣五丈六尺下舌廣四丈二尺躬舌之崇皆各二尺與干侯同也自上綱至下綱凡二丈二尺大侯中方一丈八尺鵠方六尺上下躬各廣三丈六尺上舌廣七丈二尺下舌廣五丈四尺躬舌之崇三侯一



也自上綱至下綱凡二丈六尺三侯之崇廣如此干侯  
下綱去地尺二寸高一丈九尺二寸參侯下綱去地一  
丈五寸少半寸高三丈二尺五寸少半寸大侯下綱去  
地二丈二尺五寸少半寸高四丈八尺五寸少半寸張  
侯之高下如此來書躬崇廣方三丈

據干侯而言

中棲於躬

之正中中掩躬十尺則躬之左右合二十尺上下亦然  
非也中與躬舌皆是單幅但上下聯屬耳若中掩躬則  
夾幅矣中之左右無躬焉得有合二十尺上下之躬各  
二尺亦不得云合二十尺所謂倍中以爲躬者言其廣



不言其崇也來書躬方三丈上舌倍之當六丈而止五  
等者置中所棲之十尺不倍夫躬廣二丈上舌倍之廣  
四丈本是直截不倍中棲無乃曲說乎吾兄認廣爲崇  
由是於鄭說多所齟齬故疑三侯躬舌各二尺與倍中  
爲躬倍躬爲舌之文不相合也若如兄言以崇計之則  
千侯中一丈上下躬各二丈上下舌又各四丈是一十  
三丈矣甯可通乎劉公是句股之法人去干五十步通  
步爲五尺古法五尺爲步得二百五十尺干去參二十步通爲  
一百尺干高一十九尺二寸目高七尺自目至參三百



五十尺以干高目高相較得一十二尺二寸以干目較  
乘目至參得四千二百七十以人去干除之得一丈七  
尺五分寸之四加目高七尺共二丈四尺五分寸之四  
必如此數方能見之今參侯建鵠去地一丈九尺二寸  
則鵠爲干高所掩其說是也但記言射自楹間序則物  
當棟堂則物當檐是射固在堂上以堂高目高計之爲  
一丈四尺干侯高一丈九尺二寸則干侯之高於目五  
尺二寸耳且去之五十步何患不見參鵠哉始知公是  
之說非也鄭氏釋經間有穿鑿然去三代不遠制度猶



有存者無容異議耳

問金奏肆夏之三

劉公是曰春秋傳稱金奏肆夏之三工歌文王之三夏云金奏文王云工歌則九夏乃有聲無辭者也按樂有間有合間者堂上堂下一歌一奏更遞而作合堂上下之樂並作歌者人聲奏者樂聲歌奏皆有辭夏之金奏亦如琴之有操笙之有詩焉可謂之無辭哉但奏與歌不同孔穎達於金奏工歌渾而爲一云晉人作樂先歌肆夏次歌文王則非也



問左傳文元年孔疏云古今厯法推閏月之術皆以閏餘減章歲餘以歲中乘之章閏而一所得爲積月命起天正算外閏所在也此數言義有未解求詳示

四分厯推閏月所在以閏餘減章法十九餘以歲中十二乘之滿章閏七得一爲積月天正起算積月盡爲閏月減字誤減故難解也

問從來言地勢者謂北高南下春秋桓三年日食孔疏謂月在日南從南入食南下北高則食起於



下月在日北從北入食則食發於高其行有高下  
故食不同按日月麗天何以亦分北高南下厯家  
言日高於月謂月在日南日北則可謂北高南下  
似不可豈以北極出地南極入地天形如倚蓋日  
月亦因之高下乎

按孔疏所云此言緯度也月在日南謂之陽厯月在日  
北謂之陰厯其所謂高下者止據日而言日以南爲下  
以北爲高月輪之下於日甚遠豈能高於日哉

問春秋日食三十六而頻食者二先儒咸謂日無



頻食法王伯厚云衛朴推驗春秋日食合者三十  
五獨莊十八年三月古今算不入食限豈二頻食  
亦入限乎抑史官怠慢當時失記從後追憶疑莫  
能定遂兩存之春秋因而不削乎

沈存中云衛朴精於厯術春秋日食三十六密者不過  
得二十六七一行得二十七朴乃得三十五唯莊公十  
八年一食古今算皆不入食法疑前史誤耳

王伯厚之言本此

愚按襄二十一年秋九月庚戌朔日有食之冬十月庚  
辰朔日有食之又二十四年七月八月兩書日食厯家



如姜芟一行皆言無比月頻食之理授時亦言二十一年己酉中積六十六萬九千一百二十七日五十五刻步至九月定期朔四十六日六十五刻庚戌日申時合朔交泛一十四日三十六刻入食限是也步至十月庚辰朔交泛一十六日六十七刻已過交限故姜芟一行之說爲是西厯則言日食之變歲五月越六月皆能再食是一年兩食者有之比月而食者更無是也襄二十一年己酉九月朔交周○宮○九度五一二八入食限十月朔一宮一十度三一四二不入食限矣二十四年壬



子七月朔交周○宮○三度一九三五入限八月朔交  
周一宮三度五九四九不入食限矣乃知衛朴得三十  
五者欺人也其言莊十八年一食自來不入食法按是  
年乙巳歲二月有閏至三月實會四十九日一十三時  
合朔癸丑未初初刻交周一十一宮二十八度三四三  
七正合食限朴蓋不知有閏故算不能合耳朴於其不  
入食限者自謂得之於其入食限者反謂不得不知何  
說也



答萬季野喪禮雜問

衰裳之制儀禮云衽二尺有五寸註疏以衽爲掩裳  
上際在腰兩傍後人俱因之惟王廷相始以衽爲衣  
襟今將從之夫子以爲何如

鄭賈之說取布三尺五寸上下各留一尺一尺之外上  
於左旁裁入六寸下於右旁裁入六寸便於盡處相望  
斜裁如是則用布三尺五寸得兩條衽各長二尺五寸  
廣頭向上狹頭向下綴於衣兩旁狀如燕尾以掩裳旁  
際此與深衣之曲裾制雖異而其義則同蓋深衣之裳



一旁連一旁不連故曲裾兩條重沓而掩於一旁喪服前後不連故衽分綴於兩旁也夫既同是一物不應在彼爲鉤邊在此爲衽知彼曲裾之非則知此衽之制未爲得矣且衣旣對衿則前綴之袞不能居中鄭所謂廣袞當心者亦自牴牾矣今用布二尺五寸交斜裁之爲二狹頭向上廣頭向下下辟領五寸綴於衣身之旁上以承領下與衣齊在左者爲外衽在右者爲內衽此定制也喪服之制唯黃潤玉爲得之不始於王浚川耳宮室之制先儒謂諸侯以上房分東西卿士以下但



有東無西唯陳用之謂東西俱有朱子心以爲然而  
未敢決言今將從陳說如何

鄭康成謂天子諸侯有左右房大夫士惟有東房西室  
陳用之因鄉飲酒薦脯出自左房鄉射籩豆出自東房  
以爲言左以有右言東以有西則士大夫之房室與天  
子諸侯同可知此不足以破鄭說所謂左房者安知其  
非對右室而言也所謂東房者安知其非對西室而言  
也如士冠禮冠者筵西拜受觶賓東面答拜註筵西拜  
南面拜也賓還答拜於西序之位此時筵在室戶西當



展之處無西房則西序與筵相近故容答拜有西房則西序在西房之盡其去筵也遠矣此猶相距耳若士昏禮舅席在阼西面姑席在房戶外之西南面姑席不設於房戶東者以阼當房戶之東若設於戶東則在舅之北相背不便醴婦之席在戶牖間當展之處婦東面拜受贊西階上北面拜送無西房則西階與牖相當不礙東面有西房則贊與婦背面焉有背面不相見而可以爲禮者乎以此推之士未必有西房也且亂之舞衣大貝鼗鼓在西房兌之戈和之弓垂之竹矢在東房是天



子諸侯之兩房經有明文士既有西房何以空設無一事及之耶

士虞禮其他如饋食註疏謂如特牲饋食之禮今將從之

註疏如饋食單以牲體言尸俎用右胖主人俎用左胖敖繼公言其他謂陳設之位與事神事尸之儀及執事者也

祔廟鄭註謂既祔主復返於寢後人多因之而朱子主之尤力惟陳用之吳幼清謂無復返寢之理今將



從之何如

左傳凡君薨卒哭而祔祔而作主特祀於主烝嘗禘於廟後儒總緣解此而誤夫言特祀於主似乎主不在廟故有祔已復寢之文不知既已復寢則烝嘗禘於廟者爲新主乎爲祖廟乎爲新主新主在寢不當言於廟爲祖廟則四時常祀不當繁之於此蓋祔者既虞之後理重於祖廟門外卽作新主以昭穆之班祔於皇祖廟中各主不動如故時此時之祭只皇祖新主所謂兩告之也更不及別祖自此以後小祥大祥禫祭之類皆於祖



廟特祭新死者并皇祖亦不及也烝嘗禘於廟者烝嘗  
四時吉祭行於廟中亦不及新死者左氏言此者嫌新  
主在廟有礙於吉祭也三年喪畢親過高祖者當祫於  
是易檐改塗羣主合食於廟以次而遷而新主遷居禰  
廟矣

曾子問宗子爲殤而死庶子弗爲後也註謂族人以  
其倫序相當者後宗子之父愚謂庶子卽宗子之弟  
宗子死庶子卽爲父後不必爲宗子後嘗有論辨之  
喪服傳曰大宗者收族者也不可以絕故族人以支子



後大宗也此言宗子爲殤而死大宗不可以絕宜若當以族人支子後之然殤死無爲人父之道故族人支子卽後宗子之父而殤子不必後矣庶子卽支子也若宗子自有弟則代爲宗子更不必言

喪服記夫之所爲兄弟服妻降一等鄭賈皆不能解昔人有以此爲嫂叔服之證者亦頗有理

此句費解由夫之兄弟未明也夫之兄弟服自本宗外有姊妹之大功有從父姊妹之小功有從祖姊妹之總有舅之子總從母之子總妻降一等大功降爲小功小



功降爲總總降爲無服若據之以爲嫂叔之服則是單有嫂之服叔而叔之服嫂何不見歟恐不然也

春秋書仲嬰齊卒公羊謂弟爲兄後卽爲之子故不書公孫其於先禰後祖之義亦然此必當時原有其禮故公羊爲此說不然弟不可爲兄之子夫人知之而公羊敢扞爲此說乎

仲嬰齊公子遂之子公孫歸父之弟歸父無後於魯以嬰齊爲後理之正也經書公孫嬰齊不一其不爲歸父之子明矣旣爲父子則不得並稱公孫也卒而書仲者



孫以王父字爲氏故公羊疑之然臧孫問惠伯事諸大夫皆雜然曰仲氏也此時嬰齊未嘗後歸父已得名公子遂爲仲氏可見公子之字卽宗之爲氏不必至孫而後稱也公羊無乃自相矛盾歟



再答萬季野喪禮雜問

諸家皆以卒哭爲祭名唯敖繼公謂卒哭卽三虞之祭儀禮言三虞卒哭蓋於三虞之日卽卒無時之哭故謂三虞爲卒哭非別有祭<sub>某</sub>參考禮文頗以其說爲是

以三虞卒哭同是一事者乃先儒之舊說不始於繼公也鄭氏始別明卒哭與虞不同據雜記云士三月而葬是月而卒哭大夫三月而葬五月而卒哭諸侯五月而葬九月而卒哭是三虞與卒哭不同一事之證也又雜



記云上大夫之虞也少牢卒哭成事附皆太牢下大夫之虞也禴牲卒哭成事附皆太牢是卒哭之祭重於虞祭之證檀弓云葬日虞弗忍一日離也是日也以虞易奠卒哭曰成事是日也以吉祭易喪祭明日祔於祖父其言與雜記相合觀此則鄭說爲長

諸家皆以禴爲祭名近見方履中古釋疑稱密之先生之說謂禴乃除服之名非祭名儀禮祝詞初虞曰禴事再虞曰虞事卒哭曰成事小祥曰常事大祥曰祥事而禮獨無所言又戴記言三年而後葬者必再



祭何以止有練祥而無禫其說如此某則曰三年之喪二十五月而畢則禫在二十五月喪事先遠日此一月之中既於下旬卜大祥之祭不數日而又行禫祭有是禮乎

按喪服小記期而祭禮也期而除服道也祭不爲除喪也則祭而除喪在練已然不別立名也安得於祥祭復重一禫以爲除服之名哉且古禮從祥至吉凡服有六祥祭朝服縞冠一也詳訖素縞麻衣二也禫祭元冠黃裳三也禫訖朝服縵冠四也踰月吉祭元冠朝服五也



既祭元端而居六也不比今人從喪至吉一服而已除則竟除無漸次也密之以今事釋古禮疏矣其以祝詞無禫祭爲據卒哭之後尙有祔祭亦無祝詞豈可亦謂無祔祭乎又言三年而後葬者再祭止有練祥而無禫祭夫再祭之中且無虞祔何獨於禫而疑之卽如兄言禫在二十五月亦未爲得三年之喪二十五月而畢是矣人之哀樂原非截然喪既畢而餘哀未忘有禫祭以表之此居喪之餘也若謂禫是除喪之名則祥祭已除喪矣何以復曰中月而禫哉中月而禫自是與祥閒隔



一月此二十七月也唯是禴弓祥而縞是月禴徙月樂  
初讀而疑之以爲是月者祥之月也繼而思之是月禴  
徙月樂不連上爲文蓋爲是月禴須徙月而樂也如是  
則可通矣

儀禮言中月而禴是月也吉祭猶未配特牲饋食命  
筮之詞言祖而不及配正與此合諸家因爲禴月合  
祭祖考之時但祭祖而不以妣配某謂儀禮所言未  
配蓋禴月而遇祖廟吉祭不以新死者配食於祖而  
非妣之不配祖也且特牲乃士之常祭非止禴月之



吉祭豈可因其不言配而謂常祭亦不祀妣乎

按特牲饋食禮鄭云諸侯之士祭祖禰少牢饋食禮鄭云諸侯之卿大夫祭其祖禰皆屬吉禮無所分別於喪無與今以特牲不言妣配少牢言妣配遂牽特牲於喪禮之下豈特牲專爲禫月而設乎豈特牲與少牢有所分別乎鄭氏亦自相矛盾矣蓋自卒哭而祔新主不返於寢其蒸嘗行於祖廟者新主雖在不以配食三年之喪未畢皆然今在禫月則喪畢似可配矣而曰猶未配者承喪未畢而言也

按齊王儉云朝聘蒸嘗之典卒哭而備行婚禮祔蒐樂之事三載而後



舉

南雪文定前集卷四

七

粵雅堂叢書







答萬充宗論格物書

承示格物二義兄以大射儀若丹若墨所畫之物卽格物之物聖人不過乎物卽是盡其性因物付物卽是盡人物之性此是兄讀書自得而先儒已有言之者瞿汝稷云射有三耦耦凡二人上耦則止於上耦之物中耦則止於中耦之物下耦則止於下耦之物畫地而定三耦應止之所名之物也故大學言物是應止之所也格至也格物也者至於所應止之所也在瞿元立雖創言之然與羅近溪訓格爲式事皆合式爲格物字異而義



則全也葉靜遠與兄書其言格物之物當於本末之間得之括以兩言卽本以達末卽末以透本此雖靜遠自得而先儒亦有言之者管東溟云本末物也本者無失其爲本末者無失其爲末格也從本達末之謂致知得本貫末之謂知至非卽靜遠所言乎兄與靜遠二義各有攸當若竟以爲大學了義則不能無說以處此夫自來儒者未有不以理歸之天地萬物以明覺歸之一已歧而二之由是不勝其支離之病陽明謂良知卽天理則天性明覺只是一事故爲有功於聖學今以度尺而



中畫物通於物當物及物通於格是以天地萬物公共之理爲畫物以吾心之明覺爲當物及物然後謂之格物與一草一木亦皆有理之說有以異乎大學言物有本末蓋以本足以包末末不足以立本故曰知所先後先本而後末也聖賢工夫一步步推入結在慎獨只於本上本立而道生末處更不必照管若靜遠言卽本以達末卽末以透本則是中和兼致工夫兩截儒者之弊正坐此耳先師不欲言意爲心之所發離卻意根一步便是末末未有能透本者也靜遠苟明夫意則格物之



工夫卽在其中更不必起爐作竈也夫心以意爲體意以知爲體知以物爲體意之爲心體知之爲意體易知也至於物之爲知體則難知矣家國天下固物也吾知亦有離於家國天下之時知不可離物有時離如之何物爲知體乎人自形生神發之後方有此知此知寄於喜怒哀樂之流行是卽所謂物也仁義禮智後起之名故不曰理而曰物格有通之義證得此體分明則四氣之流行誠通誠復不失其正依然造化謂之格物未格之物四氣錯行溢而爲性情之喜怒哀樂此知之所以



貿亂也故致知之在格物確乎不易佛者之言曰有物  
先天地無形本寂寥能爲萬象主不逐四時凋夫無形  
亦何物之有不誠無物而以之爲萬象主此理能生氣  
之說也以無爲理理亦非其理矣總緣解物字錯後儒  
以紛紜應感所交之物纔爲之物佛者離氣以言物宜  
乎格物之義不明也唯先師獨透其宗此意散見語錄  
中門弟子知先師之學者甚少故晦而未彰兄試以語  
靜遠不惜批示其尋先師之學脈也







答鄭禹梅修家譜雜問

丁巳

兵部主事刑部主事是宋世職名否

按宋官制六部自尙書以下只有侍郎郎中員外郎三項其有主事之名與錄事令史書令史守當官皆吏也而非官凡三省樞密皆有之不特六部也

元朝官制有揚州知府杭州知府等名否

元官制諸路設總管府達魯花赤之下爲總管總管之下爲同知治中判官散府則達魯花赤之下置知府或府尹揚州杭州皆爲上路則有總管而無知府今紹興



市官志卷之四  
三  
杭州多有總管廟皆是昔守郡者之生祠也若於一府  
稱知府則是後人妄加

給事章僑學士曾彥祭酒羅璟員外夏寶知州萬韞  
輝教諭江振甘燧賈進主事張庠郎中王應奎修撰  
習嘉言大理寺少卿李奎譜中皆有文章其人可考  
否

據所知者章僑字處仁蘭溪人正德丁丑進士官至布  
政使曾彥字士美泰和人成化戊戌進士第一歷侍讀  
羅璟字明仲南城人憲孝間名臣習嘉言名經以字行



新喻人成祖初選庶吉士嘉言其一也官至詹事亦名臣李奎弋陽人永樂辛卯鄉舉正統間至大理少卿餘俟再考

浙東四明之鄭其著姓始於何時何人

四明鄭氏見於宋史者唯鄭覃爲靖康間人死節於金兵入忠義傳清之其孫也其始則不可考凡東浙人物在唐書爲甚畧不知何故也

灌浦之鄭云出自峽縣鄭侍郎幼倫之後不知宋史神宗時有其人否



鄭幼倫不見宋史或其人無關史事不能以一侍郎附見然在嶧縣志中不宜見遺今亦無有而唐宰相世系表序鄭氏有南北祖鄭曄爲北祖曄生茂茂生七子號七房鄭氏其季名鄭幼麟後魏時人得無作譜之人因其源流出此而誤爲宋誤爲嶧耶



復秦燈巖書

名松岱主東林講席

忽奉手書同環不能釋手弟明山鄙夫年踰七十曾備  
戢山門人之一數今師友已盡夾持無力終於墮落可  
悲可涕何意大賢講席猶齒及姓名賜之教誨愈增慚  
懼耳前從定侯得見高彙旃傳文排擊文成同於異學  
以爲一時風尚大抵塗毒鼓聲不止石門一狂子而已  
也茲讀先生之書謂忠憲與文成之學不隔絲毫姚江  
致和之說卽忠憲格物之說也明眼所照千萬門戶鎖  
鑰齊墮始知東林自有真傳風雨如晦雞鳴不已爲之



三復所言德性問學之分合弟謂不然非

光忠端諱

德性則

不成問學非道問學則不成德性故朱子以復性言學  
陸子戒學者束書不觀周程以後兩者固未嘗分也未  
嘗分又何容姚江梁溪之合乎此一時教法稍有偏重  
無關於學脈也又言新安姚江爲兩大宗學者不宗洛  
閩卽宗姚江不可別自爲宗此亦先生門面之言建安  
無朱元晦金溪無陸子靜學者苟能自得則上帝臨汝  
不患其無所宗也先生患別自爲宗者足以亂宗夫別  
自爲宗則僻經怪說豈足爲宗弟所患亂宗者乃在宗



晦庵宗姚江之人耳忠憲言釋氏之學其精微吾儒具  
有之總不出無極二字其弊病總不出無理二字先生  
解之云儒釋雖異而無極二字畢竟是同究得無極之  
旨而無理二字不辨自明此言無乃兀突乎弟以爲濂  
溪原主太極加無極二字恐其落於形氣也忠憲單拈  
無極已自有病先生合儒釋而言之則儒者亦是無理  
儒釋界限越不清楚大畧先生會通儒釋主於向上一  
著謂兩家異處在下學同處在上達從來儒者皆爲此  
說弟究心有年頗覺其同處在下學異處在上達同處



在下學者收斂精神動心忍性是也異處在上達者到得貫通時節儒者步步是實釋氏步步是虛釋氏必須求悟儒者篤實光輝而已近之深於禪者莫如近溪天地間色色平鋪原無一事不假造作下學之至儒釋皆能達此無有異也要之釋氏拈他不上亦不欲拈之以累虛空之面目儒者動容周旋正在此處色色皆當身之矩矱不可謂不異也弟非欲異同長者而日暮途遠相會無期不敢匿其胸懷先生當不以爲罪也然其至者非言可傳天假因緣或在異日



移史館論不宜立理學傳書

頃有傳修史條約理學四款在局皆名公鉅卿學貫天人誠非草野荒陋所當與議然有空隙一介之知私以告於同學幸勿出之廣座徒茲紛紜也夫聖學之難不特造之者難知之者亦難其微言大義苟非工夫積久能見本體則諸儒之言有自得者有傳授者有剽竊者有淺而實深者有深而實淺者今以場屋時文之學處諸儒於堂下據聚訟成言門戶意見而考其優劣其能無失乎姑以四款言之其一以程朱一派爲正統是矣



薛敬軒曹月川吳康齋陳剩夫胡敬齋周小泉章楓山  
呂涇野羅整庵魏莊渠顧涇陽高景逸馮少墟十餘人  
諸公何以見其滴骨程朱也如整庵之論理氣專攻朱  
子理氣乃學之主腦則非其派下明矣莊渠言象山天  
資高論學甚正凡所指示坦然如由大道而行昔疑其  
近於禪學此某之陋也若使朱陸果有異同則莊渠亦  
非朱派唐仁卿以從祀議陽明涇陽謂之曰六學言致  
知文成恐人認識爲知走入支離故就中間點出一良  
字孟子言良知文成恐人將此知作光景玩弄走入元



虛故就上面點出一致字其意最爲精密若使陽明之學可疑則涇陽皆可疑矣程朱格物爲學之要景逸謂纔知反求諸身是真能格物者也此卽楊中立所說反身而誠則天下之物無不在我朱子九條中甚辨其非頗與陽明之格物相近而差排程朱之下乎蓋諸公不從源頭上論徒以補偏救弊之言視爲操戈入室之事必欲以水濟水故往往不能盡合也又言陳克庵張東白羅一峯周翠渠張甬川楊止庵其學亦宗程朱而論說不傳六君子之論說最多其學術俱可考究言不傳



者偶未之見耳東白之學其言是心也卽天理也卽陽明心卽理也其言斯道在天地不患踐之弗力所患知之弗真卽陽明知行合一也已先發陽明之蘊若陽明果異程朱則東白亦異程朱矣章楓山稱一峯方可謂之正君善俗如我輩只修政立事而已楓山自知不及一峯後人反分其優劣何也其二言白沙陽明甘泉宗旨不合程朱此非口舌可爭姑置不論其言象山慈湖列入儒林按宋史慈湖未嘗入儒林也又言莊定山爲白沙友人學亦相似按白沙云定山人品甚高恨不曾



與我問學遂不深講其出處之際白沙深責之不可言其相似又言羅念庵本非陽明弟子其學術頗似白沙與王甚別陽明年譜爲念庵所定錢緒山曰子於師門不稱門生而稱後學者以師全日未得及門委贄也子謂古今門人之稱其義止於及門委贄乎子年十四時欲見師於贛父母不聽則及門者其素志也今學其學者三紀於茲矣非徒得其門所謂升堂入室者子且無歉焉於門人乎何有念庵於是始稱門人當日之定論如此今言與王甚別不知其別者安在也且不知白沙



陽明學術之異又在何等也又言先師蕺山益歸平正  
殆與高顧符合陽明念臺功名旣盛宜入名卿列傳古  
來史法列儒林文苑忠義循吏卓行諸門原以處一節  
之士而道盛德備者無所俟此故儒如董仲舒而不入  
儒林忠如文天祥而不入忠義旣於儒林之中推其道  
盛德備者而揭之爲道學則與前例異矣今於高顧諸  
先生則入之於陽明蕺山則曰功名旣盛宜入名卿列  
傳高顧功名豈不盛乎朱子之功名豈不及王劉二先  
生乎其二三言浙東學派最多流弊有明學術白沙開其



端至姚江而始大明蓋從前習熟先儒之成說未嘗反身理會推見至隱此亦一述朱彼亦一述朱高景逸云薛文清呂涇野語錄中皆無甚透悟亦爲是也逮及先師蕺山學術流弊救正殆盡向無姚江則學脈中絕向無蕺山則流弊充塞凡海內之知學者要皆東浙之所衣被也今忘其衣被之功徒訾其流弊之失無迺刻乎其四言學術流弊宜歸一是意不欲稍有異同也然據宋史所載道學卽如邵堯夫程子曰堯夫猶空中樓閣曰堯夫豪傑之士根本不帖帖地是則堯夫之學未嘗



盡同於程子也又言陽明之後流弊甚多程朱門人必  
不至此按朱子云游楊謝三君子初皆學禪後來餘禪  
猶在故學之者多流於禪游先生大是禪學必是程先  
生說得太高故流弊至此是程子高第弟子已不能無  
流弊劉安上賈易人品皆在下中至於邢恕陸棠且爲  
奸臣盜賊矣而云程朱門人必不至此豈其然也如以  
弟子追疑其師則田常作亂之宰予殺妻求將之吳起  
皆足爲孔曾累矣此據條約所及者言之其間如江右  
之王塘南毘陵之孫淇澳皆卓然聖學豈可埋沒雖然



某之叨叨分疏終屬末流於史法無當也夫十七史以  
來止有儒林以鄒魯之盛司馬遷但言孔子世家孔子  
弟子列傳孟子列傳而已未嘗加以道學之名也儒林  
亦爲傳經而設以處夫不及爲弟子者猶之傳孔子之  
弟子也厯代因之亦是此意周程諸子道德雖盛以視  
孔子則猶然在弟子之列入之儒林正爲允當今無故  
而出之爲道學在周程未必加重而於大一統之義乖  
矣統天地人曰儒以魯國而止儒一人儒之名目原自  
不輕儒者成德之名猶之曰賢曰聖也道學者以道爲



學未成乎名也猶之曰志於道志道可以爲名乎欲重而反輕稱名而背義此元人之陋也且其立此一門止爲周程張朱而設以門人附之程氏門人朱子最取呂與叔以爲高於諸公朱氏門人以蔡西山爲第一皆不與焉其錯亂乖謬無所折衷可知 聖朝秉筆諸公不自居三代以上人物而師法元人之陋可乎某竊謂道學一門所當去也一切總歸儒林則學術之異同皆可無論以待後之學者擇而取之若其必欲留此則薛胡陳王有明業以其理學配享廟庭諸公所修者明史也



明史自合從明而有所去取其間猶如明朝閣部其位一定今以閣部不當從而顛倒其位可乎不可乎嗟乎聖學不求人知優之劣之於諸儒無所損益而諸儒之著謨傳之天下後世明眼深造豈緊無人竊恐有絲毫之議上玷高明深願諸公慎之也



南雷文定前集卷四

譚瑩玉生覆校



南雷文定前集卷五

餘姚 黃宗羲 太沖撰

明驃騎將軍鎮守福建總兵官左軍都督府都督  
僉事瑞巖萬公神道碑

公諱邦孚字汝永別號瑞巖姓萬氏其先定遠人也以  
世官徙寧波公嗣爲指揮僉事轉浙西督運把總山東  
都司僉書萬厯二十六年授遊擊將軍出海援朝鮮論  
功遷杭嘉湖參將改溫處移副總兵分守江北三十六  
年陞左軍都督府都督僉事充總兵官鎮福建又明年



予告公以諸生襲職其督運以軍法部署漕卒歲漕數萬石如期而畢漕運都御史總兵官交薦之山東時踐更入衛三殿災公率五千人夜從大司馬救火上急承運庫以五鳳樓當火道命毀之公曰徹殿廡足以救庫火政徹小屋塗大屋五鳳樓國家之象魏也宜塗不宜徹五鳳樓由是得存征倭九師敗績朝議從海道援之於是以南京龍江營水師屬公守鴨綠江大兵屯朝鮮公轉餉遼陽給食不乏新敗之後走死者載道公旣斂骨埋之設厲壇以祀夢十三人稱王將軍卒乞食明日



裨將王元周至中道覆一舟其溺死如夢之數其在溫處聞人稱商入浙有殺人攫金揚颿而去者官司莫可問公曰第令閩舟不得入淞淞舟不得入閩往來者必從其地之舟苟遇姦人吾籍其舟而名捕之矣著爲令甲其在江北任滿將去吏民欲爲立祠會改築通州城隍下雜墳爲鋤鋪所及者棄骨交於道上公謂吏民曰吾不任邦人之祠誠以斂錢改收棄骨是吾邀惠於邦人也吏民感公之義從之福建故爲戚南塘所守公一稟其舊有夷舶飄墮境內時日本爲國讐撫臣因以爲



功公爭曰奈何助陽侯爲虐也遣之島夷皆感泣去公之武事具有儒風多類此始祖國珍從明高皇帝起兵賜名斌以管軍萬戶守滁州從大將軍北征戰歿贈明威將軍子鐘遂世襲寧波衛指揮僉事遜國之難死之子武嗣從征交趾戰死檀江舍弟文嗣所稱射龍將軍也嘗夜哨鋸門見兩炬燭天以爲賊舶射之炬滅風濤大作遂溺死傳七世南京中軍都督府都督同知諱表學者稱爲鹿園先生是謂皇祖廣東督理海防參將諱達甫亦以文名是謂皇考母黃夫人自公十世以上以



忠節顯者三世自公以上以儒術顯者又三世明州萬氏無愧爲國家之世臣矣北都失守悠悠之口皆謂不任武力所致余獨謂不然尙古兵柄本出儒術思陵矯枉重武其所重者皆粗暴之徒君死社稷免胄入賊師者無一人焉荷戈裹甲反爲賊用此專任武力之過也今觀萬氏有事則顯忠節無事則顯儒術皆卿相之才有卿相之才而爲武亦猶威甯新建有將帥之才而爲文也以武夫而謂之武無乃以場屋鬼瑣之士而謂之文乎嗟乎名實之亂久矣此世所以受魚爛之禍也公



生嘉靖甲辰三月二十二日卒崇禎戊辰四月二十八日葬西皋去郡城五里公精陰陽家言所著有筮吉指南通書纂要日家指掌行於世配張氏贈恭人繼陳氏封恭人子泰丙子舉人女五人壻范鴻陳宗憲傅錦董應稷聞世琛孫八人斯年斯程斯禎斯昌斯選斯大斯備斯同孫女一字謝爲兆余嘗至西皋拜公之墓登其堂觀明威告身龍鳳十年高皇帝中書省手押及四忠三節像實錄乃謂高皇不奉龍鳳豈足信哉有明大事如北征如遜國如征交趾如東南倭亂如救朝鮮皆牽



連萬氏後之君子而有考故實者萬氏其不爲杞宋乎







外舅廣西按察使六桐葉公改葬墓誌銘

公諱憲祖字美度別號六桐姓葉氏宋石林先生夢得之後也遷於餘姚明洪永間有原善者官刑科給事中  
以言事死數傳至嘉靖戊戌進士工部郎中諱選公之  
祖也嘉靖乙丑進士知廬州府諱逢春公之父也母吳  
氏贈恭人公生而穎異未冠廬州卽使之入太學爲司  
成趙文毅鄧文潔所知每試輒居老生先輩之右皆以  
年少歎之及視其文莫不降心舉萬厯甲午鄉試九偕  
計吏登己未進士第授新會知縣爲治有聲考上上注



擬臺省逆奄以公爲先忠端姻婭改大理寺評事遷工部虞衡司主事管寶源局時大工興用錢不貲公供應無缺乏敘殿工隨例加級公寓一條衚衕逆奄建祠適與之鄰眾議屬公監工公徙寓避之已又建祠臨長安街公笑謂同官曰此天子走辟雍道也土偶豈能起立乎逆奄聞之大怒吾乃爲郎所諧坐借大工銀市銅削籍崇禎庚午起補南京刑部主事出守順慶擢辰沅備兵副使轉四川參政分守建昌公驅車九折駭浪洞庭浩然倦遊方請告而改廣西按察使蓋銓部同官自相



參差以公有所去處其間議之夫士大夫辭位而去古  
之所歎息者也反以爲罪何古今人之不相及也公歸  
五年而卒辛巳八月六日也年七十六公爲人浩浩落  
落若無可否人世機智之事有生不識故其設施因任  
自然新會海盜出沒吏胥爲之耳目盜魁梁阿德名掛  
牆壁者十餘年矣公竟得之工部解餉寧遠同舍郎賣  
公避去然終踰絕險不廢國事是時錢局所交皆中人  
細士公於其間不爲翁翁熱亦不爲崖異和光同塵不  
損名節順慶放情山水與民休息然奸人挺險干戈所



不能致者公以一紙束身園土人服其信也湖南苗畔服不常公厲鎮筵之兵以待不虞終公之任苗三入犯皆有俘級最後古沖之捷總督朱衡岳第其功上之公不用機智其成就亦卓卓如此公與孫月峯同爲古文詞月峯意在精鍊其師法者爲劉子威高文襄當國以古文挽震川入太僕挽廬州入郎官廬州意在謹嚴其師法者爲王槐野公承父友之習稍變之爲弇州大函議論不甚相遠余在公貳室數與公爭論謂文章當法大家餘子無所取長公不以爲然姑取八家文集評之



多施橫筆曰八家之文未便直接秦漢及公赴蜀途中  
寄余一律猶是惓惓蓋公不自以名家忽後進之言也  
公之至處自在填詞一時王荅太乙人所贈炙而粉筐  
黛器高張絕絃其佳者亦是搜牢元人成句公古淡本  
色街談巷語亦化神奇得元人之髓如鸞篋借賈島以  
發舒二十餘年公車之苦固有明第一手矣吳石渠袁  
令昭詞家名手石渠院本求公詆訶然後敢出令昭則  
榘園弟子也

榘園公填  
詞別號

花晨月夕徵歌按拍一詞脫稿

卽令伶人習之刻日呈伎使人猶見唐宋士大夫之風



流也公歸心佛乘博覽內典時師撰述拈卷卽辨其優劣而尤契湛然澄密雲悟東浙宗風之盛海門導其源公吹波助瀾不遺餘力密雲徘徊越中山水思與名利公集宰官經營始得從事於天童其後公訪密雲登舟疾作密雲夢伽藍交代覺而曰六桐居士其來乎急使人止之中途公返而疾愈此余之所親見者也娶邵氏贈恭人僉事夢弼之女繼梁氏封恭人參將仲海之女子四人崧年岱華滋衡任皆諸生女三人黃某鄒光繩陳相周其婿也孫男五人汶渭晟志矩廩生旦貢生孫



女幾人諸孤以公卒之年十一月葬邑西蟠龍山施忠  
介題主余祀后土逮庚寅遷葬邑東之西黃浦余送葬  
河澣而忠介已死國難矣又三十年故老且盡公之孫  
存者止汶旦兩人言行殆將泯滅余旣以其詩選入姚  
江逸詩又憶其大畧而誌之旦有時名學古文庶幾可  
以不墜也銘曰

姚江之文盛於明初庸庵攷古力學著書奮筆揚文出  
其土苴科舉旣盛大雅不作天地英華歸之糟粕諸燮  
張元時所斟酌公與月峯抗志稽古各承家學重規疊



矩公如長江孫如深塢自公云亡每況愈下諸張時文  
啞鐘不打何況古文尙俟來者



光祿大夫太子太保吏部尙書諡忠襄徐公神道

碑銘

崇禎末大臣爲海內所屬望以其進退卜天下之安危者劉戡山黃漳海范吳橋李吉水倪始寧徐雋里屈指六人北都之變范李倪三公攀龍髯上升則君亡與亡戡山漳海雋里在林下不與其難而次第致命戡山以餓死漳海以兵死雋里以自經死則國亡與亡所謂一代之斗極也雋里徐公諱石麟字寶摩號虞求家本秦川宋南渡始遷嘉興之畫水高祖端曾祖向上祖養蒙



父聞韶自向上以下皆贈宮保尙書妣錢氏封太安人  
贈一品夫人公少好學有清才強記博覽年十七補其  
邑諸生以家難棄去再補青浦諸生則年三十餘矣天  
啟戊午先忠端公分房南闈始舉公賢書壬戌登進士  
第授工部營繕司主事管節慎庫庫與中人惜薪司交  
關逆奄專權有所調發主者奉行惟謹猶恐不得其歡  
心公在事多格之以令甲逆奄不悅中人冬衣靴料初  
不過三萬金內操增至十二萬前司空鍾羽正以稽留  
去官至是逆奄欲預支已得請於上公又以故事持之



逆奄大怒會先忠端公下詔獄公納橐餖募金抵誣職  
思所以出之逆奄知之恨愈甚遂以新城侯王昇博平  
侯郭振明之發葬價罪公削籍烈皇登極誅逆奄起南  
京禮部郎中改吏部文選司崇禎乙亥改考功司冢宰  
鄭三俊掌院范景文主南計公佐之奏免七十八人是  
時主北計者謝陞烏程私人無不庇之而南計反是烏  
程無以難也轉尙寶司卿應天府丞署尹事其地爲民  
患苦者無如僉報馬戶一事應天九驛使命徵發無時  
出農里以役衙前無不立困而又奉旨裁減驛遞縮食



縮馬本足相當當事者不權輕重食縮而馬如故時民  
益困公以爲救之莫如召募且句其胥吏之所乾沒者  
其貲有餘積年之患一日而除戊寅入賀元旦鄭司寇  
以輕比失上意下獄黃少詹道周黃庶子景昉言之於  
經筵上怒未回公言皇上御極以來麗丹書者多大臣  
朝士即使盡皆情法允協已是幽陰景色而况威嚴之  
下株連蔓引九死一生今皇上以輕擬之故深督三俊  
恐將來必有承順風旨以鍛鍊爲能事以鉤棘爲精神  
非復皇上慎獄之本意矣疏上三日上御門口傳出三



俊國家典故未有御門之日有宣諭者卽上所攝逮大  
臣亦未有六日卽釋之者非公忠誠悟主何以有此公  
起廢籍厯官南京十二年至是始入爲左通政轉光祿  
寺卿晉通政使天子治尙綜核棄子斥臣莫不造作端  
末妄生首尾萃於納言主者幾若承行之吏不然則絞  
訐相摩叫呼已及之矣公度情匿姦懸見立剖必使之  
詞窮意竭而後冰駭風散自公作納言告訐之風少息  
尋陞刑部右侍郎會推閣員冢宰李日宣先後推至二  
十餘人公與焉上召對與推諸臣於中極殿公稱疾不



至時上已入陳演之譖越翼日下日宣於理及與推三人始服公之先幾也轉左侍郎署部事旋即真爲尙書公言邇年以來刑官擅背條律嚴文剋剝遂使各司上下其手胥吏因緣爲奸刑獄繁興于和召愆僥倖苟免之徒關節賄營之盛雖日誅之而不能止矣因糾近日附會律文之謬者數十事時貫城滯獄不下萬人重文橫入多窮怒之所遷及清獄之議發自宜興而宜興簠簋人不見信公理問端其冤嫌久訟莫不曲盡情詐壓塞羣疑卽被罪而去者亦緣道謳吟然公未嘗盡主姑



息一時關係大案俄頃而定陳新甲下獄政府六卿無  
不爲之營救公言俺答闖入而丁汝夔伏誅沈惟敬盟  
敗而石星論死國法炳如後此綱紀陵夷淪開陷瀋覆  
遼蹙廣僅誅一二督撫以應故事中樞率置不問故新  
甲一則曰有例再則曰有例者此也不知親藩膏刃百  
城流血變星之罪若是烈乎春秋之義人臣無境外之  
交戰款一策古來通用然未有身在朝廷不告君父而  
專擅便宜者辱國啟侮莫此爲甚上覽疏心動宜興面  
奏國法大司馬兵不臨城不斬上曰犯邊疆卽勿論僇



辱我親藩七不甚於薄城乎卽日棄市中人劉元斌監  
軍討賊御史王孫蕃劾其淫掠逮問司禮王裕民漏泄  
疏未抄而元斌辯至上并下裕民於獄言裕民職任提  
督禁旅殺掠代爲欺隱法難輕縱公上爰書言隱人之  
惡與身自爲惡者有間終不可以元斌爲首而裕民爲  
從律內奏事詐不以實條止擬一配註以其欺君也然  
則繩欺之法亦止此矣加等至烟瘴已極過此以往非  
守法之臣所敢擅入也上召公面諭而始決之洪督救  
錦州之圍束馬未動職方張若麒以司馬私人出關督



戰洪督不得已從之進而兵潰若麒從漁舟遁還關外  
精銳喪失俱盡若麒就理而有與援司官遷延不讞時  
本司韓一臣出守公批此案未結竟不聽新除爰書以  
本案爲例王樸倡逃誅矣倡倡逃者豈可緩誅陳新甲  
誤國辟矣誤誤國者胡能延辟欲彰軍政宜赴藁街上  
寬秋後他如刊定丁督許帥不假借以溫筆或從或不  
從而公之不爲燥溼輕重則一也最後而有熊姜之獄  
卒以執法去位當是時宜興當國興化後起而風價稍  
高一時臺省各相依附爲反覆檢滑之術以構兩相於



是附宜興者爲南黨附興化者爲北黨章疏詭紿激訐  
莫不有謂上亦心知言官之橫而惡之有無名子疏二  
十四氣達之御前上益信手勅申戒給事中姜琛言上  
中謠言單辭厭薄言官行人熊開元屏人密奏宜興過  
失上皆疑爲押合故智下之詔獄且欲賜死獄底戢山  
於召對犯顏救之戢山革職公言皇上欲求變通趨時  
之臣舉朝不乏若欲求廉頑立懦維風易俗之臣舍宗  
周無與歸矣不聽然上亦凜於公論收回密詔改下刑  
部公輕擬不徇上意奉旨閒住公去而國事益急傍徨



一旅冀赴賊俱死而北變已至江左嗣興起公爲右都御史未至改吏部尙書大業草創人心未附聞公與叢山漳海之出天下始無寡弱之憂公以國家之敗由官邪也方欲條品人物簡落狐狸易危亡之轍而馬阮傳通姦賂毀裂恩仇孽勲悍將宮奴市僧時相爲帝中旨賢於部推私門熱於廟堂黔首囂然公猶以祖宗之法汰彼已甚不因流極之運利其方圓也馬士英希心列侯中人韓贊周請加恩定策五等延世公覆世宗以外藩入繼擬封輔臣楊廷和蔣冕伯爵皆謙讓不遑方今



國恥未雪扼腕拊心諸臣豈肯裂土自榮俟神京克復  
大統告定之後議之未晚又言福王殉難先帝尙遣一  
勛臣一黃門一內侍驗諸含斂今先帝梓宮何處封樹  
若何僅遣一健兒應故事則羣臣之悲思大行祇具文  
耳士英苦其直諒凡公所上考選年例少所稱可御史  
黃耳鼎恨公例轉蹄尾紛然謂公殺樞臣以敗款局公  
歷敘和議始末從前小人閃掄賣國情狀始露公與蕞  
山先後去國黃童白叟皆知南都不能立矣乙酉四月  
余過嘉興勸公避地四明山公曰不可吾東向一步則



馬阮謂我擁立潞王西向一步則馬阮謂我與臥子將  
興晉陽惟有死此一塊土耳別後三月干戈滿地嘉興  
城守將破公在城外至城下呼曰吾大臣不可野死當  
與城存亡城上人譁曰我公來矣開門納之越宿而城  
陷公朝服自縊死閏六月二十六日也僧真實藏之檀  
中踰二旬收斂顏色如生其時戢山在越城餓經七日  
曰此降城非我死所乃出城外而死兩公死相反而其  
義則一海內爲作降城嘆我公來樂府以美之烈皇撥  
亂反正之才有明諸帝皆所不及承熹宗蕪穢之後銳



於有爲向若始事卽得公等六七人而輔之開誠布公  
君臣一體全不隄防其於致治也何有自蒲州出而失  
望見制於小人所謂君子者往往自開破綻烈皇遂疑  
天下之士莫不貪欺頗用術輔其資好以耳目隱發爲  
明陸敬輿曰馭之以智則人詐示之以疑則人偷然後  
上下交戰於影響鬼魅之途烈皇之視其臣工一如盜  
賊欲不亡也得乎故蕺山進告先欲救其心術公隨事  
消息歸於忠厚雖累逢投杼而過後思之不置蓋其性  
原不與小人合也烏程韓城武陵并研能亡烈皇之天



下而不能使猜忌刻薄之名加於烈皇者觀兩公之遇  
合而可以解於後世矣南渡沸鼎斗筲而叨天業苟非  
公等數人虛名潤色詎能免於閤位亦猶文山之存德  
祐也公清修絕俗造次布素官物貯庫苞苴戒門通籍  
二十餘載位至冢宰所餘不過談麈歌鐘而已宏獎後  
進士有纖芥之長依以成名尤急人之患難雖側踵焦  
原不忘援手竹亭敗後籍沒公力言當事止沒其田產  
而捲握之物不與讐竹亭者又欲竄其子弟於許都叛  
黨之內公復理而出之孝廉祝淵上書頌戢山緹騎逮



問公囑吳金吾勿殺義士淵得生出獄戶一門之內孝  
友濡染義盡情至兄弟三人惟伯兄一子相埋者言當  
遷公曰有兄在吾不敢爲主也母黨式微公折契田廬  
曰俾無忘太夫人之德公初以疏屬爾穀爲子已二十  
六年甲申始立柱臣爲後或問後與子異乎曰然子可  
私也後不可私也子惟父之所愛卽子之後非薦於祖  
禰而祖禰用馨告於宗族而宗族不疑不敢後也故詩  
曰螟蛉有子蜾蠃負之卽人皆可爲子之證也傳曰鬼  
不馨非類神不馨非族是人不可皆後之證也其議禮



之精如此公條貫經史而尤熟於朝章國紀故其章奏尺牘見聞周洽鑿然皆可施行非經生是古非今之腐談也而又旁通九流之學嘗推施公子祿命謂人曰施四明佳人奈何此郎不任香火已而果絕公生於萬厯戊寅歿於宏光乙酉年六十八娶顧氏繼馮氏俱贈一品夫人子爾穀柱臣女五人唐堯臣潘渙張守虞景堯祝文璫其婿也孫二人功燮申余覆巢孤露公以穉弟畜之所不至隕越於溝壑者繫公是賴且少不知學汎濫無根公每訓之曰學不可雜雜則無成無亦將兵農



禮樂以至天時地利人情物理凡可佐廟謨裨掌故者  
隨其性之所近併當一路以爲用世張本此猶蘇子瞻  
教秦太虛多著實用之書之意也公死生師友之誼過  
於彭宣余感傷舊恩不能及李燮之於王成能無愧乎  
公葬海寧園花鎮之龍山余兩過墓下豐碑未立但有  
腹痛辛酉距公之歿已三十七年矣功燮來求銘白髮  
青燈同理前緒尙可彷彿其六七也銘曰

國之興亡豈以事功曰誠曰術何途之從吁嗟烈皇求  
治太急一念刑名僉王斯集公亦有言王道平平至誠



透露卽是機權行其所學以匡烈皇帝雖曰俞舉國若  
狂南渡爝火專樹饕餮公於其間六月霜雪大廈將傾  
猶抽樑棟汎汎溝中以俟一閔禦兒鴛水黑雲壓城蓑  
城毅魄耿耿孤城血碧龍山魂騎箕尾千秋萬歲光芒  
斧展







左副都御史贈太子少保諡忠介四明施公神道

碑銘

王子

餘姚四明施公當流賊之變爲左副都御史在東長安  
門聞烈皇帝旣殉社稷慟哭而書曰慙無半策匡時難  
唯有一死報君恩遂投繯死僕遽解之少甦厲聲曰汝  
輩安知大義是時賊滿街巷不可返寓公望門求縊居  
人皆塵出之乃以砒霜投燒酒飲九竅血裂而逝初寇  
警日亟公屢促司馬厲兵固守飛檄勤王司馬落落如  
承平時公叱罵而去白度必死遺書於家人曰吾身報



國母哀吾死亡何而有三月十九日之事公登萬厯己未進士第授工部主事值奄人逆賢用事燄脅諸曹公獨不就爲其所怒有詔拆北堂限五日以窘公俄而暴風拔屋公得脫然又詔依嘉靖舊式作獸吻其式茫然公方句稽匠氏神以夢告明日發地得之則嘉靖間所用之餘也稍遷屯田司郎中會涂文輔以中官監督二部公恥爲之屈請降俸出知漳州五百里民隱如在庭內每有盜發輒曰此必某也其里貫姓名無不知之者李魁奇亂援往例請撫公謂若然又爲閩封殖一蠹也



與巡撫鄒公維楹悉力定之劉香橫海外公繫其母誘  
之海隅香卒授首島寇時人犯皆有內主公破其牆壁  
銷其厝火欲使全閩兵力不歸一氏蓋其所慮者深也  
累轉至布政司皆在福建入爲光祿寺卿通政司使學  
士黃公以直言觸上怒諸生涂仲吉上書頌之公批只  
可存此一段議論不爲封進仲吉劾公阻言路公繳原  
疏上見其批大怒閒住回籍逾年再召爲南京通政司  
陞辭公以學術吏治兵事財用四者入告上爲之動容  
出京三日遣中使召還面諭曰南京無事留此爲朕幹



些要務吏部會推刑部左侍郎上曰施某清執可左副  
都御史其去殉難之時止二月也公諱邦曜字爾韜別  
號四明其先師點以刺史居烏程孫宿慶元間爲餘姚  
令因家焉高祖信漳平令祖龍雲父承雲皆以公貴贈  
大中大夫福建參政元配虞氏贈淑人繼金氏封淑人  
子欽邑諸生公之學得力於文成鉤深纂要以理學文  
章經濟三分其集心光證明章句者所不得而窺也戴  
山講學公又以其自得者參請皆歸實際戴山亦深契  
之公起自孤童身至大僚不改寒窶之習勇於爲義同



年生魯時昇卒京邸公爲之含殮又以女妻其子嘗買  
一婢掃灑廳事至於東隅凝視擁篲而泣公見而怪之  
曰此先人任御史之宅也兒時曾墮環茲地憶之不覺  
淒愴公閔然卽分嫁女之資擇士人而歸之此在常人  
所不能者於公則爲餘事也公卒未十年嗣子亦沒夫  
人寄食婿家晨炊不繼淺土一塊蒸嘗聞然嗟乎公之  
忠義行遠有耀豈以一家之存亡爲絕續乎銘曰

姚江九折出海門英靈磅礴正氣存三忠之名孰不聞  
施公繼之血化碧朝不爲潮汐夕不汐帝座風雷通咫尺



大廈欲焚烟模糊啁噍幕燕畢逋烏誰其聞之大聲呼  
乘龍冉冉帝上昇前無疑弼後無丞公獨攀髯執綏繩  
虞淵不返寒日晷爲王作薜御螻蟻自盡者心東流水  
國旣破兮家亦亡蕭蕭殞宮對野棠下馬無人拜夕陽  
道旁亦自有童叟爲公培土深且厚石爛海枯銘不朽  
三忠謂毛忠襄孫忠烈先忠端也



巡撫天津右僉都御史留仙馮公神道碑銘

甲午

思陵身死社稷一洗懷愍徽欽之恥古今亡國而不失其正者此僅見也然余以爲使思陵避之南都天下事尙未去也何至令荒君逆臣載胥及溺遂不能保有江左乎故唐元宗幸蜀以避祿山之禍代宗幸陝以避吐蕃之難德宗幸奉天以避朱泚之亂皆再造唐祚史表曰諸侯王始封者必受土於天子之社歸立之爲國社以歲時祠之死社稷者諸侯守土之職非天子事也恨其時小儒不能通知大道執李綱之一言不敢力爭乃



使其出於此也當是時慈谿馮公留仙巡撫天津先是  
崇禎十六年冬十月公密陳南北機宜謂道路將梗當  
疏通海道防患於未然天子俞之公乃具海舟二百艘  
以備緩急明年三月使其子愷章入迎天子奏曰京師  
戎政久虛以戰以守無一可恃臣督勁旅五千馳赴通  
郊躬候聖駕航海行幸留都初七日愷章至京師見張  
公國維張公曰寇深矣是請也不可緩倪公元璐曰皇  
上有國君死社稷之言羣臣無以難也方公岳貢范公  
景文曰曩者津門餉匱公要蘇州之運以給之天子方



怒疏上且死愷章傍徨七日不得要領歸報於公未四日而京師陷公陳師鞠旅以圖戰守其副使原毓宗降奪公之兵公不得已拔身而南欲得一當免冑以入賊軍值宏光帝卽位言討賊者絀之公遂鬱鬱而死踰思陵之崩蓋五月也議公者曰公不當生出津門解者曰是時以李希沆代公公已解任可以無死夫春秋之義君弑賊討則善而書其誅若莫之討則君不書葬不書葬以爲無臣子也當是之時在廷之臣生則屈賊惟有一死公居外而亦與之徒死使思陵不得書葬公忍之



乎是故議者解者與國君死社稷之言同出一喙者也  
公中崇禎戊辰進士授工部主事思陵誅逆閹魏忠賢  
凡宦因魏忠賢者定爲逆案逆案之徒出奇計以邊事  
陷君子而閹人失勢者亦時以閹巷見聞入告於是思  
陵遂疑在廷諸臣皆朋黨不可保任一切干涉兵餉皆  
使閹人監之太監張彝憲欲以屬禮待戶工兩部尙書  
郎公奏曰張彝憲總理二部羣臣爭之不得臣以爲不  
必更爭惟請皇上禁兩部諸臣不許至內臣之門識內  
臣之面有違此者罪無赦內臣旣別立公署亦不得造



兩部之堂與部臣密邇部臣錢糧所關灼有弊端可指  
內臣卽得糾參其循職奉公苟幸無過自關人臣分內  
內臣卽不得薦舉庶幾於祖宗交結內侍之律不相妨  
也張彝憲聞之曰嘻是與罷總理之說朝四而暮三也  
公方監督長德二陵橋梁彝憲欲因以中公而公精心  
汰其浮費絲毫之積贏四萬有奇奏上之彝憲遂無所  
得公念彝憲數惡已無已時一日至長安街自擲身馬  
上佯爲傷足請告而歸居三年起爲尙書禮部郎出備  
兵蘇松道時溫唐在朝其鄉人爲盜於太湖者從之囊



橐有司不敢過問公發吏督盜賊事連兩家者必發覺之最後乃得其渠帥則唐之族子也豪富多爲之免脫竟論死於吳市九年秋烽火達陵邑公卽領吳卒入援浙兵方出而公已渡淮矣至濟陽京師解嚴乃還轉福建道提學副使當是時黨事起吳中有數大獄未具巡撫張公國維曰賈偉節西行解禍今馮公在此可聽之去乎上疏留之思陵旣心疑諸臣朋黨烏程以事訐錢侍郎謙益方得於上小吏張漢儒希烏程旨上書告錢侍郎謙益瞿給事式耜居鄉不法狀下撫按治之公平



反坐張漢儒杖蘇李與鄉官張采張溥不相能已而御史巡按劾之蘇李疑其受意於二張也因書誣告溥等交結諸郡生徒共爲部黨名曰復社而太倉人陸文聲欲附復社不得而怒亦走京師言東南大害必始復社於是天子震怒班下郡國按其事復社者東南諸生所刻私試經義之名也主自二張一時士子多慕之者二張亦與錢侍郎相得故烏程遂以復社嗣於東林爲天子言之公仰天太息曰東漢之禍一牢修成之彼陸文聲者將踵其故事耶具疏爭之於上有旨降公而吳中



黨禍亦解尋補鹽運司判官十一年大兵入畧三輔大  
蹂山左濟寧告急以公攝兵道事城守甚設時總督盧  
公象昇闔人高起潛分任東西二路盧公主死戰高閹  
主活仗故郡縣經由高閹不許出遏十二月二十八日  
夜大兵攻濟寧公擊退之其明日高閹之部丁志祥至  
以爲公夜來所擊殺者其營兵也反戈相向公登埤而  
謂之曰吾以濟城爲存亡但知攻吾城者口耳志祥語  
塞而去公上疏請誅高閹以謝燕趙齊魯之冤民不聽  
陞天津兵備道未幾巡撫天津兼理糧餉都察院右僉



都御史十五年冬大兵復大入公與諸鎮犄角之已又  
合宣大總督孫晉督師范志元山東巡撫王永吉之師  
從密雲趨牆子嶺邀其情歸論功賜銀幣廕一子錦衣  
衛上念公暴露良苦時公之弟元颺任本兵上謂之曰  
聞汝兄多病今竟何如大司馬叩頭對曰臣兄荷皇上  
知遇鞠躬盡瘁死而後已不敢言病上曰近親何藥大  
司馬曰臣前令揭陽篋中尙餘牛黃臣兄苦煩眩以爲  
宜此上曰牛黃豈可多服大司馬謝而出上遣內使賜  
宮參八兩公發函而泣曰君臣之際乃如是耶公慷慨



喜事三黨之中多藉以婚嫁火食其俸入緣手散盡居鄉遇歲歉則稱貸富人之粟三以收之二以出之邑是以不困舟泊黃河逆旅有馮尸而哭者公入視有書在其側惻然買棺斂之已乃知爲萬戶侯之弟也公爲經義有名經其指授皆有法度大司馬少而無師公旣冠而學成太常命大司馬師焉人士將卷軸而求公知者相望於道旣而周旋朋黨之間益爲名士所歸楊嗣昌常字公而不姓有郎官問曰留仙誰也嗣昌默然久之曰不知馮留仙耶其爲世所稱重如此然公未嘗修飾



時譽故黃公道周曰我友天下未有真誠若留仙者也  
公諱元颺字三仲別號留仙東漢馮異之後南唐尚書  
延魯徙於慈谿至有明而盛曾祖諱某贈中憲大夫祖  
諱季兆鄉進士工部郎中贈光祿寺卿父諱若愚萬厯  
乙未進士太僕寺卿贈太常寺卿太常生三子長卽公  
次元颺天啟壬戌進士兵部尚書次元颺癸未進士都  
察院右僉都御史公娶滄州守何宇藩女封恭人生一  
女字國子生綫元暉副室徐太孺人生愷章監國賜進  
士授行人司行人劉孺人生某孫某某公生萬厯丙戌



十二月九日卒甲申之九月朔日爲年五十九葬於邑  
之小漁山公與大司馬嘗過西寶石山拜先忠端公祠  
下及公上書解釋黨議余從公幕府甲申之變旣爲詩  
而哭之矣愷章復以麗牲之石見屬謹次其事而辨之  
使來者知亡國之日未嘗無人也銘曰

當國危言曰守曰避擇斯一者視其形勢唐避再興宋  
守不墜未嘗執一以爲正義奈何小儒今古不備伯紀  
一言遂同成議南遷之論其時有二在外惟公在內惟  
李邦華舉朝不然至委神器當日陪京原有深意公言



若行天威尙厲官守奔問山河位置幸災樂禍何所施  
計吁嗟馮公此願不遂蹈海南還一邱貉睡鐘鼓無靈  
灰釘見志漁山鬱鬱姚江淟淟公之所恨其何寄耶







陝西巡撫右副都御史元若高公墓誌銘

庚戌

余於李庭芝守揚之事蓋未嘗不爲之流涕也宋已亡矣猶能死守半載庭芝一日在揚則揚一日不速飛元不能乘其席卷之勢以下揚而必待之易守之後然則興亡之故雖曰天運固未常不由於人矣世徒曰宋之亡也兵力人心一無可恃夫揚之兵力非有加於天下也朱煥之代庭芝所用者亦卽揚之民也觀庭芝能用揚於亡國之餘知古今無不可爲之時耳有明之亡高公守鄖之事何其與之相類也崇禎十四年襄陽旣陷



閣部楊嗣昌自裁鄖陽以要地推擇高公爲分守荆南  
道按察使時全楚郡縣流賊殘破畧盡濠平城墮蓬顆  
千里鄖治孤懸戶口不盈四千公至隱度城郭西南緣  
漢水東北據山麓漢水來去之所皆劣容一丈築樓櫓  
其上東北兩面爲虎落以接之具藺石布渠答料兵得  
三千分處其間三月而戰守之事備亡何獻賊道經城  
下總兵左良玉尾之城中大恐蓋左兵之暴過賊遠甚  
公爲之乞哀於左帥得不入明年李自成來攻公將士  
卒搏戰賊不得傳城而退十六年三月賊從漢江上流



搜括民舟公曰我失漢江之險則坐困矣乃乘其未集使水哨馬之服奪之賊遂從陸來薄以破均州所得靜樂宮門板竹竿聯爲木城公命投以火礮斧其竹竿木城遂拔賊乃乘夜運作莫知所謂平明視之敵臺矗矗三十六所逼陴高出俯施飛礮公率眾攻臺三日而盡墮之公以羸卒四千當賊三萬甲馬二千攻圍一月餘賊喪失精銳過半卒不得志以去由是鄖兵之名著於天下李賊憤甚復發兵至鄖公使禦之於楊溪賊抵龍門夜聞漢江水石相搏有驚而呼者曰鄖兵至矣師遂



潰其畏鄖兵如此自成營都襄陽秦督孫傳庭刻期大舉自成移軍入襄城郟縣之間待之公出師以應督師降光化穀城至襄陽聞督師敗績引兵保均己而自成入關乃發賊三萬使襄陽路應標將之滅此朝食而鄖陽城糧盡公使溯漢糴稗實以給兵不足則雜牛皮麴蘖以給之士無離心賊以公之降丁王光恩爲可動也發使招之光恩猶豫未決公乃大會將士於城頭而告之曰事已至此諸君可斬吾頭降之毋爲徒死諸將痛哭願隨死公曰賊使爲光恩而來光恩云何光恩迫於



大義亦遂手刃賊使以示不同明日開城決戰賊倉卒  
不意大駭而潰得級千餘公又謂其將校曰賊倚糧於  
均我方救死不暇均中之賊必不虞其往襲也使裨將  
楊明起夜以千人渡漢遲明破之燒其積聚鄖圍始解  
當是時闖賊已據全秦河洛荆襄設官分治廟堂以鄖  
陽久陷罷撫臣不推忽得公請救蠟書鄖人之在都者  
莫不痛哭擊登聞鼓曰鄖陽不食半載猶爲朝廷死守  
奈何棄之翼日上召閣部大臣於平臺議推鄖陽巡撫  
廷臣皆屬公大學士邱瑜曰全楚督撫皆逃不如一道



臣猶能張楚上然之大學士陳演曰道臣雖能守然巡撫非其所長於是以鄖陽知府徐起元爲巡撫加公太僕寺卿仍署道事初公備兵長沙長沙守爲演私人屬公庇之公舉案其贓演恨之故以起元先公越數日冢宰李遇知言陝西與川北相連宜守漢中興安以固蜀門戶上授公右副都御史巡撫陝西兼制川北圍解而後聞廷授則十七年之四月矣公遂謝事養病又數月而聞北變公慟哭曰老臣以一隅爲挈瓶之守豈知其無益於天下之大數也秋七月路應標又至公復登陴




助起元城守十二月闖賊敗圍鄖者殺應標而去公謂  
先帝以秦中屬我豈可寒此末命得秦帥孫守法家丁  
數十人借鄖帥苗時化之兵以佐之遂下興安未幾而  
大兵南下公還鄖鄖已內附竄處不歸淝河失守遠宦  
於故國者例簿錄其赤口以上公有老父年八十餘事  
聞公曰疊山安仁之敗以母老不死矧我在事外耶歸  
而奉父以天年終自流寇起討賊之師一盛於楊嗣昌  
再盛於孫傳庭皆竭天下之力以奉之劍客奇才輻輳  
戲下而襄雒之陷潼關之敗中原由此陸沈左良玉之



兵號數十萬自開封潰後翱翔樊城避賊於荊州再避  
武昌三避九江其視一戰如以肉委餓虎區區鄖陽饑  
卒不滿半萬重圍援闊兩京陷沒魁然而峙必待公解  
任而後速飛然後知兵不在強弱城不在堅脆顧用之  
之人何如耳守揚守鄖亡國之際豈緊無人君子所以  
痛恨於廟堂之倒置也公諱斗樞字象先別號元若韓  
國武烈王高瓊之後王之五世孫修職郎世殖南渡始  
爲鄞人修職生元之字端叔宋之名儒又七世而爲公  
之高祖文福建驛丞曾祖士亦以儒學名贈刑部郎中



祖萃萬厯甲戌進士知肇慶府贈右副都御史父聽光  
祿寺署丞致仕封右副都御史母黃氏誥贈太淑人公  
五歲卽能屬文年十九而舉於鄉登崇禎戊辰進士第  
授刑部廣西司主事是時逆案新定逆奄之黨人出奇  
計欲以疆場









時爲選體詩寄興亦不必以示人與人言意滿口重至  
於兵事則心開余之交公在己丑慷慨失職時相過從  
猶爲使公建大將之旗鼓必有可觀豈知其悶悶以老



哉生於某年甲午八月二十五日卒於某年庚戌五月  
二十一日以某年某月某日葬於其所配范氏贈淑人  
繼徐氏封淑人筵施氏嗣子宇泰兵部武選司員外次  
曰宇啟壻沈延綸庠生戴石臣朱濂孫男四人奕宣奕  
襄皆廩膳生奕修奕學會孫景乾景暉宇泰以公之明  
德史所取裁須得舊事麤見首尾者爲之科條因授公  
所撰宦歷漫記守廩記畧俾余爲銘銘曰

崇禎紀元盜起延綏長蛇出穴封豕偕來相望金湯不  
異培塿金鼓動地心膽寒灰或降或竄百爾崇階山河



破碎宗廟蒿萊鄖陽蕞爾漢水之隈高公蒞止千里風  
霾投鞭斷流聚骨成臺窮城就死日影不回羊刼未紬  
雲梯又排慨慨高公解帶指揮五百血戰羸卒半埋待  
其圍解鐘石已乖移忠作孝非意所諧截指請救哭滿  
天街相演猶曰公非將才廟算不勝千古同哀



南雷文定前集卷五

譚瑩玉生覆校



南雷文定前集卷六

餘姚 黃宗羲 太沖撰

余若水周唯一兩先生墓誌銘

丁巳

嗟乎名節之談孰肯多讓而身非道開難吞白石體類  
王微常須藥裏許邁雖逝猶勤定省伯鸞雖簡尙存室  
家生此天地之間不能不與之相干涉有干涉則有往  
來陶靖節不肯屈身異代而江州之酒始安之錢不能  
拒也然靖節所處之時葛巾籃輿無鉗市之恐較之口  
口似爲差易活埋土室長往深山吾於會稽余若水甬



上周唯一兩先生有深悲焉若水名增遠字謙貞曾祖  
古愚祖相肇慶府通判父幼美封兵部尙書尙書五子  
長煌字武貞天啟乙丑進士第一人季增雍太平知縣  
若水其中子也登崇禎癸未進士第除寶應知縣劉澤  
清開府淮南欲以公禮格郡縣若水投版棄官而去畫  
江之役補禮部儀制司主事陞郎中唯一名齊曾字思  
沂高祖薇工部員外郎曾祖柔祖煬父臺唯一登癸未  
進士第除廣東順德知縣邑中多盜以爲此饑寒所致  
古人社倉之法意非不美然而其利易盡於是變社倉



爲義田而以社倉之法行之可以久遠又倣弓箭社之法行於西北者行之東南修飾僕區沈命之術盜一發卽得攝香山縣香山與黎人相望一海土官欲渡海入葬直指許之唯一不可乃止閩中立國其首輔香山人下教有不便於民者唯一卽解職歸兩先生之出俱當兵戈旁午之日若水無以自見唯一之所見者亦小小及民之事不足以盡其長也桑海之交武貞投水死若水逃山中不出郡縣逼之入見若水乃輿疾城南以待齊斧久之而事解聚村童五六人授以三字經晨則秉



耒而出與老農襍作較量勤惰未嘗因其貴人而讓畔也同年生王天錫爲海道欲與話舊若水辭以疾天錫披帷直入若水擁衾不起曰主臣不幸有狗馬疾不得與故人爲禮天錫執手勞苦未出門數步則已與一婢子擔糞灌園矣天錫遙矚嘆息而返冬夏一阜帽雖至昵者不見其科頭己酉歲十月十三日卒年六十五蓋二十有四年不離城南一步也唯一遯入剡源盡去其髮而爲髮冢曰惟松有聲可以無哭惟薤有露可以無汨唯烏石依依可無弔客架險立瓢榜曰囊雲自稱無



髮居士剡源饒水石與山僧樵子出沒瀑聲虹影之間  
軍持不借時掛於萬仞叢林遂欲以法付之一笑而已  
王天錫求見唯一止之曰烟裏程途朝不知暮宿所故  
人咫尺舉目有山河之異辛亥歲三月二十日卒年六  
十九夫斷口之令屈以威武惟死足以拒斷若水拒斷  
而不死非倖也其心固拚乎一死也唯一盡斷其餘不  
能拒也然斷其餘非令之有則猶之乎拒也其時爲僧  
者多矣而嗣僧之法則無與於此也所謂威武不能屈  
者兩先生庶幾近之若水草屋三間不蔽風雨以鼈甲



承漏臥榻之下牛宮鷄堞無下足處生人之趣都盡唯  
一山林標致一器之微亦極其工巧嘗拾燒餘爲爐拂  
拭過於金玉又得懸崖竒木製爲養和坐臥其間兩先  
生之不同如此若水慨世路之逼仄遂疑荀卿性惡百  
王無弊著論以非孟唯一機鋒曳電汪洋自恣寓言十  
九然清苦自立胸中兀然有所不可不以牛跡之安途  
避亂羣之近憂者是則同若水出自崑山朱相國震青  
之門唯一出鹽官吳太常磊齋之門相國則先忠端公  
之門人也其淵源有自若水疾革余造其榻前命兒子



正誼爲之切脈若水曰某祈死二十年之前反祈生二  
十年之後乎余泣然而別唯一未嘗一面人傳其詩怪  
甚僧解齊持一詩來愧不悉除鬚髮去猶留松下一孤  
身我來仍喚松爲樹未必松呼我是人余讀之了不見  
其可怪也若水配姚宜人子三金體金和金繩唯一配  
袁孺人子四天行時行攸行中行庚戌歲金體介陳天  
若求銘余未及爲後七年天行介李杲堂求銘余倣葉  
水心併誌陳同父王道父之例以誌兩先生同父道父  
猶有顯晦之別若兩先生則屈賈李杜之同傳兩家子



弟刻於墓以信德之不孤也銘曰

不有死者無以見道之界不有生者無以見道之大賢  
生賢死返之心而無害



翰林院庶吉士子一魏先生墓誌銘

天啟朝以攻逆奄而死者一十有三人其後人爲世所  
相名者惟黃魏兩家李賊陷都城子一死之是亦可以  
免於疑論矣顧四十年以來子一之大節尙然沈滯則  
黨人餘論錮之也乾坤未毀所賴吾黨清議猶有存者  
子一以同難視余猶弟余老矣可不及其未死披發白  
日乎子一之子札以墓銘來請亦復何辭子一名學濂  
別號內齋魏氏吳之舊姓世爲嘉善人曾祖祥祖邦直  
皆贈太常寺卿父諱大中吏科都給事中以直諫死諡



忠節妣錢氏封淑人忠節有才子三人長學泚字子敬  
所謂魏孝子也次子一次學洙字子聞子一風神傑出  
少受學於子敬卓犖不羣年十六應試邑令康元穗奇  
之使冠多士不因忠節在要位也已丑忠節受難孝子  
捐生遺孤滿室追吏踵至子一紹述荒屯輸寫心力破  
巢之下復有完卵逆奄伏誅忠死之家哀榮已備而導  
之興獄者阮大鍼傳櫬方改頭換面捲土重來子一刺  
血上書申復仇大義天子愍然爲之動容下其章大鍼  
久依城社爰書盡燒僅以考功之議上子一復上疏力



爭卒麗重典同難諸子先後謝恩闕下余年最少共推  
子一爲首設祭詔獄中門讀文未畢莫不狂哭觀者亦  
哭左右人告烈皇烈皇曰忠臣孤子甚惻朕懷甲戌葬  
忠節迎戢山夫子題主會葬者千人子一布置閑通不  
露貧狹吳子逞陳幾亭皆子一姻家因請戢山講學於  
丙舍讀書柳州與長洲薄子珏務爲佐王之學兵書戰  
策農政天官治河城守律呂鹽鐵之類無不講求將以  
見之行事逆知天下大亂訪劍客奇才而與之習射角  
藝不盡其能不止直指督學行部謁廟講書故事籤抽



一二諸生敷演儀文子一不待宣及奮袖橫經以古義  
實今事利害之興作吏治之循墨昌言無所隱避聞之  
莫不震動主者唯唯不能不爲理奪也是時場屋之文  
競學浮麗爭爲闡緩子一造於疏通廣博之域脫稿流  
傳然子一孤行一意不肯附會婁東二張主張復社士  
集其門者如燕雀子一多相靳故卽虞山古文未嘗以  
一代作手歸之其所奉手捫衣者蕺山一人而已乙亥  
特詔選士子一舉第三一時同志之士想望其出以爲  
世用壬午舉應天鄉試明年登進士第改庶吉士寇患



已深子一多所建白請援靈武舊事出太子討賊請號  
召三輔義勇入援范文貞言之天子而烈皇菁華已竭  
但有周章托之空言已矣京師既陷子一謂其同志曰  
吾輩自分唯有一死然死有三節目先帝上升之日一  
也發喪之日二也李賊卽僞位之日三也前此二者今  
已不及以彼篡位之晨爲吾易簣之期耳此言余聞  
是子一與容城孫鍾元密結義旅劫其不備賊中亦頗  
有願內應者故子一遲遲以待其至久之音塵斷絕賊  
黨勸進將以四月二十九日燔燎告天以正號位子一



曰吾死晚矣以其日賦詩一章自縊死距生萬厯戊申  
九月二十八日年三十七配陳氏戊午解元山毓女子  
三人允枚順治戊子舉人允札增廣生允桓庠生女一  
人壻徐之陵孫男八人儒烈儒燾儒燾儒燾儒燾儒燾  
儒燾儒燾秋孫女五人曾孫一人所著有內齋集十卷日  
知錄五卷藏於家當子一之未死也同邑忌之者造作  
飛條言其傾側荒朝不持士節阮大鍼時方得志附益  
增張以報血書之役君子亦多信之未幾而子一死君  
子之惑雖解而蓋棺之榮不及貞元朝士今已無多孰



爲之激昂而樂道者嗟乎子一大槩欲爲人所難自傷  
家難則羸衣覈食誓終天年母病未瘳則割臂投羹助  
彼方劑十八年流離之門戶霜母在堂昆弟都盡一解  
褐之書生未與國事柴也其來未始爲過而子一堅心  
致命不欲以常人自居亦可以諒其志矣向使妖讒不  
起則與倪范諸公同騎箕尾夫又何說顧子一所以致  
此者亦自有故子一上書見知於天子銳意問學遠駕  
經生先友宿艾望風推服莫窺其底裏加之旁通藝事  
章草之書倪黃之畫陽冰之篆孤姿絕狀觸毫而出無



非詩書之所融結學侶挹其精微詞宗稱其妙絕一時  
盛名無出其右子一亦未免矜貴自喜不知盛名之難  
居也且子一雖學於戢山其所重卻在經濟上此便是  
功利之學既與倪范諸公同是一死而牽挽於密約不  
得自由亦是功利誤之此則可爲子一惜也然子一實  
有過人者余東髮交遊所見天下士才分與余不甚懸  
絕而爲余之所畏者桐城方密之秋浦沈崑銅余弟澤  
望及子一四人五行一覽半面十年漁獵所及便企專  
門天生此才僅供喪亂之摧剝乃使頑鈍如余者執簡



而拾其後可愧也夫銘曰

天降逆奄繼之賊李蕩覆乾坤泯絕綱紀於戲忠節忠  
於天啟於戲子一忠於末祀前有其父後有其子一家  
之禍千秋之美三十九年余始作誄彼黨人者已如屠  
豕







前翰林院庶吉士章庵魯先生墓誌銘

丙辰

歲辛亥余邂逅魯章庵先生於越城之公所率爾談文  
有契先生卽過古小學索觀鄙文每奏一篇先生嘆嗟  
良久曰二川以後百年無此作矣自是余至越城必相  
過從言談盡日史漢之機軸歐曾之神理近時作者竊  
語流傳千門萬戶其所以得所以失先生無不詳其首  
尾如數一二於掌中余謂今日古文之法亡矣錢牧齋  
捫撫當世之疵瑕欲還先民之矩矱而所得在排比鋪  
張之間卻是不能入情艾千子論文之書亦儘有到處



而所作模擬太過只與模擬王李者爭一頭面先生固  
閉戶讀書然非有所授受亦不應至是也先生曰此先  
父與先伯父之教也先祖之任山陽也徐文長嘗來與  
二父讀書二父聆其緒論以私後人耳余象數論成欲  
先生敘之先生曰不可某於象數未之能學也夫胸中  
未明了而徒文之辭者此今日之文也先生讀書三十  
年越中之人無有名其能文者其不肯爲今日之文之  
所致乎自余與先生遇後始稍稍傳之同志蓋未五年  
而先生不可作矣先生諱棨字季棨別號韋庵魯氏爲



宋肅簡公之裔建炎間南渡遂家會稽元末敬之官提  
領提領生彥名彥名生原珍原珍生嘯嘯生二子長城  
成化進士官至南京刑部郎中次瓚再傳爲先生之高  
祖大中曾祖宗程祖錦萬厯丁丑進士亦官南京刑部  
郎中考湘太學生與徐文長讀書於山陽者也妣陳安  
人先生幼有至性太學歿時方十三歲居喪卽能盡哀  
安人之歿幾至滅性登崇禎癸未進士第選爲庶吉士  
一時多盛名之士而以先生與魏子一周介生王茂遠  
爲稱首然諸君雅好標榜自喜故後來皆中刻薄之論



爲人所咀嚼唯先生冲然不盈人亦莫得而致難也李  
賊之變子一謂先生曰吾輩居此圍城之中死固分也  
然死有三節目先帝上昇之日一也李賊登極之日二  
也先帝發喪之日三也過此三節目無庸死矣已而大  
行發引先生得先期拔身而子一死先生念從死之不  
能如三良也復仇之不能如包胥也事乖志負息機摧  
撞閉室不出出其書觀之門屏之間落然不聞人聲其  
所與往來談經問字者亦不過數人而已花晨月夕歡  
娛少而愁嘆多余觀今世之爲遣老退士者大抵齷齪



治生其次丐貸江湖又其次拈香嗣法科舉場屋之心  
胸原無耿耿治亂存亡之故事亦且憤憤如先生者日  
抱亡國之戚以終其身是可哀也先生風度峻整望而  
知爲先朝之人物造次發語亦皆元遠所謂不在能言  
之流而言者莫之能過也生於某年丁未十一月初八  
日卒於某年乙卯九月二十六日年六十有九娶王氏  
子五人長煥先廩生次燧先庠生次炯先已酉舉人次  
燿先次烱先今存者惟燿先而已孫七人長誠候選儒  
學教授次基受基仁基雍基德基泰基謙曾孫一錫祚



嬉先謂知先生者無過余乞銘其幽石余何敢辭銘曰  
文章之名昔歸翰苑步冒鐵鑪名存實遠於爍魯公爲  
誥爲典追蹤往烈裁正狂簡館課程文一洗其短豈期  
遯野蓬蒿偃蹇石渠水涸山龍色淺以俟君子灰飛律  
管



萬悔庵先生墓誌銘

己亥

予束髮出遊於淞河東所兄事者兩人曰陸文虎萬履安兩人皆好奇胸懷洞達埃壒漚泊之慮一切不入焚香掃地辨識書畫古奇器物所至鸞翔冰峙世間瑣瑣解果之士文虎直叱之若狗履安稍和易然自一揖以外絕不交談其人多惶恐退去葛袍布被郵筒束帛皆修飾合度嘗見一名士作答此兩人者極其矜慎予偶問之曰吾聞文虎履安一簽題亦有講究恐倉卒裁答爲其所陋耳其標致如此詩壇文社三吳與淞河東相



閉隔而三吳諸老先生皆欲得此兩人爲重泚河東風  
氣漸開實由此兩人文虎旣死履安隻輪孤翼然其好  
奇日益甚東江□□士人皆乘時獵取名位□以戶部  
主事授先生先生獨不受方王二帥專正供分別諸公  
之召募者以爲□兵令取餉於勸分司餉者兵民交怨  
其在寧波則先生獨任之大兵渡浙一時士人諱言受  
職皆改頭換面充賦有司而公車之徵先生獨不行當  
是時先生遁跡榆林喪其夫人已又喪其太夫人榆林  
之書卷青氀蕩於兵火先生一病三年炊烟屢絕形廢



心死然友人高中丞在獄予弟晦木犯難猶能以奇計  
出之先生既無心於當世廟堂著作坊瓦摸勒凡士林  
之所矜貴者一不以寓目有傳吳霞舟先生遺稿自海  
外者用故名紙書之半葉千言漫漶漏奪先生摩娑細  
視手抄件繫遂爲完書間或出遊則多與失職之人聚  
於野店僧寮聞一奇事咨嗟而樂道之逮夫粵返舟出  
九江天風簸盪一童侍側先生疾革喟然曰此行得水  
坑石數片娘子香數瓣未及把玩遽爾緣絕此爲恨事  
耳夫家室萬里諸子寒餓先生之言不出於彼先生之



好奇乃至是耶先生諱泰字履安晚年自號悔庵其先  
定遠人國珍從明高皇帝起兵賜名斌北征戰歿贈明  
威將軍子鍾世襲寧波衛指揮遂爲寧波人遜國之難  
死之子武嗣從征交趾又死之弟文嗣夜哨鋸門見兩  
炬射之炬滅而濤作溺死於海所見之炬蓋龍目也七  
傳而爲曾祖諱表南京中軍都督府都督同知理學名  
臣也祖諱達甫廣東督理海防參將父諱邦孚鎮守福  
建總兵官左軍都督僉事母陳氏封恭人總戎公禱於  
東岳像設而祀之先生生而類夫像設者因以爲名舉



崇禎丙子鄉試鬱然領袖名士十年流落饑渴寒凍未  
嘗不爲江湖所傳誦正復不惡然方其盛時交遊滿地  
事有不可言風波消鑠且盡先生間行過之荒臺天末  
傍徨而不能去先生卽好奇乎而抑鬱憔悴已見之於  
髮容矣蓋先生本用世之才售答俄傾懸然天得置之  
寂寞非其所長而乃忍人之所不能忍斯真可謂之好  
奇者也先生之病始於南安有毛汧者先生之同年生  
染疫將死同舟皆欲棄之先生爲之收載親其藥裹汧  
得生而先生病矣卽此一事之奇亦人之所不可及者



生於萬歷戊戌二月十三日卒於丁酉十月初六日配  
聞氏先十二年卒以是年十二月二十六日合葬西山  
之應舉子八人斯年斯程斯禎斯昌斯選斯大斯備斯  
同女一人壻謝爲兆孫六人言世培世澤世懋世德經  
孫女三人自文虎死後先生始爲詩文虎之詩以才先  
生之詩以情皆有可傳當其度嶺則酸鹹苦辣之味盡  
矣斯年以予與先生久故托銘其墓憶晦冥之際予過  
甬上文虎新死先生病瘧翦燭相對淒惋欲斷是日先  
生之瘧爲之不發十年以來歲必相過再三每一會合



破涕收淚竟不知其身  
在困頓無聊之中也  
今顧舍吾而去乎  
銘曰

崇禎之初名士鬱起  
潮河而東唯陸萬子  
長鋏切雲高馳方軌  
塵世突梯逢之心死  
大冶火烈永飛鉛徒  
陸子剛折萬子孤美  
京洛車馬煌煌流水  
子獨不然盤躡霜履  
越臺風青商山芝紫  
千年旦暮以其有此







陸文虎先生墓誌銘

丁巳

陸文虎先生卒三十有二年其喪尙在淺土未亡友黃某泣然而嘆曰是余之罪也夫乃告於世之爲郭元振者而使契家子萬斯大董其事某月某日葬於城西之外憶其平生崖畧而誌之先生諱符字文虎陸氏世爲寧波望族曾祖州丞涵祖相龍父煥俱庠生母王氏夏氏生母朱氏四歲時大父引置膝上口授以楊忠愍草疏傳奇先生對客輒抗聲高唱意若深慨慕之者幼多羸疾因讀參同悟真閉關齋禱以爲神仙可學而至久



之不効復汎濫於釋氏爲學使周斗垣所知拔置第一授徒海昌祝耳劉心契之有譚星命者耳劉謂文章心力結集可望而卜人之富貴福澤文虎之文避富貴而不可得者也烏用以星命知之已讀書南里與許孟宏王聞修兄弟交時聞修選古文三編先生與之上下其議多所裨益孫子長督學浙中以林憲濩自輔憲濩得一卷奇之聞修時爲水利道子長以此卷訊之聞修曰此吾故人陸文虎不意君摸索而得之也先生風貌甚偉胸貯千卷聲欬爲洪鐘響一時士大夫聽其談論皆



以爲陳同甫辛幼安復出吳楚名士方招羣植黨互相  
題拂急先生者愈甚先生謂兵心見於文事鬪氣長於  
同人亂亡之兆也凡遇刻文結社求先生爲序者循環  
此意雷霆破柱冀使人聞之而覺悟也崇禎辛巳復保  
舉之制副使許平遠以先生應詔詣京入國學上幸學  
先生充班首進退從容上過而目之舉壬午順天鄉試  
監國時賜進士出身授行人司行人奉使閩中不果行  
清查衛所錢糧千戶馮如斗乾沒獨多恐發覺刺先生  
於廳事不殊歸而養病結雪瓢於白巖山丙戌十月初



十日卒年五十配陳氏范氏陳氏子一人某先生卒後亦夭女三人全某葛某沈某其婿也先生初爲舉子業誦習先民時取古文緣飾章句厭而棄去旁涉語錄釋典爲沈深刻厲之文又改而爲恢博奧曠至於其所譚易者則取近代理明義精之學用漢儒博物攷古之功加之湛思直欲另爲傳註不墮制舉方域也其古文詞鵬騫海怒意之所極穿天心月脇而出之苦於才多使天假之年自見涯涘耳詩皆志意所寄媚勢佞生市交游而作聲色者未嘗以片語污其筆端也胸懷洞達熱



心世患視天下事以爲數著可了斷頭穴胸是吾人分  
內事丙寅聞先忠端公七人之禍希風舉羽作楚漁父  
二首傳之吳中許孟宏見而滅其紙相體仁動以告訐  
摧拉異己先生上書王司馬九重禁禦之地九列大臣  
之重一落魄妄男子得以隻手障天狂言作鱷在朝在  
野誰無目攝之讐莫必擠阱之命從此凡百有位相效  
爲負牆鞠躬以事四方屋邑失業亡命作奸犯科之流  
日亦不足矣聖明在上未有信臣鉤索奸隱指陳極弊  
痛切入告者閣下據職言事轉圜納牖直俄頃間事耳



乙亥上以祖陵震驚下詔罪已開釋罪廢召山陰毘陵  
相吳縣諸君子皆有翹然自喜之心先生以爲此消長  
之會也語錢虞山曰古人歎神農虞夏之不可作某謂  
何必黃虞當今日中欲再見隆萬之際士庶風物已不  
可得然則士大夫胸中斷不可仍作當時縉紳受用之  
想服御僕從減省斂敕凡懷貪射利乘間抵隙及故爲  
大言聳聽巧售傾險者預行杜絕積誠刻意盡瘁協恭  
以結主知折讒口則明盛可致不然彼方以仳仳快心  
此復以夬夬意得正如疹瘡一寒一熱出反彌甚元氣



隨之果未幾而烏程排吳縣礫壑陽矣先生之料事如此海寇披倡鎮撫閉關斷旅瞠視無策宣城沈眉生訪余與其客蔡三策俱三策故降盜也精於水戰先生遇之與之談海上事其船式舵工火器白楫皆內地所未有故能縱橫如意三策嘆曰誠能假某戰艘三十隻勇士千餘人當使鯨無縱鱗波有恬日先生卽大聲疾呼於當事給以所言之半稍稍見功而鄉士大夫以門庭養虎咎始事之人爲謀不卒而罷卽清查衛所亦是一時名目而先生以實心行之故人驟見之而駭遂及於



難雖才堪濟世翛然常有世外之致辨書畫識金石古  
奇器焚香掃地與名僧聯牀對語嘗作誓告紫柏文手  
書一冊寄南康推官錢沃心焚歸宗寺古松下古松爲  
紫柏所呪活者也余束髮出游吳來之謂子鄉陸文虎  
志行士也歸而納交於先生從此左提右挈發明大體  
擊去疵雜念終身惇惇之力使余稍有所知者肩生與  
先生二人而已在武林兩京余晨出循衢委巷搜鬻  
故書薄暮一僮肩負而返先生邀之要路信宿還書必  
向余述其梗概如此盛事於今那復可得乙酉十月十



日先生過我草堂嘆息天下事明年訃音亦值是日何其相感之神也銘曰

甬東衣鉢元黃自始凡偶兼混布霧十里於唯先生暨友萬子分別氣類澗石在水後來清流未喪南指嗟我越中尙如月死危言之功曷其可已







劉瑞當先生墓誌銘

王子

崇禎間吳中倡爲復社以網羅天下之士高才宿學多出其間主之者張受先張天如東浙馮留仙鄴仙與之枹鼓相應皆喜容接後進標榜聲價人士奔走輻輳其門蓬華小生苟能分句讀習字義者挾行卷西棹婁江東放慈水則其名成矣其間模楷之人文章足以追古作議論足以衛名教裁量人物譏刺得失執政聞而意忌之以爲東林之似續也當是時慈水才彥霧會姜肱愚劉瑞當馮元度馮正則馮簞溪諸子莫不爲物望所



歸而又引旁近縣以自助甬上則陸文虎萬履安姚江則余兄弟晦木澤望蓋無月無四方之客亦無會不諸子相徵逐也嗚呼盛矣瑞當於諸子中芒寒色正諸子皆引爲畏友初與崑愚齊名坊刻行世稱爲姜劉及崑愚登第又與元度並稱爲劉馮亦猶香山之在唐初稱劉曰繼稱元白矣交道雖廣而所至情契不過數人入閩則友曾弗人林守一之宛則結沈肩生麻孟璿梅朗三過樵李則投夏彝仲其激揚題拂之流望瑞當峨眉天半不可得而親也諸從遊先後成進士至爲天子元



老侍從其下者亦且爲二千石郡縣長吏獨瑞當蹢躅  
老諸生布衣揖讓於博士前晚乃以貢待一儒官胸中  
不能無芥蒂友朋高會瑞當恆坐席端文虎次之酒酣  
耳熱兩人輒離席長歌蔓聲相和唾壺盡闕澤望以盛  
名爲之壻瑞當喟然曰吾爲同輩架累置身鑪鞴之上  
無乃益彰其老醜耶未幾而南北橫潰聲實陸沈交遊  
事息返顧閭里則耑愚元度以疾死留仙鄴仙以憂死  
文虎以刺死簞溪以兵死所在情契鯨鯢相望瑞當之  
風波亦爲里中指名卽場屋放言悲歌流涕亦不可復



得乃爲潔供疏告於嘗所往來者求法書名畫古器奇  
花勉強差排惻然不知有生之樂發爲詩文僻思拙句  
絕似圭峯積久所得嗚呼何其衰也於是一歲之中東  
走訪履安西走訪余兄弟必且再三潦倒以洩其耿耿  
之未下戊子夏瑞當挾其季子一平頭奴刺小航浮江  
而上颶風失楫隨波蕩瀾而至余家未幾適甬越月而  
以訪黃太沖萬履安兩記來余頗怪之瑞當之往來多  
矣獨記此何歟再越月訃至始知其記之爲永訣也瑞  
當深沈有識嘗與之謁劉先生時瑞當北上先生傳語



留仙寇深事急當爲扈從計先生不輕談機事蓋信瑞  
當之深也簞溪受禍親戚不敢過其門瑞當見其夫人  
而謂之曰今日之事夫人惟有自盡吾待命於此夫人  
死瑞當始出瑞當諱應期亦字遂當生於某年某月某  
日卒於某年某月某日世爲慈谿人六世祖煒廣東參  
政高祖錯封山東道監察御史曾祖士逢上海丞祖廷  
褒父志冠封文林郎妣某氏封太孺人娶應氏繼向氏  
子三長甲庠生次有壬次有丁女二長適鄉進士黃宗  
會卽澤望也次適秦某孫男二洙濂孫女一溱瑞當卒



後二十四年十一月二十五日葬於鄮山飛鳧之原甲  
來速銘曰先子心言之托止有姚江余固瑞當之未亡  
友也身歷其盛衰使余不言溪上之風流後來無有知  
之者矣第瑞當去盛時不遠尙且精神殞喪風味轉墜  
逮今一世余皓首而談往事叨叨不已聞者得無厭其  
頑鈍乎汝甲其深藏之也銘曰

汝南月旦自昔重之不有君子孰與主持惟瑞當甫遭  
逢盛時引繩按墨不爲詭隨窮島諸生清議自司坎壈  
而死邪正逆施斯世何樂而爲君悲慈水鳴咽鄮嶺參



差墜言汗履莫使君知

南唐文定公集卷六

三

粵雅堂書







戶部貴州清吏司主事兼經筵日講官次公董公

墓誌銘 乙巳

嘗讀宋史所載二王之事何其畧也夫其立國亦且三年文陸陳謝之外豈遂無人物顧聞陸君實有日記鄧中甫有填海錄吳立夫有桑海遺錄當時與文陸陳謝同事之人必有見其中者今亦不聞存於人間矣國可滅史不可滅後之君子能無遺憾耶乙酉丙戌江東草創孫公嘉績熊公汝霖錢公肅樂沈公宸荃皆聞文陸陳謝之風而興起者一時同事之人殊多賢者其事亦



多卓犖可書二十年以來風霜銷鑠日就蕪沒此吾序  
董公之事而爲之泣然流涕也公諱守諭字次公漢孝  
子黯之裔由慈谿徙鄞曾祖澗祖睦父世登贈戶部主  
事母陶氏贈太安人公以孤童自奮身於學十七歲補  
弟子員其爲制義不苟龔蹈排異邊幅之外甲子舉於  
鄉於時文體一變浙所指名者翁鴻業姜思睿其一公  
也七試南宮不第然達官高第海內庸有不知而無不  
知甬中董次公者東江初建公猶偃息衡門李司農白  
春譙政府曰今小朝廷殊非多士如董某者甯可聽其



不出乎國命倚於餉司非董某不可乃以戶部貴州司  
主事召之當是時孫熊二公皆書生不知兵迎方王二  
帥拱手而授之國成凡原設營兵衛軍俱隸方王而召  
募奇零之街卒田兒則身領之方王既自專反惡諸公  
之參決而分餉分地之議起分餉者以諸公之師謂之  
義兵食義餉以方王之師謂正兵食正餉正餉田賦所  
出義餉勸分無名之征也分地者某正兵支某邑正餉  
某義兵支某邑義餉也有旨會議方王司餉者皆至殿  
陛譁然公厲聲進曰公等今日所爲何事而不爲咫尺



天威地乎於是跪奏王前曰分餉分地非也當以一切  
正供悉歸戶部覈兵而後給餉覈地而後酌給之先後  
所謂義餉者雖有其名不可爲繼義兵食義餉是散遣  
義兵之別名王以爲然方王諸帥雖怒無以難也無何  
王帥請稅漁舟公謂其客胡中書曰今日所恃者人心  
耳料及漁舟其細已甚民弗堪也昔吳越王有西湖漁  
稅由羅隱之詩而罷至今以爲美談傳語武甯使某得  
繼隱之後塵可乎王帥又請塞鄞之金錢湖爲田又請  
行稅人法又請官賣大戶祀田三疏旣上兵士抽刃公



門以待覆公疏湖不可塞祀田不可官賣稅人必至激  
變王帥大怒謂行朝大臣尙不敢裁量幕府何物豎儒  
乃爾事事中格乎上言得孟軻百不如得商鞅一得談  
仁講義之徒百不如得雞鳴狗盜之雄一遂折簡召公  
王雖惜公甚不能爲力陰使公避之公慷慨對曰餉司  
命吏生殺聽於主上非武甯所得崙桓溫劉裕何許奸  
雄亦必托言晉陽之甲無敢擅出一檄執朝臣而去者  
臣歸死上前武甯能以臣血濺丹墀則可舉朝忿忿皆  
言若武甯殺餉司直反耳何復義旗王帥亦迫大義而



止丙戌三月十九日思陵大祥廷議寂然公請朝堂哭  
臨三軍縞素君子以爲知禮武林陸行人培王同知道  
焜皆死節廷議諡培不及道焜公爭曰兩人同死何由  
分其優劣豈以道焜非進士乎今之進士而賣國者累  
累也道焜乃得諡節愍王累欲遷公官而難於代者乃  
兼公經筵日講江東內附異時宦爲大官者皆自削去  
舉人則復求會試公曰嘻吾故司農也焉能爲還魂舉  
人哉掃軌著書一日潯洲破張相國之俘入其孤欲還  
里無有爲之保者公作而曰此吾事也入言於監司公



之干涉當道者二十年中惟此而已公生於丙申十月初四日卒於甲辰十二月二十日年六十有九兩娶皆陳氏贈封安人嗣子諸生道權女子二長字庠生余遵生先卒次適貢生邱承嗣孫一孫符女孫三長字戴煊餘幼啓禎閎社文盛行甬中知名者公與陸符文虎萬泰履安三人而公之議論務不欲與人同故雖與文虎履安同里相好其意見時有出入海內望之者亦知三公之俱爲正人然文虎履安則牽連而舉公則孤行豈知公之不欲同同社者其後卽不欲同方王不欲同諸



失職者之所爲乎公自此遠矣公苦心易學聚古今言  
易數十家考其異同甲午冬十二月余訪公公自言丙  
戌以前所讀書不脫場屋餘習丙戌以後始知有讀書  
一事耳已又以草廬易纂言爲問余疏其卦下之義答  
之以余之固陋而公不棄之如此則無以見公之不欲  
與人同也所著有讀易一抄二抄卦變考畧易韻補遺  
春秋簡秀集公車錄公車錄僅存董口口集藏於家某  
年某月某日將葬公於某處道權撰次行實介萬言貞  
一以誌銘見屬余雖不足以知公猶冀傳其十一後之



君子網羅放失必有取乎此也銘曰

北都巍巍溫陳屠之南國渠渠馬阮俘之於時董公七  
上公車最爾江東公理軍輸人身虎齒環以武夫履而  
不啗易道不孤翠華口口口口苑枯公侯卿相直視如  
奴董公突冗故官舊儒非官之爲重重此身軀曰董口  
口春秋特書



南雷文定前集卷六

譚瑩玉生覆校



南雷文定前集卷七

餘姚 黃宗羲 太冲撰

朱康流先生墓誌銘

丁巳

漳海之學如武庫無所不備而尤邃於易歷三乘易卦  
爲二十六萬二千百四十四以授時配之交會閏積贏  
縮無不昭合詩與春秋遞爲交象屯蒙而下兩濟而上  
二千一百一十五年之治亂燎若觀火其時及門者遍  
天下隨其質之所近止啼落草至於易歷諸子無復著  
坐之處相與探天根月窟者則康流先生一人而已康



成善算馬融許以登樓季通精數文公謂之老友古人授受之嚴大抵不能泛及也先生博稽六藝各有論著其言象數不主邵子之說別爲先天後天八卦圖以爲諸儒之言易者詳於所變而不詳於所未嘗變變者象也未嘗變者太極也時惟適變道必會通不察其適變則微彰剛柔有拘墟之患不觀其會通則屈伸往來有臨歧之泣求諸物而格之反諸身而體之究其大要不過越乎知幾精義二者而已其言小序觀亡詩六篇僅存首句則首句作於未亡之前其下作於既亡之後明矣



子由獨取初辭頗爲得之又謂鄭詩不特詞不淫聲亦  
不淫也詞正則聲正詞淫則聲淫非相離之物又謂作  
詩有賦比興用詩亦有賦比興射義天子以騶虞爲節  
樂官備也諸侯以貍首爲節樂會時也其指事也切其  
取義也直如作詩者之賦體是也大夫以采蘋爲節樂  
循法也士以采蘋爲節樂不失職也以婦女之事喻士  
大夫非比乎以蘋蘩蘊藻之菜筐筥錡釜之器感大夫  
士明信之將非興乎辨古文尙書之非僞謂伏生之書  
如堯典皋謨洪範無逸何嘗不文從字順至於甘誓湯



誓牧誓文侯之命詞旨清夷風格溫雅雜之二十五篇之中無以辨其爲今文爲古文也謂春秋闕文錯簡不特郭公夏五觀於日食之先時後時可知矣論樂者謂調以此始者必以此終首尾何聲卽屬何調先生言誠如是則宮調之中商多於宮可得仍爲宮商調之中宮多於商可得仍爲商乎蓋調也者韻也古人雅淡不爲繁聲慢詞大抵一句之終曳其音以永之而已先生之折衷諸家如此要不盡同於漳海漳海嘗謂先生曰康流沈靜淵鬱所目經史洞見一方苟覃精三數年雖義



文閒奧舍皆取其宮中何必窺人之室乎自漳海懸記  
先生之覃精者近三十年又何以測其所至乎先生諱  
朝瑛字美之姓朱氏康流其別號也晚又號疊菴海寧  
之花園里人曾祖侍御某祖紹皋父完初母查孺人登  
崇禎庚辰進士第知旌德縣期年而以外艱歸旋遭喪  
亂遂不復仕門戶綢繆期功縈繞先生屈其經世之業  
以支吾八口泊然不見喜愠之色酬對甚簡相索於經  
術之內者惟張子待軒所著疊菴雜述金陵遊草行世  
五經畧記文集皆藏於家生於某年乙巳九月卒於某



年庚戌三月年六十有六以弟之子翰思爲後女三人  
查蕙沈研周煒其壻也孫二人協徵協紀孫女二人將  
葬於葑涇之原翰思介吾友陸冰修求誌其墓余丙午  
歲十一月同冰修訪先生於家劇談徹夜綿聯不休盡  
發所記五經讀之出入諸家如觀王會之圖計平生大  
觀在金陵嘗入何元子署中討論五經至此而二耳踰  
年先生以各經畧記首卷見寄荏苒數年欲以一得之  
愚取證而先生不可作矣千年之役固所願也銘曰  
六經之道昭如日星科舉之學力能亡經某題某說主



媚有司變風變雅學詩不知喪弔哭祭學禮所諱崩薨  
卒葬春秋不載演爲說書蒙存淺達棄置神理助語激  
聒所以儒者別開天地漢註唐疏宋語明義百年漳海  
破荒而出象數理學會歸於一壘菴老人入室弟子削  
筆洗硯俗儒心死漳海之學不得其傳葑涇之原畱此  
一綫







徵君沈耕巖先生墓誌銘

有明之輔臣以奪情見劾者三人曰李賢張居正楊嗣昌然劾賢之羅一峯劾居正之趙吳艾沈鄒皆有祿位於朝唯劾嗣昌之沈耕巖則諸生也賢與居正當天下無事之日所失不過一身嗣昌當危急存亡之秋所關乃在社稷耕巖之言拯溺救焚縣記後言不爽累黍又非一峯諸公所言僅在一時也崇禎丙子復保舉之制應天巡撫張國維以耕巖應詔時中原流寇決裂特起嗣昌於苦塊倚以辦賊而嗣昌以熊文燦之招撫爲嘗



試逍遙司馬堂中敗問日至粉飾徒工耕巖慨然國事  
至此朝端尙無一人可任者乃草綱常正而後可以正  
世風一疏謂金革奪情陋儒之曲說君子必不出此卽  
嗣昌迫於君命固應躬歷戎行衽革荷戈而乃支吾旦  
夕安枕京師釀禍憚勞中懷規避將來誤國嗣昌之內  
其足食乎臣竊謂樞臣籌國已誤一疏謂嗣昌旣不能  
循先典乃援起復故事軍旅之寄一付文燦使其聲罪  
除凶三歲之議亦豈爲後以一十二萬方張之師不爲  
不武運二百八十餘萬咸集之餉不爲不充整旅以往



何兇不摧卽使面縛輿櫬猶應宣布皇威而後昭上恩  
德以宥之詎有漫無翦治招之不來強而後可援賊之  
認帖以爲金石講盟結約猶同與國天下有不能殺人  
而能生人者乎有授柄於敵而可懾敵者乎臣不知其  
所終矣通政司張紹先以疏字逾額存案不上耕巖上  
書通政言無使獲罪執事幸甚紹先始請上裁嗣昌亦  
惶恐待罪請進劾己之章有旨這本旣違式卿不必更  
請封進耕巖乃隲括兩疏以就格上之畱中不報黃漳  
海嘆曰此何等事在朝者不言而草野言之乎吾輩真



愧死矣臺省何楷錢增林蘭友詞林劉同升趙士春相繼劾嗣昌最後而漳海有廷辨之事則皆發端于耕巖也向若耕巖之說行斯時易置嗣昌文燦流寇之禍豈至若是哉故識者以爲此番保舉得耕巖一人可以謂之不虛矣耕巖姓沈氏諱壽民字眉生別號耕巖世爲宣州人曾祖寵官至參政學者所稱古林先生是也祖懋敬蒲州丞封德慶知州叔祖懋學翰林修撰父有恆太學生耕巖孤峭不妄言笑爲文深入理窟而出之清眞江右艾千子至宛上評許在盛名之上人駭其言而



卒莫之能易焉故其選時文耕巖之文多入文定不敢輕置於文待一時聲名之盛吳中二張與江上二沈相配二張謂天如受先二沈謂崑銅耕巖不以名位相甲乙也上書報罷不復厯意經生之業與周鹿溪掩關茅曲俱理佐王之學無何而黨禍作阮大鍼之在畱都也以新聲高會招來天下之士利天下有事行其婢闔耕巖劾楊疏尾有大鍼妄畫條陳鼓煽豐芒於是顧杲吳應箕推耕巖之意出南都防亂揭合天下名士以攻之大鍼恨甚以爲主之者鹿溪也及大鍼得志曲殺鹿溪



按揭中姓氏次第欲誅之而以耕巖爲首余亦與焉且聞溧陽亡命投止耕巖矯詔將下溧陽返北耕巖遂變姓名入金華山中南都亡而事解耕巖遂不返故園東遷西徙入山惟恐不深瓶粟旣罄採藜藿以續食有知而餉之悉行謝絕曰士不窮無以見義不奇窮無以明操郡守朱元錫曾寄十金耕巖意不欲受皮置壁中三年塵甑未嘗一發視也溧陽旣相將特疏薦之端使寓書耕巖不開封對使焚之溧陽意猶未已耕巖寄書謂之曰龔勝謝枋得其智非不若皋羽所南也而卒以隕



厥軀者緣多此物色故耳故凡今之欲徵僕薦僕者直欲死僕者也溧陽嘆曰先生所謂名可聞身不可得見者也乙未始返故廬松菊無存田園半割或請直諸曰身旣隱矣焉用直之然避人愈深其名愈著當事或邀之半道則望望而去比之元亮人以爲隘焉乙卯五月屬疾門人吳肅公侍耕巖命其載筆曰以此心還天地以此身還父母以此學還孔孟語畢而卒是月之三日也年六十九遺集若干卷閑道錄若干卷配徐孺人先十九年卒子六人洙燮榆鑒埏逢將以某年葬於某所



耕巖重然諾一切皆有至性友人周梅骨死海外其子  
幼耕巖渡海葬其骨鹿溪之歿也家業零落藐諸孤爲  
逋負所逼耕巖鬻田以償之不足貸諸人又不足屬諸  
門人鹿溪始有完卵故自言才疎意廣甲申以前貸金  
至六百以上皆急朋友之急也余少遭患難輟業者久  
之庚午邂逅耕巖於南中惻惻之力何日忘之癸酉耕  
巖訪余至姚江戊寅余訪耕巖至宛上而不遇改革以  
後兩番寄詩亦不知其達不達也甲辰在姑蘇與鄒文  
江約將以秋冬之際同訪耕巖日復一日文江不來而



老母年登九旬余遂不可遠行矣茫茫禹跡余之不可  
以告人者欲向耕巖盡之豈料竟無相見之期耶乙卯  
八月接耕巖永訣一書乃是年四月二十日所寄去易  
簣十有三日耳以數年不通尺一忽得之易簣之際不  
可謂非吾兩人之冥契也先生之子逢不遠千里求誌  
幽石余泣然和淚而銘曰  
吳門之卒卽攻王氏之人西臺之哭卽劾似道之臣嗚  
呼耕巖千載同論







陳定生先生墓誌銘

甚哉小人之愚也小人之仇君子必指之爲朋黨大書深刻列其姓名將使後世之人同心疾之也然蔡京立元祐姦黨碑而三百九人者後人各爲之列傳韓侂胄立慶厯黨人碑而劉後溪遂以慶厯黨人之名名游監簿之墓黨人之家亦各以其名名其門第原小人之心固謂被是名者不勝其辱矣孰知適以榮之耶天啓閒逆奄竊國是時有百官圖邪黨錄天監錄同志錄點將錄依之以盡殺朝廷之士所謂東林黨人也其閒侍從



之臣楊左以外宜興少保陳公爲之魁崇禎末阮大鍼  
作蝗蝻錄以復社名士填之謂是東林後勁欲依之以  
盡殺天下之清流其閒定生先生爲之魁按元祐黨人  
唯司馬光司馬康范純仁范正平呂公著呂希仁父子  
名在黨籍而先生之父子實似之訖今四十年貞元朝  
士無多劫塵冷落天子開明史局根括天下藏書於是  
東林黨籍稍稍復出而先生父子皎然與日月爭光可  
不謂之榮耶先生諱貞慧字定生陳氏爲止齋之後由  
永嘉徙宜興遂爲望族曾祖諱憲章祖諱一經皆贈左



都御史父諱于廷仕至左都御史贈少保母張氏贈夫  
人生母湯孺人少保四子長貞貽有文名而天次貞裕  
天啓甲子舉人次貞達戶部主事左遷順天知事國變  
死節季卽先生也先生幼而奇傑少保喪其才子居恆  
鬱鬱不樂顧先生在側曰賴有此耳弱冠補弟子員廩  
於學宮侍少保宦遊南北凡朝政之缺失君子小人之  
消長口談筆記皆出經生聞見之外居家孝謹庭闈之  
內無疾言遽色念長兄之才恐其遂至淪沒因梓行其  
書少保沒同邑故相以生前睚眦修怨其孤有取子毀



室之虞先生揅定良苦故相知其不可以力屈也好言  
慰藉之先生落落如故時周仲馭沈眉生讀書句曲先  
生與吳次尾讀書亳村皆好佐王之學獨持清議裁量  
公卿天下望之如鑠錙出匣當是時烏程執政八年以  
禁錮東林爲事淄川韓城承有衣鉢東林雖時出彈射  
有勝有不勝而終不能覆妖鳥之巢以得志于時漳海  
在獄利害尤急三吳君子閒出奇計謂不如援彼黨一  
人以爲兩家騎郵庶放東林出一頭地僉諧故相而故  
相所最嚮者爲阮大鍼大鍼亦從吳中咕囁耳語曰苟



使大鉞得改事諸君所謂生死而骨肉也溺灰陽焰置  
酒高會南中之士入其牢籠者強半吳中諸公恐仲馭  
未之許也邀之半道會于虎邱天如來之以謀告仲馭  
持論不下

此仲馭親爲余言  
今人恐無知者

會眉生保舉入京劾楊武

陵并及大鉞妄畫條陳鼓煽豐芒大鉞始沮喪先生與  
次尾因草畱都防亂揭顧子方曰大鉞者吾祖之罪人  
也吾當爲揭首其次則天啓忠臣之家故余與左魏繼  
之一時勝流咸列其姓名大鉞杜門咋舌欲死故相出  
山大鉞猶不忘援手故相曰南中議論與吳中駁異未



便可動大鉞曰廢籍馬士英某之化身也其可乎故相  
諾之而去崇禎己卯金陵解試先生次尾舉國門廣業  
之社大畧揭中人也崑山張爾公歸德侯朝宗宛上梅  
朗三蕪湖沈崑銅如皋冒辟疆及余數人無日不連輿  
接席酒酣耳熱多咀嚼大鉞以爲笑樂士英定策大鉞  
暴起國狗之瘐無不噬也遂廣揭中姓名以造蝗蝻錄  
思一網殺之仲馭下獄死眉生次尾崑銅皆亡命余與  
子方從徐署丞疏逮問而先生亦爲校尉縛至鎮撫事  
雖解已濱十死矣若是乎宏光南渡止結得畱都防亂



揭一案也國亡之後殘山剩水無不戚戚可念埋身土  
室不入城市者十餘年先生卽甚貧乎而遺民故老時  
時猶向陽羨山中一問生死流連痛飲驚離弔往恍然  
如月泉吟社也所著有皇明語林山陽錄雪岑集交遊  
錄秋園雜佩八大家文選若干卷生于萬厯甲辰十二  
月九日卒于順治丙申五月十九日年五十三配湯孺  
人左都御史湯公兆京女子男五人長維崧翰林院檢  
討次維嶠庠生次維岳太學生次宗石黎城縣丞次維  
岡女二人吳璟吳全昌其壻也孫男四人履端履慶伊



漣孫女十一人維崧以先生卒後六年十一月葬于毫  
村新阡又後十有八年從京師函幣寄余求銘幽石維  
崧以博學宏儒徵入史局天下方藉以發潛德之幽光  
而況于其先公乎乃不憚數千里之遠下訊草野其亦  
司馬子長徵于夏無且之意歟銘曰

嗚呼是爲宏光黨人之墓佞臣過之尙避其風雨



汪魏美先生墓誌銘

汪魏美之卒徐蘭生屬余誌銘曰吾當先之以狀也荏  
苒十六年狀不可得頃見蘭生十哀詩畧具魏美事實  
又見金道隱汪孝廉傳因採兩家之言而誌之以覆蘭  
生使授其子魏美諱淝新安人徙於錢塘祖父某父某  
妣某氏魏美孤貧力學舉崇禎己卯鄉薦乙酉兵亂奉  
母入天台海上師起羣盜滿山始返錢塘僑寓北郭室  
如懸罄處之憺如當是時湖上有三高士之名皆孝廉  
之不赴公車者魏美其一焉當事亦甚重之監司盧公



允下士一日值魏美於僧舍問汪孝廉何在魏美應曰  
適在此今已去矣盧公然之不知應者之卽魏美也盧  
公遣人通殷勤於三高士者置酒湖船以世外之禮相  
見其土人幅巾抗禮盧公相得甚歡唯魏美不至爲恨  
事已知其在孤山放船就之魏美終排牆遁去魏美不  
入城市不設伴侶始在孤山尋遷大慈菴又遷寶石院  
匡牀布被之外殘書數卷鎖門而出或返或不返莫可  
蹤跡相遇好友飲酒一斗不醉氣象蕭灑塵事了不關  
懷然夜觀乾象書習王遁知其耿耿者猶未下也余丁



西遇之孤山頗講龍溪調息之法各賦三詩契勘戊戌  
三宜孟設供同坐葛仙祠己亥二月望笑魯菴中坐月  
至三更夜寒甚菴中止有一被余與魏美兩背相摩  
得少煖氣明日余入雲居訪仁菴魏美矢不入城至清  
波門別去從此不復相值有傳其在洞庭山者乙巳七  
月三十日終於寶石僧舍年四十八臨歿悉舉書卷焚  
之詩文無一存者妻某氏子蓮嘗思宋之遺民謝翱吳  
思齊方鳳龔開鄭思肖爲最著方吳皆有家室翱亦晚  
娶劉氏開至貧畫馬有子同居唯思肖孑然一身乞食



僧廚魏美妻死不更娶有子托于弟行事往往與思肖相類遺民之中又爲其所甚難者道隱言盡大地人未有死者七趣三世如旋火輪皆熾然而生求不生者了不可得君卽不壽何患不仙要以所苦不得無身則諒君仙後尙當與予求必死之道此言魏美調息長生之非也道隱之所謂熾然而生者卽輪迴之說所謂必死之道卽安身立命于死了燒了之說也而余之論生死正是相反天地生氣流行人以富貴利達愛惡攻取之心熾然而死之輪迴顛倒死氣所成魏美之志如食金



剛終竟不銷此不銷者不可得死忠孝至性與天地無窮甯向尸居餘氣同受輪迴乎道隱視此與萬起萬滅之交感一類斷絕其種子則乾坤或幾乎息矣銘曰學問之道在乎立志凡可奪者皆原于僞桑海之交士多標致擊竹西臺沈雨古寺年書甲子手持應器物換星移不堪憔悴水落石出風節委地侃侃魏美之死靡二何意百鳥乃見孤鷲死而不亡惟此生氣







王仲撫墓表

己酉

君諱正中字仲撫直隸保定人登丁丑進士第未謁選  
索游於高唐州會大兵南下轉運銀杠亦避入高唐大  
兵圍高唐州守以爲銀杠旦晚是敵物不如以此嚮城  
免士女屠戮流離之苦立要約使與議者押字仲撫與  
焉事平轉運者上失物狀於是逮高唐守及仲撫論死  
繫獄數年刑科給事中李靖理而出之降補揚州照磨  
移知長興縣國變後失官避地於紹興截江時以兵部  
職方司主事攝餘姚縣事是時公私赤立剽奪爲豪市



魁里正朝得割付一紙幕便入民舍根括金帛係僮丁壯交錯道路郡縣不敢向問爲某營也仲撫設兵彈壓各營取餉必使經由於縣品覈資產裁量以應之非是則爲盜賊總兵陳梧敗於樵李渡海至姚鹵掠鄉聚仲撫遣兵擊之鄉聚相犄角殺梧行口忌仲撫者以此聲討某謂梧之見殺犯眾惡也不當罪正中上疏救之乃止張國柱劫定海王總兵縱兵大掠列船江上入城牢搜者二千人仲撫攔止所圍大姓數家從仲撫丐命仲撫爲之消息國柱終不得志而去田仰荆本徹先後過



姚舟楫蔽江皆帖帖俯首不驚雞犬蓋人民之恃仲撫  
一時如決水之堤焉陞監察御史尙寶寺卿朱大定太  
僕寺卿陳潛夫兵部主事吳乃武皆從浙西來受約束  
壇山烽火達於武林仲撫短小精悍喜於任事雖以武  
甯羣從得不爲列營所撓亦其智計有以副之也好讀  
實用之書不事文彩其言星象則從閩人柯仲爛於獄  
中受之行口初建進口所著監國魯元年大統歷丁亥  
訪某山中某時註授時歷仲撫受之而去壬辰來訪授  
以律呂辛丑來訪授以壬遁仲撫皆能有所發明白某



好象數之學其始學之也無從叩問心火上炎頭目爲  
腫及學成而無所用屠龍之技不待問而與之言亦無  
有能聽者矣楚然之音僅一仲撫又以饑火驅走南北  
丁未二月遇之越城爲言年來益困將於鑒湖濱佃田  
五畝佐以醫卜續食耳其年八月十九日仲撫卒年六  
十九權厝於山陰之陳常堰所著周易註若干卷律書  
詳註一卷子一人三捷嗟乎某與仲撫交二十餘年與  
之同事而無成與之共學而未畢仲撫生時已無人知  
仲撫者向後數年復更何如此紙不滅亦知稽山塊土



曾塞黃河也







談孺木墓表

丁巳

君談氏名遷字孺木海寧縣人初爲諸生不屑場屋之僻固狹陋而好觀古今之治亂其尤所注心者在明朝之典故以爲史之所憑者實錄耳實錄見其表其在裏者已不可見况革除之事楊文貞未免失實泰陵之盛焦泌陽又多醜正神熹之載筆者皆宦逆奄之舍人至於思陵十七年之憂勤惕勵而太史遯荒皇成烈焰國滅而史亦隨滅普天心痛於是汰十五朝之實錄正其是非訪崇禎十七年之邸報補其缺文成書名曰國權



當是時人士身經喪亂多欲追敘緣因以顯來世而見  
聞窄狹無所憑藉聞君之有是書也思欲竊之以爲己  
有君家徒四壁立不見可欲者夜有盜入其室盡發藏  
稿以去君喟然曰吾手尙在甯遂已乎從嘉善錢相國  
借書復成之陽城張太宰膠州高相國皆以君爲奇士  
折節下之其在南都欲以史館處君不果亡何太宰相  
國相繼野死君亦棄諸生北走昌平哭思陵西走陽城  
欲哭太宰未至而卒丙申歲冬十一月也蓋君於君臣  
朋友之間實有至性故其著書亦非徒爲盜名之祕經



而已余觀當世不論何人皆好言作史豈真有三長足  
掩前哲亦不過此因彼襲攘袂公行苟書足以記名姓  
輒不難辨權而論之史之體有三年經而人與事緯之  
者編年也以人經之者列傳也以事經之者紀事也其  
閒自有次第編年之法春秋以來未之有改也有編年  
而後有列傳故本紀以爲列傳之綱有編年而後有紀  
事故紀事爲通鑒之目奈何今之作者矢口遷固而不  
屑於悅宏夫作者無乘傳之求州郡鮮上計之集不能  
通知一代盛衰之始終徒據殘書數本諛墓單辭便思



抑揚人物是猶兩造不備而定爰書也以余所見近日  
之爲口口者其人皆無與乎文章之事而公然長篇累  
牘行世藏家輒欲與五經方駕三志競爽豈以後世都  
可欺乎君乃按實編年不銜文彩未嘗以作者自居異  
日有正明世之事者知在此而不在彼也君之子祺求  
余表墓余美無溢辭亦史法也



張元帖先生墓誌銘

海昌有窮經之士二人曰朱康流張元帖短簷破屋皆  
拌數十年之力曉風夜雨沈冥其中兩人每相攻難故  
其成書彼此援引用張其說以余所見兩先生詩易言  
之康流但究旨要諸家聽其散殊不爲收拾元帖錯綜  
積玉忘懷彼我康流於易研尋圖象盡拔趙幟元帖宗  
主王程以玩辭爲本至于指歸日用不離當下因孔子  
而求文周因文周而求義易則兩家一也康流於詩美  
刺如霜雪元帖纏綿悽愴有流離世故之感至取序首



一語推原詩前之意則兩家一也兩人皆遭喪亂而皆能以經術顯則人力信乎可與天爭矣先生諱次仲字元帖別號待軒曲江之裔七傳至光翰光翰子用忠事吳越王屢立戰功歸老海寧之棗林河大德末仲山爲其邑許村場鹽課司子思賢徙居城東其族始太祖某父某先生七歲就外傳遂授易八歲母密孺人疾病割股而愈十八歲爲諸生郡邑聞其事旌表之旣而撫按欲具奏先生辭曰童幼無知思之猶有餘愧可復以此沽名耶父與亭戶訟直指聽之先生偕父坐獄於庭父



不勝直指曰何與諸生事先生曰父子至情非明府之法可移直指視其瞻對慷慨爲之罷訟舉天啓辛酉浙江鄉薦虞山處之若畏友當是時坊社正盛先生所選擬古清裁判落浮華多發天然爲世所貴韓求仲周介生選家巨擘亦以爲不如然先生矜貴自喜未嘗標榜以樹聲名一時名流視爲別調先生喜親前輩得其一言終身奉爲藥石許淮安同生初見先生語之曰爲官自居鄉始子其慎諸先生由此一生無竿牘郡邑之事章給事格菴邂逅先生謂曰近名事慎勿爲之選政其



一也先生憬然從此斷手先生楷模前輩風範其與人  
言亦不肯作一熟軟語同學以御史行部先生送之間  
今日從何處做起御史曰吾安能爲乎惟塘塞過去耳  
先生怫然曰天下事皆塘塞二字壞之不意足下亦有  
是言滎雨士大夫皆集先生倡言諸公亦知之乎一月  
以來無日不雲無日不雷而雨終不至上天之意視斯  
民之困苦若不得不雨視士大夫之驕奢若不可雨其  
徘徊于兩歧之間乎聞者愕然先生雖苦力著書然未  
嘗忘世學雙劍學長鎗皆精其技久之棄去先世充亭



戶其業者苦於官課先生置義田一百七十畝以除其  
害邑令以清丁致擾而難於驟改先生曰明府志在利  
民不利則已非無執持也令然之房師吳以時上疏請  
定胥吏稅役以寬民賦先生論其不可惡胥吏而稅之  
亦抑末之意也旣稅其役則胥吏有辭於偷矣邑故有  
黃生絹役前令革之奸民謀復以便乾沒先生言於石  
守乃已先生以人利害爲身苦樂故興利除害之際必  
毅然當之不讓然以五十餘年老孝廉八科下第不當  
纖芥之任天下搖搖如覆舟袖手旁觀歛嘆息其設



施之可見者鄉邦一二細事耳豈不可惜哉余嘗疑世風浮薄狂子僂民羣起糞掃六經溢言曼辭而外豈有巖穴之士爲當世所不指名者而先生孤燈款對意通響象別有寒餓相與綢繆沈繼震字子起武林人矮几折足俯首以注六經婦抱女孩徙倚四壁寒風凜然不知世閒富貴爲何物先生云孤苦四十餘年天心來復賜以子起又云世人皆飽死而子起獨餓死子起卽捧此枵腹可見列聖于地下若輩飽死更何益胡廷試字玉呂餘姚人嘗爲弇州塾師崛強不肯伏弇州臨卒欲



聞炮聲散其鬱結終夜不徹乃瞑一生知己先生一人而已然則世非無其人能知其人之人少也先生既知其人矣得無以死後餘力引而齊之使子起玉呂亦從先生而傳乎余故序之先生誌後猶昔葉水心之例也先生以康熙丙辰四月某日卒年八十八娶徐氏子三人昂貢生晟庠生景國學生皆先卒孫一人訥諸生曾孫三人貞觀正觀永觀皆余兒百家之門人也卒後幾年葬於某原訥鑱墓石再拜求銘銘曰

我於先生把臂語溪高冠岌岌長佩陸離又後十年訪



于海涯一樽相對祈死爲辭曾不十日臯復隨之維此  
十日畱以待羲宋之遺民經之大師書帶環墳千載如  
斯



李杲堂先生墓誌銘

文章不特與時高下亦有地氣限之明越兩郡其地密

邇同一風氣明初楊鐵崖戴九靈

戴寓明州

爲文學宗老唐

丹崖謝元功趙謙比肩而作宋無逸鄭千子皆楊門弟

子其時師友講習炳然阡陌一時號爲極盛凌夷正嘉

而後競起邪宗孫文恪輸心於槐野余君房瓣香於子

威赤水月峯疎密不同而文勝理消謂論語爲孔子之

文選耳苟肆狂狷無所取裁陳後岡徐文長雖異趨時

風眾勢無以發伏鼉之雄氣卽如陽明之文韓歐不足



多者而謂文與道二溝而出諸文苑是故兩郡作者敝精神乎蹇淺由來矣先生初亦不避輕華其後每得余作往往嗟悵因相與校覆雅鄭洗其偷薄之說推原道藝之一先生不以余空隙一介之知而忽之也自此轉手大放厥辭同里稍稍響應翻然於不迫於是東浙始得古文正路而由之四境之內凡有事於文章者非先生無以訖意轉相求請充牣昔席方外詩人得先生一言便可坐高聲價款門雲水疲於應接里中有鑒湖社倣場屋之例糊名易書以先生爲主考甲乙樓上少長



畢集樓下候之一聯被賞門士臚傳其人拊掌大喜如  
加十賚明州自東沙好文下士主張藝林士無不捧珠  
槃而至者然其氣力足以鼓動不盡關著作先生以布  
衣幾與之頡頏而肺疾爲梗流放家門海內知之者尙  
未滿其量也先生諱文胤字鄴嗣今以字行別號杲堂  
宋忠襄李顯忠之後世居清澗忠襄曾孫守真始遷於  
鄞其下六世是爲先生之高祖循義嘉靖癸未進士御  
史出守衡州曾祖生威舉於鄉官鳳陽府推官其孫卽  
守貴州之巡撫樓也因贈兵部尙書祖德升永平衛經



歷父桐崇禎丁丑進士禮部儀制司主事先生風骨不  
恆年十二三能詩卽有秀句十六爲諸生侍儀部官嶺  
外通人張孟奇深所歎異歸而時名方起直兵革之際  
睚眦觸死儀部下省獄先生亦驅至定海縛馬廐中七  
十日事得解儀部之喪從省至放聲一哭遂絕意人世  
穿窬草石與失職之徒萬悔菴徐霜皋高辰四諸君緣  
情綺靡音調淒涼先生雖不逃禪而酒痕墨蹟多在僧  
寮野廟木陳悟畱山曉天岳皆結忘年之契四方勝流  
之至甬上者先生卽匿迹甚深亦必停車披帷詩酒流



連否則似垂橐而歸矣先生愍郡中文獻零落倣遺山中州集例以詩爲經以傳爲緯集甬上耆舊詩搜尋殘帙心力俱枯其布衣孤賤尤所惋結宛轉屬人則頓首丁甯使其感動奪之鼠塵績筐錫笛之下以發其光彩若片紙未出先生自比長吉之中表凜乎有不祥之懼焉書成立詩人之位祀以少牢聞者爲之軒渠張司馬死故國先生葬其兩世楊侍御文瓚亦以連染死淺土十棺語溪曹廣葬之先生爲歌詩記其事凡見聞所及美事先生不肯讓人先生尤長於麗語使當詞頭之任



真足華國而以廟堂金石散爲竹枝禪頌之音豈不可  
惜然宋景濂謂謝翱方鳳吳思齊皆工詩客浦陽浦陽  
之詩爲之一變向若先生草率青雲苟非勞謙尼口亦  
豈能一變甬東之風氣如三子哉生于天啓壬戌四月  
二日卒于康熙庚申十一月八日年五十九娶某氏子  
一人瞰女六人長適萬斯備次適邱瑜次適沈紹雯次  
適林獬錦餘未行瞰將以某年月日葬先生於某原與  
斯備來速銘銘曰

文之美惡視道合離文以載道猶爲一之聚之以學經




史子集行之以法章句呼吸無情之辭外強中乾其神  
不傳優孟衣冠五者不備不可爲文野人議璧稱好隨  
羣此言余發以告先生先生曰然但苦三彭匠石郢人  
霜鐘應律先生之死吾無爲質



南雷文定前集卷七

譚瑩玉生覆校






















































PL  
2451  
-y8  
v.218  
南雷文定前集卷八

餘姚

黃宗羲

太



萬充宗墓誌銘

五經之學以余之固陋所見傳註詩書春秋皆數十家  
三禮頗少儀禮周禮十餘家禮記自衛湜以外亦十餘  
家周易百餘家可謂多矣其聞而未見者尙千家有餘  
如是則後儒於經學可無容復議矣然詩之小序書之  
今古文三傳之義例至今尙無定說易以象數讖緯晦  
之於後漢至王弼而稍霽又以老氏之浮誕魏伯陽陳



搏之卦氣晦之至伊川而欲明又復以康節之圖書先後天晦之禮經之大者爲郊社禘祫喪服宗法官制言人人殊莫知適從士生千載之下不能會衆以合一由谷而之川川以達於海猶可謂之窮經乎自科舉之學興以一先生之言爲標準毫秒摘抉於其所不必疑者而疑之而大經大法反置之而不道童習自守等於面牆聖經興廢上關天運然由今之道不可不謂之廢也此吾於萬充宗之死能不慟乎充宗諱斯大吾友履安先生之第六子也其家世詳余先生誌中充宗生逢喪



亂不爲科舉之學湛思諸經以爲非通諸經不能通一經非悟傳註之失則不能通經非以經釋經則亦無由悟傳註之失何謂通諸經以通一經經文錯互有此畧而彼詳者有此同而彼異者因詳以求其畧因異以求其同學者所當致思者也何謂悟傳註之失學者入傳註之重圍其於經也無庸致思經既不思則傳註無失矣若之何而悟之何謂以經解經世之信傳註者過於信經試拈二節爲例八卦之方位載於經矣以康節離南坎北之臆說反有致疑於經者平王之孫齊侯之子



證諸春秋一在魯莊公元年一在十一年皆書王姬歸  
於齊周莊王爲平王之孫則王姬當是其姊妹非襄公  
則威公也毛公以爲武王女文王孫所謂平王爲平正  
之王齊侯爲齊一之侯非附會乎如此者層見疊出充  
宗會通各經證墜緝缺聚訟之議渙然冰泮奉正朔以  
批閭位百注遂無堅城而老生猶欲以一卷之見申其  
後息之難宜乎如腐朽之受利刃也所爲書曰學禮質  
疑二卷周官辨非二卷儀禮商二卷禮記偶箋三卷初  
輯春秋二百四十卷燼於大火復輯絕筆於昭公丁災



申陽艸各一卷其間說經者居多萬氏家譜十卷噫多  
矣哉學不患不博患不能精充宗之經學由博以致精  
信矣其可傳也然每觀古人著書必有大儒爲之流別  
而後傳遠如蔡元定諸書朱子言造化微妙唯深於理  
者能識之吾與季通言而不厭也故元定之書人皆敬  
信陳澔之禮記集說陳櫟之禮記解吳艸廬曰二陳君  
之說禮無可疵矣故後皆列之學宮自蕺山先師夢奠  
之後大儒不作世莫之宗牆屋放言小智大黠相煽以  
自高但有講章而無經術充宗之學誰爲流別余雖嘆



賞而人亦莫之信也充宗爲人剛毅見有不可者義形於色其嗜義若饑渴張蒼木死國難棄骨荒郊充宗葬之南屏使余誌之春秋野祭蓋不異西臺之哭焉父友陸文虎甬中所稱陸萬是也文虎無後兩世之喪皆在淺土充宗葬其六棺凡所爲皆類此不以力絀隻輪而自阻也崇禎癸酉六月六日其生也康熙癸亥七月二十六日其卒也娶陸氏子一人諸生經能世其學充宗之卒余許銘其墓以鄭禹梅之跋翁傳盡其大指故閣筆者久之而經累請不已又二年始克爲之銘曰



三代之始懸隔千祀制度文爲三傳三禮牛毛繭絲精  
微在此釋者以意或得或否躡訛踵陋割裂經旨侃侃  
充宗尋源極委會盟征伐冠昏喪紀如捧珠槃如承明  
水如服元端不謂故紙三尺短碑西溪之址書帶環之  
不生葛藟







陸周明墓誌銘

甲辰

司馬遷傳游俠以鄉曲之俠與獨行之儒比量而賢夫  
俠者以布衣之俠與卿相之俠比量而難夫布衣然時  
異勢殊乃有儒者抱咫尺之義其所行不得不出游俠  
之途既無有士卿相之富厚其所任非復閭巷布衣之  
事豈不尤賢而尤難哉十年以前亦嘗從事於此心枯  
力竭不勝利害之糾纏逃之深山以避相等之急此事  
遂止其時周明與其客以十數見過皆四方知名之士  
余閒至其城西田舍復壁柳車雜賓死友咄嗟食辦余



既自屏周明亦不相聞問然頗聞其喜事益甚江湖多傳周明姓名以爲異人嗟乎周明亦何以異於人哉華屋甫田婚嫁有無人情等爾亦唯是胸中耿耿者未易下臍人見其踵側焦原手搏彫虎遂以爲異雖然周明一布衣諸生又何所關天下事而慷慨經營使人以俠稱是乃所以爲異也周明姓陸氏名字燭鄞縣人也祖某父世科大理寺卿母某氏配周氏崔氏子經異經周堦萬斯大少與錢司馬讀書忼慨有大志司馬江上之事周明實左右之祥興航海其諸臣風帆浪楫棲遲金



鼇牡螭之閒非內主之力則亦莫之能安也癸卯歲周明爲降卒所誣捕入省獄獄具周明無所詿誤脫械出門未至寓而卒周明以好事盡其家產室中所有唯草薦敗絮及故書數百卷訃聞家中整頓其室得布囊於亂書之下發之則人頭也其弟春明識其面目捧之而泣曰此故少司馬篤菴王公頭也初司馬兵敗梟頭於甬之城闕周明思收葬之每徘徊其下一日見暗中有叩首而去者跡之走入破屋周明曰子何人其人曰吾漁人也周明曰子必有異無爲吾隱其人曰余毛明山



曾以卒伍事司馬今不勝故主之感耳周明相與流涕而詣汪子雲計所以收其頭者江子雲者故與周明讀書錢公之將也失勢家居會中秋競渡遊人襍沓子雲紅笠握刀從十餘人登城遨戲至梟頭所問守卒曰孰戴此頭也者卒以司馬對子雲佯怒曰嘻吾怨家也亦有是日乎拔刀擊之繩斷墮地周明明山已豫立城下方是時龍舟噪甚人無回面易視者周明以身蔽明山拾頭雜儔人而去周明得頭祀之書室蓋十二年矣而家人無知者至是而春明始瘞之昔李固之死汝南郭



亮左提章鉞右乘鐵鑕詣闕上書乞收其屍南陽董班亦往哭固殉尸不肯去樂布奏事彭越頭下祠而哭之彼皆門生故吏故冒死而不顧周明之於司馬非有是也一念憐其忠義遂不惜扞當世之文罔所謂尤賢尤難者不更在是乎初周明讀書時有弟子訟其師師不得直周明詣文廟伐鼓慟哭卒直其師而後止昔震川敘唐欽堯爭同舍生之獄以爲生兩漢時卽此可以顯名當世在周明視之尋常瑣節耳獨恨不得司馬遷以拾之余因萬斯大而論次僅以答周明曩者之一顧也



銘曰

或駭其奇或嘆其拙茫茫宇宙腐儒蚓結



進士心友張君墓誌銘

心友張君沒於京師其友無不哀之哀其有才而業未就也有志而學未遂也慨自時風眾勢趨於科舉一途苟非卓立千古之士一第進士便意滿志得以爲讀書之事畢矣故流俗之論雖穿穴經傳形灰心死至於老盡者苟不與策名皆謂之無成豈知場屋之外復大有事古今事物錯落高下不以涯量帝王之所經營聖賢之所授受下而緣情綺靡之功俱屬吾人分內學者窮年矻矻彷彿其涯涘而不可得總逸才命世抗志思古



道之未通吾夫子所謂苗而不秀秀而不實在此而不  
在彼也君天姿朗秀率性聰達年二十四舉於鄉明年  
登進士第縱橫指取無不如意流俗莫不交口羨之爲  
人得如君則亦已矣而君獨欲然不自以爲足將暫息  
乎其已學者而勤乎其未學者於是親師取友里中有  
講經會君帖帖坐諸生下恐不卒得聞同邑范氏多藏  
書余偕同學借抄日計君所手抄過於傭書者君不特  
抄之而且發之爲詩無僻固狹陋之習使由是而之焉  
則且淳之爲道德流之爲文章溥之爲事業皆未可知



未幾而君卒矣乃僅僅以詩見之於友朋間是其才可  
惜而志可哀也故論君者不在君之所就於其所未就  
者君自此遠矣君諱士埏字心友別號雪汀張氏顯於  
宋宰相知白無子以兄子子思爲後仕至尙書工部侍  
郎後有鰭者自滄州徙鄞鰭孫用明遷雲龍溪明永樂  
間用明之後允肅贅城西青石橋余氏因家焉允肅生  
甯甯生泮宏治辛酉鄉進士知豐縣改汀州府學教授  
聚徒講學稱爲味芹先生味芹生仕仕生國紀國紀生  
一相一相生遐勲字振寰治產積居與時逐遂至富厚



君其仲子也君應授推官以汰冗員改知縣值銓選壅  
滯又連丁內外艱需次於家者十餘載讀書之外好古  
書畫法帖與其友陳夔獻陳介眉范國雯王文三鄭禹  
梅之輩相砥礪於古昔乙卯始入京候補行人丙辰卒  
於寓舍康熙十五年某月某日也距生崇禎十三年庚  
辰某月某日年三十七蓋未沾一命而卒士人白首窮  
經得貢於天子者固難貢於天子矣得登進士第尤難  
之難也既第進士則解褐除官直易易耳君何易其所  
難而難其所易鄉黨親戚以爲君之不幸君子固未嘗



以此置欣戚於其閒也娶陳氏卽夔獻之女弟子二人  
錫璜縣學生錫璫太學生君將北上預營葬地於吳家  
斗繪圖賦詩以爲達豈知其風流將盡志一之動氣乎  
錫璜錫璫以國雯之狀來請銘余不得辭銘曰

蹙蹙章句錮人性命視一科名以爲究竟正如海師針  
經錯亂妄認魚背指曰洲岸所以古人舉頭天外些少  
得志曾不芥蒂此意無窮海怒鵬騫希賢希聖以至希  
天吁嗟雲汀風雲呼翕如此之人曾不四十



...

...

...

...

...

...

...

...



王征南墓誌銘 己酉

少林以拳勇名天下然主於搏人人亦得以乘之有所謂內家者以靜制動犯者應手卽仆故別少林爲外家蓋起於宋之張三峯三峯爲武當丹士徽宗召之道梗不得進夜夢元帝授之拳法厥明以單丁殺賊百餘三峯之術百年以後流傳於陝西而王宗爲最著温州陳州同從王宗受之以此教其鄉人由是流傳於温州嘉靖閒張松溪爲最著松溪之徒三四人而四明葉繼美近泉爲之魁由是流傳於四明四明得近泉之傳者爲



吳崑山周雲泉單思南陳貞石孫繼槎皆各有授受崑  
山傳李天目徐岱岳天目傳余波仲吳七郎陳茂宏雲  
泉傳盧紹岐貞石傳董扶輿夏枝溪繼槎傳柴元明姚  
石門僧耳僧尾而思南之傳則爲王征南思南從征關  
白歸老於家以其術教授然精微所在則亦深自祕惜  
掩關而理學子皆不得見征南從樓上穴板窺之得梗  
槩思南子不肖思南自傷身後莫之經紀征南聞之以  
銀卮數器奉爲美櫝之資思南感其意始盡以不傳者  
傳之征南爲人機警得傳之後絕不露圭角非遇甚困



則不發嘗夜出偵事爲守兵所獲反接廊柱數十人轟  
飲守之征南拾碎磁偷割其縛探懷中銀望空而擲數  
十人方爭攫征南遂免出數十人追之皆踣地匍匐不  
能起行數里迷道田閒守望者又以爲賊也聚衆圍之  
征南所向衆無不受傷者歲暮獨行遇營兵七八人挽  
之負重征南苦辭求免不聽征南至橋上棄其負營兵  
拔刀擬之征南手格而營兵自擲仆地鏗然刀墮如是  
者數人最後取其刀投之井中營兵索綆出刀而征南  
之去遠矣凡博人皆以其穴死穴暈穴啞穴一切如銅



人圖法有惡少侮之者爲征南所擊其人數日不溺踵門謝過乃得如故牧童竊學其法以擊伴侶立死征南視之曰此暈穴也不久當甦已而果然征南任俠嘗爲人報讐然激於不平而後爲之有與征南久故者致金以讐其弟征南毅然絕之曰此以禽獸待我也征南名來咸姓王氏征南其字也自奉化來鄞祖宗周父宰元母陳氏世居城東之車橋至征南而徙同審少時隸廬海道若騰海道較藝給糧征南嘗兼數人直指行部征南七矢破的補臨山把總錢忠介公建口以中軍統營



事屢立戰功授都督僉事副總兵官事敗猶與華兵部  
句致島人藥書往復兵部受禍讐首未懸征南終身菜  
食以明此志識者哀之征南罷事家居慕其才藝者以  
爲貧必易致營將皆通慇懃而征南漠然不顧鋤地擔  
糞若不知己之所長有易於求食者在也一日過其故  
人故人與營將同居方延松江教師講習武藝教師倨  
坐彈三弦視征南麻巾縕袍若無有故人爲言征南善  
拳法教師斜盼之曰若亦能此乎征南謝不敏教師軒  
衣張眉曰亦可小試之乎征南固謝不敏教師以其畏



已也強之愈力征南不得已而應教師被跌請復之再  
跌而流血破面教師乃下拜贊以二縑征南未嘗讀書  
然與士大夫談論則蘊藉可喜了不見其爲麤人也予  
嘗與之入天童僧山燄有督力四五人不能掣其手稍  
近征南則蹶然負痛征南曰今人以內家無可眩曜於  
是以外家撓入之此學行當衰矣因許敘其源流忽忽  
九載征南以哭子死高辰四狀其行求予誌之生於某  
年丁巳三月五日卒於某年己酉二月九日年五十三  
娶孫氏子二人夢得前一月殤次祖德以某月某日葬



於同輿之陽銘曰

有技如斯而不一施終不鬻技其志可悲水淺山老孤墳孰保視此銘章庶幾有考







前鄉進士澤望黃君墳誌

癸卯

天啓忠臣之家其後人多有賢者而兩浙之黃魏爲最著魏忠節公三子子敬死孝子一子聞文譽甚盛忠端公五子二人尙幼不肖與晦木澤望其姓名亦落人口當是時考官之人棘闈者皆欲得此兩家之後人出其門下丙子李映碧搜澤望而不得已卯陳臥子搜晦木而不得不肖入南闈則搜者在北入北闈則搜者在南得之者僅子一耳乃甲申之變子一遲十日之死怨家緣飾其事悲哉余兄弟二十年以來家道喪失風波震



撼雖爲論者所甚惜然讀書談道窮巖冷屋要復人間  
推排所不下則嫣然相對於霜落猿啼之夕者自信有  
不以彼而易此也昔先公在詔獄冥眩之中有老人屈  
指同難諸公而較之曰他日惟公最吉不敢以其言爲  
誣也今者無端奪吾澤望以去始恟恍而疑於其言矣  
澤望諱宗會字之者南東陸文虎以其窮經似先儒黃  
澤楚望也生於宛陵之官舍自幼俶儻不羈先公謂此  
兒成就未定但知其不逐牛馬行隊者六歲時沿河撈  
蟹爲戲有塾師詣之曰蟹精善撈蟹澤望以撈蟹之杖



跨之疾走而應曰龍子慣乘龍塾師縮頸異之十六歲  
補博士弟子員爲博菴黎公所識拔又三年丙子乾所  
劉公以第一寘之明年歲試復第一遂廩於二十人之  
一又明年許公平遠提督學政一時譽望所歸不敢以  
他人先澤望及試題有脫誤許公特召郡縣言其故曰  
吾故欲首某而不可奈何發案澤望入許公謂之曰子  
有文名而疎畧如此將無恃才而輕讀書乎澤望傲然  
了不陳遜直對曰疎畧則有之書故無所不讀也許公  
變色而弟子員千餘人皆驚竟填二等時許公之意欲



使其謝過而後高第之也壬午御史觀風第一甲申拔貢未廷試而國變是時澤望年二十七耳而場屋坊社已歷十餘年之久行輩視爲老師名宿方縱橫指取一旦斂而與農樵爲伍其中若有不適然者始放之於酒其所與爲酒人者又不過里胥田父無所發其憤憾於是小人者僞爲問字求業以示親附澤望亦遂臨觴高談割臂痛哭驟長其聲價蓋不知坐受其愚弄也亡何兩子同日死壬寅遇火廬舍蕩然婦隨以瘞死天又以意外困之癸卯四月予至語溪澤望尙強飯如故踰月



急信告危余馳歸視疾已不可起至八月初八日卒距  
所生戊午得年四十有六澤望少無師以余爲師余初  
讀十三經字比句櫛三禮之升降拜跪宮室器服之微  
細三傳之同異義例氏族時日之襍亂鉤稽考索亦謂  
不遺餘力然終不及澤望之精冥搜博覽天官地誌金  
石算數卦影革軌藝術雜學益無勿與予同者其詩初  
喜僻奧余一變而之冷淡澤望亦變其文華藻錯落頗  
以王微范曄爲則余謂此一種文甯以音節不同六朝  
便高擡其氣骨耶澤望不以爲然已亦日就刊落而蹊



徑頓盡此詩文之無勿同也自濂洛至今日儒者百十  
家余與澤望皆能知其宗旨離合是非之故而澤望忽  
折而入於佛其初遇學佛者概而信之凡喫菜合眼躲  
閃籬落之徒便降心而與之交及穿剝三藏窮歲累月  
稍稍出而觀今之所謂宗師者發露其敗闕亦遂牛毛  
繭絲爲其教之書數十萬言余於釋氏之教疑而信信  
而疑久之知其於儒者愈深而愈不相似乃爲澤望反  
覆之蓋十年而不契終於不可同而止然余賦性偏弱  
迫以饑寒變故不得遂其麋鹿之一往屈曲從俗姑且



不免深恨釋氏根塵洗滌未淨而澤望負氣好高口含  
瓦石疇人率爾必欲突兀自異亦自度不可與世接乙  
酉以後未嘗一渡錢塘山奧江邨枯槁憔悴呼天搶地  
竟隕其身是豈學佛者所宜有然則澤望之學佛將無  
憤憾之氣無所於寄其亦如屈原之於騷孟郊之於詩  
張旭之於書耶故相宗性海卽彼教中之耑門者尙且  
入而迷其向背澤望乃能算沙搏空其精也乃其所謂  
憤憾之甚者耶曾祖諱大綬祖諱曰中贈封皆太僕寺  
卿父諱尊素山東道監察御史諡忠端母姚氏封淑人



娶梁氏繼劉氏吾友瑞當之女子在者一人百口女二人長適馮官儀御史中丞留仙之孫也次字邵某卒之次月附葬化安山賜地之左距餘姚城二十里余嘗謂孔子嘆顏回好學今也則亡其學不僅指讀書而言然讀書亦學中之一事今之天下千百輩中求一讀書之人而不可得聞其人有意於讀書矣未幾類有物以敗之此無他不好故也澤望墮地來書卷未嘗一日去手丙子場後卽爲日記所讀之書件繫於每日之下如督逋負不中課不休最其三十年中所未盡讀者獨道藏



耳一日對客談名山舉似其路徑宮觀畫地而尺寸之  
客言君曾至耶澤望失笑而起蓋皆得之書本者也其  
所著書縮齋文集若干卷縮齋日記若干卷學御錄一  
卷瑜珈師地論注若干卷成唯釋論注若干卷若澤望  
者以讀書而言亦可謂之好學也已又不幸以憤懣損  
其天年豈讀書種子真欲絕於世乎癸卯十二月十二  
日







陳母沈孺人墓誌銘

庚戌

余友陳同亮改葬其生母爲之稅服三年夫稅服者過時而服其日月亦近耳顧二十餘年之遠則與生不及者同例同亮不行改葬之總而服已絕之服率意違禮無乃蹈子路當除不除之過伯魚旣除猶哭之失歟已而陳子介眉狀其事乞銘於余而後知其不忍哀愴之情始出於此也孺人姓沈氏杭州人年十八歸於侍御平若陳公公故鄞人未有子嗣遂買屋武林以處孺人明年同亮生又四年嫡母周恭人歸同亮而子之孺人



仍處武林思子不置踰年而卒年二十四侍御爲文哭之權厝湖上當是時同亮壓於嫡母於孺人之喪不能親焉又二十餘年侍御恭人相繼謝世同亮始迎喪武林歸葬於鄞詩云欲報之德昊天罔極此凡爲人子者之言也孺人亡以思子爲之子者又獨何心宜乎同亮之哀於凡爲人子者加一等矣梁沈崇係以母死喪禮不備復於葬後更行服三年武帝據禮敕斷崇係終不得行其志檀弓兩卷皆言物始三年稅服自同亮而始何必有例乎同亮方與諸子修講經之會肄業及三禮



諸子之論其亦有同異否耶嗟乎先王制禮以斬齊功  
總爲其文以不飲酒食肉處內爲其實昔之居喪者雖  
文實未必相稱然猶勉強爲之不敢廢也二十年以來  
所謂喪服者率加元絲於首蒙黑緇於身是孔子之不  
以弔者而以之待其父母蓋三年之喪從是而廢矣夫  
於天下之所共行者莫或行之况能行天下之所不行  
乎吾欲以同亮之事書之爲天下諷也孺人生於萬厯  
丙辰正月二十日卒於崇禎己卯五月二十五日己酉  
十二月十六日葬于千丈鏡之原子一白舜字同亮庠



生女一適周徵泰孫男一憲淇孫女二銘曰

西陵風雨下有安宅潮東來兮兒無饑渴汐東去兮兒  
無寒熱雖有安宅其如潮汐越山甬水生來未識生遊  
尚苦何況死陟丹旄白雞有兒在側有兒在側便爲樂

國



唐烈婦曹氏墓誌銘

烈婦曹氏諸生穎洙之女海寧之翟墩里人年十九歸同邑唐之坦之坦之父煥亦諸生也歸六年而之坦病烈婦悉賣其簪珥裝奩以佐醫藥衣不解帶者半載疾革謂其夫曰君死我不獨生乃營砒霜以待丙辰歲九月二十八日之坦卒烈婦治喪衣衾必有副家人阻之不得因斥去其砒霜烈婦漚桑灰爲汁飲之腹痛而不起明日夫將殮恐死之不及是時也碎錢爲屑吞以速之又不死夫旣殮而防之者愈虔烈婦曰頃欲與夫同



殮既失此期何日不可死而必以今夜乎家人信之人  
定烈婦潛起飲溲升餘號呼宛轉毒裂經時復吐下而  
解烈婦曰我求死不得計惟有絕食耳不食二十二日  
而容貌如故神理炯然夜半啓戸出投於傍舍池中久  
之而家人始覺出之池已死覆以衾而復活烈婦謂其  
舅姑及母曰大人非愛我徒苦我也我志已決遲速總  
一死耳於是復飲食起而操作如常尋剪其機軸製衣  
一稱餘布七尺有小婢乞之不與家人竊議曰尺布尙  
惜其不死明矣其時庭中蠟梅方開烈婦視而嘆曰昔



董節婦有菊花詩美其不落也此花亦不落吾試詠之  
添得冰霜枝葉無此花自與衆花殊共知秋菊貞心在  
尙有黃梅抱樹枯十二月望起而嚴粧於天地影堂靈  
座舅姑舅之姊各設四拜曰婦從此別矣孝養之願以  
俟來生家人皆哀慟烈婦從容自若從此又不食除夕  
得閒取其七尺之餘布自經夫柩之旁始知不與小婢  
之故也及殮目瞑口闔不同乎世之爲縊者此固獨行  
其願之一徵矣年二十五許邑侯詣廬祭之聚觀者數  
千人莫不爲之歎息泣下嗟乎古今死節者多矣曾未



有如烈婦之死而生生而死人世痛苦之事備嘗殆遍者文文山服腦子二兩不死絕食八日又不死何意身親見之此如黃河一瀉千里非積石龍門呂梁之險不足以見其奇一番求死一番於爍天若故遲其死以極正氣之磅礴或疑守節爲經烈婦所爲似乎賢智之過夫溧陽女子一言而沈身王凝之妻倉卒而斷臂古人於生死之際處之至精今人見其爲輕耳承流襲敝隨地可以解免名節蕩然不獨在女婦也當烈婦絕食之久余在講堂有傳其屬纊者仇滄柱謂吾黨盍及是時



爲式問之事庶幾死者一聞之也余與同學二十餘人爲之一往已聞其入水不死余恐其因吾黨而激之以不得不死乃致語其舅言貞之未嘗劣於烈也是後余返姚江竟不相聞今年二月至武林陳子榮子文迎謂曰烈婦死矣將死烈婦謂其舅曰吾願見黃先生一拜而死今已矣嗟乎風雷雨雪作於除夕烈婦之志可以激天豈待人激是則余之陋也某年某月某日與其夫合葬於某所其舅請銘余不得辭銘曰  
培之厚藏之密三尺墳千年室記城家慎勿逸







王孝女碑丁巳

王孝女者慈谿王孜之女也居城之東偏歲丁巳七月十八日夜二鼓失火孝女母卒停柩於中堂孝女處樓上趨至中堂疾呼舁柩無應者已而火至孝女伏棺上不肯去其父從火光中遙見之抱之而出則已死灌以礬水稍甦聲出咽問僅絲髮問母棺出否家人不答遂哽咽氣絕時年十五也先是四月之盡城中菊花盛開觀者絡繹不知其爲何祥也至是而有孝女之事孝女顧委巷中紅女織兒耳天地不以其渺末而氣候爲之



密移則夫今日之撐駕天地者其不在通都大邑之□  
口貴人亦明矣古來火逼親棺守死勿去者東漢之蔡  
順古初晉之何琦齊之傅琰梁之徐普濟元之余丙祝  
公榮郭通陳汝楫明之楊敬祝大昌鄧翰陳倫然皆幸  
而得免其不免者則宋賈恩隋李孝子明唐治始三人  
耳然皆男子以女弱而殉身者僅一孝女而已詠曰  
天地晦冥正氣滿闕忽然發作在於單寒有如奔流壅  
塞勢不能函決口而出動魂摧顏伊惟孝女幼而窈窕  
萱草霜披帷堂月暴粉書識魄鏡臺留照所以孝女米



鹽必告

未火之先家中細事孝女必告柩前而後行

禧禧出出夜半融風火

如狂濤烟燄蔽空孝女不見烟燄而見母容豈忍絕裾  
離此簾櫳舉室奔迸而少一人有伏棺者電光繞身時  
負而出已絕呻吟嚔水三咽一絲氤氲母棺出否旁無  
答者恨此一身不與同赭形爲父留魂不母舍闔然而  
暝哀動城野曹娥投水王女赴火水火死形死仁不可  
百里千年雙碑翠鎖吾作讖語江流不墮



南雷文定前集卷八

譚瑩玉生覆校



南雷文定前集卷九

餘姚 黃宗羲 太冲撰

移史館熊公兩殷行狀

熊公諱汝霖字兩殷世居餘姚之天花街祖某父某公  
登崇禎辛未進士第授同安知縣爲政不避強禦直行  
己意紅毛入寇公渡海敗之於下門考選戶科給事中  
辛巳江南荒疫人死且半米價四兩有餘轉運不至命  
給事中七人催督漕糧公當江南上江詎勉從事不使  
病民遼練正耗二百四十一萬石如期而集沿途見聞



無不入告上以朝臣不足任使所用文武踰繩越契而  
左官外附之徒競張空虛以邀榮路公以爲破格不如  
循常聽聲不如採實武臣只用甲科行伍凡敘功御覽  
名色一切報罷會推大將亦須保舉事敗連坐舉主庶  
杜債帥之門又言時值艱難安危省括懸於督撫以臣  
裁量多不可以備倉卒也關督范志完事口舌而習調  
欺順撫潘永圖何所優長况當軍旅宣督江禹緒陽和  
兵譟風裁掃地宣撫李鑒忸怩小利不持士節保督侯  
恂凡偶近器鳳督馬士英嫗嫗名勢秦撫蔡官治威恩



淺薄襄藩陷而楚撫晏然南陽破而鄖撫無恙皖撫黃  
配元僅百里之才保撫楊進非鎖鑰之選臣非敢薄待  
天下士謂方今督撫盡皆非人大聲疾呼欲使其內手  
捫心量力自陳耳力言孫傳庭不宜急戰不聽而敗京  
師戒嚴公分守齊化門隨時條陳四月之間三十餘疏  
皆切中機宜多所彈治上亦佳其敢言召對咨諏公言  
行閒諸臣去彼數百里而軍不敢一望顏行大約南去  
則我隨其後北返則我出其前如厮隸之於貴官負弩  
前驅望塵靡及耳兵士一聞督戰便洶洶欲叛如此則



將不能御兵何名爲將督師不能用將何名督師興言  
及此督將之肉其足食乎巡按陳昌言奏淄川鄉官孫  
之獬夢關壯繆語之爾等安心守城我以神兵出戰遲  
明瞻像汗下如雨公言山東州縣十去七八而獨効靈  
一淄川壯繆正神而獨降夢一之獬此何爲者乎之獬  
逆案中人士論棄之豈神偏鑒之乎爲此言者不過欲  
借神異之說達其姓名於御前以爲異日然灰之地縣  
官從而和之奇矣按臣不加駁正而據以入告何異夢  
中說夢也竊謂淄川之夢涿城之守同一機關遠法王



欽若之閉門誦經近類揚嗣昌之華嚴退蝗可怪也公  
於朝廷舉動失當知無不言言無不痛熊開元姜埰兩  
給事之獄戢山全椒之去斷斷廷諍不肯但已當時號  
爲能諫者亦必揣摩宛轉以納其說而公之發言麤梗  
有敵以下所不堪受者有犯無隱蓋其天性然也止以  
降謫而去烈皇可謂之能容諫臣矣公言楊嗣昌負國  
尙未處分誰爲嗣昌畫練餉之策驅中原百姓爲盜者  
沈迅也誰爲嗣昌運籌以三千守襄而賊以十七騎入  
城遂出逃者余爵也誰爲嗣昌援引乙榜開府受事卽



敗者宋一鶴也情面賄賂斷送封疆二祖列宗之靈能  
無飲泣地下乎執政既苦其諂讓上以飲泣一語致怒  
降福建按察司照磨南渡起補原官轉吏科公言諸臣  
爭誇定策罔計復讐處堂未已且爲鬪穴始之武與文  
爭繼而文與文爭殿廷之上無人臣禮其言起阮大鍼  
也陰陽消長閒不容髮甯博採廣搜求奇材於草澤胡  
執私違眾翻鐵案於丹書閣臣此舉無乃負先帝負皇  
上乎其言四鎮也一鎮之餉至六十萬勢必不供卽倣  
古藩鎮法亦當在大河以北開屯設府永此帶礪曾堂



奧之內而遽亦藩籬視之其言復廠衛也廠衛之害橫  
者借以樹威黠者因而牟利人人可爲叛逆事事可作  
營求縉紳慘禍所不必言小民雞犬亦無甯日先帝十  
七年憂勤曾無失德止有廠衛一節未免府怨臣民新  
建每事持正其待同官嘗乏溫潤之色馬士英恨之使  
其門客朱統鑣造作飛條跳梁大叫公言么磨小臣爲  
誰驅除聽誰指使上章不由通政內外交通神叢互借  
飛章告密墨勅斜封端自此始可不嚴行詰究用杜將  
來又言先帝篤念宗藩而聞寇先逃誰死社稷先帝隆



重武臣而叛降跋扈肩背相踵先帝委任勲臣而京營  
銳卒徒爲寇藉先帝旁寄內臣而開門延敵反在禁旅  
先帝不次用人而邊材督撫首鼠兩端超遷宰執羅拜  
賊庭思先朝之何以失卽知今日之何以得九月出差  
陛辭言朝端之上議論日新宮府之閒揣摩日熟自少  
宰樞貳悉廢廷推四品監司竟晉詹端之席追贖定罪  
無煩司寇之章雖然睿斷之無私未免羣情之共駭况  
乎蹊徑疊出謠詠繁興一人未用便目滿朝爲黨人一  
官外遷輒訾當事爲可殺市井狡獪耽耽得官呈身應



募以備推刃上變之用者環伺而待發逐客之令時聞  
翩翩之鄰未已假然而隻手足戡禍亂羣小可致太平  
卽使驅除異己別用同心吾輩自然退聽其奈總總報  
復切切更張置國卹於罔聞逞私圖而得志黃白充庭  
青紫塞路打成一片富貴世界六朝佳麗復見今時昧  
卻晉宋梁陳後來一段公案也其時黃耳鼎陸朗方以  
例轉傾側孽臣謹曉冢宰朗出餞公適邸抄傳至朗讀  
公疏一字一擊節及至一官外遷二語聲忽中止相對  
默然會稽之守畫江而營公之意欲令諸師畢渡沈舟



破釜爲不返之計如其不濟則亦八千子弟豈復東還  
五百島人不脫劍鏑而已身提孤旅不滿千人從小蠻  
渡江札喬司倡率羣帥而皆契需觀望無一應者公進  
至海寧集其父老豪傑激揚忠義辭酸淚血聞者莫不  
感動旅拜轅門者且萬人別營伍分汛地以本邑進士  
俞元良司餉指揮姜國臣主兵浙西塵起沿海烽燃一  
時號之爲熊兵公大小數十戰親臨矢石累經覆沒志  
氣不爲之少衰加兵部右侍郎兼左副都御史總督義  
師亡何而聞使劉中藻至欲以江上之師受其約束行



朝洵洵且議開讀之禮魯王亦將近就藩服獨公持不可言主上原無利天下之意唐藩亦無坐登大寶之理有功者王定論不磨若我兵能復杭城便是中興一半根脚此時主上早正大號已是有名較之閩中乘時擁戴奄有閩越者規局更難例論千秋萬世公道猶存若其不能而使閩兵克伐武林直趨建業功之所在誰當與爭此時方議迎詔亦未爲晚自公此議出人心始定閩使始返丙戌六月朔浙河兵潰公扈監國由海道至閩而隆武走死郡縣已皆降附王以公爲東閣大學士



會兵於長垣分道攻取先後得三府一州二十七縣戊子王在閩安鎮時國事皆專於鄭彩彩暴橫公每折之以禮彩與定遠伯周瑞交惡公票擬恆右瑞彩積恨之旣而彩與義興伯鄭遵謙爭商舶嘗恐謙之襲己公自閩安至琅琦休沐守琅琦者彩之裨將李茂也與公奴子爭口元夕熊鄭兩家同郡相問遺茂卽以合謀告彩公遂爲彩所害并其幼子投海中公報國之心九裂不恨然吳鉤枉矢飛火狂濤皆鑒公之忠全軀橫海之鯨而受制於螻蟻謂之何哉夫神器流離草創未有成緒



公何不引閩師爲助而分唐分魯自開瑕隙議者以公爲闇昔梁元帝以簡文制於賊臣太寶改元卒不遵用逮侯景授首而後焚柴頒瑞隆武之制於鄭氏猶侯景也公而奉詔亦豈能轉其斗粟發其一甲乎徒使江上離心行閒之精神徒爲福京之媚悅耳此舉固與元帝無異也然則公何不勸監國卽真以繫波蕩之人心議者以公爲迂昔光武旣貳更始遲之一年河北旣平而後受命事之無成天也天若假其始願焉知卽非白水嗟乎踵百王之末當陽九之會帝昞帝昺何益於運數



監國不稱位號涉川龕暴力絕而亡留此無利天下之  
心皎然千古其視受終如敝跽也公之所慮不亦遠乎  
公子茂鼎介余族叔應蛟求序公事公魄不返公魂無  
廟幽銘陽碣無地可施爰撰行狀一通移之史官以爲  
列傳之張本也



移史館吏部左侍郎章格菴先生行狀

會稽章譽持格菴先生家傳以余爲先生同門友也再拜乞行狀將以上之史館先生在崇禎閒爲一代眉目豈可令其遺事舛駁零落乎謹以故所聞見狀之先生諱正宸字羽侯別號格菴會稽人也爲道虛望族祖口父口先生爲子劉子內姪從而稟學爲人誠樸近道深爲子劉子之所契許舉崇禎庚午鄉試歸至濟寧聞報同舟有李科者先生師也先生不忍其失意獨歸偕返而後北轅明年登進士第選庶吉士授禮部給事中上



求治太急烏程復以功利導之先生言伏見陛下洞照羣情有先事爲察之哲鈐束百辟有以力勝殘之威登咸三五有其臣莫及之聖是以合意者爲忠良睿算曾無改變以至急賦之開釁錮罪之失情追往之稔惡告密之府奸羣心嗟嘆盜賊披猖求治愈急而愈遠矣亦惟是語默動靜之閒日求放心以周孔仁義爲必當遵以管商富強爲必當黜以臣鄰吁咈爲必不可厭以億兆耳目爲必不可蒙謹喜怒之端灼善惡之別則太平宏業自然各得其所蓋先生之言治必本於學術讀者



不問而知其爲大儒之弟子也巴縣烏程之衣鉢也癸酉入相先生奏彈應熊剛愎自用縱橫爲習小才足以覆短小辯足以濟貪一旦大用必且芟除異已驅除善良報復恩仇混淆毀譽且訛言何所不至夤緣左右士論所恥從此薰心捷足之徒颺馳而起矣疏入下獄馬世奇王邵爲先生過巴縣曰章長科此舉成就老先生爲潞公矣巴縣艱然曰這箇皇上某如何做得潞公然上亦不深罪放還田里丙子冬起戶科先生言方今大臣持祿養交刻深難犯揣摩宮府張設爪牙知護一官



小臣習爲恬默冀以自完盱豫邀求隨機觀望知護一身通國臣僚盡爲聲名利祿無一人爲陛下者陛下以孤危之身居臣民之上受人欺紿釁兆百出臣切傷心大抵爲烏程而發戊寅五月火星示變時田貴妃與中宮不協上久不見中宮武陵故以田畹進上疏微及后宮爲給事中何楷所駁先生亦言火于五德爲禮陛下未嘗以沽名市恩疑大臣也而大臣揭救鄭三俊錢謙益倡爲是言疑陛下甚矣是謂無禮史堉辨疏一曰時局再曰時局理元黃之說開羣枉之門亦無禮也朝廷



每一番令甲卽增一番徑竇張樉芳京察不謹借城工  
以復銓職亦無禮也灾異頻仍陛下方發罪已之詔而  
李鳳鳴稱善言不可退星猶揮戈不可卻日亦無禮也  
然則熒惑焉得不垂象乎時廠衛橫甚先生又言西廠  
雖革而西廠之實尙存西廠之任雖虛而昔日把持西  
廠之人尙在昔云陛下不知則宮掖之間肘足之際尙  
且迷罔天聽而况於三輔郡縣乎上令中官自行回奏  
氣勢爲之少衰辛巳賊陷洛陽福王被害上召對羣臣  
於乾清宮先生奏闖賊從四川來奏未畢樞臣陳新甲



從旁急應曰賊自秦來不從川來言至再督師楊嗣昌  
奏流賊九股已撫其八只張獻忠與曹操逃入蜀闖賊  
在獻忠一股之內今從川來所過地方不見攔截則嗣  
昌之欺君露矣新甲表裏爲奸故不禁其辭之暴也尋  
長吏垣先生言治之盛衰由於言路之通塞臣爲六垣  
之長苟一垣不言一事不言皆臣之責也一日召對上  
厲聲曰言官須是設身處地奈何苟且塞責先生對設  
臺諫本以求言甯言不當無使其畏而不言願皇上勿  
生厭薄宜興再召悉反前政引用正人撤回差璫停止



緝事蠲租清獄行閒賞罰朝報夕可天下仰望丰采刻  
期太平而門多雜賓性少剛節先生故宜興之門人也  
謂其一時之君子曰吾輩當夾持相公以成就其功名  
無徒將順以爲臧氏之美疚也會推宣大總督宜興欲  
以門生江禹緒陪之先生不可冢宰承宜興意江爲正  
推先生劾冢宰私易不道宜興欲起江陵令史調元先  
生於其名下注一鑽字遂止宜興之起涿州之力也宜  
興無以報之欲借守涿之功復其冠帶先生與金光辰  
孫晉固執不可亦中格且上言閣臣先格君而後事功



可建亦必先積誠而後君心可格人主菲薄朝士必因  
外廷無一人一事足稱意旨苟能不與中官作緣不憑  
恩怨起見不以寵利居成功不以爵祿私親暱自起皇  
上敬信矣宜興雖恨先生然終先生在朝形格勢禁亦  
不至大段放倒賄賂如後時也先生又舉史可法范景  
文孫傳庭蔡懋德可任司馬以爲國事日壞皆由司馬  
之不忠賄賂不絕情面不除推諉不屏欺朦不破恩仇  
不化軀命不捐以致刑賞倒置功罪混淆臣不知兵安  
知人之知兵所可信者諸臣夙具肝膽自矢忠義愈於



蠹國欺君寡廉鮮恥之陳新甲耳壬午五月會推閣員  
先生與冢宰李日宣河南道張瑄共事先推十三人上  
命再推又列十一人六月辛酉召對中左門上怒徇私  
濫舉如房可壯宋玫張三謨何故得與日宣對畢先生  
奏日宣平日游移少執持臣曾有公疏糾之第此番推  
舉實無徇私卽房可壯三人未必果堪輔弼論其生平  
頗知自好上怒未解下先生等於獄遣戍均州先是無  
名子效東林點將錄故智以二十四氣分配朝官達之  
御前於是閣員兩推所不及者流言以實之上聰明旁



寄遂以爲然南渡以原官召先生上疏一曰勤學春秋  
爲孔氏要典宜選方聞之士朝夕進講高皇帝祖訓備  
厯艱難尤宜時時省覽一曰辨官易言開國承家小人  
勿用其乘時射利僥倖顯榮口舌得官者不宜輕開濫  
門一曰肅綱紀肘腋之間威令不行四海生心今於藩  
鎮之中忠勇可任觀望不前速宜分別以就鈐鍵一曰  
正人心天啓之季喪心媚逆餘孽猶存薰蒸彌甚今茲  
附賊豈緩刑章又疏陛下宜縞素帥師親臨淮甸聲靈  
所震人切同仇而乃不稱行在粉飾儀文志在偏安竊



恐偏安之業亦未易也馬相將起阮大鍼舉朝爲難銓  
衡不敢任其責欲假中旨起之司空缺先以中旨陞張  
有譽先生封還詔書不聽上言臣於有譽非爭其人爭  
其事也傳陞一途非所以待正人君子有譽賢者未必  
卽受是用有譽者乃所以斥有譽也魏國公徐宏基公  
疏薦張捷有旨部議先生曰何議爲因言勲臣無薦舉  
文臣例使其人果賢者必恥受勲臣薦舉已而以安遠  
侯柳祚昌疏遂起大鍼先生言朝廷如此舉動邸報流  
傳第見微臣姓名尙掛仕版必且相顧驚駭謂臣負先



帝之經綸負陛下之明詔負銓選之權衡負瑱垣之職  
掌罪當萬殛穴地難容伏望早賜罷斥以爲不忠之戒  
蓋先生大指以親君子遠小人爲立國根本不以小朝  
廷而少有阿色故與羣小爭射斷斷猶冀稍延國命而  
無如天生妖孽非人力之所能爲乎旋以大理寺左丞  
歸江上之役以先生爲吏部左侍郎署部事事敗先生  
溺水不死自剄又不死行脚不知所往吳市抱關曾干  
封事靈隱續句以避揚解固先生之高致也先生從子  
劉子講學最重風節余嘗聞其評品人物曰太守張有



譽蔡屏周入覲送監督戶工二部內官文冊長揖不跪  
天下郡縣只此二公又曰關中一細民與馮少墟講會  
從此口不二價一日過縣治見學會中二縉紳入謁縣  
令愕然曰渠亦爲此耶終身不屑入會嗟乎使先生而  
首邱念重當時何以稱此細民乎余嘗念陽明之學得  
門人而益彰吾劉夫子之學尙未大行于天下由門人  
之得其傳者寡也已而思之彰陽明之學者不在講席  
遍天下之門人而在孤高絕俗之門人如兩峯念菴之  
徒是也吾夫子之門人當金石變聲金鉉吳麟徵祁彪



佳葉廷秀王繇著死爲列星而先生力固首陽又參錯  
于其閒他日追溯淵源以來其學卽無龍溪心齋一輩  
庸何傷其過陽明遠矣謹狀



移史館先妣姚太夫人事

先妣姚太夫人生于萬厯甲午十二月初二日卒于康熙庚申正月初十日享年八十有七十六歲而歸吾忠端公天啓元年敕封孺人四年以御史覃恩再封孺人崇禎元年誥封淑人十七年進封太夫人生五子長卽不孝宗義次宗炎次宗會次宗轅次宗彝太夫人姓姚氏太僕寺卿翔鳳之從孫女父諱克俊字順宇鄉飲大賓母徐氏世居上虞之渣湖來歸時曾王父贈公會王母章太淑人皆在堂三世同居內外數十人而太夫人



長羣婦承巾奉箒羣婦皆視一十六歲女子爲進退贈  
公治家嚴肅羣婦時有譙讓而獨賢太夫人曰新婦大  
家氣度無儒酸農瑣之態他日定爲貴人顧我不及見  
矣丁巳先公授寧國府推官太夫人在寧國五年署中  
落然不聞人聲始入後出中閒不識司李廳屏癸亥入  
京師是時逆奄竊政黨論方興楊左諸公多夜過邸寓  
議論時事燭累見跋僮婢頭觸屏風而太夫人管句茶  
鐺酒壘無失候魏忠節見過尤數每過必以小人陰謀  
相告形之歎息忠節去太夫人迎謂曰得無又有歎息



事耶乙丑出都門明年而難作先公被逮太夫人每夜  
向北辰而拜祈聲酸苦丙漏將盡聞者無不欲泣先公  
遺命五子撫之羣妾嫁之苟風波麤定不失爲黃竹農  
家太夫人不忍嫁羣妾皆聽其母家迎去每哭先公至  
于暈絕不孝苦相勸解太夫人曰汝欲解我第無忘大  
父粘壁書耳蓋大父以義頑鈍於義出入之處大書爾  
亡句踐殺爾父乎八字揭之於壁義受教痛哭太夫人  
哭乃止天子旣誅逆奄哀憐忠死之家副笄狄衣加換  
三品一時名公鉅卿皆就拜謁問起居步幃棖臬之間



天下想望風烈太夫人初不以此自異奉事兩人寢門  
竈下煩辱之任加於娣姒一等王父病革太夫人不煩  
諸父命義出營棺木得美櫬王父見之而喜謂太夫人  
曰吾有三子在而竈窆之事惟一婦是辦汝後必有達  
者王母之沒適舉債六十金太夫人盡出以供喪事或  
言之急而舉債舉債而不以應急可乎太夫人曰更無  
有急於喪事者也先公第三人子五人王父以先公無  
私積將分財爲八各授之王父喪後諸父爲政曰孫不  
得與子同盈縮也於是五人受四分之一太夫人訓諸



子曰汝曹能讀父書先業有無不足計也崇禎末宗義  
宗炎宗會頗有時譽宗轅亦習科舉顧功名可以戾契  
致太夫人憂思稍解乃未幾而黨禍復興阮大鍼招搖  
白下儀部周仲馭出南都防亂揭集諸名士以攻之而  
以顧杲宗義爲揭首次桐城左國棟宣城沈壽民大鍼  
得志修報復旣曲殺仲馭左沈皆變姓名去遂批徐署  
丞疏逮杲及義宏光遜位不及於難驚魂未定而四方  
兵起乙酉奉太夫人徙中村丙戌徙化安山丙舍丁亥  
返故居己丑山中亂徙邑城明年返故居丙申山中又



亂徙半霖其秋返故居己亥海上亂防海之師望門而  
食徙三溪口明年冬返故居甲寅羣盜滿山徙海濱之  
第四門乙卯後五月始返三十年之中流離轉徙矻矻  
靡有定居其閒與村郊之婦女持橐束縕而立塵起疾  
呼以遁須臾之命者又不知凡幾自乙卯以來風鶴稍  
息太夫人早起日誦金剛經一卷誦畢置曾孫小孩於  
膝口授唐詩絕句一二首暇則述閭閻碎事句女孫輩  
一笑方謂此樂可常豈知安居數年亦爲造化之所吝  
耶古來章妻滂母受禍不過一時而太夫人始遭東林



黨禍繼之以復社黨錮又繼之以亂亡捕獄則操兵到  
門避寇則連繩貫掌覆巢之後復遇覆巢辛苦再立之  
戶牖頻經風雨一生與艱危終始卽古來之節婦賢母  
著名不過一節而太夫人上書代死似忠愍之夫人膝  
下皆爲名士舉觴賜子似伯仁之母執經講舍諸生先  
起居太母似忠介之母九十萱親養堂束帛又似依齋  
之母隨舉一節皆應史法太夫人兼之蓋天不以尋常  
婦女之境遇處太夫人太夫人亦遂破荒於婦道母道  
之變局故五十稱壽祥光遍於帷帳一年廬墓甘露降



於青松豈非天也每當太夫人壽辰海內鉅公多有傑  
作以表徽音戢山劉夫子徐忠襄施忠介相國瞿稼軒  
朱文靖孫碩膚中丞方孩未陳于庭儀部周仲馭徵君  
沈眉生蘇武子陳定生其著也史館諸公亦考信前言  
知義說之不安也

監修徐立齋先生爲之特傳於列女是吾母屈於生  
顧得伸於死子孫當世世不忘也

南雷文定前集卷九

譚瑩玉生覆校



南雷文定前集卷十

餘姚 黃宗羲 太沖撰

周雲淵先生傳

辛亥

周述學字繼志別號雲淵越之山陰人好深湛之思凡經濟之學必探原極委尤邃於易厯古之言厯者以郭守敬爲最而守敬所作厯經載於元史者言理而不傳其法其法之傳於厯官者有通軌通經諸書則死數也顧其作法根本所謂弧矢割圓厯官棄而不理亦無傳之外人者當是時毘陵唐順之吳興顧應祥皆留心厯



學求其書而不可得述學竭其心思遂通弧矢之術從  
來厯家所步者二曜交蝕五星順逆而已自西域經緯  
厯入中國始聞經緯凌犯之說然其立法度數與中厯  
不合名度亦異順之慨然欲創緯法以會通中西卒官  
不果述學乃撰中經用中國之算測西域之占以畢順  
之之志日行黃道月行九道而古來無所謂星道者述  
學推究五緯細行爲星道五圖於是七曜皆有道可求  
與順之論厯取厯代史志之議正其訛舛刪其繁蕪然  
於西域之理未能通也又撰大統萬年二厯通議以補



歷代之所未備自歷以外圖書皇極律呂山經水志分野算法太乙壬遁演禽風角烏占兵符陣法卦影祿命建除埋術五運六氣海道針經莫不各有成書發前人所未發凡千餘卷總名曰神道大編蓋博而能精上下千餘年唯述學一人而已嘉靖閒錦衣陸炳訪士于沈鍊鍊以述學言禮聘至京炳服其英偉薦之於趙司馬司馬就訪邊事述學曰今歲主有邊兵其應在乾艮艮爲青州遼東乾爲宣大二鎮京師可無虞也已如其言司馬將具題大用會總兵仇鸞聞其名欲致之述學識



驚必敗先幾還越總督胡宗憲征倭私述學於幕中諮  
以祕計述學亦不憚出入於狂濤毒矢之間卒成海上  
之功武林兵變述學諭以國運安平不可妄動動則奇  
禍立至其魁亦信述學之言多驗謀遂寢述學在南北  
兵閒多所擘畫其功歸之主者未嘗引爲己有故人亦  
莫得而知也庚午余在南中聞人陳元齡以所著思問  
初編相示其言太乙六壬多本於雲淵斯時亦未知雲  
淵之爲何如人也甲戌余邂逅其諸孫周仲訪之於木  
蓮巷架上堆雲淵神道大編數十冊其冊皆方廣二尺



餘仲言遺書散失此不能十之一二也又見其地理圖縱八尺橫二丈畫方以界遠近每方百里唐呂溫所序未必能過也余欲盡抄其所有會仲遊楚不果丙戌亂後於故書鋪中得中經測圖地理數種丙午見其厯宗通議而後知邢雲路律厯考所載皆述學之說掩之爲己有也庚戌九月坐證人書院有帥其弟子四五人升階再拜者門狀爲周允華問之則仲之諸子也問以遺書所存者惟算學耳余讀嘉靖閒諸老先生文集鮮有及述學者唯湯顯祖有與周雲淵長者書謂卦圖乃是



渾儀厯書止是算法必欲極神明之用亦須達虛無之  
氣觀其言要非能知述學者唐順之與之同學其與人  
論厯皆得之述學而亦未嘗言其所得之自豈身任絕  
學不欲使人參之耶天下承平久矣士人以科名祿位  
相高多不說學述學以布衣遊公卿間宜其卜祝戲弄  
爲所輕也雖然學如述學固千年若旦暮奚藉乎一日  
之知哉



張景岳傳 辛亥

二十年來醫家之書盛行於世者張景岳類經趙養葵醫貫然醫貫一知半解耳類經明岐黃之學有王冰之所未盡者卽學士大夫亦必累月而後能通之昔在戊寅曾於張平子座上職景岳蓋交臂而失之己酉寓證人書院有蔣一玖者年八十矣欲爲其舅作傳則景岳也景岳名介賓別號通一子越之山陰人也其父爲定西侯客介賓年四十卽從遊於京師天下承平奇才異士集於侯門介賓幼而濬齊遂徧交其長者是時金夢



石工醫術介賓從之學盡得其傳以爲凡人陰陽但以血氣臟腑寒熱爲言此特後天之有形者非先天之無形者也病者多以後天戕及先天治病者但知有形邪氣不顧無形元氣自劉河間以暑火立論專用寒涼其害已甚賴東垣論脾胃之火必務溫養救正實多丹溪出立陰虛火動之論寒涼之弊又復盛行故其注本草獨詳參附之用又慨世之醫者茫無定見勉爲雜應之術假兼備以倖中借和平以藏拙虛而補之又恐補之爲害復制之以消實而消之又恐消之爲害復制之以



補若此者以藥治藥尙未遑又安望其及於病耶幸而偶愈亦不知其補之之力攻之之力耶及其不愈亦不知其補之爲害消之爲害耶是以爲人治病沈思病原單方重劑莫不應手霍然一時謁病者輻輳其門沿邊大帥皆遣金幣致之其所著類經綜覆百家剖析微義凡數十萬言厯四十年而後成西安葉秉敬謂之海內奇書班孟堅贊孝宣之治政事文學法理之士咸精其能至於技巧工匠器械自元成閒鮮能及之介賓此書若非遭遇神宗之盛亦莫能有也作古方八陣釋古人



立方之意作新方八陣析古方之某藥爲某經之用不相凌奪其書晚出今方行世介賓博學於醫之外象數星緯堪輿律呂皆能究其底蘊在遼陽道中間御馬者歌聲聒耳介賓曰此惡聲也不出五年遼其亡矣已而言驗所親問以近事介賓曰我夜觀乾象宮車殆將晏駕天下從此亦亂矣未幾神宗崩介賓遂返越其年五十八又二十年始卒卒之日自題其像召三子而誨之其門人曰先生乃死耶吾先生故有不死者介賓莞爾而逝自太史公傳倉公仲繫其事後之儒者每倣是體



以作名醫之傳戴九靈宋景濂其著也而名醫亦復自  
列其事存爲醫案以待後人遇有病之相同者則倣而  
治之亦盛心也世風不古以醫負販其術無異於里閭  
俗師也而不肯以里閭俗師自居雖復殺人如草亦點  
綴醫案以欺人介賓醫案散在景岳全書余不敘於篇  
惡夫蹈襲者之衆也趙養葵名獻可寧波人與介賓同  
時未嘗相見而議論往往有合者



...

...

...

...

...

...

...



明司馬澹若張公傳

天啓丙戌之際訛言繁興謂三吳諸君子欲翻局而以先忠端公爲謀主於是逮七君子於詔獄必欲殺之五月丁未王恭廠災壞民居十餘里擊死數千人熹宗在乾清宮走避建極殿御座毀折繼又明天宮火災異疊見亘古今所未有詔廷臣修省是時澹若張公爲兵部職方司主事與同官王陞密議因草疏言修省之實刑獄係死生人命董以士師申以覆奏誠慎之也今罪囚半歸詔獄追贓卽以畢命雖其人白不冤而於好生之



德無乃未愜乎甚至秋後與不時并律囊首與絞斬同斃痛快之事每干天和自今以往輕重罪囚悉付法曹使羅法者知自絕於天比附者無舞筆之恐罪疑惟輕則冥途有重返之魄罰當其咎則單門無連染之人肅殺之後繼以陽和此其時矣至於軍儲告匱土木宏規豈不知生財爲急而急土木不如急軍儲議搜括不如議節省今旣搜無可搜括無可括瑣屑凌雜盡以入告竊恐焚林竭澤之後能無魚驚鳥散之憂請白皇極告成暫停工作悉以海內物力併爲軍前見糧寢其屑瑟



之誅求益見聖心之惇大俟疆宇廓清再完堂構未爲  
遲也公銜疏袖中入白堂官堂官長垣王永光也長垣  
固攻東林者然其人有權術把持局面亦不欲寄乾兒  
門客之虎落思深慮遠得公疏竟上之上傳覽樞臣所  
奏停工緩刑言若忠愛朕熟思旬日皇極殿工已抵八  
九止用銀壹百伍拾萬兩務崇儉約匪雕匪刻邊儲歲  
解不缺外發帑二千餘萬洪流束楚功績闇然今當節  
縮皇極之餘經始三殿計外解一百餘萬未至皇考發  
帑百萬尙存內外臣工乘此一德搜括編派俱無所事



苟疆臣民牧齊契工官則乾沒風消怨咨聲泯何功不  
奏何治不隆乎刑不上大夫崇養士節皇祖成憲奈士  
不自愛爭爲奸宄如周宗建保熊廷弼於亡遼之後涕  
唾封疆斂金畿輔創建書院翼戴奸邪惡郭鞏之攻廷  
弼誣以交結內侍兇鋒狡語遠埋疑案周順昌逗撓詔  
獄止檻車而結姻挾市魁以稱亂明與君抗黃

先忠端公諱

請寄爲奸李若星之節鉞鄒維禎之吏部何所由來撓  
亂朝政捩搯鄉邦夫朝廷重士士實自輕朝廷建官官  
反侮上一概縱舍姑息無將之誅春秋謂何難乎其爲



上矣諸臣顧動以爲朝廷之過朕甚惑焉海內方汙穢  
朝廷聞是疏之上莫不舉手加額以爲中流之一壺豈  
知其殺機已決騎虎之勢不能復下然矯旨之反覆辭  
費小人之氣未嘗不沮喪矣長垣旣以此去而公有寧  
錦之功逆奄絀之未幾推補吏部郎中旨以門戶罷之  
昔李膺在獄賈偉節西行說竇武霍諝訟之呂惠卿興  
大獄蘇子瞻勸王安石言之竇王皆與奸人異趨故賈  
蘇之言易入公之於長垣水火也而欲格之以正議此  
陳了翁不能得之於章惇者公竟得之可不謂奇乎公



諱履端字旋吉號澹若世爲華亭人曾祖良佐祖謨父  
元輔太學生生三子長拱端當陽知縣次卽公次軌端  
邵陽知縣萬厯壬子三人同舉鄉試公登丙辰進士第  
出知晉江東鹿二縣皆有能名其大者於晉江得黃石  
齋先生爲一代大儒於東鹿河決遷縣治二十里築城  
一千五百丈民不加賦遷者如歸其爲治詳石齋臥子  
誌狀公自職方歸禁割朝議放情詩酒烈皇更化以次  
召骨鯁之臣起公吏部而傷於哀樂不能復赴崇禎元  
年卒年四十三娶沈氏封安人子三人曰定諸生曰甯



曰守康熙壬子舉人一女嫁諸生王世燭公卒後五十  
五年守函幣以傳文屬余憶乙酉於徐太宰座上識守  
忽忽交臂不知其爲公之子也皇歲口散口說流行余  
以身所見聞者詮次其事家國之恨集於筆端不覺失  
聲痛哭棲鳥驚起後之覽者亦將有感於斯文







黃醒泉府君傳

正德丙寅謝文正致政歸與馮雪湖相唱和戲排舊韻  
別創新詞往復至于八九嘉靖辛酉呂文安憂歸與黃  
醒泉相唱和當花對酒登山臨水無日無之姚江風雅  
唯此兩時爲最盛承平士大夫之風流今無復有夢見  
之者矣醒泉則余五世族祖也諱尙質字子殷醒泉其  
號也吾始祖鶴山十三世孫祖晰父舜卿母邵氏府君  
生時母有夢筆之祥幼而穎異日誦千言稍長以易爲  
大師湖守胡君聞其名遣子從學舉嘉靖己酉科浙江



鄉試知息縣事府君吏治以教化爲先民曾珣兄弟訟  
產府君手書棠棣章與之曰熟讀後始爲若理越數日  
詣府君求直府君曰前詩熟否曰熟府君發明詩義慷慨  
嗚咽珣兄弟感動流涕不待終章相讓而去或怪其  
速化府君曰人孰無天性批之以法愈見其汨沒耳尋  
遷景州守景州多盜皆勸其刻深爲治府君曰不然景  
瀕滄海而麓大行苟如此是驅之爲盜也於是捐鉤距  
省簿書多所縱舍盜自衰止明年脩董仲舒書院周亞  
夫祠自爲文記之相觀以經術使民不遊學堂與撻市



同時分宜竊柄大官多出其門下府君激烈抗憤發言  
無所梗避聞者惡之分宜既敗分宜之黨未衰廉平之  
譽無由漸朝廷之耳黽勉六載乃自免歸築室烏膽山  
讀書賦詩耳目所及分爲十四景片石孤枝題品張皇  
萬厯丁丑元旦庭誥諸子手書付之二十三日卒年七  
十四府君與雪湖皆不受人牽挽雪湖母年九十固不  
欲出府君之在景州呂相氣勢方盛府君巉巖偏州未  
嘗以尺牘自鳴不平其自重如此府君所最善者楊珂  
徐渭其詩文書畫齊稱一時而弇州主盟壇坫士之未



捧珠槃者多見詆訶三人岨強不甘於邾莒故徐渭之  
詩楊珂之字皆有貶辭於府君無稱焉百年以來渭以  
袁公安顯珂僅有知者府君姓名幾將湮沒余因選其  
詩而爲之傳



蔣氏三世傳

蔣洲字宗信別號龍溪鄞縣人補其學諸生好游俠畱  
連管樂平居愛客置酒雅歌投壺高睨大談終日不倦  
以故人樂與之遊嘉靖癸丑王直勾倭入寇烈港直歛  
人母汪姬夢弧矢星入懷而生長而與其徒入海連巨  
舶載硝磺絲綿違禁諸器物往來互市於日本暹羅西  
洋各國貨累鉅萬各島君長以下並信服之稱爲五峯  
船主五峯其號廣有賊首陳思盼者不入直黨直掩殺之併  
其眾由是海上之寇非受直節制不能存威名藉甚尋



招集亡命據薩摩州之松浦僭稱徽王置官屬三十六  
號令島人時時遣部下剽攻沿海郡邑東南危動當是  
時胡梅林宗憲開府浙直厯訪奇士而宗信之里人都  
督萬鹿園表留心人物謂梅林曰里有蔣生者縱橫之  
士也梅林遂介鹿園置之幕府宗信曰漢之困於匈奴  
由中行說也宋之患於元昊由張元也自王直航海遂  
有東南之禍今與我爭於鯨脣之上者皆直之分鯨也  
我不得直彼鵠附鼃援其可既乎直之母妻與子盡在  
我地彼雖作賊骨肉刺心公如開以丹青之信未有不



就戎索者梅林曰此名計也請於朝授宗信提舉以陳  
可穎爲副復赦海上亡命十餘人使之向導直之子澄  
亦嚙血致書於父曰幕府長者唯願一見阿父以有詞  
於朝無他患也乙卯九月開洋至小衢山七日抵五島  
島倭疑爲商舶將肆劫勒有僧譯之酋長酋長始郊迎  
示以天朝宣諭之旨酋長受命乃使人招王直直至殊  
作意氣宗信諭之曰君卽不念祖宗墳墓獨不爲老母  
妻子計乎國家方急東方誠以此時罷遣衝鯨網絡波  
臣此萬世刻石之功也兼官重綬舍君誰適不然倭情



貪狡國家縑帛無限購君萬里之外不異庭除矣直感  
其至言苦意遂與之同食遞衣言無不盡偕返松浦日  
本以天文王爲共主然號令不出國門各島自相雄長  
豐後山口又島中之最雄者也故入寇者多二島之人  
直與宗信同行宣諭明年丙辰至博多津召其色目賞  
賜旅誓四月至豐後島主懷音革狀詰以從前作過稽  
首主臣願貢方物遂令其檢攝風帆凡筑前肥前等五  
十三所羣盜盡殄五閱月始至山口島主虔奉如豐後  
送還被掠指揮袁進奉表謝罪馳啓天文王十二月天



文王下教所部周昉長門等一十二島徧行禁約對馬  
薩摩姦宄尤多皆冰駭風散方宗信未至日本時徐海  
句眾入寇以數萬人圍桐鄉甚急宗信聞之遂遣陳可  
穎與王直義子毛烈先歸諭徐海罷兵如約海詣幕府  
降而海黨陳東葉麻自相疑貳內亂梅林乘機擊殺之  
丁巳四月宗信同王直發松浦海舶數十隻貢使四百  
人流寓六百人碇定海關七月宗信及貢使僧德陽先  
入而直艦爲颶風飄墜朝鮮不得偕來宗信在日本三  
年諸帥疑其掌握之內價盈兼金從之索賂不應分宜



亦望有海外奇貨宗信又無以自通乃因王直之不至  
謂其空言無事實巡按周斯順劾奏遂下宗信於獄九  
月直始叩關先遣王激入見曰吾等奉命而來宜有使  
者迎勞道路今行李不通而戈鋌戒嚴公得無誑我乎  
梅林曰國法宜爾毋我虞也與之設誓甚苦直終不信  
曰果爾可遣激出梅林立遣之復以指揮夏正爲質直  
於是使毛烈王激守舟而身入見頓首言死罪且陳與  
宗信馳驅出百死從此海有恬波矣梅林多方慰勞權  
寄獄中梅林與直同鄉宗信出使本許其互市授官及



直至流言梅林受賂數十萬爲之貸死朝議閔然科臣  
徐浦復劾宗憲濫課軍需陰縱蔣洲勾引東倭梅林大  
懼因盡易曲貸王直之疏謂以誘直爲祕計直罪在不  
赦且謂宗信曰吾方不自保何能敘君功不忘息壤酬  
君請俟他日遂疏云蔣洲宣諭曰本已歷三年所宣諭  
者止及豐後山口豐後雖進貢方物而無印信勘合山  
口雖有金印回文而無國王名稱是洲不諳國體計其  
擒直合應功罪相準有詔誅直王激毛烈遂殺夏正據  
舟山征之踰年方解宗信出獄茫然自傷唐荆川順之



趙大洲

貞吉

皆爲之扼腕頌冤俱報罷司馬譚綸在薊

遼召宗信參其軍事欲使一得當以就功名宗信流涕  
而言曰洲本書生萬里航海父衰老而待盡妻憂怖以  
致死洲皆不顧惟欲爲國家樹尺寸之效乃功成而謗  
興屈捐命之功比贖罪之例洲復何望哉公休矣洲不  
能再側足於焦原矣司馬嘆息久之隆慶壬申中寒病  
卒於昌平之旅舍余讀茅鹿門

坤

紀勦徐海本末以爲

倭之入寇皆由徐海故曲折其反覆憚惜之術以著平  
倭之要領獨不念徐海爲王直之餘黨直苟無歸命之



心則海必不受我之籠絡總使滅一海而爲海者皆是  
亦安得盡施其鈴鍵乎鹿門但移脅從之治而薄折首  
之勲不已悖乎宗信致直解東南之厄而身填牢戶此  
與陳湯斬郅支而下獄亦復何殊然陳湯身沒而名彰  
宗信姓名曾不得與俞戚大帥之徒隸齒豈古今之時  
異歟其後沈維敬之使關白垂成而敗身死猶爲僨事  
者委過成則爲宗信敗則爲惟敬無怪天下之樂爲首  
施也子有德

有德號蕙江十六歲學易於柯孝廉卽洗除先注業高



名輩農丈人余寅君之舅氏也嘆爲東南貴寶不但會稽之篠簜耳十八歲爲諸生擅聲場屋者數十年其閒有已合有司之尺度而分房爭解又復落之同舉者爲之大息郡邑無不虔款太守游應乾一日接之謂其鄉太夫曰蔣子奇才不當以諸生之禮禮之萬厯甲辰以貢元當任府判沈文恭當國避嫌授福建大田儒學教諭準墨伊顏以作士子邑有田副使者毒殺段令令子頌冤以君爲證時聞撫徐石樓故君之主人慮囚董君謨又君之門人副使大懼崎嶇私館以貨自通君毅然



謝之卒無阿悒副使怨毒殊甚君流矢影風顧有憂色  
徐撫以啓事挽君終賦歸田處則檢御風俗坊表一鄉  
當事欽其名德往往于旄造門崇禎戊辰三月君年八  
十二母余孺人老而瞽曰君搏鰥愀辭不懈晨夕冥漠  
生明祖殯淺土君不煩羣從獨力襄事下窆之時松柏  
夜明疑有神陰相之者宗人皆以爲孝感所致子之麟  
之麟字龍友生而穎異奉常余寅僉事王元恭見之皆  
歎故是後來一器入郡學爲諸生自萬厯丁酉至乙卯  
六應鄉舉其經義墨守先正愧纏豔粉不能與晚學卑



品爭一日之長庭闈之內恩意周浹余孺人病瞽席衽  
匕箸皆於君是賴久而不懈益虔奉常日爲孝孫孺人  
曰吾非此孫不能有今日矣君以授經爲生計應繩中  
理取信高門皆以爲堅強一學之士也蘭溪徐石樓延  
爲子師有書室爲魅所據人不敢入君入之黃金滿案  
君不顧而出魅因斂迹徐氏多藏書君借閱幾半始知  
場屋之外復大有事嘗客龍溪徐令民王九如晨出不  
返其子疑一怨家投牒屍不得無以成獄令問于君君  
曰請筮之遇賁之離其爻曰突如其來如焚如死如棄



如君曰如者其名也突來而焚死其屍已焚矣一訊而  
伏海賊劉香之奸細投宿妓館事覺并捕主人瘐死者  
數人君曰此濫刑也妓館利客之來奚暇詰所從來乎  
令然之乃釋其餘崇禎戊寅上行保舉掌院徐蓼莪以  
君應詔授順天儒學訓導與修會典亡何京師戒嚴君  
遂南還君嘗曰吾少得事君房而志立長得親石樓而  
學博晚得交蓼莪而識廣此平生之大概也順治甲午  
君子宏憲落解君執其手而泣曰予宣和直臣蔣猷之裔  
也後世中衰吾祖投筆立功異域失侯鬱鬱而死吾父



復還故業三登副榜余亦一登副榜爾今四舉而又落  
祖孫父子窮經積百年不能起於講堂之上是命也夫  
其年十月卒七十八歲所著有志林二十卷詩經類疏  
六卷斷章別義二卷禹貢注一卷

舊史曰余友蔣宏憲志行之士也銜哀貢誠乞余序其  
三世余讀之神傷不能下筆昔湯臨川序張元長六世  
謂其數冬而不邁一春恆夜而不經一旦宏憲三世得  
無類是雖然于公謂我治獄多陰德未嘗有所冤子孫  
必有興者宗信活生靈數萬非治獄可比宏憲且置無



悲運數之來會有時也此特爲宏憲言之耳吾觀胡之  
幕府周雲淵之易歷何心隱之游俠徐文長沈嘉則之  
詩文及宗信之遊說皆古振奇人也曠世且不可得豈  
場屋之功名所敢望哉







張南垣傳

古今之事後起之勝於前者多矣故烹飪起於熟石玉  
輅基於椎輪卽如畫家有人物有山水漢唐以來梵天  
帝釋聖主名臣之像皆以繪畫其後稍稍通之而爲塑  
土範金搏換元劉元欲造嶽廟侍臣像心計久之未措  
手也適閱祕書圖畫見唐魏徵像矍然曰得之矣非若  
此莫稱爲相臣者遽走廟中爲之卽日成以此知雕塑  
之出於畫也然畫師之名者不勝載而塑土之名者一  
二耳至於山水能妙神逸筆墨之外無所用長未有如



人物之變而爲塑者則自近日之張漣始張漣號南垣  
秀水人學畫於雲閒之某盡得其筆法久之而悟曰畫  
之皴澀向背獨不可通之爲疊石乎畫之起伏波折獨  
不可通之爲堆土乎今之爲假山者聚危石架洞壑帶  
以飛梁矗以高峯據盆盎之智以籠岳瀆使入之者如  
鼠穴蟻垤氣象蹙促此皆不通於畫之故也且人之好  
山水者其會心正不在遠於是爲平岡小坂陵阜陂陀  
然後錯之石繚以短垣翳以密篠若是乎奇峯絕嶂累  
疊乎牆外而人或見之也其石脈之所奔注伏而起突



而怒犬牙錯互決林莽犯軒楹而不去若似乎處大山  
之麓截溪斷谷私此數石者爲吾有也方塘石洫易以  
曲岸迴沙遂闢雕楹改爲青扉白屋樹取其不凋者石  
取其易致者無地無材隨取隨足或者以平泉爲多事  
朱勔真笨伯矣當其土山初立頑石方驅尋丈之間多  
見其落落難合而忽然以數石點綴則全體飛動若相  
唱和荆浩之自然關同之古淡元章之變化雲林之蕭  
疎皆可身入其中也漣爲此技旣久土石草樹咸能識  
其性情每創手之日亂石如林或臥或立漣躊躇四顧



主峯客脊大礮小礮皆默識於心及役夫受命漣與客方談笑漫應之曰某樹下某石可置某所目不轉視手不再指若金在冶不假斧鑿人以此服其精漣爲入滑稽好舉委巷諧謔以資撫掌梅村新朝起用士紳餞之演傳奇至張石匠伶人以漣在坐改爲李木匠梅村故靳之以扇确几贊曰有竅閨堂一笑漣不答及演至買臣妻認夫買臣唱切莫題起朱字漣亦以扇确几曰無竅滿堂爲之愕貽梅村不以爲忤有竅無竅吳中方言也三吳大家名園皆出其手其後東至于越北至于燕



請之者無虛日漣有四子皆衣食其業



古風文集卷一

三



柳敬亭傳

余讀東京夢華錄武林舊事記當時演史小說者數十人自此以來其姓名不可得聞乃近年共稱柳敬亭之說書柳敬亭者揚之泰州人本姓曹年十五曠悍無賴犯法當死變姓柳之盱眙市中爲人說書已能傾動其市人久之過江雲閒有儒生莫後光見之曰此子機變可使以其技鳴於是謂之曰說書雖小技然必句性情習方俗如優孟搖頭而歌而後可以得志敬亭退而凝神定氣簡練揣摩期月而詣莫生生曰子之說能使人



驩哈嗚噤矣又期月生曰子之說能使人慷慨涕泣矣  
又期月生喟然曰子言未發而哀樂具乎其前使人之  
性情不能自主蓋進乎技矣由是之揚之杭之金陵名  
達于縉紳閒華堂旅會閒亭獨坐爭延之使奏其技無  
不當於心稱善也甯南南下皖帥欲結歡甯南致敬亭  
于幕府甯南以爲相見之晚使參機密軍中亦不敢以  
說書目敬亭甯南不知書所有文檄幕下儒生設意修  
詞援古證今極力爲之甯南皆不悅而敬亭耳剽口熟  
從委巷活套中來者無不與甯南意合嘗奉命至金陵



是時朝中皆畏甯南聞其使人來莫不傾動加禮宰執  
以下俱使之南面上坐稱柳將軍敬亭亦無所不安也  
其市井小人昔與敬亭爾汝者從道旁私語此故吾儕  
同說書者也今富貴若此亡何國變甯南死敬亭喪失  
其資畧盡貧困如故時始復上街頭理其故業敬亭既  
在軍中久其豪猾大俠殺人亡命流離遇合破家失國  
之事無不身親見之且五方土音鄉俗好尙習見習聞  
每發一聲使人聞之或如刀劍鐵騎颯然浮空或如風  
號雨泣鳥悲獸駭亡國之恨頓生檀板之聲無色有非



莫生之言可盡者矣馬帥鎮松時敬亭亦出入其門下  
然不過以倡優遇之錢牧齋嘗謂人曰柳敬亭何所優  
長人曰說書牧齋曰非也其長在尺牘耳蓋敬亭極喜  
寫書調文別字滿紙故牧齋以此諧之嗟乎甯南身爲  
大將而以倡優爲腹心其所授攝官皆市井若已者不  
亡何待乎

偶見梅邨集中張南垣柳敬亭二傳張言其藝而合  
于道柳言其參甯南軍事比之魯仲連之排難解紛  
此等處皆失輕重亦如弇州誌刻工章文與伯虎徵



明比擬不倫皆是倒却文章家架子余因改一傳其人本瑣瑣不足道使後生知文章體式耳







李因傳

李因字今生號是菴錢塘人生而韶秀父母使之習詩  
畫便臻其妙年及笄已知名於時有傳其詠梅詩者一  
枝留待晚香開海昌葛光祿見之曰吾當爲渠驗此詩  
識迎爲副室崇禎初光祿官京師是菴同行禁邸清嚴  
周旋硯匣夫婦自爲師友奇書名畫古器唐碑相對摩  
玩舒卷固疑前身之爲清照暇卽發墨作山水或花鳥  
寫生是菴雅自珍惜然脫手卽便流傳癸未出京至宿  
遷猝遇兵譁是菴身幃光祿兵子驚其明麗不敢加害



光祿自是無仕宦意琴臺花塢風軒月榭絲竹管絃之  
聲不絕是菴以翰墨潤色其閒當是時虞山有柳如是  
雲間有王修微皆以唱隨風雅聞於天下是菴爲之鼎  
足僖父擔板亦豔爲玉臺佳話亡何海運而徙鋒鏑遷  
播光祿捐館家道喪失而是菴熒然一身酸心折骨其  
發之爲詩尙有三世相韓之痛三十年以來求是庵之  
畫者愈眾遂爲海昌土宜饋遺中所不可缺之物是庵  
亦資之以度朝夕而假其畫者同邑遂有四十餘人是  
庵聞之第此四十餘人之高下不在高第者毋使敗我



門庭其殘膏剩馥尙能沾溉如此吾友朱人遠以管夫人比之其宦遊京師同其易代同其工辭章同其翰墨流傳同差不同者晚景之牢落耳余讀文敏魏國夫人之誌誇其遭逢之盛入謁興聖宮皇太后命坐賜食天子命書千文勅玉工磨玉軸送祕書監裝池收藏而是庵方抱故國黍離之感淒楚蘊結長夜佛燈老尼酬對亡國之音與鼓吹之曲共留天壤聲無哀樂要皆靈秀之氣所結集耳人遠傳是菴欲余作傳以兩詩壽老母爲贊有不惜淋漓供筆墨恭隨天女散花來之句老母



南雷文定前集卷十  
三  
嘗夢注名王札爲第四位天女降謫人世故讀是庵之  
詩而契焉余之爲此者所以代老母之答也

南雷文定前集卷十

譚瑩玉生覆校



南雷文定前集卷十一

餘姚 黃宗義 太冲撰

書神宗皇后事

吾始祖萬二府君諱萬河字時通號鶴山其父慶元府  
通判金人陷慶元不屈死府君避難由慈溪竹墩渡江  
而南子孫散居餘姚之通德雙雁泉水三鄉雙雁之小  
聚落有上黃南黃因其姓以名地皆府君之支庶也明  
初句軍最苦吾黃氏皆改爲王至成化閒宗伯黃珣提  
學黃韶教諭黃伯川始復本姓先是洪武十九年上黃



王蘊充軍入京積功至錦衣衛百戶蘊生教授賢賢生  
鎮撫杞杞生太學生正正生偉歷五世未嘗復姓偉有  
女喜姐神宗選爲皇后萬歷六年二月英國公張溶冊  
立大學士張居正奪情副之神宗問后近屬時新建伯  
王正億方貴盛后欲侈其家世遂以正億對及偉封永  
年伯餘姚兩伯皆歸王氏於是偉之近屬在上黃者復  
由黃而改爲王然南黃與上黃相距甚近南昭上穆同  
告利成而南黃守黃姓如故時某嘗聞大父太僕公言  
神宗皇后吾黃氏也往在烏上蓬上有司以戚畹表其



閭其時以爲疎族不甚詳考今南黃之族來敘其始末  
且以家譜證之而戚晚之楔綽亦在上黃始知爲鶴山  
府君之子孫也大父誤紀爲烏蓬耳古來后氏攀援門  
望忘其宗祊者如唐劉后之笞黃髯叟宋楊后之冒楊  
次山亦多有之不足爲怪而我黃氏不欲以外戚爲榮  
父老若不見聞至國亡之後始追數而得其實可慨也  
夫







四明山九題考

甲寅

唐陸魯望皮襲美有四明山唱和分爲九題後之言四明名勝者莫不淵源於是顧四明非九題所得盡而等九題者又往往不得其處故宋施宿云謝遺塵所稱及陸皮諸詩世雖競傳之顧今四明山中居人乃不知異境果安所在蓋與華山之華陽武陵之桃源皆神仙境界可聞而不可卽者也嘉靖閒餘姚岑原道求遺塵九題止得所謂石窗者鄞人沈明臣以大蘭山爲過雲奉化戴洵以杖錫爲石窗皆以意相卜度宜乎其失之遠也



余創四明山志與山君木客爭道於二百八十峯之間而知所謂九題者陸皮未嘗身至止憑遺塵之言鑿空擬議故在陸皮已不得九題之實後人憑陸皮之詩以求九題其不得遺塵之實又何怪乎余既考其得失每題系以一詩豈能與魯望襲美爭秀然憑虛撫實使好事者無迷山遲響之惑則有閒矣一曰石窗在大俞村白麓至顛十里削成石室高五尺深倍之廣如深而六之中界三石分一室而爲四謝康樂山居賦注云方石四面開窗不知其總在一面也其謂之窗者凡石穴多



在平地故稱之爲洞爲室此獨懸空半出有似乎窗也  
二曰過雲奉化雪竇山有嶺名二十里雲故遺塵云山  
中有雲不絕者二十里因此嶺而言也三曰雲南在桃  
花坑山之下其里至今名雲南里陸詩之巴賓越鳥皮  
詩之無雁到峯前豈可點綴以滇楚事乎四曰雲北蓋  
雪竇之北也陸詩金庭如有路皮詩應得入金庭金庭  
在嵎縣是四明之西南言之於雲南差近言之於雲北  
則懸隔矣五曰鹿亭在大蘭山南史孔祐至行通神隱  
於四明山有鹿中箭來投祐祐爲之養創愈然後去故



于祠宇觀側建鹿亭陸皮不原故事汎稽物態引麝穿  
竹又何當也皮詩爲在石窗下失其地矣六曰樊榭元  
曾堅云劉樊從大蘭飛昇建祠其所祠側爲樊榭皮詩  
石洞聞人笑大蘭未嘗有石洞也七曰潺湲洞餘姚之  
白水宮是也天寶閒從大蘭移祠宇觀於此始劉樊居  
潺湲洞側師事白君因其故居也八曰青櫺子今亦無  
識之者所謂味極甘而堅不可卒破者按以求之更無  
一物相似豈艸木之種類亦有絕歟陸詩環岡次第生  
徒虛語耳九曰鞠侯雪竇西十五里爲徐鳧山有鞠侯



巖以其象形鑿字名之攢峯割日哀瀑崩雲誠奇地也  
皮陸以連臂斷腸當之何山無猿而以此私一四明哉  
有以知其未嘗身至耳







讀葬書問對

或問趙東山葬書問對所謂形氣者對曰形者山阜之象形於金木水火土也氣者山川之脈理或聚或散聚者其生氣也又問所謂方位者對曰以八卦辨龍之貴賤及二十四山之衰旺生剋是也問者曰東山信形氣而斥方位是乎對曰是也然東山不能自持其說耳夫山川之起止合散觀其大畧亦不難辨固人人可以顯而得之東山精微其說以爲吉土之遇由於天畀葬師言天命可改東山言人事難致其害理同也然則其故



何也曰鬼蔭之說惑之也問者曰鬼蔭之說非乎程子  
言父祖子孫同氣彼安則此安彼危則此危亦其理也  
對曰唯唯否否夫子孫者父祖之分身也吳綱之貌四  
百年尙類長沙蕭穎士之狀七世猶似鄱陽故嚙指心  
痛呼吸相通夫人皆然後世至性汨沒墮地以來日遠  
日疎貨財婚宦經營異意名爲父祖實則路人勉強名  
義便是階庭玉樹彼生前之氣已不相同而能同之於  
死後乎子孫猶屬二身人之爪髮托處一身隨氣生長  
剪爪斷髮痛痒不及則是氣離血肉不能周流至於手



足指鼻血肉所成而折臂則足蒿指鼻一謝當身卽  
同木石枯骸活骨不相干涉死者之形骸卽是折臂則  
足蒿指鼻也在生前其氣不能通一身在死後其氣  
能通子孫之各身乎昔范縝作神滅論謂神卽形也形  
卽神也形存則神存形謝則神滅難之者謂神與形殊  
生則合爲一體死則離爲二物二說雖異然要不敢以  
死者之骨骼爲有靈也後來儒者言斷無以旣盡之氣  
爲將來之氣者卽神滅之說也釋氏所言人死爲鬼鬼  
復爲人者卽鬼不滅之論也古今賢聖之論鬼神生死



千言萬語總不出此二家而鬼蔭之說是於二家之外  
鑿空言死者之骨骼能爲禍福窮通乃是形不滅也其  
可通乎是以古之先王懸棺之後迎主於廟聚其魂魄  
以墓中枯骸無所憑依也其祭祖也三日齋七日戒求  
諸陽求諸陰徬徨淒愴猶不能必祖考精神之聚否今  
富貴利達之私充滿方寸卽無知之骸骨欲其流通潤  
澤是神不如形孝子不如俗子也問者曰若是而葬又  
何必論形氣乎曰不然布席畫階亦有方位筮賓求日  
豈因利益况乎永托親骸而使五患相侵坐不正席於



心安乎程子所謂彼安則此安彼危則此危者據子孫之心而爲言也豈在禍福乎問者曰今世視此若禍福交手而付甯皆狂惑乎曰不觀宋景濂之誌傅守剛乎焚屍沈骨之俗或纓弁之家亦靡然從之不然則以爲辱親也彼之惡擇地猶此之惡焚屍也習俗亦何嘗之有問者曰地苟不吉遷之可乎曰不可焚屍之慘夫人知之入土之屍棺朽骨散拾而置之小櫨其慘不異於焚如也何如安於故土免戮屍之虐乎卽不吉亦不可遷也問者曰形氣旣吉則鬼蔭在其中又何必外之也



對曰鬼蔭之說不破則算計卜度之心起受蔭之遲速  
房分之偏枯富貴貧賤各有附會形氣之下勢不得不  
雜以五行衰旺生剋心愈貪而愈昏說愈多而愈亂於  
是可葬之地少矣誠知鬼蔭之謬則大山長谷迴溪伏  
嶺之中其高平深厚之地何在無之便是第一等吉壤  
精微之論不能出此雖有曾楊廖賴亦無所用無俟乎  
深求遠索無可奈何而歸之天命也問者曰古人凡事  
筮日東山斥方位而并斥時日何也對曰古之筮日非  
生剋衝合之謂也時則皆以質明唯昏禮用夜有定期



也曾子問見星而行者唯罪人與奔父母之喪者葬以  
日中可知不然謂之店患下壙而以宵中今日擇時之  
害也風和日出便於將事謂之吉日風雨卽是凶日筮  
者筮此也今之葬者不以雨止擇日之害也故東山之  
見卓矣







化安寺緣起 己酉

化安寺在餘姚通德鄉之剡湖廢於宏治正德閒碑碣無存縣志云化安講寺後唐清泰元年建宋大中祥符九年改賜普圓院宋會稽志云普圓院在餘姚縣南三十五里後唐清泰元年建號化安院大中祥符元年改賜今額然則稱化安講寺者元以後事也其見於他傳記者宋史陳橐列傳橐字德應餘姚人以權刑部侍郎謝事歸剡中僑寓僧寺日糴以食處之泰然初讀宋史以剡中爲嵊縣及考城冢則云宋侍郎陳橐墓在化安



山廬舍遺址猶有存者所謂陳園老梅殭仆尙是數百  
年以上物始知剡中之卽爲剡湖僑寓僧寺之卽爲化  
安寺也元虞集狀餘姚州判黃茂云附近有化安永樂  
二寺府君皆捨田山於僧永爲子孫藏修遊息之資州  
判者吳艸廬高第弟子子之九世族祖也宋元僖詩集  
五月十四日過應平仲書塾其夜至明日雨不止有懷  
藍溪許月山化安真淨源天晴獨跨蹇驢來准擬書堂  
一宿回野色幾年違白首雨聲半夜落黃梅南山樹對  
高僧立東浦花隨處士開親舊有懷難晤語出門流水



沒蒼苔南洲洽雨軒集有送坦達中住姚江化安詩云  
深居亦矯俗用世非我期徘徊越壠坂所重遭明時商  
飈薄江渚蘭蕙幸未衰爲言采芳者何以遺所思宋元  
僖召修元史博洽爲建文皇帝薙髮皆明初宗匠而真  
淨源坦達中與之相友其非聊爾人可知由此推之其  
前其後此寺必多名流勝士不以負販一拂子爲重輕  
者其姓名徒付之山高水清而已可不惜哉自先忠端  
公賜葬化安山予每遇諸家文集干涉此山者卽抄之  
以爲故事其所得於寺者僅如此寺廢雖久把茅而處



者不絕其德禮江月某冰懷某皆出而有聞於世予以  
吾母姚太夫人之命割地數十畝展其員幅於是佛殿  
粗具崑山歸莊爰書寺額山門法堂一切未備然可由  
是而踵事也夫先州判捨田山于方盛之日吾母捨地  
於己廢之後何黃氏與茲寺有夙契也嗟乎世之言久  
遠者無如於佛而盛極之寺院數百年已不能必其如  
故然猶可誘之成壞之理獨怪自後唐至於有明厯年  
不爲不久名流勝士不爲不多不能以鐘鼓之力延其  
餘響反若因陳侍郎而有此寺因陳侍郎之寺而有此



真淨源坦達中區區之名氏不然姚江如此寺者何限  
又孰爲之推等哉佛氏所謂久遠者果安在耶陳德應  
倘佯其先忠端公旁薄於後茲山當與天壤俱敝自此  
雲水遘止易以垂名幸矣







辯野史

甲子阮大鍼之發難也內外合謀借中書汪文言以興大獄苟文言之獄不解則楊左魏三公之逮不至乙丑矣故魏忠節書片紙求救於先忠端公云事急矣勿殺義士斯時某年十五接此紙入呈於先公先公卽至金吾劉僑所密計不竟其獄於諸公得無連染未幾金吾以寬文言削籍金吾亦遂委過於先公羣小意忌諸君子中惟先公智勇深沈必爲吾儕患其後惠公元孺爰書詭行頗僻之劉宗周狠心辣手之黃某意指此一事



也乙丑冬訛言繁興謂三吳諸君子謀翻局先公用李  
實爲張永以誅逆奄逆奄聞之大懼刺事至江南四輩  
漫無影響刑部侍郎沈演欲自以爲功奏記逆奄曰事  
有跡矣逆奄使人日譙訶李實取其印信空本填七君  
子姓名云俱係吳地縉紳盡是東林邪黨蓋因訛言起  
於吳地而不知先公實越人也先公三疏劾奄雖爲其  
所恨然非訛言則禍亦不若是之酷非解文言之獄以  
救楊左魏三公爲羣小所喪膽則亦無此訛言也近見  
王嶽清流摘鏡謂李實睚眦於逆奄先公實欲收逆奄



之功而不避形迹則是呆人說夢矣此時官府惟知一  
逆奄以王安之植根深固不能保其腰領區區疎遠之  
李實度奉其意指且不暇而使之別生事端愚者所不  
出矣逆奄與羣小朝夕所計慮者翻局二字終逆奄之  
世無人敢萌此意而羣小自爲風鶴者則有二節其一  
甲子十一月孫高陽行邊至薊欲入覲羣小奔告於逆  
奄曰此晉陽之舉戶部侍郎李邦華召之也其一則訛  
言先公用李實事也近日孫徵君鍾元墓志言楊左下  
獄高陽欲興晉陽之甲以救之楊左已故而止移甲子



十一月之事於乙丑七月謂高陽實有其事猶王嶽謂  
先公實有其事也逆奄之亂去今五十餘年耳目相接  
其大者已牴牾如此向後欲憑紙上之語三寫成烏豈  
復有實事哉



祭萬悔菴文

嗟乎十年以來余之風波禍患苦無已時然一歲之間  
非先生過我則我過先生必且再三一雪其心之所甚  
痛竹燈木榻卽啖野葛之味亦足樂也自先生出門余  
死一兒一孫兩媳刊章名捕幾陷穴胸焚巢之禍我謂  
旦中悔菴粵中將至必有名香佳硯出而相玩吾二三  
年閒所歷之苦縷覩於前泫然絜歛相對庶幾可以忘  
矣豈知風波之民卽此一日之絜歛相對者天亦不欲  
以假之乎余之交先生與文虎蓋在壬申之歲也當是



時東林復社爭相依附予所居僻遠城市亦不乏四方之客喪亂之后其跡如掃瑞當嘗曰文虎云亡百里之內自履安而外誰復窺黃氏之藩籬者晚潮落日孤篷入港雖里媪堯兒亦知其爲先生訪余兄弟之舟也吾老母癸酉四旬癸未五旬先生與文虎皆如期而至癸巳六旬先生揭揭度阡陌閒坐定出所作正氣堂壽讌序讀之傷文虎之不偕不覺失聲而哭先生又去三十年登堂拜母之客一朝盡矣先生以乙未十一月二十日別我聞訃亦在是日余之別文虎也乙酉十月十日



其聞訃也丙戌十月十日豈數之偶合與抑吾二三兄弟至情之所感召乎去年四月夢先生與文虎躋仲過我因作詩紀之遂爲懸識則不可不謂感召之所至也嗟乎先生名思陵孝廉二十又二年飢寒流落關係晦明夫復何憾而先生曾謂人曰吾一入長安則竹橋剡中之路豈可復過先生之不以竹橋剡中易長安者則欲與吾兄弟共此飢寒流落斯言厯然甯可銷磨皇天后土旣屬無情後死之痛顧影彌深先生其必悽愴於我詞也夫







避地賦

嗟我生之不辰兮逢家難於髫年蘭芽之方茁兮霜雪  
從而萎焉覆巢無完卵兮羌變姓於傭保之間幸先皇  
之御歷兮大憝授首而鯨鯢之維時哭祭於闕下兮醢  
奸骨以爲犧先皇登萬歲山而見之兮曰此忠死之孤  
兒也雖紅日之照融兮實魍魅之繁徒宦奄人而歸來  
兮孰不注東林以僕姑烏聲慘爲車載板兮獸幻而爲  
山都余反首芟舍兮念門戶之榛蕪啓藝苑之春華兮  
收儒林之秋實竊自比於管樂兮甯婁數乎藪葦夫名



教之利刃兮固不便乎腐朽者之風逸遂信信罵爲黨  
人兮禍復叢夫俊及彼兩京之顛覆兮曾不償孔王之  
恩讐我亦何罪何辜兮竊獨罹此橫流朝不坐宴不與  
兮私天下爲一家之憂榜朝堂而名捕兮圍門閭以戈  
矛待變熊蟠之熟兮寄命日影之留令無伏牀之泣兮  
友鮮複壁之收而乃避地於口口兮觀日月之出沒經  
亂礁之岑崿兮想文山之竭蹶草木無所附麗兮但見  
饑鷹千羣之倏忽泊牡蠣之灘頭兮昔光堯於是乎至  
止數百年若旦暮兮誠流涕而不能已彼琴墮有還時



兮今庶幾其復爾儼佛像於口田兮遙千里而見之歷  
以中土之耳目兮祇鬼瑣而自疑鳬雁嗟呬於鴻波兮  
島嶼之逶迤也熠燿明滅於紅窗兮星宿之推移也何  
馬蘭之弱草兮數十尺而扶疎行者往來其下兮每墮  
蕊之紛如瑞香亦五色兮與荼蘼而閒諸凡島中之花  
鳥兮視人世而竟殊當夫百妖露天水同羣魚飛霧海  
市當空帆俄頃而千里兮浪百仞而萬重縱一瀉之所  
如今何天地之不通越長岐與薩師瑪兮乃口口天口  
口方銷兵而忘戰兮粉飾乎隆平招商人以書舶兮七



錄韓於東京金石古奇器兮比戶能辨其真贗華堂隔

以綾幔兮月夜而箏琶笙管之齊鳴余旣惡其侈快兮

日者亦言帝殺夫青龍

甲乙帝殺青龍不可東行見墨子

返余旆而西

行兮胡爲乎口中而那避地於萬山兮目視夫霄漢絕

村落之烟火兮支土銼于巖畔接十尋之瀑布兮使受

役於城且查黎瑣碎於秋林兮丹合嫵媚於春澗與猿

鳥而爭食兮偕樵蘇而相亂當夫寒食之時青松散粉

兮黃霧彌天杜鵑環岡兮紅霞匝地復有苦鳥鳴夜兮

林花莫不爲之憔悴處處哭聲朝朝喪樁抱膝而歌蒿



里兮墓林紙錢又乘颺而突戾嚴霜倒飛白髮孤燈不  
轉水樂但聞鳥更將放筆而就寢兮開戶視夫中星斯  
時高岡之麕下兮似老人且欬而且行旋繼之以猛虎  
兮風颯颯而屋瓦不甯習既久而不怪兮反有以助余  
之淒清而其雪合空山兮黃獨無苗梅花有骨木客之  
跡無數兮樵人之徑皆沒誰謂莫往莫來兮亦有麋鹿  
之塘揆甘露降於寒松兮映初日之明熒茲馨烈之幽  
達兮豈等級於醪醕限之以一垣兮凝至和於中庭亦  
有高人訪道至我廬邊古松流水算子鏗然悲屠龍之



技兮僅世外之可傳蓋將埋名與草腐兮不虞爲野火

之所妒以淵明之苦節兮天亦不憐其遲暮

陶有遇况  
火詩

余之瑣瑣兮又焉能免夫孤露悲藥園之就荒兮聽流水之侵路  
彷徨依齋之易卦兮聊避地於市廛求昔時之屠狗兮遊酒人以亡年  
釋亡命之疑兮因避地於城郭守不見諸侯之介兮齊咎譽之寂寞  
最此二十年兮無年不避避不一地念遷播之未定兮老冉冉其已至於  
是返故居捷六枳蓬蒿滿琴書肆苟歌哭之有常兮豈怨風雨之不蔽  
尋松陽湖之蹟兮按黃竹浦之記放翁



稱夫蜀山兮九靈發其藍水二蘭絕江可望兮雙瀑舉  
足可企何墜簡之紛如今留久湮之祕囿鷄牧豕其閒  
兮不辭爲鄉里之所鄙詎料龍蛇起陸兮百毒一時而  
匯蚍蜉直欲撼大樹兮蜂蠆亦結而成隊僕區之法亡  
兮桑梓滌而無類未十年而又避地兮奉老母而竄於  
海隅累故書之千篋兮歉家具之一車襁女孫之三孩  
兮因世亂而憐渠一室分爲庖湍井白兮盈丈而共雞  
犬圖書談文正之遺事兮猶彷彿乎牛屯九亭石屋之  
延連兮昔汝湖之所園也羌獨不得際於斯時兮甯功



名之足論遊東山之古寺兮悵亡宋之哭聲

宋亡邑之士人衰衣

聚哭此寺

厯千載而不散兮悲天運之復丁東觀口口兮曾

中流而擊楫挽墜日於虞淵兮恨此志之未捷雖同舟  
之已盡兮而老兵退卒或留於灰劫相與指點殘陽之  
下兮無異尋乎夢中之蝶蓋聞承平之父老兮終身不  
見夫兵革獨喪亂之於余兮前未往而後復迫疲曳而  
不免避地兮尙遑遑其何適亂曰探野葛以爲糧飲之  
以鵠血兮結蓼花以爲佩美人復貽予以苦蘗兮彼桃  
李之豔陽阻風波而莫適兮苟前身之不爽又何庸厭



射兮







雁來紅賦

溽暑初謝秋聲在樹寸寸寒烟山山靈雨水潺湲而無  
極天寥泬而如暮嘹唳兮聲滿長空參差兮景留古渡  
蕙蘭心死芙蓉腸斷草則螢去情亡葉乃根離恨絆爰  
有弱草生於階畔根老無花條孤不蔓埋落蘚所不辭  
招萋陸以爲伴於斯時也忽然露奇遂爾目換黃疑曉  
鶯坐樹紅若春鶻哭旦蜀錦出濯霞光方亂幾登羣卉  
之目豈特百草之冠兒子百家進曰天下之物無大小  
未有不得一暢發其精華者也彼草木之甚微或花或



葉必蒙一時之咨嗟况夫魁梧長者而有終身于風沙  
奈何不能安靜待時急流俗之誼譁余乃喟然嘆曰汝  
以其妖光奪目冶色欺人乃精華之得發耶方其雲慘  
慘而欲凝月黯黯而將壓莫訴霜饕誰憐雨劫襍粉染  
于淒露酸心幻爲媚葉秋風宛轉原是哀魂夕陽陸離  
但有啼頰相對吟蟲時來病蝶豈知其所不得已者人  
反賞之以目睫乎小子識之君子聞道而腴心空得第  
奚羨榮枯于外境達人苦富貴之桎梏世方以爲慶修  
上傷聲名之頓撼世方以爲盛又何殊于茲草之萎淝



將敗女方以爲得遂其性乎故曰木有癭石有暈犀有  
通以取妍于人皆物之病也







# 海市賦

余登達蓬山望海山僧四五人皆言春夏之交此地特  
多海市各舉所見與圖畫傳聞者絕異蓋傳聞者多言  
蜃氣燭天影象見於空中豈知附麗水面以呈譎詭言  
者不出雲氣髣髴豈知五采厯落刻露秋毫東坡在登  
州以歲晚得見爲奇然霜曉霧後往往遇之亦不必拘  
拘於春夏也信耳信目自有差等山僧約明年三四月  
來宿其舍海神當不余棄先次第其言而賦之

己酉之冬觀海達蓬山僧四五指點空濛曰濱海之地



不一茲獨當夫神宮也光怪發作亦何人而不逢但稱  
登州之海市者蓋不免於瞽聾余曰各言其狀本源曰  
其爲城也雉堞崔嵬麗譙睥睨三里七里句股可攝於  
焉戎馬乘城蹀躞照白竊驪雨鬃風鬣儼烽火之告嚴  
危黑雲之將壓其爲樓也蹇產百尺成以鬼巧綺窗朱  
瑣明星縈繞神妃雜遝凭闌渺渺其語可聞若在粧曉  
有時而現爲黃幄深簷婀娜繡帶悠揚何采旄桂旗之  
盡屏茲特疊出以爲章汪道者曰亦有單門聚落忽然  
而來屋瓦參差門戶洞開嗟朝煙之不起豈井臼之生



埃固職方所不紀亦戰爭所不災續宗曰當旭日之初  
高有霜鐘之寓質制宏萬石音諧七律藏寂寞之元聲  
雖滿盈而不出少焉變爲城郭中引長橋值刺史之行  
部或中丞之入朝鳴笳列騶夾轂喧囂何珠宮貝闕而  
以鹵簿宣驕其後幻爲染肆綠沈紅淺羅綺繽紛借霞  
天以爲色蒸香草而成文彼蜀江之濯錦信天人之攸  
分補陀僧曰橘柚初黃颯然風葉覽觀大洋湧起寶塔  
四面句欄七重鞞鞞華矚風濤光交目睫遇其變現狀  
若鸚鵡瑣碎末品大越邱坡閃屍之下湛然水波若夫



海路壯闊一山千里雖人跡所不交亦針經之能指爾  
乃帆席未掛僧窗宴啓忽然叢島逼塞孤峯魁峙疑異  
國之飛來豈靈居之遷徙當其電絕不煩蜚譽名曰浮  
山海人習此或曰此何理也余曰夫積塊之間紅塵機  
巧菁華銷鑠猶且羣羊飛鳥野馬磅礴彼大海空靈神  
明郭廓百色妖露豈能牢落故其軒豁呈露者窮奇極  
變而無有齟齬此固蛟龍之所不得專天吳蜺像之所  
不能作况蜃之爲物甚微吐氣更薄乎南海謂之浮山  
東海謂之海市是乃方言之託也



南唐文正公集卷十一


三 粵雅堂叢書




南雷文定前集卷十一

譚瑩玉生覆校























































PL  
2451  
178  
7.219  
南雷文定後集目錄

卷一

明名臣言行錄序

先師戢山先生文集序

寒邨詩稿序

山翁禪師文集序

沈昭子耿巖草序

姜山啓詩序

靳熊封詩序





萬祖繩七十壽序

重建先忠端公祠堂記

永樂寺碑記

小園記

答萬貞一論明史歷志書

卷二

大學士碩膚孫公墓誌銘

兵部左侍郎蒼水張公墓誌銘

缺俟補入

大學士文靖朱公墓誌銘

缺俟補入



謝時符墓誌銘

朱止谿墓誌銘

鄧起西墓誌銘

顧麟士墓誌銘

顧玉書墓誌銘

參議礪礪閣公神道碑銘

卷三

贈編修弁玉吳君墓誌銘

雪蓑閔君墓誌銘



謝時禪墓誌銘

封庶常陳君墓誌銘

參政顓之邱公墓碑

陳乾初墓誌銘

編修陳怡庭墓誌銘

提學來菴袁公墓誌銘

周子佩墓誌銘

陳夔獻墓誌銘

卷四



張仁菴墓誌銘

徐瘦菴墓誌銘

毛淇僊墓誌銘

姜夫人墓誌銘

錢忠介公傳

陳令升先生傳

職方司郎中大垣靳公傳

戴郁山傳

書錢美恭尋親事



施恭愍立後議

姚江春社賦



南雷文定後集卷一

餘姚 黃宗羲 太沖撰

明名臣言行錄序

史之爲體有編年有列傳言行錄固列傳之體也列傳善善惡惡而言行錄善善之意長若是乎恕矣然非皎潔當年一言一行足爲衣冠之準的者無自而入焉則比之列傳爲尤嚴也今徐子之爲是錄也博採兼取一善之長必錄無暇窺見至隱以朱子之嚴尙有議其范平章竇內翰之不應入者徐子毋乃長於知君子而短



於知小人乎雖然徐子之意固有在也徐子身逢喪亂  
顧當世愚儒無知不足以備一郭瑣瑣朱墨徒供全軀  
保妻子之用世智限心風塵破膽田僮竈婦且窺其底  
裏何況盜賊是故守尾生孝已之信於盜賊而施張儀  
蘇秦之詐於君父破城陷邑智窮不能自免則以亡鹵  
降人爲究竟遂使天網毀素地紐凋絕普天相顧命懸  
晷刻嗟乎顧安得事功節義之士而與之一障江河之  
下乎古之君子有死天下之心而後能成天下之事有  
成天下之心而後能死天下之事事功節義理無二致



今之君子以偷生之心行嘗試之事亦安有不敗乎徐  
子是錄大約不出於事功節義二者其閒事功有大小  
節義有勇怯亦視其本領之闊狹有盡有不盡耳要不  
可爲無與於此者也以是求之顧亦未嘗不嚴也夫事  
功必本於道德節義必原於性命離事功以言道德考  
亭終無以折永康之論賤守節而言中庸孟堅究不能  
逃蔚宗之譏三百年來堂陞之崇嚴城邑之生聚邊鄙  
之干陬至於末造清議不衰明之爲治未嘗遜於漢唐  
也則明之人物其不遜於漢唐明矣其不及三代之英



者君亢臣卑動以法制束縛其手足蓋有才而不能盡也徐子亦嘗尙論其故乎近時僞書流行聊舉一二如甲申之死則雜以俘戮如陳純德等逆閹之難則雜以牖死如丁乾學等楊嗣昌喪師誤國冬心詩頌其功勞洪承疇結怨秦人綏寇紀張其撻伐高官美謚子姓私加野抄地志纖兒信筆此錄出庶幾收廓清之功矣



先師戡山先生文集序

先師之學在慎獨從來以慎獨爲宗旨者多矣或識認本體而墮於恍惚或依傍獨知而力於動念唯先師體當喜怒哀樂一氣之通復不假品節限制而中和之德自然流行於日用動靜之間獨體如是猶天以一氣進退平分四時溫涼寒燠不爽其則一歲如此萬古如此卽有愆陽伏陰釀爲災祥之數而終不易造化之大常慎者慎此而已故其爲說不能不與儒先牴牾先儒曰意者心之所發師以爲心之所存人心徑寸閒空中四



達有太虛之象虛故生靈靈生覺覺有主是曰意不然  
大學以所發先所存中庸以致和爲致中其病一也然  
泰州王棟已言之矣自身之主宰而言謂之心自心之  
主宰而言謂之意心則虛靈而善變意有定向而中涵  
意是心之主宰以其寂然不動之處單單有箇不慮而  
知之靈體自做主張自我裁生化故舉而名之曰獨少閒  
攬以見聞才識之能情感利害之便則是有商量倚靠  
不得謂之獨矣若云心之所發教人審幾於動念之初  
念旣動矣誠之奚及師未嘗見泰州之書至理所在不



謀而合也先儒曰未發爲性已發爲情孟子之惻隱羞  
惡辭讓是非因所發之情而見所存之性因所情之善  
而見所性之善師以爲指情言性非因情見性也卽心  
言性非離心言善也形而上者謂之道形而下者謂之  
器器在斯道在離器而道不可見必若求之惻隱羞惡  
辭讓是非之前幾何而不心行路絕言語道斷所謂有  
物先天地者不爲二氏之歸乎又言性學不明只爲將  
此理另作一物看如鐘虛則鳴妄意別有一物主所以  
鳴者夫盈天地閒止有氣質之性更無義理之性謂有



義理之性不落於氣質者臧三耳之說也師於千古不  
決之疑一旦拈出使人冰融霧釋而彌近理而大亂真  
者亦旣如粉墨之不可掩矣昔者陽明之良知與晦翁  
之格物相參差學者駭之羅整菴霍渭崖顧東橋斷斷  
如也然一時從遊者皆振古人豪卒能明其師說而與  
晦翁並垂天壤先師丁改革之際其高第弟子如金伯  
玉吳磊齋祁世培章格菴葉潤山彭期生王元趾祝開  
美一輩旣已身殉國難泉比凝塵曩日之旅進者才識  
多下當伯繩輯遺書之時其言有與雒閩齟齬者相與



移書請刪削之若惟恐先師失言爲後來所指摘嗟乎  
多見其不知量也此如成周王會赤奕陰羽莖幣獻書  
而使三家學究定其綿蕞耳昔和靖得朱光庭所抄程  
子語以質程子程子曰某在何必讀此書若不得某之  
心所記者徒彼意耳和靖自是不敢復讀古之門人不  
敢以燭火之光雜於太陽今之門人乃欲以天漢之水  
就其蹄涔不亦異乎王顥菴先生視學兩浙以天下不  
得覩先師之大全爲恨捐俸刻之東浙門人之在者義  
與董場姜希轍三人耳於是依伯繩原本取其家藏底



草遂一校勘有數本不同者必以手蹟爲據不敢不慎也高忠憲云薛文清呂涇野語錄中皆無甚透悟有之無所增損也讀先師之集當有待之而興者矣顓菴先生之惠後學豈小哉



沈昭子耿巖草序

昔在嵇太守淑子署中一時名士刻其詩文者咸盡其  
底蘊最後得鎮海樓碑讀之因謂淑子曰此韓陵山一  
片石也徐渭不得孤行矣自是始知有先生姓名後三  
年邂逅先生於許使君座上目之曰此作鎮海樓碑者  
然是時先生不及文章而談理學又數年再見先生先  
生亦不及文章而談史學余於是知先生之文章本之  
經以窮其原參之史以究其委不欲如今人刻畫於篇  
章字句之間求其形似而已宋景濂論文謂漢唐二三



儒者其於文或得皮膚骨骼獨宋室學統數先生得文之精髓而爲六經孔孟之文先生論文謂學統數先生於天人性命經制度數之說固窮其源而抉其幽誠非漢唐儒者之文所及若就文章之能事而衡之以質文終始之變則漢唐儒者蓋有專長以相勝其爲論不同如此余近讀宋元文集數百家則兩說似乎有所未盡夫考亭象山伯恭鶴山西山勉齋魯齋仁山靜修草廬非所謂承學統者耶以文而論之則皆有史漢之精神包舉其內其他歐蘇以下王介甫劉貢父之經義陳同



甫之事功陳君舉唐說齋之典制其文如江河大小畢  
舉皆學海之川流也其所謂文章家者宋初之盛柳仲  
塗穆伯長蘇子美尹師魯石守道淵源最遠非汎然成  
家者也蘇門之盛凌厲見於筆墨者皆經術之波瀾也  
晚宋二派江左爲葉水心江右爲劉須溪宗葉者以秀  
峻爲揣摩宗劉者以清梗爲句讀莫非微言大義之散  
殊元文之盛者北則姚牧菴虞道園蓋得乎江漢之傳  
南則黃潛卿柳道傳吳禮部蓋出於僊華之窟由此而  
言則承學統者未有不善於文彼文之行遠者未有不



本於學明矣降而失傳言理學者懼辭工而勝理則必直致近譬言文章者以修詞爲務則甯失諸理而曰理學興而文藝絕嗚呼亦冤矣余老屏空山先生不鄙而屬定其文余卒卷而嘆曰當元之修遼金宋史也其史官最著名者歐陽元揭傒斯張養浩宋褰蘇天爵今之修明史其史官最著名者亦不數人先生其眉目也先生之文清深整雅畜而始發閒事摹畫而隅角不露何其似蘇伯修也先生之修明史議與伯修之三史質疑同也先生之開濬杭州支河運河碑記與伯修之江浙



行省浚治杭州河渠記又同也其他金石之文扶植名  
教無弗同者伯修爲靜修再傳則知先生之文出於學  
統無疑矣







寒邨詩稿序

寒邨之詩出人皆笑之卽知之者亦謂其在江門定山之閒而不喜之以其不似唐也余以爲惟寒邨始可以言唐詩矣似不似之論所以去之更遠古今之言詩者多不從受病之處徒抄販其流注之害此其說之所以愈長也近時疏敕諸家莫如牧齋然知白沙之爲詩人而深怪定山猶是執呂以毀律也痛惡者竟陵稍寬者公安夫竟陵公安豈能自別爲家竟陵學王孟而失之者也公安學元白而失之者也根孤伎薄不過流注之



害耳詩之爲道從性情而出性情之中海涵地負古人不能盡其變化學者無從窺其隅轍此處受病則注目抽心無所絕港而徒聲響字脚之假借曰此爲風雅正宗曰此爲一支半解非愚則妄矣上天下地曰宇古往今來曰宙自有此字便不能不宙今以其性情下御家數是以宙滅宇也又障其往來者而使之索是非於黃塵是以宙滅宙也今人論詩大槩如是寒邨之性情湔汰秋水表裏霜雪故其爲詩不必泥唐而自與唐合有識者自當相遇於心理所得則余言亦贅矣



山翁禪師文集序

歲乙酉余遊雲門諸寺至平陽山翁開山經始坐未定  
卽出其文集六冊屬刪爲四冊入夜秉燭相對閱數卷  
而止未卒業也壬戌余復至平陽時天岳繼席出其先  
師所謂百城集者命刪之以終前諾明年天岳詣余於  
黃竹申之以幣老嫺因循忽忽三年頃見直木堂詩經  
久胡不報緣樹謹鷓鴣是責余之爽約也有自山曉來  
者亦以爲言夏月北窗蜀山青翠勉爲削筆旣而嘆曰  
世無文章也久矣而釋氏爲尤甚釋氏以不立文字爲



教人亦不以文章家法度律之故今日釋氏之文大約以市井常談兔園四六支那剩語三者和會而成相望於黃茅白韋之間以爲糞中天地章亥之所不步也讀之者亦不審解與不解疑其有教外微言落於麤野之中蟬螻在東莫之敢指嗟乎言之不文不能行遠夫無言則已既有言則未有不雅馴者彼佛經祖錄皆極文章之變化卽如楞嚴之敘十八天五受陰五妄想與莊子之天下司馬談之六家指要同一機軸蘇子瞻之溫公神道碑且學華嚴之隨地湧出皎然學於韋蘇州



覺範學於蘇子瞻夢觀學於楊鐵崖夢堂學於胡長孺  
其以文名於一代者無不受學於當世之大儒故學術  
雖異其於文章無不同也奈何降爲今之臭腐乎雖然  
亦儒者有以開之也明初以文章作佛事者無過宋景  
濂其爲高僧塔銘多入機鋒問答雅俗相亂試觀六朝  
至於南宋碑釋氏者皆無此法虞伯生尙謹守之至景  
濂而一變堤決川奔則又何所不至也山翁之詩文亦  
不免於堆垛妝點然稱情而出當其意之所之前無古  
人後無來者既不顧人之所是人之所非并不顧己之



所是所非喜笑怒罵皆文心之汎濫如是則於文章家  
之法度自有不期合而合者奚有於習染之菱菱者乎  
山翁之弟子山曉天岳皆覺範圍至之亞也視余此刪  
當有憬然會於心矣



姜山啓彭山詩稿序

天下皆知宗唐詩余以爲善學唐者唯宋顧唐詩之體  
不一白體崑體晚唐體白體如李文正徐常侍兄弟王  
元之王漢謀崑體則楊劉之西崑出於義山二宋張乖  
崖錢僖公丁崖州其亞也晚唐體則九僧寇萊公魯三  
交林和靖魏仲先父子潘逍遙趙清獻之輩凡數十家  
至葉水心四靈而大振少陵體則黃雙井崑尚之流而  
爲豫章詩派乃宋詩之淵藪號爲獨盛歐梅得體於太  
白昌黎王半山楊誠齋得體於唐絕晚唐之中出於自



然不落纖巧凡近者卽王輞川孟襄陽之體也雖鹹酸嗜好之不同要必心遊萬仞漉液羣言上下於數千年之間始成其爲一家之學故曰善學唐者唯宋明初以來九靈鐵崖乍鳴眉菴之餘論未泯北地起而盡行抹撥以少陵爲獨得撥置神理襲其語言事料而像之少陵之所謂詩律細者一變爲麤材厯下太倉相繼而起遂使天下之爲詩者名爲宗唐實禘何而郊李祖李而宗王然學問稍有原本者亦莫不厭之百年以來水落石出而臥子猶吹其寒火顧見紉於艾千子陽距而陰



從自後詩文稍刊其脂粉而爲學未成天下不以名家  
許之其間公安欲變之以元白竟陵欲變之以晚唐虞  
山求少陵於排比之際皆其形似可謂之不善學唐者  
矣吾越自來不爲時風眾勢所染當何李創爲唐詩之  
時陽明與之更唱迭和未幾棄去何李而下嘆惜其未  
成不知其心鄙之也太倉之執牛耳海內無不受其牢  
籠心知徐渭楊珂之才而欲招之徐楊皆不屑就太倉  
遂肆其譏彈而徐楊之名終不可掩顧昧者以鄉邑二  
十年之間見妄謂吾越無詩越非無詩也無今日之假



唐詩也又何異飲狂泉者之怪國君穿井而汲乎山啓  
淵源家學其述祖德詩駸駸入於大雅應酬登臨之作  
自有王謝氣象以之名世不難也昔陳後山答秦少章  
書謂於詩初無師法少好之積以千計及一見黃豫章  
盡焚其稿而學焉故後山之詩斷自三十一歲以後夫  
後山三十歲以前詩亦超軼精詣矣後山何爲而去之  
山啓年未三十其進當未有量余故以學詩之源流告  
之使不爲時風眾勢所惑也



靳熊封詩序

從來豪傑之精神不能無所寓老莊之道德申韓之刑  
名左遷之史鄭服之經韓歐之文李杜之詩下至師曠  
之音聲郭守敬之律厯王實甫關漢卿之院本皆其一  
生之精神所寓也苟不得其所寓則若龍攀虎跋壯士  
囚縛擁勇鬱遏全憤激訐溢而四出天地爲之動色而  
況於其他乎靳使君天才颯發少攻舉子業拘於例不  
得就試其胸停書史無所發洩乃一寓之於詩故其爲  
詩富盭精工仍不失平淡清夷之骨將使寒郊發幽鬼



賀破咽而又礪之以新安之山水元英虛谷之詩蹟次第模索蓋駸駸乎而未有已也百年之中詩凡三變有北地厯下之唐以聲調爲鼓吹有公安竟陵之唐以淺率幽深爲祕笈有虞山之唐以排比爲波瀾雖各有所得而欲使天下之精神聚之於一塗是使詐僞百出止畱其膚受耳使君未嘗循一家之門戶時而律呂相宣則豫章失其派時而言近指遠則王孟闕其牖時而行空角險則北征南山啓其塗其精神所注如決水於江河淮海衝砥柱絕呂梁因其所遇而變生焉方今禮樂



將興其作爲雅頌以鳴一代之盛者舍使君其誰適歟



南宮文定公集卷一

七



萬祖繩七十壽序

萬貞一從京師致書屢以其家先生壽序爲請夫京師  
文章之淵藪也顧沾沾一老生之言何足爲重輕豈以  
其久故歟壬申之冬余始交文虎履安兩先生是時祖  
繩年十六讀書西泉蓋所謂翠竹碧梧鸞鵠停峙者也  
從錢忠介學制藝稱爲高第弟子場屋氣習不用力古  
作而更竄易於時文不訂經史本處而求故事於時文  
祖繩求理於大全求法於大家原原本本當時未之或  
先也逮更喪亂此志不衰旌旗亂野飛火壓城人方竄



針孔以自匿而祖繩書聲琅琅猶出戶外人以此笑之  
此一時也馳驅南北蕭然四壁讀書更萬卷無一字用  
乃從道士郎堯生學老氏法久之自詫有得蒙存淺達  
誠不如參同悟真之有倫脊矣又一時也令子貞一聘  
入史館彌綸一代一時同被徵者出入靡定而貞一八  
年不調專董其事天下皆知有萬氏之學嘗讀宋景濂  
集當時所聘修元史者極天下之選飲酒賦詩視之如  
在天上而景濂之父蓉峯處士一時名公皆有詩祝誦  
今日祖繩卽異時之蓉峯處士也人生文字之榮得此



足矣萬氏之門文章風敎爲衣冠瞻矚又一時也祖繩  
亦思七十年來變燧迴星不過俄頃而所厯流變如此  
去歲過逸老堂余所選文集祖繩抄之等身余篋中墜  
落反從祖繩抄之祖繩之好學不因所厯爲流變萬氏  
詩書之澤當方長而未艾也







重建先忠端公祠堂記

天子既誅逆奄表死節之忠臣祭葬贈蔭卹典咸備御史袁鯨請於京城建祠一座以慰忠魂楊漣周順昌黃家諱李應昇等各家子弟追塑遺像於祠中順天府春秋祭享詔曰可於是死節最著者十三家有司奉旨立廟於鄉皆名曰敕建先忠端公祠卜地邑西之西石山爲呂氏書室有長松峭壁用官價百金買之是時我鄉奄黨最多而以逆案拾遺歸者北科糾拾某官癸亥京察降級乙丑以後遂爾登級光祿無匠何以冒殿工而加級非夤緣捷徑何以越歲而正位奉常內有通天之孫杰外有納賄之崔逆



同郡劉宗周正人也惟恐出而阻之勢尤桀梟與其同  
移宮一案何罪乎疏請榜示以爲戒黨蹴私人出而爭地東浙士大夫皆爲之不平馮留僊  
馮鄴僊劉瑞當陸文虎萬履安馮元度會祭祠下其文  
刺我邑縉紳不復知人閒有羞恥事而以黨奄自旌也  
奄黨憤甚又使其前爲方從哲之門客狐鼠遊說爲一  
邑風水攸關必須改卜戢山劉先生爲書以告當事曰  
不佞白安先生之未亡友也請以螳臂當之矣久之而  
後定而同黨亦知爲拾遺者所誤咋舌而死紹興推官  
陳子龍銘其麗牲之石春秋常祭之外巡按蕭奕輔喬



可聘左光先海道許多儀部周鑣等路有經由者皆以  
特羊告廟賦詩憑弔改革之際羣盜滿山官兵借爲營  
房抽椽壞壁未幾而傾覆矣有司致祭無所罷享者四  
十年創痛如積今天子纂修明史追數明室之亡在  
於天啓昔伍員之諫夫差也謂二十年之後吳其爲沼  
當員之諫時爲魯哀公元年至二十二年其言始驗而  
越滅吳先公之諫熹宗爲甲子歲至乙酉而明亡亦二  
十二年故先公絕命詩錢塘有浪胥門目不特痛其遭  
遇如員而於國家興亡之數亦前知之矣魄感精動虛



塵可數當知緯候爲小道耳王顥菴先生督學浙中以仁義束世教行部東浙表章啓禎忠節立六賢講院而以先忠端公爲首又考圖經知先忠端公故有祠宇今雖蕪廢顧先朝敕建不可不復乃卽其故里老屋三楹肖像存舊丙寅二月下丁教諭沈君煜將事風和日美俎豆靜潔故老見之泣下沾襟蓋先公被逮在丙寅三月今歲復在丙寅而祀典之舉適相邂逅不可爲非數也祠堂當三江之口元柳貫有連延黃竹浦之詩剡水西流藍溪南注姚江東去至此而合迺易之戴九靈之



遺蹟在焉北望陸放翁之蜀山南觀李信之雙瀑名山  
大川藥房蕙帳於此乎於彼乎徬徨上下死而不亡者  
庶幾其或遇之







永樂寺碑記

去余居六七里而近有龍山永樂寺大江橫其東蜀山  
峙其右迺易之所謂姚江東去蜀山青之地也蜀山者  
陸放翁入蜀記云興國軍富池有小石山自頂直削去  
半與餘姚江濱之蜀山絕相類者卽此幽潛奇特爲山  
水勝處淳祐間鐵崖禪師志先與其徒士懷寶潛建報  
慈菴景定請於朝賜名永樂寺卒皆塔於寺之東偏後  
四年曾孫時敏景星蘊玉復補所未備鐵崖與丞相史  
嵩之友時敏嗣法佛鑑範一時飽參久證咸來依止咸



淳七年八月庚寅立碑於寺傳至正宗匡當元至元己卯正宗能文好客建永竹居日吟咏其中初正宗主龍興之上藍金華柳道傳提舉江西儒學暇日過從甚相好也後二三年道傳受代還里而正宗亦謝事歸龍山道傳自金華扁舟訪之宿畱是山幾一載相對賦詩其見集中者古詩二律詩五七言各一其律詩連延黃竹浦隱見白龍堆指余所居之地名也詩皆刻石篆三大字於堂臨別著龍山古蹟記一卷道傳之門人戴九靈避地慈谿之花嶼鳳湖其於寺棲止尤數而詩亦最多



懷舊維故句甚悲涼正宗再傳爲天甯禪師仲猷闡明  
太祖以高行僧召至南京尋奉旨使日本畢事歸奏詔  
許歸隱山中當其使日本也太祖及宋景濂皆有詩送  
之仲猷建歸菴於寺左蓋以得歸爲幸仲猷善鼓琴又  
建二蘭齋其記之者卽九靈也洪武乙卯滑伯仁宋無  
逸登其山巔滑詩有登臨重九日感慨百年心之句正  
德癸酉陽明先生與王世瑞許半圭蔡希顏朱守中徐  
曰仁流連信宿賦詩於此曰仁因記其事茲山窮鄉僻  
壤自淳祐至正德數百年閒而名蹟之夥如此乃不知



廢於何時萬厯庚申西緒纘重建佛殿老屋數間支撐  
於盲風苦雨之中香燭無主雲水莫視德如行過而憫  
之軍持不借蕭然露宿苦力三年屢笠雲委聿興工作  
穹殿中峙軒廡回旋有齋寢以安禪寂有門闥以謹啓  
閉有方丈之室有香積之廚魚鼓鐘磬牀第臥具凡寺  
制之所宜有者燦然畢備又置僧田三十餘畝功成而  
師亦老矣余自有識以來閭里之間但見邨落日消一  
日今之犁鋤所及者皆昔之井竈也至於僧居屈竹道  
傍未幾而環堵矣未幾而棖桷矣汙邪市井未嘗擇地



塵全滿室但供邨婦里老之遊息頃余修志僧會司上  
冊餘姚一邑之內菴院凡一千三百有奇而古刹如明  
真正覺蓮峯明因慶善等皆廢爲荒隴卽如武林之辯  
才龍井烏窠孤山皆非故所奇地湮沒不知凡幾然則  
私創之盛古刹之衰也每見古德於名賢過化之跡必  
極力護持真淨之青松社惠勤之六一泉皆是也天地  
閒清淑之氣山水文章交光互映雪泥鴻爪不與劫灰  
俱盡耳今德如莊嚴名勝且欲考水竹居一蘭齋歸菴  
一一復其故處亦可謂之不俗矣顧德如尙以參學未



究爲歎余以爲使德如而盡參學之願不過一杖一拂  
夫一杖一拂之與一椽一瓦皆非佛法誠能護持名蹟  
焉知不有如正宗仲猷其人者將來似續於此乎余每  
過寺念泰定閒先州判茂卿先生於此置田講學徘徊  
久之德如因求記以垂永遠年來求文者不能悉應顧  
余女徽音居鄰其地數以爲請余老矣學殖荒落尙恐  
收拾不盡也



# 小園記

黃竹浦軒之西有隙地縱二尋而強橫三尋而弱辟以爲園用樹花木不過八九株而已因買瓦盆百餘以植草花水僊艾人芳洲洛陽茉莉真珠烟蒲石竹辣椒苦萼金燈銀合黑牛紫燕虎刺蛇牀鈴兒鼓子忘憂含笑庭莎路杞秋羅似翦荷包象形康成書帶徐公劍脊濃則牡丹芍藥淡則春蘭秋菊藥品瑣碎皆爲芳草施以人工則桃李梅杏金松線柏屈其干霄之姿下同弱卉至於麗春款冬丈紅段錦鴈來燕麥紫茉莉秋棠斷腸洗



手紅姑虞美叢生砌下遞換隣閒非盆盎之所收拾也  
昔黃石齋先生爲先忠端公書庾子山小園賦遂取揭  
之軒中而以名園夫子山之園雖小猶得欹側八九丈  
縱橫數十步以吾園較之不能十之一無乃非其類乎  
雖然小大何常之有子山之園視章華銅雀謝靈運之  
山居沈約之郊居千百中不及一二故謂之小而吾之  
園又不及子山因子山之小而小之昔傅長虞小語賦  
糠粒爲舟針孔自匿蘇子美詩托身螟兩睫小都牛一  
毛是萬物之數尤有小於吾園者矣郭象曰統大小者



無小無大者也苟有乎大小則雖大鵬之與斥鷃宰官  
之與御風同爲累物耳試爲之拔棘排牆藍水東流戴  
九靈痛哭之詩蹟也石窗南峙劉綱樊夫人乘雲而狡  
獪者也西望則虞仲翔注易之露未乾北眺則陸放翁  
之奇峯突兀此則子山之所不能有也今人之謂固陋  
者曰兔園策兔園策乃徐庾之體非鄙朴之談但家藏  
一本人多賤之兔園者小園也天下之固陋有如余者  
乎則余之名此園也固宜







答萬貞一論明史歷志書

承寄歷志傳監修總裁三先生之命令某刪定某雖非  
耑門而古松流水布算簌簌頗知其崖畧今觀歷志前  
卷歷議皆本之列朝實錄崇禎朝則本之治歷緣起其  
後則三歷成法雖無所發明而採取簡要非志伊不能  
也然崇禎歷書大概本之回回歷當時徐文定亦言西  
洋之法青出於藍冰寒於水未嘗竟抹回回法也顧緯  
法雖存絕無論說一時詞臣歷師無能用彼之法參入  
大統會通歸一及崇禎歷書既出則又盡翻其說收爲



已用將原書置之不道作者譯者之苦心能無沈屈某  
故以說四篇冠於其端有明厯學亡於厯官顧士大夫  
有深明其說者不特童軒邢雲路爲然有宋名臣多不  
識厯法朱子與蔡季通極喜數學乃其所言者影響之  
理不可施之實用康節作皇極書死板排定亦是緯書  
末流祇有一沈括號爲博洽而春秋日食三十六又爲  
衛樸所欺有明真度越之矣某故於厯議之後補此一  
段似亦不可少也來書謂去其繁冗者正其謬誤者某  
之所補似更繁冗顧關係一代之制作不得以繁冗而



避之也以此方之前代可以無愧然前代顧亦有未盡  
善者前代厯志雖有推法而立成不能盡載推法將焉  
用之如元之授時當載其作法根本令後人尋繹端緒  
無所藉於立成始爲完書顧乃不然讀其厯志又須尋  
其端門之書而後能知厯是則厯志無當於厯也崇禎  
厯書所列恆年表周歲平行表之類猶之未來厯也其  
推交食有太陰距度表黃道九十度表太陽距赤道表  
視半徑表南北高弧表視差表時氣簡法表太陰實行  
表食分表蓋作者之精神盡在於表使推者易於爲力



南雷文定後集卷一  
三  
今旣不可盡載而徒列推法是則終於牆面而已某意  
欲將作表之法載於志中使推者不必見表而自能成  
表則尤爲盡善也顧某衰病舊學荒落又加以來期  
迫促無以慰三先生下問之意心竊愧焉

南雷文定後集卷一

譚瑩玉生覆校



南雷文定後集卷二

餘姚 黃宗羲 太沖撰

碩膚孫公墓誌銘

順治丙戌六月二十四日孫公碩膚卒于海外之滃洲  
滃洲尋爲界外殊絕內地康熙乙丑還滃洲于定海其  
孫訥渡海載公柩歸葬燭湖蓋公墓之不作寒食者四  
十年矣余與公共事時膂力方剛今癯殘頑鄙不死始  
得銘公之墓公諱嘉績字碩膚燭湖先生孫應時之後  
五世祖燧巡撫江西右都御史死宸濠之難諡忠烈高



祖塤尚寶司卿曾祖金上林苑監丞祖如游文淵閣大學士諡文恭父木工部郎中妣胡氏屠氏俱封太淑人公刻苦爲學業舉子以才稱登崇禎丁丑進士第授南京工部主事時徐忠襄爲應天府丞爲公分別邪正開張聞見公從捧手而受之本兵聞其名調爲職方司郎中適有風塵之警傳城閉壘皆不測其進止公曰此不難知當俟後隊南下耳旣而果然高奄起潛求世廕公覆疏格之起潛恨甚烈廟于觀德殿較閱軍器讒之下獄會石齋先生逮入上怒其面折意欲殺之廷杖而入



獄門襍被藥裹一切撫攔公徹已服用遇之甚謹稍聞  
從而受易凡與先生通往來者楊嗣昌皆指之爲福黨  
因取同獄黃文煥文震亨等及公雉治之多睚眦戟手  
以分涇渭公獨曰昔黃霸之在獄受經于夏侯勝史傳  
以爲美談今又何必諱乎同事者皆愧其言清獄詔下  
司寇徐忠襄遂出公踰年起爲九江道僉事未上而國  
變乙酉大兵東渡郡邑望風迎附然數百年故國一旦  
忽焉當是時人心恒擾未定但觀望未敢先發公方買  
書築室欲老泉石而書卷橫胸利害智力倉卒不服較



量閏六月九日於空然無恃之中創爲卽墨之守黃鐘  
孤管遂移氣運東浙因之立國一年顧不可謂無益興  
亡之數血路心城豈論修短陳壽卽仇諸葛不能不紀  
蜀漢宏範雖逼崖山未嘗不稱二王從來亡社雖加一  
日亦關國脈此說蓋在成敗利鈍之外者也當公丁丑  
赴試縣令梁佳植夢公廷對第一榜發不驗及卒滫洲  
適葬張信墓道之南信固明初之第一也前定之矣東  
浙厯官左僉都御史東閣大學士公生萬厯甲辰九月  
十四日配陳氏封夫人子延齡中書舍人從亡海外厯



官司農孫男六人訥州同知訓諤諸生誠諡詮孫女幾  
人其一嫁太學生黃正誼卽余子也公詩法孟王其文  
集散失止存數十首此外則五世傳贊存直錄銘曰  
越唯忠烈抗節武廟嘉靖名臣文恪爲邵萬厯三宰正  
色清簡光嘉之際文恭是顯大廈已傾一木血指明之  
世臣嗚呼孫氏







謝時符先生墓誌銘

君諱泰階字時符謝氏爲定海盛門其先系出平江宋建炎進士字知定海因家焉五傳爲元至正間高安令嗣謙又五傳爲明福建僉事琛琛弟璵生廷華廷華生贈參政維甯維甯生贈參政大綸大綸生四川按察使渭則君之父也母張淑人夢垣星入懷而生君君生而穎異強記絕人從按察使公於京邸朝士往還便能揖讓應對於其閒背誦所常課書娛情談笑見者無不奇之弱冠舉童子試第一已而按察公入蜀君家居讀書



一日見孤鶴集於塔頂蔓聲天末君不覺淚下如雨亦不自知其何心也未幾按察訃聞人以爲孝感所致三年丙舍詠世德之駿烈誦先人之清芬固爲謝氏之家史矣君方架學區中斟酌當世王路非遙而金衡委御玉斗宵亡君遂滅影桂庭躬耕於柴樓之野雲閒徐聞公張子退避地海濱與柴樓左近款狎相過抵掌指畫繼之以章皇痛哭樵牧見之不知此數人者一日而哀樂屢變也當是時兵戈銷鑠斗米三百錢流寓羸露君節縮擔石與之公其饑飽蓋有王英孫主唐林義士之



風焉亡何而燼黨阻山野無甯處閭公從亡君亦徙居  
郡城甬之名士萬泰董守諭董德偁董德偕皆新當失  
職以耿介自置得君而喜甚聽雨之夕聯句之章未嘗  
不與偕焉丁亥冬滄師闌入甬之好事者多死君之友  
范兆芝爲所連染君脫之於劍鉞以爲君之才固無所  
不可也君雖不爲世用而燃脂暝寫弄墨晨書藏之綈  
表不以示人臨卒悉括所著誤火之語其子曰吾寄身  
弋釣無關天壤紙筆遂多苟不化爲烟雲恐作災祥耳  
嗟乎亡國之戚何代無之使過宗周而不憫黍離陟北



山而不憂父母感陰雨而不念故夫聞山陽笛而不懷  
舊友是無人心矣故遺民者天地之元氣也然士各有  
分朝不坐宴不與士之分亦止於不仕而已所稱宋遺  
民如王炎午者嘗上書速文丞相之死而已亦未嘗廢  
當世之務是故種瓜賣卜呼天搶地縱酒祈死穴垣通  
飲饌者皆過而失中者也君之所處爲得中矣或者以  
君之焚書爲惜夫鄭思肖之心史鐵函封固沈之井中  
是時思肖年四十三耳至七十八歲而卒當其沈之之  
時與君火之之時其心一也蓋皆付之烏有耳思肖豈



望三百五十六年之後其書復出而行於世乎心史斷  
手其餘年三十有五亦不聞別有著撰也自有宇宙祇  
此忠義之心維持不墜但令淒楚蘊結一往不解原不  
必以有字無字爲成虧耳君之子孫可置無悲君生於  
萬厯丁未三月六日卒於順治庚寅二月十日娶劉氏  
投畚偕隱宗黨賢之其生也後君一年正月十日其卒  
也後君十一年正月十一日合葬于邑之樂家樓山子  
四人長歸昌厯知固始碭山德化三縣次熾昌次禹昌  
皆諸生次殷昌壬子舉人孫六人緒遠緒進緒述緒遜



緒遇緒育孫女七人曾孫二人初君爲熾昌聘滄州張氏女魯王次滄州道閉不通君夢張女納於王宮覺而記其事登候濤山焚之及滄州破君已棄世熾昌亦改聘歸昌渡海諏張女存亡張女無恙異時張父欲納之王相國張公不可而止始知君夢之爲冥契也相國所居雪交亭與張氏鄰相國殉節亭下從死者骸骨相撐拄歸昌拊撫置大甕中埋之立石書張相國墓歸而告於君廟所以承君之志也乙丑正月歸昌命緒遠來乞銘八月余自吳門返吾友萬斯遇又書來速乃銘曰



採藥何許候潮山  
蠹日之出兮以晞  
吾髮日之沒兮以  
寄吾哭前有謝翺  
君固其族闐闐隱  
隱終古如昨水耶  
哭耶問諸海若







朱止谿先生墓誌銘

先生諱嘉徵字岷左號止谿爲朱文公十六世孫鉉仕  
兩浙通判卜居武林其子澆又遷海寧遂爲海寧人曾  
祖高明知縣浙祖國柱父贈推官學禮先生受學於老  
儒鍾鴻穎已與曹吏部元方讀書靈隱山者十年先生  
故多病厲志爲學而不知病之去體也是時坊社最盛  
而先生主持其閒捧銅槃而按指者徧於三吳崇禎壬  
午舉於鄉明年會試中副榜兩都尋沒先生亦無意於  
功名而名高爲累學使者檄署會稽學教諭亡何徵書



除四川敘州府推官兵火之後城隍半墮官廨俱淪瓦礫令其家僮伐木轉石編茅爲屋與居民襍處一切以安靜治之草寇竊發酌定團練機宜控扼要害撫勦兼用擒賊首吳天民平白應龍之亂督撫以此能之時居民離散一城不過十數戶先生一意招來從四圍回者一百二十戶從烏蒙回者一千三百五十三戶又贖難民一十六戶于是川中稍稍有足音矣明末推官新安洪某死于亂兵其子起三十年奔喪莫知其處先生爲之訪問故老得之城南七里山麓資其妻妾以行宜賓



俞令仁和人死已二十餘年其子俞綱萬里尋親先生  
哀之有言其初亂時入烏蒙後不復見先生移文遣手  
力導綱至烏蒙函骨以出脫驂歸葬慶符邑紳何源爲  
川南富室邑令交結於源甚厚土寇縛令以去令得逸  
求源贖其妻子源贖之歸令反以此謂源通賊揭之巡  
撫先生忿然不平見巡撫頌其冤源始得雪蓋先生守  
其初志終不敢以政事自見激發宦情而惻隱之心隨  
地湧出人亦莫得而掩也方先生初至僚友燕集卽問  
杜工部草堂安在明日往遊中有故友正告曰足下書



生夫吏有吏之事何及此爲少頃言及風土先生不禁  
憮然曰僕從川北來川西經途千里青燐白骨纍纍出  
草間非復人世所聞見我輩莅茲土者作何生聚故友  
笑曰正恐自顧有勿暇耳人莫不笑先生之迂不知先  
生鴻冥之志方笑其褊褊耳在官六年乃自免歸先生  
喟然嘆曰茲行亦自不惡其入蜀也過潼關望嵩華攀  
老子繫牛之樹其出蜀也灩澦馬脊巫峽猿聲無非奇  
地但恨奚囊收拾不盡耳歸來以著書爲事取漢魏六  
朝三唐樂府詩集審聲辨體樂府以風雅頌分之詩以



與此賦通之倣卜子夏詩序例明其大旨以示勸懲題  
曰廣序復選兩漢至明凡二十二代之詔令奏疏彙爲  
一集曰經世書昔文中子續六經而今亡矣先生所著  
卽續詩續書之意也花晨月夕吟咏間作而天復假之  
以一子三孫一媳一孫女皆能詩故先生偶唱一章閉  
門而和者便有六人菰苑以之爲美談當事求詩文者  
無虛日先生亦不苟作唯一應縣志之請浙江通志則  
不赴也所著有止谿文集二十卷詩集三十卷道遊堂  
詩集四卷川南紀游詩八卷樂府詩集廣序一百卷古



詩系十卷經世書一百六十卷生於萬厯壬寅正月初五日卒於康熙甲子二月十八日年八十三配吳氏孺人子一人爾邁太學生孫四人曰灝曰淳曰治皆太學生曰濬孫女三人長芬適諸生蔣世昌餘在室曾孫五人桓楸模棧樸余自丙辰得交先生翦燭論文亦且五年而先生每歉然不自得夫先生隱約前朝際此亨運亦稍稍有以及物乃若多此一出者豈亦魯齋不欲立碑之意歟爾邁於古文辭有名求余銘先生幽石予不敢不信也銘曰



鏡湖詩酒蜀中金石風流蘊藉止谿宦蹟續詩續書河  
汾彷彿白首青燈窮年兀兀源遠流長文公之澤代惟  
十六居鄰海若康流經術止谿文業







鄧起西墓誌銘

君名大臨字起西別號丹邱常熟人鄧黻曾孫黻舉於鄉以母老不上春官及母歿服闋黻仍不上曰吾向以母在不往今往是利母之歿也時稱爲真孝廉起西幼孤稍長卽能力學從遊於江陰黃介子每祺歲乙酉江陰城守不下介子與其門人起兵竹塘應之起西募兵於崇明事敗介子亡命淮南以官印印所往來書爲人告變捕入金陵獄起西職納橐籥獄急介子以其所著小遊仙詩園中草授起西坐脫而去當事戮其尸起西



號泣守喪鋒刃之中贖其首聯之於頸棺殮送歸有漢  
楊匡之風當時稱介子之門有徐趨鄧大臨趨則抗節  
而死者也起西師死之後遍走江湖欲得奇才劍客而  
友之卒無所遇遂佗僚而死聞者傷之當辛丑余讀書  
雙瀑院起西來訪雙瀑萬山之中人跡殆絕起西何以  
知之間其所自曰甬東視其所肩之行囊纍纍有道士  
印數十顆曰吾已竄身爲黃冠矣唱和旬日與之偕至  
武林起西上玉皇山去甲辰余至虞山起西以其精舍  
館我款對數人張雪崖顧石賓皆其道侶也隨訪熊魚



山於烏目訪李膺公於赤岸皆起西導之比余返棹起  
西送至城西楊忠烈祠下涕零如雨余舟中遙望不可  
爲懷然不意其從此不再見也嗟乎桑海之交士之不  
得志於時者往往逃之二氏此如縛虎之急勢不得不  
迸裂而倒行逆施願今之逃於釋氏者鐘鼓杖拂投身  
濃豔之火是虎而就人之叅其威盡喪起西之在元門  
苦身持力無異於全真之教有死之心無生之氣以保  
此悲天憫人之故我無愧師門卽鄧牧張雨亦不願爲  
是谷音中人物然而世眼易欺禪師語錄流通頗不寂



冥世無杜清碧起西名氏已自銷沈乙丑余過崑山顧  
景范以所作鄧丹邱傳屬余誌之當今日而有舉及起  
西者恐此外更無人矣銘曰  
門生守喪不避犴狴東漢以來此風如洗誰其嗣之黃  
門高弟防風一節足概全體



顧麟士先生墓誌銘

科舉之學限以一先生之言此如詩之有律詞曲之有九宮詩雖不盡於律而非律則不名唐詩九宮卽未必降鬼神而非九宮則無以諧聲故字而析之不厭其離也比而同之不厭其複也顓名一門粥粥然循牆而走信傳過於信經所謂有司之尺度也顧昧者欲劑量他儒之說以入之排異而不知書院場屋之學各自有溝澮耳數百年以來推明其義者大全以外蔡虛齋之蒙引陳紫峯之淺說林次崖之存疑其書獨傳以其



牛毛繭絲於朱子之所有者無餘蘊所無者無僂人也  
然而各自成書意或駢拇辭或枝指又百年而麟士先  
生者出融會諸書削其繁蕪挾其隱伏名之曰說約自  
說約出而諸書俱廢博士倚席而講諸生帖坐而聽者  
皆先生之說也當是時海內有文名之士皆思立功於  
時藝張天如以註疏楊維斗以王唐艾千子以歐曾僅  
風尙一時惟先生之傳久而不衰奈何世不說學摘先  
生之書存其二三仍以先生之名書者附註四書之上  
此如推厯者不通算學而以歌括定分至閏朔耳家有



其書人習其傳竟不知此外更有何物不特經史之學  
亡而先生之學亦亡矣先生姓顧氏諱夢麟麟士其字  
也別號織簾太倉之雙鳳里人吳丞相醴陵肅侯雍之  
後醴陵三十九世孫昌始遷雙鳳又二世從龍爲先生  
之父母陳氏夢石麟而生故以爲名少爲諸生以高第  
廩於學校中崇禎癸酉副榜援例入太學辟舉令下巡  
撫張國維欲以先生應詔先生力辭之集三吳名士與  
楊子嘗爲應社其文雅馴爲時所宗是時坊社最盛而  
名於天下者復社幾社與應社而已巡按祁彪佳兵備



宋繼登凌義渠咸以賓禮待先生方岳貢守松郡屢欲招致一見不可得及奉嚴旨始往送之明州錢肅樂來守太倉造廬相款遣子弟受業然先生未嘗有所干請也桑海以後斷跡城市客授汲古毛氏與孝廉陳瑚舉白鹿洞規行之曉筆暮詩一寫性真不假粉墨最其平生所著四書說約二十卷詩經說約二十八卷四書十一經通考二十卷織簾居文集四卷詩集四卷譚藝錄二卷中庵瑣錄一卷雙鳳里志八卷生於萬厯乙酉二月十三日卒於順治癸巳十一月二十日年六十九又



七年葬於吳塘之原子一人諸生湄其詩文皆稱於世  
癸亥歲余在武林湄以所作行畧丐余爲誌遲之二年  
余雖衰病不敢負此一諾也銘曰

六經之垂如侯之布射者千夫聽其自遇降而場屋眾  
矢俱措累黍一家其書無數離多合少等於烟霧以形  
取影虛齋之註而陳而林共飲法乳約說後起經生寶  
庫垂髫粉子亦知楊顧制科不改瓣香同炷







顧玉書墓誌銘

天啓時逆奄暗干閏位翦除社稷之臣乙丑六人丙寅  
七人烈皇登極其孤子皆訟冤闕下敘其爵里年齒爲  
同難錄甲乙相傳爲兄弟所以通知兩父之志不比同  
年生之萍梗相值也然余家東浙俄逢喪亂戢翼榛梗  
四方之音塵殆絕歲甲辰始至姑蘇與周氏兄弟悽愴  
話舊尋至虞山顧玉書來會訪李膚公於江陰之赤岸  
不遇丙辰余在海昌寓書於吳江周長生當年同集闕  
下初離外傳遇事周章長生爲之提揭欽愛之情至今



歷然長生旋卽謝世然猶及見此書壬戌魏州來求其  
父翰林子一誌銘余因發其沈屈四月周子佩來拜先  
忠端公墓八十老人千里命駕間里以爲祥怪乙丑余  
汎吳舫遂主周氏而周氏子弟多才殆逼前良於其座  
上見顧宗俊者爲玉書之子流落可念且以其父墓誌  
銘爲請玉書名麟生世爲常熟人父大章陝西副使諡  
裕愍妣蔣氏封安人玉書志氣豪邁好讀書年十五裕  
愍遭逆奄之禍及烈廟昭雪死事而裕愍以封疆一案  
爲逆黨把持止於贈官玉書赴闕頌冤天子詔法司改



定爰書宜興者裕愍之門人其再相也玉書入其幕中  
起廢蠲逋清獄薄賦四事玉書頗與聞之虞山故與宜  
興涿鹿善宜興心欲起涿鹿而眾論不同姑徐之以觀  
其變虞山遂致書宜興云閣下含宏光大致精識微具  
司馬公之誠一寇萊公之剛斷而濟之以王文正之安  
和韓魏公之宏博目今起廢爲朝政第一至如涿鹿餘  
不具論當年守涿之功屹然爲畿內保障豈可一旦抹  
掇尙浮沈啓事乎往見子丑之際持局者過於矜復流  
爲歆側一往不返激成橫流此正今日之前車也玉書



見之訝其翻逆案也年少氣盛不顧利害以其書洩之於外舉朝大譁虞山聞而恨之後十年玉書有家難虞山不能忘情幾置之死因徙居吳門家世膏粱驟承貧薄玉書不以芥意惟言有兩恨事苟得暴白卽死亦無憾其一魏子一當國變之日語所知曰吾不難一死然不爲徒死逡巡僞命約唐通赴難而身任內應某日以草場舉火爲驗通爲子一心交也三遣人而通不報知事無成始作絕命詞投繯而死今不原本末而置之六等之列冤矣其一逆案楊維垣宏光時納貨至巨萬大



兵至貨重不得行乃市三棺中書爲己柩旁二柩殺妾以實之夜半負重出城爲劫者所殺南都父老厯厯能道之無知者曰爲死事維垣一生狡獪猶得行之死後冤矣嘗致書如皋冒辟疆諄諄辯之嗟乎玉書可謂不忘其父者也詩文有進履齋詹草娶葛氏河南按察使魯生女子宗昌宗隆宗元宗達宗俊壻趙延史戴泌錢祖熙陳國鼎蔣汝楫陸孫繩李琪芳周旦齡王文南皆諸生旦齡卽周忠介公之孫也銘曰

壬午之冬余與王書同出燕京童清馬閑顧盼生姿王



國之楨曾未幾何憔悴江湖紅米折鎬虞山之陽短碑  
數尺不平者鳴



參議閩公神道碑

公諱世科字伯登別號礪礎其先太原人至公之祖雙溪徙於淮右雙溪四子而覺吾以明經爲上猶掌故惠吾以舉人爲狄道令公則覺吾之長子也登萬厯甲辰進士第授湖州府推官湖濱巨浸多盜賊治以嚴苛始辦故一案之中破壞每至十數家公奉職循理解其繁密民甚便之有豪右誣人死罪公疑之精神所注通於夢覺神語諄諄卽時判結戊申水災民死者過半公與郡守陳幼學發廩勸分盡所以救荒之術故民雖饑而



不怨湖多秀民而經術不足公禮姚承庵以爲大師其  
說時與朱文公相出入學者始知穿穴經旨以求自得  
是時郡守治尙威嚴而公濟之以寬故兩人深相得郡  
以大治行部至蕭山其縣有盜藪經百年無發覺者公  
荒閱而得之紹興庫藏爲胥吏乾沒者盈萬會稽以還  
原額嘗攝歸安羨金二百用助橋工曰此雖不足損吾  
清節但恥見作凡人耳庚戌大計郡吏舉卓異第一入  
爲戶部主事癸丑以本部郎中總理遼餉時邊烽尙熄  
而軍政闕茸公盡然憂之疏言今邊境偷安已久伏莽



一發必不可支宰賽擾於河東擺要擾於河西而虎慙  
乘機挾賞畜禍更深京民二運十缺八九沙中偶語漸  
成脫巾懇罔寺水衡兼派以濟庶幾銷患未然廟堂見  
之亦心動公乃蒐乘補伍廉重核實三年之內捐公費  
千五百金貯積六萬餘緡發寄固之弊坐放如期築倉  
廩數十間分屯鹽二項不相侵奪公於邊事所以經營  
綏輯先後始終之際委曲纖悉無不備者蓋已逆知將  
來東方之有事也丙辰擢守開封司農李汝華特疏題  
畱引公自助又明年陞山東右參議兼按察司僉事廷



議邊才改爲寧前兵備當是時戊午之敗問尋至公置  
幼子於潞河單騎出關拔祖帥於廢籍整頓營壘以待  
不虞而巡撫不知其爲勞薪也以公禮格之公旣不得  
行其志念八十老父曳杖倚閭將無忠孝兩失乎遂投  
板棄官而去自公去後疆場破碎談兵者非身橫獄戶  
卽駢首西市鮮有以功名終者而後知公有先幾之智  
也當登萊之變閭爾梅以之問公公曰此疥癬疾耳邊  
塵孔棘朝士樹黨書生不知兵而授之兵權用違其才  
是則可憂也爾梅曰公向在寧前何不極言其弊顧投



効歸耶退則勇矣如報國何公曰報國非可托之空言  
用人者當知人用於人者當自知力餘於任任乃得勝  
夫遼左用兵之地也今不論其知兵與否而授之兵彼  
又不自知其不知兵而妄謂能兵趙括陸機之禍種種  
矣吾亦非知兵者欲報國而辱國故不如投効之爲愈  
也敢言勇退哉爾梅曰今天下固無知兵者苟有之功  
可得成否公曰吾不敢謂其功必不成也然而實難樹  
黨堅則掣肘眾雖有其人誰能始終之魏相信營平者  
少秦檜忌忠武者多也觀於此言不特公之自知甚審



而於國家敗亡之勢如燭照而數計也彼諸葛武侯非知兵者乎陳壽謂其理民之幹優於將畧梁益之民咨述武侯者如甘棠之詠召公鄭人之歌子產亦不過循吏規模耳夫武侯豈欲以知兵顯哉不幸而遇蜀主桀累驅之從事於鋒鏑非其本色况於無蜀主之知者乎則公之不以知兵自許使後之人傳之爲循吏又何愧焉公歸整拂藤蒲具陳花水與太翁得盡田里骨肉之歡逮丁大故雞骨支牀爲鄉論所榮逆黨崔呈秀盛時以同年生通殷勤公不顧而唾家居二十五年漕撫王



紀李養正給事中解學龍御史王允成累登啓事公皆  
不應所著有敬刑計遼始末諸書生於隆慶庚午六月  
二十一日卒於崇禎壬午二月二十一日享年七十三  
葬於淮上之蛟龍溝北壟娶高氏蔡氏贈封皆孺人副  
室陳氏子一修齡江以北之學者也女三其壻諸生許  
永祐舉人李藻先諸生杜嗣皋孫幾人修齡不遠二千  
里介吾門顧諟以公神道碑銘爲請余衰病學落豈足  
以知公欲辭之而難於往返因勉書其崖畧銘曰  
神廟之際物大容姦猶如果麻蟲穴其閒巖闕奕奕羣




南雷文定後集卷二  
三  
偷囊橐唯公隱憂數年禍作公之重來莫可措手前譚  
後賊又掣其肘險之在前易道丁甯初需於郊不犯難  
行凡公之言契終論始卽謂知兵亦莫過此

南雷文定後集卷二

譚瑩玉生覆校














































蘇東坡詩集卷之四








PL  
2451  
.98  
2 220  
南雷文定後集卷三

餘姚

黃宗羲

太



贈編修升玉吳君墓誌銘

儒者之學經緯天地而後世乃以語錄爲究竟僅附答  
問一二條於伊洛門下便廁儒者之列假其名以欺世  
治財賦者則曰爲聚斂開闢扞邊者則曰爲靡材讀書  
作文者則曰爲玩物喪志畱心政事者則曰爲俗吏徒  
以生民立極天地立心萬世開太平之闊論鈴束天下  
一旦有大夫之憂當報國之日則蒙然張口如坐雲霧



世道以是潦倒泥腐遂使尙論者以爲立功建業別是法門而非儒者之所與也余於吳君爲之三嘆君諱夢寅字弁玉其先有爲宣撫者隨宋南渡世居杭之皋亭後徙石門曾祖皋岡祖素菴嘉靖辛酉舉人父養素君生而穎悟絕人目覽萬言未嘗再讀與妹壻姚納揆同學指所選時文一省數十篇卽便背誦以多寡爲勝負姚亦強記不能不屈服也一日從吏求訟牒約千餘言吏鈐尾示之索錢而後相授君已誦之若流無煩覆視吏驚爲神應奉之五行俱下彌衡之一覽便記不是過



也讀書費華口家塾同會者十餘人其文半出君手所  
成信筆皆有可觀當是時唯臨川陳際泰盡日得制藝  
三十首士林以爲君似之然君以爲章句細微無關重  
輕所貴乎學者必爲當世所倚仗蟠根錯節取定俄頃  
語溪舉澄社郁起麟錢咸皆欲以君爲領袖君雖應之  
而未嘗以之標榜也縣令龔立本豪傑自置祁忠敏之  
按吳每事多咨之立本知君有當世才具深相降挹謂  
餘子春華吳君秋實耳兵革之際武人豪健更相貽藉  
邑人睚眦觸死閉門不保家室君舉幡入省落其牙距



武人惶遽請成君據上坐談諧閒作弓刀摩夏之間視  
若孤鼠江東衣冠道盡奸人造作飛條時時闌及縉紳  
鞠躬傲吏之下狼狽折扎之命君貼身搢定刪翦疑事  
而後此風始息草搖風動百毒齊起君所以破除之者  
蓋非一端有以急可乘爲言者君曰商賈之事此言何  
及於我乎君在語溪吏不得以售其奸欺往往恨之千  
里委命以情相歸君照其辛苦爲之擘畫於是君遊俠  
之名聞於郡國嗟乎其才本足以用世顧束之一鄉君  
又不甘自附於閉眉合眼之徒不得已溢而爲此夫豈



其志之所存乎是則可哀也已當宋之亡也慶元多故  
公相家入元爲里胥所躡蹠片紙叱名立召庭下視君  
以布衣雄世不旣多乎君起自孤童口口口口的將  
來莫不以至情出之非徒一往之才也以子貴贈翰林  
院編修娶程氏繼陳氏俱贈太孺人生於萬厯丁未二  
月二十八日卒於康熙丁巳十月十三日年七十一子  
五人曰潛曰濤皆諸生先卒曰渭曰涵康熙壬戌進士  
第二人翰林院編修曰淳女五人其壻曰潘江曰蔣爾  
位諸生曰張煌曰顧朱崇禎癸未進士行人曰顏廣熙



諸生孫九人枚樹師栻梅關杰祚垣正桀師樗蔚林孫  
女六人曾孫一人元德曾孫女一人余與錢咸爲友故  
得交君甲申八月君客吳令吳夢白所與余輩飲市肆  
議論激發疾呼如探湯而世無知之者甲辰余館語溪  
君不一見過固知鄙余爲行墨之儒而君亦側身閭巷  
耿耿不下者欲於其子發之今年丙寅涵從京師致幣  
作書千言丐余銘墓其書宛轉悽愴頗類曾子固與歐  
陽舍人書愧余非歐陽然而不敢不實也銘曰  
天之生才元會閒氣大道旣蒙小儒成藝遂使庸人充



滿斯世奔車覆舟茫茫相繼豈無豪傑袖手旁睎惟此  
豪傑亦欲一試斲而小之鄉邑攸濟時耶命耶亦云其  
志誰傳龍可誰錄秦士後之君子憑弔雪涕







雪蓑閔君墓誌銘

余在海昌得交閔紫瀾閔氏湖州華族而紫瀾清苦自持無復膏粱餘習頗疑其特立獨出不繫於家門別之七八年紫瀾從京師銜痛函書以其父墓上之銘來請讀其行畧而後知其學之有本也君諱聲字毅夫別號雪蓑原名中正其先有仕宋爲將仕郎者自汴南渡家湖州之烏程高祖珪少保刑部尙書諡莊懿曾祖聞贈應天府通判祖宜力贈南昌知縣父友會太學生君卓犖不羣爲文芒彩透出紙外不屑崑瑣之學婁東張溥



合四方之士爲復社部分名輩總覽時才而君持湖州之管鑰同郡潘曾紘督學中州以君自輔涇渭藝文去風卽雅固始固儒肆也君以其文闕茸與解額者當只熊奮渭一人耳劉侗殿於楚試行卷來謁君謂曾紘曰此奇才也公可資之入太學熊劉二人卒諸君言其鑒別如此乙酉之亂羣盜滿山勢如燎原而不敢過君之門鄉人求君紓難盜聞之曰昔黃巾不犯孫期里陌我獨不然乎遂去而他之金石變聲隱閉不關人事以遺民自置監司慕而請見辭阻再三乃以幅巾詣謁言談



每至薰夕使君憫其固窮無從發言退而嘆曰琨玉秋  
霜不意菰蘆中乃有斯人未幾而詩禍作君好苦吟與  
吳敬夫批選唐詩名嶺雲集初南潯莊亂城集吳中人  
士私纂明史愚儒暗昧禍至九裂奸人因而放手索賂  
別生事端敬夫與閩莊事其選詩讐較姓氏有徽人范  
希會者富室也奸人遂居爲奇貨以逆案脇之而君與  
吳宗潛牽連下獄司李廖應召惟恐禍之及已也欲并  
殺之以自解君在獄一載朱墨伊優與宗潛猶日爲詩  
自娛已而獄解古人言詩必窮而後工夫所謂窮者失



祿不仕憔悴江湖之上耳亦何至交臂厯指與囚徒爲  
伍其窮者轉而爲禍乎故人之好詩或至有好窮顧未  
有好禍者也然窮者未必能傳而禍者未有不傳劉夢  
得之咏桃李長源之咏柳蘇子瞻之烏臺詩案王蘆溪  
劉後邨孫花翁諸人之禍落落古今相望反以此得名  
君卽未必好名而園中之好詩不減無乃近於好名乎  
康熙庚申三月十七日病將革其女問之胸中尙明乎  
張目微笑曰方寸豈可使亂瞑坐須臾又張目環視室  
中盡豁戶牖仰視霄漢而卒距生萬厯五年十月二十



六日年八十所著有泌菴小言無□□□□□□□□若  
千卷藏□□娶徐氏筵蔣氏子□□□□□□□□舉人  
曰夢□曰夢愷曰夢雍□□□□□□□□□□□□  
□□曰絃曰□來曰崑來銘曰

莊懿之爲司寇活人無限君之不死於獄底其亦天之  
所眷哉







時禪謝君墓誌銘

余讀杜伯原谷音所記二十九人窆寄厯落或上書或浮海或仗劍沈淵寰宇雖大此身一日不能自容於其間以常情測之非有阡陌是何怪奇之如是乎不知乾坤之正氣賦而爲剛不可屈撓當夫流極之運無所發越則號呼呶拏穿透四溢必伸之而後止顧世之人以廬舍血肉銷之以習聞熟見覆之始指此等之爲怪民不亦冤乎吾於時禪謝君而竊有慨也君諱泰臻時禪其字也謝氏系出平江建炎二年字以邑令家於定海



曾祖維甯祖大倫皆贈參政父渭四川按察使妣張氏  
封淑人君結髮學問精銳鋒起足不離戶閭者載離寒  
暑窗外聞人聲輒以絮塞兩耳不輕費一卷頃爲洗沐  
地也君知天下將亂又少從按察與平水蘭於是揣摩  
兵法時挾弓矢出東郊與材官騶發馳逐角勝負不屑  
屑於場屋荒速之文乙酉之亂東平潰師航海破關洩  
牢各邑所過毀突君得其要領結納偏裨以安比落浙  
河不守翻城放劫居人潰徙離處家家有僵尸之痛室  
室有號泣之哀而君門宗三百餘口盡脫虎狼木主無



恙其倉卒應變如此嘗著書一卷祕不示人曰持此以  
遇聖□□□□□□□□□□□□□□□□□□□□□□  
□哭解中服焚於庭沈舟之痛時切於懷援壁上琴彈  
之格格不能成聲推之而起曰人琴俱亡矣一日不知  
所往畱書几上曰兒曹無庸覓我以從我志家人跡之  
於天童山跌坐灌莽中已翦髮爲頭陀從此蹤跡不定  
或雪夜赤脚走數十里偃臥冰上或囊其所著書掛於  
頂登深崖絕巘發而讀之聲琅琅應山谷探鳥喙生啖  
之如是者四五年惟恐此形容之關於天壤也順治庚



寅八月初六日蹈海而死年四十九君之行事頗類谷  
音中所載皇甫東生東生性豪蕩乘小舟掛布帆載琴  
樽書籍釣具往來江湖至元丙子發憤痛哭蹈海東生  
亦四明人山川之靈氣豈亦有常耶今夫朋友離別黯  
然銷魂顧君亡國破世祿之家悽楚蘊結不可爲懷遂  
絕矍相之跡人之常情也而情之至者一往而深首陽  
之餓已肇其端蹈東海而死古人有其言未必有其事  
不妨實其事於千載之下非常情之可得而限也娶薛  
氏禮部尙書文介公三省女德譽無間言敕封孺人君



贈監察御史子曰燕昌曰胤昌皆諸生曰兆昌由庶吉  
士改御史壻曰朱獻臣曰范兆芝曰王啓芝皆諸生孫  
曰緒彥□□□進士曰緒章諸生曰緒益君卒後之  
□年家人倣式微宋王之禮斂其衣冠殯而葬焉又三  
十年兆昌介吾友陳介眉來謁銘余不能辭銘曰  
父老言君偶夜出見二巫鬼於道叱之而滅郭外墟墓  
閒燐火熒熒人夜行輒聞有呼其名者君戲與友約獨  
往熟睡至曉寂如也嗚呼忠孝之人鬼且避之矣







封庶常桓墅陳府君墓誌銘

宏治閒李何一變古文海內文章家若趨王會不敢移  
宮變徵陳後岡先生起海島與荆川遵巖折其角李何  
文集幾於遇而不行於藝苑功亦偉矣然家世清苦嘗  
言僕故農家也世乏烱迹門榭中薄困鮮擔石之畜畎  
無一牛之蹊晨不殖作暮廢炊泔數傳以後猶守其家  
法謹身節用膏粱氣習不屏自遠后岡兄弟三人長后  
峯模中書舍人次后湖柬諸生而后岡其季也后湖生  
懷懷生洪憲洪憲生府君三世一身伶仃文弱不與俗



人較高下兢兢以儒術廉恥高門戶而已府君諱文煥  
字伯美別號桓墅出就外傳多從名師友遊將應科場  
學習時文銳甚無何失父柴水交侵黯然而念吾祖後  
岡以來書澤中哀吾父欲振起之而不能今余又不得  
竟其學其命也夫於是絲粟程度上事母邱孺人毋使  
其戚於婁下課子弟毋使其荒於學先是居燬於火府  
君億心罷精磨以歲月儼然堂構歌哭有所已而其子  
錫嘏學成里中以爲大師府君始稍遂里社節臘之歡  
逮錫嘏舉進士官翰林府君謂曰吾后岡之爲太史於



今一百四十八年汝復爲太史則續吾祖矣汝其勉之  
無使聲名之遜於祖也又三年而孫汝成戊午舉人遂  
與計偕就養京師瞻眺宮闕徘徊玉堂覽鳳城之景物  
接元老之琴樽屬 天子好文海內能文之士輻湊闕  
下會府君七旬大誕雅篇豔什投贈充牣而 天章下  
賁亦當其時錫嘏請假送親鄉里榮之謂府君一生勞  
薪庶幾可以願息而府君孤苦風雨習之旣久不能自  
逸時念累世之艱難不敢以暇豫忘之故多憂而少歡  
他人卽解之不能釋府君胸懷洞達是是非非面折無



隱其議論如嚴霜之殺百草也人諒其無他亦未始恕  
之生於萬厯庚戌八月八日卒於康熙丙寅八月二十  
九日封翰林院庶吉士配方氏先府君卒 敕贈太孺  
人子三人錫嘏丙辰進士翰林院編修錫圭錫白翽學  
生女二人長適邱鼎盛先亡次適學生張九林孫六人  
汝咸戊午舉人汝登諸生汝訓汝誥汝禮汝詩孫女一  
人曾孫一人曾孫女一人府君之生與余同支千古人  
之原命王魯齋言以日計時得命十有二次其六十之  
十二得命七百二十計之以月又六十其七百二十得



命四萬三千二百又槩以歲六十其月則得命二百五十有九萬二千矣夫以古今之遠四海之廣人生林林總總過者化來者續乃俱囿於二百五十有九萬二千命之中何其術之窮也宋景濂言天下之廣兆民之眾一日之內未必止生一十二人同時生者不少何吉凶之不同耶故趙普與軍校蔡京與鄭粉兒高叔嗣與陳友諒皆同命童軒談命辯言高穀李昂甲子同物單昂王稽甲子亦同物而顯晦不同壽殀懸絕以余所見鄉曲往往有之則支干之不足言命也審矣顧大賢如張



橫渠真西山文文山特喜談星厯之學以推驗事變豈其見不及此善言天者徵之人事善言人者原之天命夫與人同卽爲合德知過再犯卽爲轉趾聞言不信卽爲孤神財不儉用卽爲耗宿此以人合天者也日月之交食星辰之凌犯丙丁之鑒陽九六百之厄君子以恐懼修省此以天合人者也天不能以一定之數制人事之萬變星翁末學掃除其萬變者而拘攣於墮地之俄頃若學者見其不信并俄頃而去之則天以空券枉矢如周赧曹髦之在上耳毋謂俄頃固天之八柄也卽府



君之於余其苦身持力相去不遠余不能泥水自蔽而  
府君聲光移之令子又何煩較餘事之長短乎將葬錫  
嘏書來屬誌曰府君每見先生之文輒曰當今作者如  
林誰能過之余愧其言不敢辭而爲銘曰

歲月澆季日中見沫古道照人遺此宿艾如何不弔松  
沈柏碎畱其不盡源深流沛







山西右參政顓之邱公墓碑

公諱俊孫字德俊號顓之邱氏世爲淮之山陽人祖某父某公自幼穎異日誦數千言耳目所接一過不復忘爲文肆筆而成時輩少及登崇禎癸未進士第授戶部主事督四鎮餉務旋撫六合王師下江南六合羊壁之愆將屠之公不得已爲其民請命單騎入城導父老以壺漿全生靈十萬餘戶遂奉命權稅澣墅司冊後湖入爲刑部郎中仁風篤烈平反大獄數十條大吏之喜怒不能動搖司寇黨公賢之出守漢陽當兵革之後公



私交困又西南用兵累歲不解其屯戍往來者所過毀  
突蒼生疲耗公噓枯吹生垢辱之民復得明目裁量軍  
需無倉卒匡勦之患晨起坐堂皇庶民直入奏事不設  
遮欄曉指枉直無不滿志而去鄉無豕食之隸老吏摘  
紙尾而已深文碎敎無所事事置稽刑部罪人所笞之  
數必謹書之月朔告於神明有疑獄十年不決者公一  
夕而平人以爲神公以其事關帷簿引燭燒其成案妖  
僧自稱勅使煽動江漢間乘傳謁公公卽於坐上收之  
發其僞而伏誅廚傳涼薄去來嘗悒悒不快然公之自



奉甚瘠無以難也有大吏按事晴川閣焚香索爐公無以應之曰太守埋沒簿書豈能循韋蘇州故事乎已索藤牀公引吏視其所臥乃白板也蓋清苦如此境內自禹稷廟外其淫祠盡毀楚人尙鬼之俗至是稍革政成陞山西右參政分守冀寧道公固不能與世俯仰至是慨然曰吾盡瘁漢陽幸免危敗胡可不自止乎遂自動而歸余觀從來循吏皆於尋常無事時故易於成名郭晞屯邠州軍士擾民非段秀實則白孝德不能制矣觀公所處之地而能盡其所長較之於古不尤難乎今之



讀書史見古來兇暴之輩箠撻肆情亦無不恨之者而  
一履郡邑催科之日撈掠必盈數千漠不相關同此父  
母懷中積累之膚髮而使之荆革化爲飲食流血化爲  
行潦哀號化爲音樂非無情之木石則稟性之虎狼耳  
公稽刑簿之設一荆一竹身分其痛仁人之利要當爲  
天下後世法也公生萬厯丙午八月二日卒康熙丙寅  
十月六日享年八十一配張氏封太淑人副室管氏子  
八人象觀海州學生象恒庠生皆蚤卒象升翰林院侍  
講象隨翰林院檢討象益庠生象良訓導同升如升皆



鴻臚寺序班女十一人貢生王家植貢生劉芳譽翰林  
院侍讀喬萊布政司理問尚玉弼官生王裕德太學生  
杜象昭增廣生喬蓋庠生潘閔口口口生陳模太學生  
沈海庠生楊斐舊其婿也孫八人達過邁迥良臣穀旭  
百祿孫女十人曾孫二人曾孫女二人將葬象升爲行  
狀介余門人顧諱屬銘其神道銘曰  
天殼頑然民爲心一心萬意相崎嶇遂使天道不好生  
血肉崩潰井竈沈唯公全活十萬人猶恐絲髮成呻吟  
春爲祥風秋慶雲漢水湯湯無古今







陳乾初先生墓誌銘

先師戢山曰予一生讀書不無種種疑團至此終不釋然不覺信手拈出大抵於儒先註疏無不一一牴牾者誠自知獲戾斯文亦姑存此疑團以俟後之君子倘千載而下有諒予心者乎不肖義蒙先師收之孤苦之中而未之有得環視劉門知其學者亦絕少徒以牽挽於口耳積習淺識所錮血心充塞大抵然矣近讀陳乾初所著於先師之學十得之二三恨交臂而失之也其言性曰性善之說本於孔子得孟子而益明孔孟之心迄



諸儒而轉晦盡其心者知其性也之一言是孟子道性善本旨蓋人性無不善於擴充盡才後見之也如五穀之性不藝植不耘耔何以知其種之美耶故諄諄教人存心求放心充無欲害人之心無穿窬之心有所不忍達之於其所忍所不爲達之於其所爲不一言而足學者果若此其盡心則性善復何疑哉易繼善成性皆體道之全功正對仁智之偏而言道不離陰陽智不能離仁仁不能離智中焉而已故曰一陰一陽之謂道繼之卽須與不離戒懼慎獨之事成之卽中和位育之能在



孟子則居仁由義有事勿忘者繼之之功反身而誠萬物咸備者成之之候繼之者繼此一陰一陽之道則剛柔不偏而粹然至善矣成之者成此繼之之功向非成之則無以見天付之全而所性或幾乎滅矣故曰成之謂性從來解者昧此至所謂繼善成性則幾求之父母未生之前幾何不胥天下而禪乎故性一也孟子實言之而諸家皆虛言之言其實則本天而責人言其虛則離人而尊天離人尊天不惟誣人并誣天矣蓋非人而天亦無由見也是故蘓袞勤而後嘉穀之性全怠勤異



獲而曰麤麥之性有美惡必不然矣涵養熟而後君子之性全敬肆殊功而曰生民之性有善惡必不然矣又曰資始流行天之生物也各正性命天之成物也物成然後性正人成然後性全物之成以氣人之成以學大彖何不言萬物資始各正性命而必係之乾道變化之下又何不曰元亨者性情也而必係之利貞之下乎非元始時無性而收藏時方有性也謂性至是始足耳今老農收種必待受霜之後以爲非經霜則穀性不全此物理也可以推人理矣是故資始流行之時性非不具



也而必於各正保合見生物之性之全孩提少長之時  
性非不良也而必於仁至義盡見生人之性之全或曰  
人之氣稟清濁果有什伯千萬者性有不善焉可盡誣  
曰氣之清濁誠有不同然無乖於性善之義也氣清者  
無不善氣濁者亦無不善有不善者乃是習耳觀於聖  
門參魯柴愚當由氣濁游夏多文端木屢中當由氣清  
可謂游夏性善參柴性惡耶又曰一性也推本言之曰  
天命推廣言之曰氣情才豈有二哉由性之流露而言  
謂之情由性之運用而言謂之才由性之充周而言謂



之氣性之善不可見分見於氣情才情才與氣皆性之良能也天命有善而無惡故人性亦有善而無惡人性有善而無惡故氣情才皆有善而無惡中庸以喜怒哀樂明性之中和孟子以惻隱羞惡辭讓是非明性之善皆就氣情才言之後儒曰既發謂之情曰才出於氣故皆有善有不善不知舍情才之善又何以明性之善耶才情氣有不善則性之不善不待言矣是陰爲邪說者立幟也而可乎又曰本體二字不見經傳此宋儒從佛氏脫胎來者故以爲商書維皇降衷中庸天命之性皆



指本體言此誣之甚也皇降天命特推本言之猶言人身則必本之親生云耳其實孕育時此親生之身而少而壯而老亦莫非親生之身何嘗指此爲本體而過此以往卽屬氣質非本體乎宋儒惟誤以此爲言本體故曰人生而靜以上不容說才說性便已不是性則所謂是性而容說者恰好在何處耶樂記人生而靜天之性也二語本是禪宗其書大半在荀子不意遂爲性學淵源可怪也學者惟時時存養此心卽時時是本體用事工夫始有著落今不思切實反求而欲懸空想箇人生



而靜之時所謂天命皇降之體段愈求而愈遠矣佛氏  
喜言未生之前既死之後的道理儒者只曉得有生之  
後未死之前的工夫將何去而何從乎又曰周子無欲  
之教不禪而禪吾儒只言寡欲不言無欲聖人之心無  
異常人之心常人之所欲亦卽聖人之所欲也人心本  
無所謂天理天理正從人欲中見人欲恰好處卽天理  
也向無人欲則亦並無天理之可言矣乾初之言大抵  
如此其於聖學已見頭腦故深中諸儒之病者有之或  
主張太過不善會諸儒之意者亦有之夫性之善在孩



提少長之時已自彌綸天地不待後來後來之仁至義盡亦只待孩提少長分量故後來之盡不盡在人不在性也乾初必欲以擴充到底言性善此如言黃鐘者或言三寸九分或言八十一分夫三寸九分非少八十分一分非多原始要終互見相宣皆黃鐘之本色也先生諱確字乾初陳氏爲海寧望族曾祖鳴梧祖理川父覺菴皆世其學母葉氏乾初讀書卓犖不喜理學家言嘗受一編讀之心弗善也輒棄去遂四十年不閱其後與同邑祝淵讀書淵議論不守章句乾初每鐫之已同問



學於山陰先師深痛末學之支離見於辭色乾初括磨  
舊習一隅三反逮先師夢奠得其遺書而盡讀之憬然  
而喻取其四十年所不閱者重閱之則又格格不能相  
入遂見之論著同輩爲之一闕不顧也乾初議禮尤精  
從其心之所安者變通古禮而於凶禮尤痛地理惑人  
爲天下異端之禍其於友朋一事稍乖必正色相告不  
爲姑息屠爓陸圻徵文壽母乾初謂世俗之事非所當  
行社集講會人情之常乾初謂衎衎醉飽無益身心再  
會之後亦不復赴甲申以後士之好名者強與國是死



者先後相望乾初曰非義之義大人弗爲人之賢不肖  
生平具在故孔子謂未知生焉知死今人動稱末後一  
著遂使奸盜優倡同登節義濁亂無紀死節一案真可  
痛也乾初之論未有不補名教者晚而病廢不出門者  
十五年卒之日爲丁巳七月二十四日年七十四葬於  
沈家石橋之西娶王氏先卒二十七年子二人長翼次  
口殀女一人孫二人克鬯克爽余於丙午訪之病中猶  
危坐劇談又十年丙辰致書約以明歲再見而不可得  
矣翼以誌銘見屬其時未讀乾初之書但以翼所作事



實稍節成文今詳玩遺稿方識指歸有負良友多矣因  
理其緒言以識前過銘曰

有明學術宗旨紛如或泥成言或創新渠導水入海而  
反填淤唯我蕺山集夫大成諸儒之弊削其畦町下士  
聞之以爲雷霆豈無及門世智限心如以太牢飫彼書  
蟬欲抹微言與時浮沈龍山之下乃有傑士北面未深  
冥契心髓不無張皇而篤踐履余忝同門自愧淺陋昔  
作銘文不能深究今其庶幾可以傳後



翰林院編修怡庭陳君墓誌銘

君諱錫嘏字介眉號怡庭陳氏其先自青州徙鄆之後  
衙村又自後衙徙郡城之月湖明初有諱完中者生廣  
東市舶司提舉璩璩生鏞鏞生贈朝列大夫濂鄉濂鄉  
生子三模中書舍人束嘉靖乙丑進士厯官庶吉士河  
南提學副使世所稱后岡先生七才子之一也東府學  
諸生束生懷懷生洪憲洪憲生文負字伯美封翰林院  
庶吉士君之父也母贈孺人方氏君生而夙慧酷類后  
岡方入小學時使之屬對應聲奇中讀孟子至百里奚



不諫輒作論非之年十五補博士弟子二十有一而補  
於學宮君雖年少爲諸生乎其文行傳播人口固已不  
讓者名高義家貧以授徒爲業黌舍至不能容時場屋  
之文非陳蔡之支離則屠沽之叫罵君澄心靜氣以得  
其至理之所在遂使諸義盡墮數百年來非媪燭牛篋  
之所能埋沒者也康熙乙卯舉浙省榜首明年登進士  
第改庶吉士兩考館元其館課一洗應付之陋知者方  
之陶石簣黃慎軒奉 命纂修皇輿表鑒古輯覽二書  
而皇輿表總裁以之專任成書進呈會講官員缺 上



引見詹翰諸臣獨命君至前細詢履歷奏對良久舉朝以君之蒙眷於上也咸屬目之同考己未會試君固老於場屋視人文字珍重不敢忽畧卽不中式者亦必詳其故而後落之無使黽黽舉子退有後言告假送親是時封翁年已七十功名之志銷於愛日顧重理舊會說經鏗鏘先是甬上有講經之會君與其友陳赤衷等數十人盡發郡中經學之書穿求崖穴以立一閨之平蓋斷斷如也自君出而諸子亦散至是復集甬中多志行之士由此會爲之砥礪耳君於當事斷絕書囑每應



坊人之請批選時文以此經理饘粥於寒生伎倆未之  
或改也里居五年遂膺末疾不能出戶又三年而卒君  
處身冰雪而三黨恩意友朋緩急未嘗以羸露爲解董  
允璘負才而死經紀存沒其子自以不孤容接後來如  
恐不及樂道人善而不溢其實喜規人過而不傷其意  
蓋其爲人蘊藉與之處者無不喜其平易可親然正色  
寒芒默運其閒但不欲如含瓦石以取聲名故世之知  
之者鮮矣君從事於格物致知之學於人情事勢物理  
上工夫不敢放過而氣稟羸弱其爲諸生時弟子旣眾



惟恐一人失學窮日講授矻矻不休雖背僂而不恤其  
爲詞臣時公堂館課私室橫經書簡客席併當率至雞  
鳴不言勞瘁卽其病時猶隱囊危坐不釋丹鉛士人將  
卷軸而來者必銖兩其得失終卷而後已苟一事一物  
精神之不到則此心危殆不能自安凡君之所以病病  
之所以不起者雖其天性亦其爲學有以致之也夫格  
物者格其皆備之物則沓來之物不足以掩湛定之知  
而百官萬務行所無事若待夫物來而後格之一物有  
一物之理未免於安排思索物理吾心終判爲二故陽



明學之而致病君學之而致死皆爲格物之說所誤也  
雖然顏苦孔之卓絕脈而傷生博士弟子郭路夜定五  
經章句精思不任死於燭下真學問人固不惜生死以  
殉之耳生於崇禎甲戌十月二日卒於康熙丁卯三月  
二十一日年五十有四娶楊氏敕贈孺人子汝咸戊午  
舉人孫男女各一男名本醇余交君二十年與講會之  
末余闕畧細故乖於物好君引之爲畏友明儒學案成  
君讀之以爲鏞笙磬管合發並奏五聲十二律截然不  
亂者考之中聲也君從此殆將轉手天不假之以年惜



哉乙丑歲暮余過甬問病君以千秋相托淒然欲絕明年書來聞有起色爲之狂喜豈意其終踐前言乎銘曰富貴利達浸人骨髓豈不談學以爲觀美汪洋性天其說遷徙當下躬行市魁彼此人亦有心不在腔子於惟怡庭篤茲踐履平生工夫人情物理匪以殉人求其所是苦身持力無有甯晷昊天不弔未見其止孟楊粉澤視我斯誅







提學僉事來菴袁公墓誌銘

公諱時中姓袁氏字向若號來菴其先汝南人自宋咸平進士祺徙明州曾祖民範祖學詩父贈公元鼎母曹宜人公幼而父母俱亡撫於王母趙孺人已而趙亡依其叔父寄食市廛公勵志於學善爲場屋荒速之文而貧苦異甚五喪淺土瞿瞿永嘆陳侍御燮五見而憫之相助經營公著報恩編以識康熙丁未登進士第授中書舍人纂修世祖章皇帝實錄分校王子北闈吳三桂反副親王南伐加禮部儀制司主事屯兵楚中澤國



暑溼士卒多疫死公通曉醫術爲之處方製藥雖廝養  
卒亦必躬親診視軍中無不感涕以故疫不爲害是時  
賊在湖南官兵相拒於洞庭湖口調發江南舟子舵工  
數萬集於軍前久之不用亦多物故公惻然啓奏遣還  
鄉士皆鳧藻踴躍而去曰微使君吾儕非岳陽之黃塵  
則昭潭之魚餌耳一日赴王急召山程積雪劣容馬足  
公投空數十仞峭壁之下垂梯而出之則已折脅死矣  
軍中號慟以奇方藥之復甦公隨征七年始得班師累  
遷本部員外郎中纂修會典出爲貴州提學僉事癸亥



冬公至貴州距闡期數月黔士兵火穿竄瘡痍未起公  
謂宜稍示休息俾溫脚本若歲試科試兼行則士不勝  
其擾議改歲爲科 上從之公旣契闊行閒死而復生  
不敢告勞仍鞅掌於蠻烟蠱火之間解士方終病遂不  
起詩云豈不懷歸畏此簡書豈若王陽王尊之以意爲  
進退乎灌夫馳入吳軍身中大創十餘適有萬金良藥  
故得不死史記之以爲天幸公之墮崖也有蒙古醫人  
振動其肢體以燒酒灌之自口以外悉糊其竅使壯夫  
接氣久之氣從傷處出脅之內陷者還故所而後纏之



以藥始不死蓋公以感動軍心得此非天幸也公起自  
赤貧時懷濟物之願見人之饑寒卽思己之饑寒救之  
唯恐不力故於三黨恩意無不周至古之自困而亨者  
懲創先憂則榛蹇義路如杜棕劉崇龜之絕分遺是也  
發舒得志則睚眦故人如段文昌之檣櫓元載之曝衣  
是也孰有如公之一視窮達乎生於崇禎庚午十月二  
日卒於康熙甲子十月二十七日配徐氏 敕封宜人  
副室漆氏子五百雲太學生重雲庠生朔雲仲雲太學  
生午雲女二將葬百雲介友陳同亮請銘銘曰



洞庭之水東兮其底無窮著公之武功貴陽之山逼兮  
其高不測敷公之文德







周子佩先生墓誌銘

君諱茂蘭字子佩江右周益公之後高祖巒始自常熟徙郡城曾祖冠龍游知縣祖可賢父卽忠介公順昌也母吳淑人子佩年十九補諸生而逢逆奄之亂忠介被逮吳門擊殺緹騎巡撫毛欲陷之烈皇登極子佩刺血頌冤上爲之斬御史倪文煥徒巡撫毛一驚尚書呂純如純如辨不當入逆案子佩梓其頌奄之疏上之法司純如語塞一時死難之家上憫其忠追封三代亦緣子佩之疏而發也方子佩上疏時同邑姚文毅見之曰疏



中鼎湖勸進皆語忌也奈何子佩請更之文毅曰子血  
豈無盡乎子佩曰父死之謂何此茆茆者正恐灑之無  
地耳卒刺舌另書忠介清無宦產而三世之喪皆在淺  
土子女八人婚嫁愆期忠介齋志而沒者萃於子佩一  
身子佩規度深密轉側閭巷閒以立門戶授綏結輓皆  
有條序棺槨復縈盡歸窆窆而忠介琴城尤爲修整豐  
碑載詔葬之文華表棲歸魂之鶴不以艱窶而自絀也  
乙酉之亂奉母避兵倉惶失其誥軸搜訪百端創痛如  
積越歲有兵子叩門大呼曰此非忠臣周氏家乎其誥



軸落我手請收之子佩狂喜賦寶綸篇紀其事人以爲  
孝感所致文相國子乘子佩之妹婿也牽連吳日生事  
被殺子佩迎妹於家撫其孤成立又一年而子佩之弟  
子潔亦遭連染獄久不解子佩毀家紓難無可爲計會  
漂陽當國爲子求婚於子佩子佩曰吾何難以一女易  
一弟耶子潔始出吳門故爲清議所主危言覈論不避  
公卿東林顧高之時相爲激揚者忠介與文文肅姚文  
毅嗣之者爲徐勿齋楊維斗鐘石畢變以後子佩侯齋  
貫溪巍然晚出雖糾奏寂寞而冥頑闕茸之徒未嘗不



以利刃目之子佩頗畱心二氏好與其徒往來是時天  
童三峯兩家紛拏不解青原南岳又爭其派數之多寡  
子佩以調人爲之騎郵不辭勞攘又嘗危病遇異人授  
以養練之法疾尋愈信之甚篤過中不食飲茶數杯而  
已晚年注參同契入僧舍坐四十九日乃出故其去來  
翛然屬纊時曰今日方閒非有所得而能如是乎子佩  
生時忠介夢有兒乘雲而下因字之曰雲閒嘗謂其子  
弟曰文山名雲孫陽明亦名雲其降生之時祖父之夢  
與余同也吾獨淪落至此鬼神亦有時而欺人耶蓋子



佩之不能忘世如此則托於二氏者亦豈其志乎雖然  
古今之人物豈以功名定優劣哉象山云前輩大力量  
的人看有甚大小大事見如不見聞如不聞今人畧有  
些氣燄者多只是附物元非自立也卽如文王二公避  
逅運數不得已而應之假使子佩於波振塵駭之中飾  
智以求用大呼以得遇就令小小有所成就其於道德  
不有邱山之損乎今於二公何愧焉生於萬厯乙巳三  
月二日卒於康熙丙寅正月二十九日享年八十有二  
兩娶俱毛氏副室陳氏子靖諸生孫鳳來余與子佩同



集闕下同試南中亂後隔絕者久之甲辰余至吳門訪之又二十年爲癸亥子佩年七十九矣忽然至吾草堂上化安山拜先忠端公墓而去又明年乙丑余至吳門正子佩習靜僧舍之日破關出見執手甚喜豈知其爲永訣乎方欲爲之論次而靖書來屬銘乃所願也銘曰私諡非古昔人所詔郭之有道孟之貞曜誰曰不宜以其惟肖嗟我子佩郭孟交臂守禮不違繼志述事端孝先生允矣作諡



陳夔獻墓誌銘

制科盛而人才絀於是當世之君子立講會以通其變  
其興起人才學校反有所不逮如朱子之竹林陸子之  
象山五峯之岳麓東萊之明招白雲之僊華繼以小坡  
江門西樵龍瑞逮陽明之徒講會且遍天下其衰也猶  
吳有東林越有證人古今人才大畧多出於是然士子  
之爲經義者亦依倣之而立社余自涉事至今目之所  
覩其最著者雲間之幾社有才如何剛陳子龍徐孚遠  
而不能充其所至武林之讀書社徒爲釋氏之所網羅



婁東之復社徒爲姦相之所訾聲此無他本領脆薄學術龐雜終不能有所成就丁未戊申閒甬上陳夔獻創爲講經會搜故家經學之書與同志討論得失一義未安迭互鋒起賈馬盧鄭非無純越必使倍害自和而後已思至心破往往有荒途爲先儒之所未廓者數年之間僅畢詩易三禮諸子亦散而之四方然皆有以自見如萬季野之史學萬充宗陳同亮之窮經躬行則張旦復蔣宏憲名理則萬公擇王文三文章則鄭禹梅清工李杲堂緯澤董弢子董在中函雅而萬貞一仇滄柱陳



匪園陳介眉范國雯準的當時筆削舊章餘子亦復質  
有其文嗚呼盛矣非夔獻開其溝澮曷克有此當講會  
初立郡中所未經見舌舉口張夔獻揎拳欲毆其人惶  
恐避去不敢同槃而食有以格物之說自誇獨得厯詆  
宋明諸儒千里來見夔獻貫宗句極亦折其角而去其  
自信之力可謂惡言不入者矣夔獻諱赤衷號環邨明  
初自奉川徙鄞曾祖杰祖允清考士英世爲儒家母周  
孺人夔獻幼而力學在諸生中赫然霞立郡中宿素之  
士咸從捧手累爲公府之所鑒拔而夔獻以學問之道



非場屋所可究竟乃入天井山與苦節名僧屢淹星鳥  
砉然冰解歸而返求之六經近理亂真之說始不足以  
惑之故其論學諸書洞蕩胸臆能釋連環之結康熙庚  
申以貢士入都廷試當是時天子畱心文治招才  
琴釣之上取士歌牧之中士之嫻一藝者莫不鎖廳而  
出玉峯之門士號青雲巾卷如林自夔獻入而投分寄  
意以淵儒碩學待之令其子弟稟學焉會天子纂書  
夔獻之所討論玉峯委心自昵公卿閒物譽川流顧一  
二忌者隔之清途夔獻本有佐世材用雖在窮閭陋巷



之中無悠悠碌碌之論頓挫場屋晚乃以朱墨磧碎出  
於名公大人卽遇一二知者別異之亦未嘗有邵堂審  
察之命并其固有之儒官而奪之夔獻卽未必以此厝  
懷然不可不謂之窮己丁卯四月初六日卒於京邸年  
六十一十月其孤之璿扶柩南還將以某年某月某日  
葬於某原配范氏子之璿太學生孫祥鳳廩膳生雲鳳  
庠生孫女嫁太學生殷際會夔獻勇於爲義急難窘助  
不惜宛轉以行其志人亦以此歸之東方爲學之士雨  
併笠夜續燈聚夔獻之家鰥肺烹蛤蜊蔬橡雜陳以飲



食之連牀大被所談不出於王霸積月日不厭余每過  
必如之昔葉水心敘學術盛衰於郭良臣之誌良臣非  
能爲學者也慕學者而敬之耳水心已咨嗟感嘆之如  
此而況學之所寄者乎故余於夔獻之亡不能不哀也  
銘曰

學之盛衰關乎師友師友聚散誰爲樞紐於嗟夔獻立  
會講經十年之後人物崢嶸文治方興推琴而起非無  
鉅公聲諧宮徵歲晚風寒版築無夢亦稍鯉魚納之壑  
甕庸人之論謂君沈沒豈知回賜不稱官闕



南唐文定公集卷三

三

粵雅堂叢書



南雷文定後集卷三

譚瑩玉生覆校



南雷文定後集卷四

餘姚 黃宗羲 太沖撰

張仁菴先生墓誌銘

儒釋之學如冰炭之不同然釋之初興由儒以附益之  
浸淫而至於毫釐之際亦唯儒者能究其底蘊故自來  
佛法之盛必有儒者開其溝澮如李習之之於藥山白  
樂天之於烏窠張無垢之於妙喜胡康侯之於封秀有  
歐陽永叔而鍾津圓通始著有東坡而覺範大覺槩始  
顯明初以來宗風寥落萬厯閒儒者講席遍天下釋氏



亦遂有紫柏憨山因緣而起至於密雲湛然則周海門  
陶石簣爲之推波助瀾而儒釋幾如肉受串處處同其  
義味矣昔人言學佛知儒余以爲不然學儒乃能知佛  
耳然知佛之後分爲兩界有知之而允蹈之者則無垢  
慈湖龍溪南皋是也有知之而返求之六經者則濂洛  
考亭陽明念菴塘南是也吾友張仁菴其知之而允蹈  
之者乎君諱岐然字秀初叢林稱爲仁菴禪師元末有  
元善者隱居杭之西湖是爲始遷之祖曾祖吳山祖湘  
太倉州判考懋官妣黃氏副使寓庸汝亨之女仁菴起



孤童便能勤學虞德園淳熙嗟嘆以女字之是時寓庸  
德園皆有文名鄉邑後來之秀如聞子將嚴印持忍公  
丁夢伊馮儼公邵元浹多出其門仁菴以外孫館甥相  
與爲友聞見旣非流俗更廣之而爲讀書社則江道間  
道信嚴子岸顧斐公虞大赤仲皞卓珂月鄒孝直叔夏  
嚴子淦鄭元子幾盡一鄉之善其後交道益廣東浙則  
陸文虎萬履安禾中則薄子珏魏子一江上則沈眉生  
沈崑銅梅朗三趙雪度吳次尾江右則舒芭孫劉孝則  
蜀中則劉墨僊仁菴各取其長以絃韋爲幽贊非一閩



於聲氣者比也友朋之婚嫁有無死喪急難仁菴視若  
同生崎嶇匍匐處分條理儼公道闇病困來歸斂埋無  
憾其有註誤必嚴纖芥所稱直諒者無以過焉國變後  
寄跡僧寮後四年己丑抽簪落髮又三年壬辰始受衣  
拂出世於皋亭山之顯甯住顯甯者四年吳山雲居者  
三年北郭正等者二年揚州慶雲者三年凡四座道場  
天童三峯有宗旨之訟三闢七闢三峯壓於師弟之分  
幾如鄭緩潭口忍在安隱作五宗救以申三峯之屈大  
槩多出於仁菴三峯之道賴以不墜其匡徒領眾不以



鋒辯籠罩爲事甄陶愚鄙如與共學由是學人欽其風  
範甲辰七月三日卒於慶雲年六十五是年十一月塔  
全身於皋亭之盆月塢仁菴之讀書繭絲牛毛訪覈異  
同余時讀十三經註疏刻意於名物象數江道闇以爲  
不急曰注爾雅者必非磊落人獨仁菴與余同志余疏  
漢地理志仁菴亦疏左氏地理余著律呂數義仁菴與  
薄子珏魏子一取餘杭竹管肉好均者截爲十二律及  
四清聲吹之以定黃鐘又倣區田之法試之於山中仁  
菴之篤於好古如此其於易詩春秋皆有論著不尙雷



同凡先舊諸家槃滯之處顯發開張使昭然可了卽遊  
方外尙窮六經著大學古本辨繹義其論格物於七十  
二家之說最爲諦當此是生平功力不爲佛學埋沒余  
獨怪同邑蓮池亦由儒入佛而竹窗隨筆詆儒不遺餘  
力其不知儒固無足論吾亦并疑其爲佛也元時爲仁  
菴狀唯恐以傳燈拔俗掩其風節於闡教禪林之事若  
出於不得已然余與仁菴爲友當鐘石未變之先已得  
意忘言居然孤衲蓋學焉而得其性之所近正是本色  
昔張子韶學問氣節表表一世參禪學佛與其平生自



不相掩子韶亦未嘗以此爲諱其從子窠作家傳欲爲  
文飾乃謂子韶有學說云釋老虛無耳不可有聞目不  
可有見若是則子韶靜言庸違矣元時無乃猶作窠之  
識見耶子四人長元時次元坊俱庠生次元孝次元垠  
壻貢生鄭淵孫二人奏庠生之鑠曾孫二人曾孫女二  
人元時介甫上萬公擇求誌距其沒時已二十四年矣  
銘曰

世無真儒亦無真佛盲喝瞎棒支那撰述孰謂宗門如  
是淡薄乃有儒者契其堂奧近理亂真亦豈易到魯之



一變便可至道吾友仁菴儒者之特六經皇皇尋行數  
墨一朝解脫去其徽纆由此知彼新豐熟路平生學力  
炳然時露是非倒行豈曰日暮



瘦菴徐君墓誌銘

余客語溪無山水之觀而瘦菴爲其子築屋讀書閒或過之新栽木槿尙未成行頗有野外荒涼之趣其子輟繙角上萬公擇朝夕於斯余題詩壁間忽忽已二十年矣猶不忘也乙丑之冬公擇語溪來輟繙乞銘其父之幽石君諱駿聲字楷生別號瘦菴宋尙書徐處中之後南渡徙越又徙海鹽至君曾祖祝始定居於崇德祖禎父勲萬厯丁巳貢生君起孤童補博士弟子員然精心計通知當世之故浙西白糧僉民轉運縣旣役之不均



途中則爲運軍陵鑠京倉則爲胥吏停勒充是役者若  
赴湯火以其相沿之久而莫敢議有議之者有司不過  
檢坐見行條法君條其利害所以救之末流者一一精  
詳入京上書天子得旨飭行族父忠襄公時爲司寇以  
是奇之甲辰詔下履畝自萬厯十年以後丈量久廢  
民間無知其法者君建議號長主一號之田都總主一  
都之號縣總主一縣之號但令業主與弓手自丈立號  
田畔上之號長號長覆其不實者上之都總都總又抽  
覆之上之縣總可以不勞而畢矣縣行其令而輿論稱



平夫儒者類以錢穀非所當知徒以文字華藻給口耳  
之求顧郡邑之大利大害一聽胥吏之爲區畫胥吏憤  
於古今旣不能知變通之道卽知之而又利其上下迷  
謬可以施乾沒之智猛虎在山藜藿爲之不採使得如  
君者落落相望則天下無不窮之弊矣君喜急人之難  
蓋其才力有餘溢而爲此嘗曰使吾不逢喪亂畢志讀  
書所爲甯止是哉雖然今之所謂讀書者又豈君之所  
欲乎嘗讀元黃文獻公集有餘杭徐泰亨者經理法行  
泰亨以書論田不實役不均之病累數千言列郡所行



一如其言復以漕事至京師詣都堂獻書萬言條陳漕  
運之弊當更張者十事執政得書移行省用其七何其  
行事一一如君也且又皆徐氏而誌之者又皆黃氏亦  
一奇也娶潘氏賦性淡泊歸君二十餘年未嘗一服華  
綺先君卒繼田氏後君卒君年六十四卒於康熙壬子  
十一月一日子來復轅珏皆諸生蚤卒轅縉諸生轅紳  
壻李湘王學尹諸生陳時宜孫明樂明射明書明孝爾  
強明禮明藝明數明友孫女三人銘曰  
珠在淵而水折玉在山而石潤君子之在鄉齒腐朽以



利刃松耶柏耶尙以利其後亂







淇僊毛君墓誌銘

君諱雷龍字二爲別號淇僊鄞之西關人少善屬文長  
游庠序鼎革以後絕意進取以山水詩酒自娛水旱穀  
價亦時寄歌謠以見欣戚鄉里爭念得君一言卽釋然  
如故年七十餘猶苦吟不自休如有道責疾病謝絕醫  
藥遺命勿作浮屠事賦詩一首而瞑有翠筠詩十卷君  
家貧不屑治生角巾深衣所居隙地纔丈許遮門修竹  
數十竿終日吟嘯其下不異山中也余嘗造之君以  
爲其子之師爲具雞黍取其案上之詩洛誦數篇竹聲



摩戛風味優長古之言詩者不出賦比興三者詩傳多析言之其實如庖中五味烹飪得宜欲舉一味以名之不可得也後之爲詩者寫情則偏於賦咏物則偏於比玩景則偏於興而詩之味亦漓矣下此則有賦而無興比顧鹵莽於情者之所爲也君詩亦未免偏於賦則以一室寤歌師友講究之功淺卽有佳句亦無有位貌者以爲之名亦可惜也然觀當世詩家纔能斷句分章卽爭唐爭宋情性理義之具譁爲訟媒以視君高吟長嘯筆硯爾汝以自適其清苦此真詩之情也他又何論哉



子文強銘曰  
缺

南雷文定後集卷四

九

粵雅堂叢書







工部郎中 皇封禮科都給事中姜公夫人錢氏

祔葬墓誌銘

夫人姓錢氏山陰人也祖某官某伯父象坤相烈皇帝  
父應期萬厯庚子舉人母徐氏夫人憑積厚之祉體柔  
嘉之姿旣笄歸於工部公天樞工部爲太僕寺卿子羔  
之曾孫光祿寺卿鏡之孫禮部尙書逢元之子兩姓氏  
族冠冕內外姻黨皆華宗淑詰夫人上事兩姑無不得  
其歡心怵惕之儀表於宗門工部學古人官夫人不以  
榮華隨任畱事其姑恪勤婦禮以正家節舅姑相繼棄



世自帷堂至於遣奠哀敬有加捐環佩以襄其事諸叔  
在位而已外家凋落蒸嘗無主夫人再爲立後重興門  
戶夫人之大者如此桃夭以逮下遣秉以惠人無庸件  
繫也令子京兆希轍孝愛之德聞於天下板輿所至讌  
喜相從旬朔獻壽子孫成列歲時稱慶組佩盈門一時  
士族以爲榮羨丁巳秋京兆徵尹奉天君命嚴程庭幃  
萬里時夫人七十有八矣桑榆日暮寸草滅暉京兆之  
在關外每當夜半轉側不寐涕零如雨而夫人几杖幽  
閒眠食如故逮京兆假歸迎門笑語睽隔逾時一旦聚



集若有天相之者子產之中道心痛曾參之精感萬里  
古今之相去何遠又二年而夫人方卒則康熙辛酉十  
口月二十一日也距生萬厯庚子五月二十三日享年  
八十二明年四月十一日祔葬工部之塋於六峯雞頭  
山原夫人之封恭人從夫之貴也改封孺人從子之貴  
也嘗觀李本甯弇州夫人之誌貴盛當時無比而夫人  
不得有一日之歡陶石梁喃喃錄言吾越商太夫人奉  
養之盛繁祉元福近世鮮有然亦是遭際之適然不足  
以爲異顧京兆爲時名臣楷模士林而芝草玉樹琳琅



階下豈可與夫人同日而語哉義不佞與京兆爲執友  
聆夫人之美最熟京兆托爲謨述故不敢辭其子姓見  
之工部誌者此不重述銘曰

高門之祥降於錢氏相門之慶鍾於女子工部之配京  
兆之母閨門作範藤城不朽



錢忠介公傳

丁巳

錢忠介公肅樂字希聲別號虞孫浙之鄞人也祖若賡  
隆慶辛未進士知臨江府臨江三子長靖忠舉萬曆戊  
午鄉試次益忠瑞安縣學訓導次敬忠己未進士知甯  
國府公瑞安之子也母楊氏繼母傅氏公登崇禎癸丑  
進士第是時場屋之文雖宗大家而無所根柢獨公沈  
湛於大全以歐曾之法出之故一時號爲名家授太倉  
知州二張負人倫之鑒吏於其邑者瑕疵立見公下車  
未幾二張交口讚誦公每謂人曰我若得罪天地當令



子孫斬絕自揣歸家量口炊米裁身置屋書生門戶如  
斯而已遷刑部員外郎丁瑞安憂浙東議降附公大會  
縉紳士子於城隍廟痛哭敷陳建立口旂鄙夫恐爲禍  
階者陰致書定帥王之仁謂滄滄訛訛起自一二庸妄  
書生須以公之兵威脅之方可無事庸妄書生者指公  
而言也已而定帥至寧陳兵教場亦受公約出鄙夫之  
書洛誦壇上鄙夫戟手欲奪之定帥色變公令之任餉  
而止畫江之守公分訊瓜漚陞都察院右僉都御史尋  
陞右副都御史上言國有九亡而無一存民有十死而



無一生賢人邇遜不肖攘臂一也憲臣劉宗周之死關  
係宗社密章太牢朝典未備二也外戚張國俊權傾中  
外共指神叢三也臺省直諫發言盈廷無傷羣枉四也  
朝章令甲委諸草莽五也狎邪小人借推戴以呈身闕  
茸下流冒舉義而入幕六也楚藩江干開詔息同姓之  
爭李長祥面加斥辱七也咫尺江波烽烟不息而越城  
裒衣博帶滿目太平譙笑漏舟之中回翔焚棟之下八  
也所與托國者強半宏光故臣鴟鳥怪聲東徙尤惡飛  
蛾滅燭至死不改九也民爲根本七月雨水廬舍漂沒



以水死西成失望以饑死執干戈以衛社稷以戰死文  
武衙門絳標寸紙一日數至以供應死越人衣食取辦  
於舟楫調發既多民皆沈舟束手以無藝死比戶困於  
誅求此營未去彼營又來以財死富室輸財亦以義動  
之非有罪也而動加榜掠牢囚以刑死大兵所過沿門  
供億怒罵及於婦女以辱死甲獻乙之貨丙報丁之怨  
百毒齊起以憂恐死今竭小民之膏血不足供藩鎮之  
一吸將來合藩鎮之兵馬不能衛小民之一髮恐以髮  
死十也若不圖變計不知所稅駕矣戶部主事邵之詹



畫地分餉以紹興八邑各有口師專供本郡寧波專給  
王藩公言臣師二千既無分地理須散遣但臣自舉義  
而來大恥未雪終不敢歸安廬墓散兵之日單丁入伍  
濟則君之靈也不濟以死繼之浙師既潰汎海入閩思  
文授以原官閩亦尋破隱於福州之化南魯王航海至  
閩從亡者文臣熊汝霖孫延齡武臣建國鄭彩平口周  
崔芝閩安周瑞蕩湖阮進汝霖爲東閣大學士建國署  
兵部尙書事公朝見建國舉以自代王謂諸臣曰江上  
之師不能成功病在不歸於一公請以建國爲元戎諸



鎮皆受其節制則兵出於一矣又言兵貴精鍊然鍊兵  
非旦夕事也今命建國挑選敢死善戰之士不論某營  
某營另爲一軍自今一切封拜掛印暫行停止懸金印  
於此令曰有能將建國挑選之兵先鋒破敵不論守把  
等官卽以印佩之議者曰不然各藩以私錢養其私兵  
孰肯令其挑之以去公言無已則改前法今自建國以  
下六大營每營挑選敢死善戰之士另爲六軍懸金印  
六於此令曰有能將本營挑選之士破敵者不論守把  
等官各以印佩之王以爲然自是之後兵威頗振工之



初入閩也次中左所中左所者賜姓所營之地也賜姓不肯奉王以丁亥歲爲隆武三年故王改次長垣建國自以其軍連破郡邑賜姓不與焉是年十月公擬詔頒明年魯三年戊子大統厯於是海上遂有二朔時劉沂春吳鍾巒皆隱遯不起公疏薦沂春爲右副都御史鍾巒爲通政司使又寓書兩公時平則高洗耳世亂則美褰裳急病讓夷前哲訓也司徒女子猶知君父東海婦人尙切報仇嗟乎公等忍負斯言二公翻然就道而思文遺臣無不出矣戊子王次閩安鎮公請立史官言近



者主上遣使訪求隆武又議爲宏光發喪長樂知縣鄭以佳科臣劾之主上憫其清苦又重違言官姑降級消息之旋與瀚雪卽此三事皆可傳遠豈以艱難遂泯庶績晉東閣大學士兼吏部尙書疏辭者四面辭者三王終不聽與馬思理劉正亨同入直當是時以海水爲金湯以舟楫爲宮殿公每日繫河舣於駕舟之次票擬章奏卽於其中接見賓客票擬封進牽船別去匡坐讀書其所票擬亦不過上疏乞官部覆細小之事大者則建國主之王亦不得而問也先是大學士劉中藻起兵福



安攻福寧州將破其帥涂登華欲降第謂人曰豈有海上天子船中國公公致書謂將軍獨不聞有宋末年二王不在海上文陸不在船中乎後世卒以口口歸之而況於不爲宋末者乎今將軍死守孤城以言乎忠義則非其人也以言乎保身則非其策也依沸鼎以稱安巢危林而自得計之左矣登華遂詣建國降建國欲使其私人守之劉相不可建國反掠其地公與劉相書每不直建國建國聞之恨甚公固有血疾至是憂憤疾動而卒六月五日也年四十三王遣官致祭贈太保諡忠介



後六年而閩人葉進晟葬之黃蘗山舊史曰自會稽而航海者孫碩膚熊雨殷沈彤庵與公四人皆相行朝孫殞於滫洲沈沈於南日公與熊皆因鄭彩而死在昔文謝孤軍角逐於萬死一生之中空坑安仁之敗亦是用兵非其所長其進止固得自由也未有一切大臣聽命於武夫之恣睢排異同此呼吸之死生而蠢然不得一置可否如幕客如旅人間有平國浙有方王海上則建國賜姓定西不啻一邱之貉公與雨殷稍欲有所發舒朝懷異議暮入黃壚忠臣之熱血不灑於疆場之鐘鼓



日染夫睚眦之干戈雖由遇此厄會然推原其故有明  
文武過分書生視戎事如鬼神將謂別有授受前此姑  
置當其建義之始兵權在握諸公皆惶恐推去不敢自  
任武人大君而悔已無及矣公之從子魯恭欲余次公  
二十年來乘桴之事若滅若沒停筆追思不知流涕之  
覆面也







陳令升先生傳

先生諱之問字令升別號簡齋本武烈王高瓊之裔十五世孫諒遷海昌趙家橋依外家陳氏遂冒其姓曾祖中漸贈禮部尙書祖與相萬厯丁丑進士仕至貴州左參政父元成太學生陳氏科甲冠於兩浙而先生不以華牖爲意顧獨好讀書自六經三史以下八家之集唐宋之詩丹鉛殆遍高會廣座有所徵引長篇累牘應口吟誦以架上書覆之不錯一字當世文章家指摘其臧否咸中要害聞吳志伊作十國春秋先生曰古人著書



以爲法戒十國人物乘時盜竊皆出下中何容追拾其遺事乎錢牧齋有學集出多所改竄先生訪原本細書旁註顧不免於疑論先生曰沈約虞世南之集後世又何嘗廢之有問綏寇紀畧流寇志優劣先生曰兩書豈可並論顧梅村之集不及紀畧遠甚疑不出於梅村然舍梅村又無可與梅村當者又言侯朝宗王于一其文之佳者尙不能出小說家伎倆豈足名家蓋余與先生讀書每得其緒論如此先生於書畫古奇器賞鑒無不精絕而青烏素問龜卜雜術皆能言其理嘗見其卜龜



追一亡人指其兆在某方已果于某方獲之習其伎者  
以爲不如也先生嘗從學於戢山漳海兩先生顧未嘗  
談學與人言者不出詩書然而知學者莫如先生先生  
爲文壽余以爲學在天地有宗有翼宗之者一人翼之  
者數十人所謂後先疏附也堯舜去人其閒亦邇禹皋  
萊朱望散亦復畧舉成文以例其餘顏曾既往董韓未  
興孟子以一身任仲尼之學之重開繼茫茫有宗無翼  
所謂軻死而不得其傳者已若於無有兩嘆寓之蓋孟  
子之憂患深矣有宋絕學旣明以後集成攷亭門徒甚



盛史不勝書迄於元明亂續之際何其彬彬者歟許姚  
趙竇洛學行於北金吳虞許閩學彰於南以逮柳黃吳  
宋之徒莫不推究精微張皇六藝卒開三百年文明之  
治可不謂有宗有翼之極盛者歟前明學脈莫盛姚江  
翼之者爲江右爲淮南爲東越雖復功咎叢興末流將  
剝然而倣之所生捄之所始也剝之寢微復之寢昌也  
吾學蓋未嘗一日而絕也余攝齊黻山漳浦兩夫子之  
堂兩夫子之學莫不原本攷亭追溯濂溪二程以達於  
孔孟而一時門徒未見有董常黃幹之儔者何其寥寥



者歟黃子於蕺山門爲晚出獨能疏通其微言證明其  
大義推流溯源以合於先聖不傳之旨然後蕺山之學  
如日中□□□□□文淵綜律厯百家稗乘之言靡  
不究心擬之開物成務又何不謀而有合也儒林道學  
宋始分途耳食者如燕與郢之不可合以孔孟家法裁  
之亦曰學而已矣黃子之學所謂魯國而儒者一人耳  
固非宋史兩家之所得私而隻輪孤翼又豈無前望旣  
往後望來者岌岌然懷兩無有之恐乎於是而知先生  
之不談學憂深慮遠斯人固未易測也先生於詩文亦



不多作余勸之曰以先生之詩文虎帥以聽誰敢不從  
先生不應今人胸中無整段書描寫得歐會一二曲折  
便以作者自命先生可以作文而不作彼不可以作文  
而覲然作者不亦可愧乎余與之同學五年霜天寒夜  
漏已參半余於臥榻中間先生放筆鏗然率以爲常先  
生之力學寒士中所未見也顧獨傾心於余臨沒前一  
日猶作書招余余能忘其把臂之言乎先生官封左諭  
德子皆貴人有當世鉅公志之余故不具論且恐先生  
之學爲富貴所掩也



通議大夫兵部職方司郎中太垣靳公傳

今夫一代之立法不能無過不及所藉奉法者爲之裁  
量於其閒使聖賢之精微常流行於事物故足以開物  
成務此非嵬瑣小儒之所能知也吾於太垣靳公見之  
矣公諱弼字太垣先世爲山左之厯城人明初有名清  
者以邊功授百戶家於遼以征爾朱山陷陣力戰而死  
遂世襲千戶中衰失職然而世爲官戶曾祖知白祖月  
軒皆贈光祿大夫考魁吾官通政使妣納刺氏繼傅氏  
贈封一品夫人兄爲大司馬紫垣公生華胄而欲以科



舉自奮寒抄暑講括舊鉤新與孤寒之士爭一日尺寸  
之長時譽殷然滿場屋會八旗罷制科始以筆帖式起  
家擢中書舍人轉翰林院侍讀歷督捕四品員外郎兵  
部車駕職方二司郎中凡三遇京察考功第甲乙俱舉  
卓異第一再奉 覃恩自中憲大夫晉階通議大夫以  
康熙辛酉八月十二日捐賓客年四十有四明年葬易  
州蓮花峯之陽國家新造攻城畧地俘累卽爲軍賞斬  
刈首馘之餘汨沒於奴隸單門或以子母沒入姦人或  
以借勢投身凡此數者皆輕生亡命如獸之走壙於是



特設督捕一部以主之跡捕之法凡其晝頓暮宿所過之處保甲悉皆連坐故跡者一人瓜蔓逮繫者嘗至數十人主者又不時具獄此數十人死者過半而跡者之罰不過鞭笞而已公憫其冤溢撰末減條例三上三報可其所活甯止千萬人乎公澄潤明澈案無畱牘侍郎嘗考課諸司多堆積未經皆省視公止有數件則日內所署也侍郎以此奇之他司有逃人掠民子爲己子者獄久不決命公理之公謂民曰汝何以證其爲汝子耶民曰吾子生而獨賢衆無知之者尋召逃人問之旣爲



汝子亦知汝子之形體有異乎逃人錯愕不能對數年  
滯獄取定俄頃 國朝倣府兵之制畿甸之地悉圈賜  
八旗勲戚各委莊頭督之平居則廩養坐食租稅遇征  
調則按圈地頃畝僉甲卒如數不崇朝而數十萬畢集  
赴兵部驗名給行糧事已仍赴部驗放歸旗然充莊頭  
者類多巧詐猜禍之徒爲能竄圖籍亂疆界槃結不可  
解其大較也有屬國內附應得圈賜朝議惟遼左餘田  
可以贍給舉公往核之履畝之際隱占牢固莫可端倪  
公爲之丈量數則調欺立見勸令自實以免罪戾不踰



月而田數已盈歸報稱 旨公之剖決大事往往類此而迫乎短日止開迹於一簣爲可惜也雖然逃入圜地二者爲國家大節目公能潤色三章抽薪於烈釜之底解網於前禽之失便已厯駕前修非常舉動矣元配崔氏累封淑人子六長治揚陝西鞏昌府同知次治荆歙縣知縣次治青國學生次治岐次治充次治邠女一適王謨孫一孫女一歙令介予門人孫士璘求傳余謂逃人疎目天下並受其福然未知其出於公也可不表與







郁山戴君傳

君姓戴氏諱時遴字上子號郁山孝廉渤海公季子也  
世爲淮上人少孤端行拱立尺寸程準日讀千字已記  
憶猶摘誦不離口事母至孝不以外傳失煖寒晨昏之  
節與伯仲讀書星抄月纂筆態橫生旣而慨然嘆曰如  
是足以爲學耶乃撥去今作脫換騷雅欲以力自成家  
達於時用隨補博士弟子員爲人落落穆穆未嘗結納  
以作聲名比一申紉素恩比同生其死喪緩急婚嫁有  
無皆引爲當身之務夫有求而後應者所以待路人也



豈爲吾友而設乎京口陳虎侯以進士教授淮郡君與之爲友陞刺昆陽虎侯以老母幼子相托君護持甚力未幾滇亂道梗而陳母死君爲之治喪必誠必信虎侯返無毫髮憾金衛生令四川堂邑亦托以老母幼子君亦以待虎侯母子者待其母子而衛生之母亦死君仍爲之殯斂衛生死於賊其孤流落君聞後令將往致券百金謂後令曰以此資金君之丹旄耳衛生始得歸葬君之好義多類此惜乎其所施者小也然觀近日當天卜之任者其所爲皆欺人之事也懸牛頭賣馬脯彼進



而欺君此退而信友其得失必有能辨之者君暮年築  
室萬□□□□著竹樹倘佯其閒而一以資之爲詩務  
爲□□清簡無俗閒鄙腐意君亦不欲藉之以爲名也  
三子曰曾曰晟曰星皆卓犖奇士君之所施當自此益  
遠矣







書錢美恭尋親事

錢美恭自敘曰先君諱士驪字房仲天啓丁卯舉人崇禎癸未授雲南陽宗知縣時有三子美恭其季也年甫八歲庶母與仲兄之官美與伯兄侍母畱故鄉未幾兩京淪沒滇南道梗伯兄亦亡戊戌己亥間滇方內附美卽欲徒行老母勿許癸卯中秋老母謂美曰汝卽行貧兒何以爲萬里計乎美曰此不可計料絕處逢生未可知也遂於其月十七日依同邑范木公至江西依山右馬緒南至廣東得病幾殆畱廣東者六閱月依大賈張



爾侯至南甯瘴氣方惡畱南甯月餘至廣南又病土人以草藥治之轉而爲疔扶病行山徑十步九頓抵蒙自縣宿土城旅店永夜不寐呻吟悲涕聲達戶外有滇人楊姓者詢其始末美悉告之楊曰是故錢守兒耶守以考最擢高明州乙未五月二十日卒官葬臨安府通海縣之南山在滇復舉兩子滇中兵燹頻仍官民家無不盡於剽掠君家兄弟僮僕不知散失何所美聞此言五內崩裂我萬里尋親冀望生父同還豈知爲不可追之泉路乎至通海詢諸途人旣不知有流寓錢氏幷不知



有所謂南山者傍徨計無復之有告美者曰河西縣小街有下江人僦居盍往問之美匍匐其地亦皆茫然痛哭於路左觀者驚訝皆來問故有老人聞之曰我爲闕氏我兄應乾乙酉科錢公所取士也此地有童姓者君家舊僕詢之當得其詳及往僕適他出其婦滇人詰問再三愕然曰此豈浙來小主乎有頃僕歸不復識詳語之乃抱頭哭叩其始末與楊姓無異也僕遣子報仲兄美與僕謁墓南山仲兄至亦不相識矣哭拜墓下與仲兄商歸柩之計相視茫然次早探席母幼弟顏垣敗壁



不勝其慘闕君亦僅謀朝夕脫驂之事有志未逮時甲辰十一月五日離家一年餘三月矣寅緣入幕僅三月而所得傭值又爲土寇掠去寄跡僧寮者一載乙巳流寓嵩明之兔兒關丙午丁未戊申三年間往來宛轉丐貸乃藉臬司張彥珩督郵趙文叔之力得以六月四日返莫祖道兩弟庶母畱滇仲兄與余東還九月十五日抵家往返凡六年其自敘如此余於甲午歲在陳恭愍家見演傳奇尋親記者哀怨動人董次公指示余曰此美恭也其父孝廉官滇中流落不返頗似傳奇中事少



年忍而爲此是無心肝者豈知美恭萬里之心卽在數尺紅氍毹上乎錢牧齋嘗向余痛瞿臨桂之火化也取柳子所爲趙襄陽丞誌讀之百越綦綦羈鬼相望有子而孝獨歸故鄉流涕者久之瞿氏子曾錢二千金而燼其父骸美恭赤手而歸其父櫬人之相去如九牛毛豈不信哉吾友錢廉求記其事若以趙襄陽例之卽以此爲錢高明誌可也







施恭愍立後議

按施恭愍兄弟三人長恭愍次翼明次簡如恭愍翼明皆絕簡如四子曰錫曰銘曰鍾曰鎬以常例論之則銘之繼恭愍無容再議而妒銘者謂恭愍嘗有一子名欽未幾而歿翼明之死在欽之前則銘當繼翼明而不當繼恭愍夫古來宗法有大宗有小宗餘子無後者祔祭於宗子之廟故禮曰爲人後者孰後後大宗也大宗不可絕故族人以支子後大宗非大宗而立後者古未有也恭愍小宗之宗子也翼明餘子耳原不必繼今一人



必求一繼者世俗之瞽說也妒銘者又謂恭愍既有子  
欽則當繼欽而不當繼恭愍銘與欽兄弟行不可繼此  
又非也朱子曰宗子只得立適雖庶長立不得世子是  
適若世子死則立世子之親弟亦是次適也今欽者是  
世子也欽死銘爲次適在所當立若必欲繼欽則朱子  
何以不言繼世子乎田汝成立後論曰假令身爲繼別  
之子死矣有母弟存焉卽可以承大宗不必取子於弟  
以續之而後謂之繼別也身爲繼禰之子死矣有母弟  
存焉卽可以承小宗不必取子於弟以續之而後謂之



繼禰也此又甚明若必欲繼欽則是取子於弟以續之而繼別繼禰也請以王文成襲爵例之王文成襲爵至承勲承勲子先進先進子業昌業昌絕若如堦者之言是必當爲業昌立後何以當時嗣承勲者乃其弟之子先通而未嘗後業昌也今銘之繼恭愍與先通之嗣承勲若合符節矣恭愍之嗣與世俗之繼大不相同 聖天子哀憐其忠死追諡與地備諸卹典其表揚之至意但論其親疎不論其世次於親屬之中又只論其賢否不論其長幼昔之君子訪先賢之後而榮寵之如台州



上蔡之裔秣陵東橋之廕皆用此法不可枚舉今銘也  
於恭愍爲最親在最親之中惟銘爲諸生忠愍之後舍  
銘其誰屬哉且恭愍家無四壁其夫人在時不飽半菽  
旣無家業可承銘而主其世父之祀情不容已昔王承  
勲之絕也有同高祖之姪孫王業洵命之爲繼其時業  
洵之兄業浩現爲大司馬何求不得然終不敢以疎屬  
繼承勲何物施某乃欲爲業洵之所不敢爲乎孔子射  
於矍相之圃子路執弓矢出延射曰賁軍之將亡國之  
大夫與爲人後者不入其餘皆入夫爲人後者何至與



賁軍亡國等此蓋爲欲爲人後者言之也欲爲人後而  
不父其父在本生爲逆子在所後爲貪人施某無乃欲  
爲人後乎曾謂恭愍之廟不如鬻相之圃乎







姚江春社賦

歲丙寅余以先忠端公入祀鄉賢畱城東數日值賽神之會舉國狂遊憶癸未於袁令座上施忠介言吾姚禮拜聚眾至數萬將有揭竿之變余云遊人烏合非白蓮無爲之比言猶在耳忠介已爲千古人物余龍鍾曳杖雖繁華過目而悽愴滿懷因爲賦之

原夫祠廟之設東嶽無兩固天帝之孫五岳之長而怪書僻說遂以爲收召魂魄主帥魍魎伊黔首之無知唯禍福之是仰咸歌舞以接神杳風雲以盼嚮至姚江之



迎賽尤人情之狂蕩時當暮春芳草烟交桃花紅染柳  
心同而未折鶯乍嬌而猶慊於是金鼓鏦錚旌旛舒捲  
節進退以佛號聲搖屋瓦別隊伍於懸燈走及奔犬焚  
香則十里之霧明燭則列星之閃儼細柳之軍容恍上  
林之敷衍城東五里有廟巍然十六之日四方畢瞻厥  
隊維百一隊數千蓋十萬之人於此周旋紅塵四合歌  
吹沸天則有漂絮村姬膏梁纖弱娣姒乎襄王巫姊妹  
乎陳思洛已捐團扇不施紺幕臉汰芙蓉氣澄蘭鬢髮  
光可鑒流波似顰釵則紫玉槃龍裙則金泥簇蝶綵繚



之聲若風度壑平日紅閨深閉錦車呵導者至此而遊  
人下走不免肩挨而履錯道粉黛之如土目睛爲之銷  
鑠爾乃飛鳧競渡羣龍出戲五彩陸離鱗甲鋒利爭先  
競捷濤狂浪厲隱隱填填共驚風雨之驟至虞初故事  
院本俗演改陸從舟施輪暗轉孤鶻旦末樂工不選乃  
命稚女充賦粉子蒙遣漚珠槿豔神心繾綣至若夜以  
繼晷素月流天士女雜沓燈火連延暗中環珮陌上金  
鈿而江上神燈復顯異其間初明滅于空翠旋激豔于  
野田大炬前導碎火分傳若近若遠若散若聯聲啾啾



而似語燄冷冷而無烟味者以爲神之往來不知靈氣發洩於山川也念哲人之在昔兮以釀亂爲深憂余答以無庸兮此不過傖父之春遊去之四十四年兮今復見於城陬悲哲人之箕尾兮將謂吾何求亂曰鄭女芍藥曹盱婆娑成風土兮三春花鳥千古文章爲藻黼兮夜月神絃空江巫笛今猶古兮

南雷文定後集卷四

譚瑩玉生覆校



